



همس الجياد لمرورة جمال

الحلقة الاول

عندما أصبح هروبي بداية

وعشقي خطيئة

أصبح منبع سعادتي هو سر ألمي

زهدت الكلمات وتحولت حياتي لمجرد همسات

مع الكائن الوحيد الذي لا يجرح

نعم.....همساتي لتلك الجياد

فأصبحت حياتي همس الجياد

مواقف كثير قوي في حياتنا بنحس إنها مرت علينا قبل كدهلكن في حالتي أنا مش

مجرد إحساسكانت حقيقة

نفس الصوت بيزلزل وداني صوت الجهاز وهو بيقيس نبضات القلبقلبي

.....قلبهمش عارفة

تيتتيتتيت

الفصل الأول

منذ عامين

سنو وايتالجميلة النائمةهكذا أطلقوا عليها في

المشفى.....نظر لها أحد الأطباء المستجدين بالمشفى وهمس لزميله بمكر

.....ربما تحتاج لقيلة لتخرج من غفوتهارمقه الآخر بنظرة حاده

.....عزيزي حاول أن تكون ملاكاً للرحمة!!!!!!

منذ الحادث الأليم وهي على نفس الحالتشعر بهمساتهمبكاء أمها

.....حسرة أبيها ولكنها حقاً لا تستطيعتأبى أن تغادر حلمها الجميل

.....فهذا هو المكان الوحيد الذي يوجد به حبيبهاحبيبي أشتاق إليك

.....صوتكإبتسامتك الساحرةسحراً لتلك الأحلام فهي تعطيني

كل شئ ولا شئفلمستك الساحرة ليست لها بصمة داخل عالم أحلامي

.....نعم كلما إقتربت منك تتبخر كالسراب

إيناسإيناس

كان يقف على شاطئ البحر وينادي عليها بصوت مرح

إيناس : خلاص الشط كله عرف إسمي

شريف : وكمان حيعرفوا إنك حبيبتي

إلتفت يداه حول خصرها ليحملها كالأطفال

إيناس : يا مجنون

شريف: كده طيب جبتيه لنفسك

إيناس : حتعمل إيه

شريف : حتشوفي

حملها بقوة و إنطلق بها نحو المياه وأغرق جسدها وهو يضحك بشدة
بمرح نعم كانت تلك لحظاتي معك يا شريف.....لحظات من المرح
.....مجرد لحظات فلقد تركتني بعد الزواج بشهر واحد

وهكذا كانت ملامح وجهها تتأرجح بين الإنبساط والإنقباضبسمة ودمعة
.....فهي غارقة في بحر من الذكريات وترفض العودة للمواقعفالواقع لا يوجد
به سوى الحقيقة التي تأبى أن تتعايش معهالقد مات شريف
بجانب الفراش تجلس سيدة باكيةملاحها تنبئ بعمر يفوق عمرها الحقيقي ببضع
سنواتيذاها المرتعشة تمسك بمصحف صغيرتتمتم بكلمات الرحمن في
خشوع وبكاءكانت تغوص في ذاكرتها وتعود لمنزلها الدافئ بعيداً عن برودة
المشفى التي تحمل روائح الداء والدواء معاًفثريا سيدة مصرية تقليدية
.....منزلها هو مملكتها الصغيرة التي طالما احتضنتها وقدرتها لأبلغ الحدود فمجرد أن
تدلف للمنزل تشعر بالحميمية والدفء الصادرة من الحوائط ذات اللون القاتم الذي يذكرك بغروب
الشمس.....الأثاث العتيق والسجاد الفاخرعقب الروائح المميزة الصادرة من مطبخها
منبئة بطعام دافئ تشتم طعمه اللذيذ قبل أن تتذوقه.....زمت شفيتها وهي تحاول أن تتذكر
مملكتها الغالية التي تركتها منذ أيام قابعة بهذا المشفى هي وإبنتها وزوجها تاركة إبنها الأصغر
ليعيث في منزلها فساداًأغلقت المصحف وإبتسمت بسخرية فهي تشغل نفسها
بالتفكير في المنزل ربما لتنسى ولو للحظات ما حل بإبنتها !!!!!

تتهدت ثريا في آسى ثم قالت لزوجها : إيه يا عبد الرحمن الدكتور قالك إيه

عبد الرحمن : بيقول حالة إنهيار عصبي

ثريا باكية : منا عارفة بس إحنا بقالنا أسبوع دلوقتي وهي مش دريانه بحاجه

عبد الرحمن : واخدة مهدئات كثير

ثريا : يا عيني عليك يا بنتي ملحقتيش تنهني

عبد الرحمن : خلاص بقه يا ثرياإدعيها

ثريا : بنتي بتضيع مني يا عبد الرحمنأناخيفة عليها قويأنا

خايفة بعد الشر تحصله

عبد الرحمن : أستغفر الله العظيم يا ربيا شيخة حرام عليك بلاش الفال ده

.....إستهدي بالله كده وإقريلها قرآن

ثريا : ونعم باللهطيب يعني هي حتفضل نائمة كده لإمتي

عبد الرحمن : معرفش بس بيقولوا لازم يخففوا جرعات المهدئ لأنها كده مش دريانه
بحاجه خالص والدكتور النفسي بعد كده حيساعدها تتقبل اللي حصل
ثريا : أيوه الدوا الزفت ده مخليها زي ما تكون في غيبوبة
عبد الرحمن : مضطرين يا ثريا إنتي نسيتي حالة بنتك كانت عاملة إزاي بعد ما مات
.....

ثريا : متفكرنيش متفكرنيش أبوس إيدك
عبد الرحمن : لا حول ولا قوة إلا بالله يارب صبرها وصبرنا أنا
حاروح أصلي العصر على بال ما الدكتور يجي
ثريا : إدعيها يا أبو أيمن
عبد الرحمن : بدعيها في كل وقت يارب ألطف بيها وبيننا يا رب
كان عبد الرحمن والد إيناس موظف بالمعاش ميسور الحال يعيش بشقة متواضعة
بحي العجوزة لديه من الأبناء ثلاثة إيناس وأيمن ومصطفى الأكبر أيمن
تخرج من كلية هندسة وتزوج وسافر منذ سنوات لإحدى الدول العربية وعصفورته الوسطى
إيناس تخرجت منذ أشهر قليلة من كلية الطب البيطري والأصغر مصطفى طالب بكلية التجارة
وُلد حب شريف وإيناس منذ عدة سنوات عندما قطن شريف بالشقة المقابلة لشقتهم
..... شاب من أحد المدن الصغيرة المجاورة للقاهرة نو خلق دمث وحال ميسور
إستأجر تلك الشقة بعد أن إنتقل للعمل في القاهرة لفتت نظرة تلك الشابة رقيقة
الملامح خجولة للغاية إعتاد ان يراها يومياً في الصباح وهي متوجه
للجامعة سلبت لبه وأصبحت ملكة أحلامه وشغل هو تفكيرها بإبتسامته الساحرة
التي إعتاد أن يُحييها بها كلما رآها قصة حب بدأت وإستمرت لسنوات وكدلت بالزواج
..... زواج لم يدم سوى شهر واحد لينتهي بأسوأ خبر نعم صدمته سيارة
وإنتهت حياته مع توقف صوت جهاز ضربات القلب بغرفة العناية المركزة لتسقط
هي الأخرى بعد حالة شديدة من الإنهيار وتبدأ رحلة العلاج النفسي في محاولة لتجميع
بقايا إنسانة

الفصل الثاني

كانت ثريا تقف خارج الغرفة وتضع يدها على فمها لتمنع نفسها من البكاء كانت
قدماها لا تقوى على حملها فصراخ إيناس يمتد لآخر المشفى خرج الطبيب النفسي
لاهاً دون أن ينظر نحوها وتتبعه الممرضة أمسكت ثريا بذراعها بعنف قائلة : بنتي مالها عملتوا
فيها
نظرت لها الممرضة بشفقة ثم إنتظرت بعد أن إبتعد الطبيب : إهدي يا حاجه

ثريا بنفس النبرة الغاضبة : أهدى إزايالبننت في حالة إنهيار
الممرضة : معلىش هي كانت بتأخد مهدئات جامدة وعايشة برة الواقع ولازم تواجهه
.....ده في الأول بسالدكتور إداها دوا مهدئ بس أبسط من

الأولاني ومع الوقت حتتحسن بس حنتعب في الأول شوية

ثريا : بس الدكتور خارج شكله ميظمنش

الممرضة : لا لا أصله متترفذ من الدكتور الأولاني اللي إستسهل بمهدئات قوية وشايف إن ده
مش صح

ثريا : يعني إيه مش فاهمه

الممرضة : يا حاجه أقعدي جنبها وإرقئها وإقرأي قرآن خليها كده تهدي وترضى بقضاء ربنا
ومعلىش أزمة وحتعدي

تركت ثريا الممرضة وعادت مرة أخرى لغرفة إيناس وأهالها ما رأت على وجهها من شحوب
.....إحتضنتها بقوة وما كان منها إلا أنها انفجرت في البكاء قهراً على حال إبننتها وظلت
تدعو ربها تضرعاً أن تمر الأيام وتخرج إبننتها من تلك الحالة .

مرت عدة أيام وبدأ العلاج النفسي يُنبئ بتقدم مع إيناسبدأت تعود للواقع رويداً
رويداً بأعصاب متماسكة نوعاً ما ولكن بقلب منهارخرجت من المشفى أخيراً بعد
مرور شهر و بضعة أياموعادت للمنزلكانت والدتها سعيدة بتلك
الخطوة فإبننتها ستبتعد أخيراً عن جو المشفى بمرضه وكأبته ولكن كان القلق يستبد بوالدها
فالمنزل كل ما فيه ينبض بذكرى شريفوالشقة المقابلة هي شقة عرسها التي لما
تقضي بها سوى عدة أياموقد كان والدها على حق فلم يمض على وجودها ساعة
بمنزلها حتى إنزوت في غرفتها بعيدة وحيدةعلى الرغم من هدوئها وخروجها من
بؤرة الإنهيار إلا أن صمتها كان يذبحهم جميعاً وكأنها على شفا كارثة فهي لا تفعل شيئاً سوى
النظر لتلك الشرفة الذي إعتاد شريف مشاغلتها من خلالها وإطلاق العنان لدموعها التي يبدو أن
منبعها لن ينبض أبدا

ذكريات

كان ينتظرها يومياًيقف بالشرفة ممسكاً بهاتفه ونظراته موجهه نحوها بدون

إنقطاع

شريف : بحبك

تنظر له بإبتسامة يشوبها الخجل ثم تتلفت حولها والهاتف ما زال على أذنها

شريف : سامعاني

إيناس : سامعاك

شريف : بحبك

إيناس :

شريف : بموت في كسوفك بس بجد نفسي أسمعها منك

إيناس : هي إيه

شريف : كلمة بحبك

إيناس تنظر للأرض وتهمس بصوت منخفض : بحبك

يسقط شريف أرضاً بطريقة درامية وهو ممسك بقلبه

إيناس : يا مجنون

شريف : بيكي

إيناس : طيب أنا لازم أدخل أوكيه

شريف : لا إله إلا الله

إيناس : محمد رسول الله

كانت تذرف الدموع وهي تتذكر لحظات العشق بينها وبينه

أجمل أيام عمرها

كان الدكتور علي ما زال بعيادته يستقبل الحالات المعتاده

بالإنهاك وود أن يقوم بإلغاء جميع الكشوفات لولا أن أخبره مساعده بأنها آخر حالة

..... كان ما زال شارداً بأوراقه عندما دخل عليه الرجل صاحب الميعاد

السن يرتدي نظارة طبية سميكة الإطار وله شعر رمادي وقد إسترسل بنعومة خلف أذنه وشارب

بنفس لون شعره أعطاه هيبية ووقاراً ملحوظاً

رغم مرور حوالي ستة أشهر على خروج إيناس من المشفى

ودهشة قائلاً : أهلاً

أستاذ عبد الرحمن

إتفضل

عبد الرحمن : متشكر يا دكتور

الطبيب : خير مدام إيناس عاملة إيه

تنهد عبد الرحمن بألم ثم تابع : ما هو ده السبب اللي أنا جايلك علشانه

نظر له على باهتمام

كان يشعر بنوع من المسؤولية عن حالة إيناس فلقد إنهارت

بالمشفى مباشرة بعد وفاة زوجها ولم يكن هو متواجد بتلك الفترة حيث كان قد سافر لحضور أحد

المؤتمرات بعد أن رشح طبيب شاب ليحل محله وعاد ليفاجئ بحالة إيناس التي زادت تدهوراً

بعد أن إتخذ الطبيب الطريق السهل وقام بحقتها بأقوى المهدئات لتعيش بعالم منفصل عن واقعها

الأليم وعانت وعانى معها في فترة العلاج رفض هذا الواقع

نظر علي لزياره بإمعان ثم تابع : خير قفقتني

عبد الرحمن : إيناس رجعت حالتها إتهورت تاني يا دكتور

تقريباً مش عايشة معنا

بتنام كثير قوي زي ما تكون عايزة تهرب من الدنيا ولما بتكون صاحبة علطول سرحانه وقاعدة
في أوضتها تبص على شقته وتفكر فيه
على : شقته !!!!

عبد الرحمن : ماهو شريف الله يرحمه كان جارنا وساكن قدامنا
شعر علي بغضب شديد وقال للرجل في لوم : إزاي يا أستاذ عبد الرحمن ماتقوليش معلومة مهمة
زي دي انا كنت نبهت عليكم متجيبوش سيرة الماضي أصلا قدامها أثارها قاعدة جوه
الماضي وشايفاه قدامها ليل ونهار

عبد الرحمن : يا دكتور طيب كنا حنعمل ايه ده بيتنا وحياتنا أنا بجد مش عارف
علي : إيناس مشكلتها دلوقتي إنه كل حاجه حوالها بتفكرها بشريف وهي رافضة الواقع ومش
قادره تعيش فيه علشان كده بتهرب للماضي في أحلامها لازم يحصل تغيير
..... شوية مضادات الإكتئاب والعلاج مش كفاية هي بتشتغل
عبد الرحمن : الحقيقة بعد ما إتخرجت إتجوزت علطول وماشتغلتش
علي : لازم تتشتغل وتخرج من الدوامة دي تشوف ناس جديدة تبدأ حياه جديدة تخرجها من بؤرة
الماضي ولازم تبعد شوية تغير مكان ووجوه أسف بس ده الحل الوحيد
..... هي خريجة ايه

عبد الرحمن : إيناس خريجة طب بيطري
صمت علي لفترة ثم لمعت عيناه وقال : أنا عندي الحل يا أستاذ عبد الرحمن إيناس
مش محتاجه علاجى وأدويتي بس إيناس محتاجه تبعد محتاجة حياة
جديدة ووجوه مختلفة تشغل واقعها وتخرجها بره أحلامها وهمومها
لو معندكش مانع أنا عندي شغل كويس لإيناس ومكان أحسن تبدأ في من جديد
نظر له عبد الرحمن بإهتمام وقال : حل حل ايه
علي : أختي جوزها بيشتغل في مزرعة كبيرة قوي في طريق مصر إسكندرية الصحراوي
..... المكان فيه مصانع لإنتاج الألبان وطبعا أراضي زراعية مكان تحفه وكمان
من فترة كانوا بيدورا على طبيب بيطري يهتم بمزرعة الخيل وطبعا حيقم هناك
..... ايه رأيك

عبد الرحمن : أيوه بس
علي : حضرتك متردد علشان هي بنت إعتبرها إشتغلت في بلد تانية وده بيحصل مع ناس كثير
..... المزرعة فيها ناس كثير مقيمة بقت أشبه بمجتمع سكني صغير ده غير إن أختي هناك
حتتابع حالتها وتبلغني أول بأول انا شاعر بالمسؤولية عن حالة إيناس وبجد عايز
أساعدها والمكان ده فرصة كويسة قدامنا

عبد الرحمن : حضرتك شايف كده يا دكتور يعني بعدها ووجدتها مش خطر
علي : متقلقش أنا واثق إن إيناس حنتحسن في المكان ده أنا عارف أنا مودياها فين
نظر له عبد الرحمن وهو يشعر أنه لا يوجد سبيل أمامه سوى قبول تلك المجازفة فورده تذبل
أمامه يوماً بعد يوم

الفصل الثالث

كانت ثريا تقف بالمطبخ تقذف قطع البطاطس بغضب داخل الزيت الغزير.....فشلت كل السبل لإخراج ابنتها العنيدة من غرفتها أو ربما من غفوتها.....فاجئها مصطفى ابنها الأصغر وهي شاردة وتزفر بغضب.....دخل متصنعاً المرح للسيطرة على غضب أمه : كفاية بطاطس محمرة بقه.....جسمنا إتهري كوليستروول يا بطة ثريا : أسكت يا ولا أنا مش فايقالك

مصطفى : كده.....طيب هو حد في البيت ده بيرفع معنوياتك وبياكل غيري.....المانيكان طول عمرها أكلتها قليلة والحاج مبقاش ليه تقل على السمنة البلدي يا جميل إنت

ثريا : أسكت يا مصطفى أديك شايف أختك مانيكان إيه بقه دي يا عيني وشها بقه أصفر من قلة الأكل وكتر الهم

مصطفى : معلش يا ماما حتاخد وقتها

ثريا : إيناس دبلت يا مصطفى بقه هي دي إيناس اللي كانت مالية البيت ضحك وهظار.....يابني إحنا بقالنا 6 شهور دلوقتي من ساعة الحادثة ومفيش تحسن.....أهو أبوك راح للدكتور إمبراح ورجع نزل الصبح ومعرفتش عمل إيه.....مصطفى : معرفتش

ثريا : بيقولي بالليل الدكتور حيجي يشوف إيناس ويتكلم معاها شوية

مصطفى : خلاص أكيد الدكتور عنده حل يا ماما وهو شاطر فاكراه في المستشفى إتحسننت على إيده

ثريا : اه ولما رجعنا هنا يوم ورا الثاني وحالتها إتهورت تاني كأنها عايشة معانا بنص عقل مصطفى : ماهي طول ما هي حابسة نفسها في الأوضة وبتبص على الشباك مش حتتسى مش حتتقدم خطوة لقدام

ثريا : خلاص ننقل بقه ولا تسافر لأخوها لو ينفع

مصطفى : مش عارف إما نشوف الدكتور حيعمل إيه.....اه على فكرة

ثريا : إيه

مصطفى : الكوليستروول إتحرق

خرج مصطفى من المطبخ تاركاً أمه تخرج البطاطس المحترقة وهي تصب جام غضبها على الطعام ثم نظر لغرفة أخته في حسرة وإتجه لغرفته.....

أجتمعت الأسرة كعادتها على مائدة الغداء.....مائدة الغداء هي شئ مقدس لدى ثريا
.....لا يصح أن يتخلف أحد وقد كانت ثريا شديدة الإنتقاء في كل ما يخص منزلها على
الرغم من أن زوجها كان مجرد موظف ليس لديه دخل سوى عمله الحكومي إلا أنها كانت تهتم
بشدة بكل قطعة أثاث داخل مملكتها الصغيرة تقتصد الأموال وتقوم بالحسابات من أجل سفرة
أنيقة أو بعض الأطباق المزخرفة وربما سجادة فاخرة.....وقد كان الحال نفسه بالنسبة
لأبنائها فهي تهتم بهم لأقصى درجة وموعد الطعام مقدس في عائلتها الصغيرة وقد وقفت
لساعات تتفنن لتعد لهم أشهى الوجبات وترتب لهم طاولة أنيقة وبالتالي فالغياب عذر غير مقبول

نظر عبد الرحمن لابنته نظرة فاحصة وهي تعبت بطعامها دون أن تلمس منه سوى القليل قال
على حين غرة : إيناس
إنتفض جسدها فزعاً وكان هذا هو حالها دائماً فقد كانت تشرد أغلب الأوقات لتنتبه بعدها بفرع
على صوت محدثها

قالت بطريقة ديناميكية دون أن تنظر نحوه وكأنها إعتادت : حاضر انا بأكل اهو
عبد الرحمن : بس أنا مش باكلمك علشان الأكل
إيناس : طيب علشان إيه

عبد الرحمن : الدكتور علي حيبي يزورنا النهارده وعايز يتكلم معاكي شوية
إنتفضت وقامت منزعجة وهي تنظر نحوهم بعيون دامعة : أنا مش عايزة دكاترة ومش عايزة
حد يتكلم معايايا ناس إفهموا بقة أنا مرتاحه كده ليه عايزني أنساه أنا مش حانسي
جوزي مش حسيبه

تههد عبد الرحمن بيأس ثم تابع : هو مش جاي يتكلم معاكي عن شريف الله يرحمه ومحدث منا
طلب إنك تنسيه
تابعت بقلق : طيب جاي ليه

عبد الرحمن : معرفش حنعرف لما يجي هو كلمني وقال جاي النهارده فجهزي نفسك
قال عبد الرحمن جملته بصرامة شديدة منعت إيناس من الإعتراض ثم تركهم وتوجه لغرفته دون
أن يضيف شيئاً

كانت إيناس تشعر بالإضطراب لتلك الزيارة المرتقبة.....تفكر في أسبابها.....هل
زار أبيها الطبيب ليشكو حالها.....هل ستضطر لخوض تجربة العلاج مرة أخرى
من إنصات لنصائح طبيبها النفسي والتحدث بأمور تفضل الإحتفاظ بها لنفسها
.....إنتبهت لجرس الباب وعبارات الترحيب والإطراء بين أبيها والطبيب الزائر ولم
تمر دقائق حتى طلبت منها والدتها موافاة أبيها بغرفة الصالون.....تقدمت بملل وتردد
نحو الرجلين.....ملاحها ذات الضجر الشديد لاحظها الطبيب المتمرس على الفور
ليقابلها بوجه بشوش وهو يقول : إزيك يا إيناس

نظرت له دون أن تتبدل ملامحها الضجرة وكأنها تقول له إرحل : الحمد لله
نظر لها أبيها بغضب ولكنه إستدرك نفسه وتحدث بنبرة هادئة : أقعدي يا إيناس الدكتور علي
عايزك في موضوع

إيناس : موضوع أيه

إبتسم الدكتور علي وتابع بثقة : خدمة

إيناس : خدمة !!!!

الطبيب : أيوه بصراحه أنا عارف إنك طيبية بيطرية صح

إيناس والدهشة تعلو ملامحها : أيوه

الطبيب : يا ستي أنا أختي مقيمة مع جوزها في مزرعة كبيرة قوي على طريق إسكندرية
الصحراويجوز أختي بقة المسؤول عن المكان وهو محتاج طبيب بيطري ضروري

علشان مزرعة الخيول هناك وسألني إن كنت أعرف حدها إيه رأيك

صممت إيناس قليلاً وكأنها تحاول إستيعاب ما قاله ثم تابعت : أيوه بسأنا
مشتغلتش قبل كده ومعنديش خبرة

الطبيب : بس إنتي خريجة طب بيطري وعندك الأساس الخبرة بقه تيجي مع الشغل

إيناس : مش عارفة أنا مفكرتش في الشغل خالص من زمان

الطبيب : مش شايفة إن أن الآوان إنك تفكري

نظرت له بحدة وعندها أيقن الطبيب تسرعه في تلك الجملة همت ووقفت سريعاً ثم تابعت :

المكان ده بعيد يعني في إقامة هناك

الطبيب : أكيد بس طبعاً ليكي أجازات

إيناس : متخيلين إني كده حانسي لما تبعدوني عن هنا حانساه

نظر لها الطبيب وقد لمعت عيناه وإسترسل في الحديث بثقة : إنتي شايفة إيه شايفة إنك لو بعدتي
عن هنا حتنسيه

إيناس بإصرار : لأ ولو سافرت آخر الدنيا مش حنساه

إبتسم الطبيب وكأنه كان ينتظر إجابتها تلك ثم تابع : خلاص يبقى مفيش مشكلة ولا إيه

إيناس : أنا مش خايفة بس بوضح لحضرتك

الطبيب : خلاصأنا حانتظر ردك وأتمنى توافقي إحساسي إنك دكتورة شاطرة

وحتببضي وشيأستئذن أنا بقة يا أستاذ عبد الرحمن

الأب بعد أن رمق إبنته بنظرة غاضبة : بدري يا دكتور حضرتك لازم تتعشى معانا

الطبيب : معلش إغفيني مرة تانية إن شاء الله

غادر الطبيب وبعدها توجهت إيناس على الفور لغرفتها لتتخاشى الحديث مع أبيها

نظرت ثرياً لزوجها بغضب وقالت له في دهشة : سفرسفر إيه يا أبو أيمن

.....إحنا معندناش الكلام ده

عبد الرحمن : يا أم إيناس وحقولك يا أم إيناس علشان القرار ده لمصلحة إيناس
ثريا : مصلحتها إنها تروح تشتغل في مكان بعيد في الصحراء مع ناس متعرفهمش
.....مصلحتها إنها تبقى بعيد عننا بحالتها دي

عبد الرحمن : بقالنا 6 شهور6 شهور وحالتها بتتأخر بنشوفها بالصدفة في البيت
وعلطول قاعدة عند الشباك إياه

ثريا : لأ يعني لأ ماهي هناك برده حتبقى لوحدها وبرده حتقعد تفكرلا لا هنا قدامي
أنا مطمئة عليها شايفها بعيني وبعدين بنتك عمرها ما إشتغلت إتخرجت وإتجوزت علطول
وبعدين إيناس تعيش لوحدها إزاي يعني هي بتعرف تعمل لنفسها حاجه لا أكل ولا شرب
.....لا لا بنتي مينفعش تبعد عني

عبد الرحمن : مفيش فايدهطيب روعي كلميها شوفيها موافقة ولا لأ
.....إسئليها الأول

خرجت ثريا متأففة وتوجهت لغرفة إبنتها ولكنها كانت تعلم في قرارة نفسها أن إيناس سترفض
هذا العمل وربما يكون هذا القرار هو القرار الوحيد الذي ستساندها فيه فهي لا تحتمل أن تبعد
إبنتها عنها خاصة في ظروفها الحالية وقلتها الدائم عليها
.....إقتربت ثريا من غرفة إبنتها بحذر ولكن قبل أن تطرق الباب سمعت همسات
.....همسات جعلت جسدها ينتفض ودقات قلبها تتسارع لدقائق فقد كانت إيناس تتحدث إلى
شريف

الفصل الرابع

شفت يا شريف عايزين يبعدونني عنكطيب دنا الحاجة الوحيدة اللي بتصبرني وقفني
هنا قدام شباكك وكلامي معاكمش حسبيك يا شريفمش حسبيك

كانت كلمات إيناس وقعها كصدمات متتالية بل ضربات قوية على رأس ثرياكيف
صممت على حال إبنتها كل تلك الفترة فالأمر تعدى بحر الذكريات الذي تصر إيناس على
السباحة به يوميالا بل إقتربت من الغرق

بدون أن تطرق الباب دخلت ثريا على الفور لتجد ابنتها تجلس في مكانها المعهود بالشرفة والإبتسامة على شفيتها.....أخذت ثريا نفساً عميقاً في محاولة لإستدعاء بعض الهدوء ثم دخلت لإبنتها التي كانت لا تزال شاردة ولم تشعر بحضور أمها

إيناس إيناسكانت ثريا تهز كتف ابنتها حتى تخرجها من دوامة الشرود التي إجتاحتها.....إنتبهت إيناس أخيراً ونظرت لأمها بعيون حالمة : ماماإنتي جيتي إمتي ثريا : حالاً بس إنتي كنت سرحانه إيناس : اهآسفة

ثريا : كنتي سرحانه في كلام دكتور علي

إيناس : ههدكتور عليأه لا عادي

ثريا : طيب قررتي إيهفكرتي ؟

إيناس : مش محتاجة أفكر أنا مش حسافر

ثريا : بس دي فرصة شغل كويسة رأيي تفكري تاني

إيناس : وأسافر !!! وأعيش في مكان بعيد عن هنا

ثريا : دي سنة الحياة و بعدين أكيد ليكي أجازات دي مش هجرة يا إيناس

إيناس : لأ لأ مش حسيب هنا مش عايزة أشتغل أو ممكن أشتغل هنا في مكان قريب لكن مش

حسافركانت نبرتها أكثر حدة

إبتسمت لها أمها فقد كانت متأكدة من ردة فعل ابنتها ولكنها على العكس الآن تريد رحيلها

وبسرعة بعيداً عن تلك الذكريات التي حاصرتها فأصبحت تعيش بداخلها منفصلة عن الواقع

.....قامت ثريا وهمت بالمغادرة ولكنها إستدارت في آخر لحظة وقالت لإبنتها : براحتك

.....بس أنا نفسي تسافري وتشتغلي وتخلقى حياة ليكينفسي ترجعي تاني

تعيشي يا بنتي علشان أنا كمان أقدر أعيش

خرجت ثريا باكية فلا تعرف ما فعلته خطأ أم صواب هي من كانت لا تحتل مجرد التفكير في بعد ابنتها عنها بل كانت تشعر بسعادة بالغة حين تزوجت إيناس وقطنت بالشقة المقابلة لشقتها ولكن الآن إنقلبت الموازين ربما يكون الحل في البعد وشعرت أن إقتراح الطبيب هو حبل الإنقاذ الوحيد

مضت عدة أيام وإيناس تتحاشى الحديث مع الجميع وأصبحت تقضي في غرفتها كل وقتها تقريباً
.....كانت ثريا تشعر بالأسى والعجز بعد أن صارحت زوجها بما حدث في
غرفة إبنتها وهو يقضى ليله مستقيظاً يتفكر في حال إبنتهمسحت دموعها بظهر
يذاها وعندها شعرت بيد زوجها تحيط كتفها في حنان إستدارت له وهي تبتسم لتخفي آثار بكائها
وقالت : مهما مرت السنين برده تأثير البصل قوي
مسح عبد الرحمن دموع زوجته في حنان ثم قال : الحاج متولي طلب مني أفضي الشقة
ثريا : شقة !!!! شقة إيه

عبد الرحمن : شقة شريف

ثريا : بس لسه ناقص سنتين على بال ما مدة العقد تخلص وإحنا بندق الإيجار
عبد الرحمن : ما هو ملوش لازمة بقهانا اتفقت مع ناس بكرة حيجوا يشيلوا العفش كله
ثريا : كده حنبيع حاجة بنتنا في يوم بسهولة كده
عبد الرحمن : ايوة يا ثريا كل حاجة

أذعنت ثريا لرغبة زوجها وقد فهمت ما بداخله وقالت : أمرك بس حنقولها

عبد الرحمن : طبعاً السكان الجداد حيوصلوا كمان أسبوع لازم تعرف
بكت ثريا رغماً عنها وتابعت : يا حبيبتي يا بنتي كده كثير عليها قوي يا عبد الرحمن
.....كثير قوي

عبد الرحمن : لازم يا ثريالازم تفوق بقهطول ما هي حابسة نفسها في
الأوضة دي وشايفاه في الشباك ده مش حتفوق
خرج عبد الرحمن من المطبخ غاضباً دون أن ينتبه لإبنته التي كانت تقف منزوية بأحد الأركان
باكية بعد أن إستمعت لحديثه

لم تتوقع ثريا ان يكون رحيل إبنتها بتلك السرعة بعد قرار زوجها ولكن يبدو أن إيناس لن تحتمل
رؤية شخص آخر بتلك الشرفة غير زوجها فلم تجد حلاً أمامها سوى الهروب لتلك الوظيفة بعد
أن أصر والدها على التخلص من الشقة ولم يؤثر فيه بكاؤها تارة وعنادها تارة أخرى

.....

كانت إيناس ما زالت تحضر حقيبتها عندما جاء الدكتور على ليقلمهم بسيارته نظرت لها ثريا
بحنان ثم أمسكت بوجهها وقبلته وهي تقول : متزعلش من أبوكي يا إيناس هو عمل كده علشان
مصلحتك

صممت إيناس لوهلة وحاولت أن تمنع دموعها وهي تقول : خلاص يا ماماأنا مش
زعلانه

ثريا : طيب خليني أساعدك في ترتيب الشنطة
منعت إيناس أمها برفق من الإقتراب من محتويات الحقيبة وقالت بإرتباك : خلاص أنا رتبته
ناقص حاجات بسيطة

وهكذا ودعت إيناس أمها وأخيها وإستقلت السيارة مع أبيها نحو مقر عملها الجديد
.....مستقبل تمنى الأب أن يخرج إبنته من بئر الماضي بأحزانه

لم تشعر إيناس بالوقت فقد ظلت شاردة طوال الطريق كعادتها وكأنها أرادت ان تصرخ معبرة
عن سطوتها امام أبيها والطبيب : لن أخرج من احلاميولن أنسى زوجيلا
تعرف هل حقاً تخبرهم هم بذلك أم تخبر نفسها حتى يتمكن منها النسيان
بعد حوالي الساعتين من الزمن وصلت السيارة للمزرعةإنتبهت إيناس لصوت
البوابة الحديدية ووجه الحارس البشوش الذي حياه الطبيب بنبرة حميمية وسأله عن شخص
يدعى المهندس حسن فأخبره الحارس أنه بانتظاره

مرت السيارة بطريق ممهد على جانبه أشجار الليمون وقد بدا مظهرها جميلاً يسر العين ثم
ظهر في الأفق مبنى إستقبلهم بداخله المهندس حسن وكان به غرفة مكتبهكان رجلاً
بشوشاً يبدو أنه في الخامسة والأربعين من عمره علمت إيناس من سياق الحديث أنه زوج أخت
طبيبها والمسؤول عن إدارة المكان

-

نورتينا يا دكتورة

كانت تلك هي الكلمات الأولى التي خاطبها بها المهندس حسن .أومأت إيناس رأسها بإبتسامة
وشكرته بلطف بعدها تابع الرجل بثقة : أنا متأكد إنك حترتاحي معانا هنا ومين مايرتحش في
الشغل مع الخيول

إبتسمت إيناس وعندها قال الدكتور علي : على رأيك يا حسن ده غير الطبيعة والجو النقي ولا
إيه يا أستاذ عبد الرحمن

نظر له الأب برضى وقد أبهره المكان وفهم ما كان يقصده الطبيب بقوله أن إبنته سترتاح بهذا
المكان فالمكان يبدو رائع للإستجمام ليس فقط للعمل وعندها قال : المكان فعلاً جميل قوي أنا
متوقعتش كده خالص

حسن : المزرعة هنا مقسمة 3 أقسامقسم فيه مصنع الألبان ومزارع المواشي وبعديه
الأراضي الزراعية وبعدهم بمسافة 3 كيلو الجزء الأهم والأرقى هنا مزرعة الخيول وده مكان

شغلك يا دكتورة

كانت إيناس صامتة لم توجه أي أسئلة أو تبادر بأي تعليق فالنسبة لها ليس هناك فرق سواء تعاملت مع الخيول أم المواشي ولكنها كانت تشعر للراحة للعزلة بهذا المكان وإرتاحت أكثر عندما علمت أن أغلب من يعملون بالمزرعة مرتكزين في الجزء الآخر حيث توجد مزارع المواشي وتليها الأراضي الزراعية ولكن بهذا القسم لا يوجد سوى المهندس حسن وزوجته والعمال المسؤولون عن مزرعة الخيول وصاحب المزرعة الذي يتواجد خارج البلاد الآن .

نظر حسن لإيناس وأبيها ثم تابع : طيب تتفضلوا دلوقتي على مكان سكنك يا دكتورة تشوفيه وبعدين تشرفونا على الغدا

عبد الرحمن : يا خبر مفيش داعي يا بشمهندس

حسن : إيه يا دكتور علي هما ميعرفوش أختك ولا إيهدي فرحت جداً لما عرفت إن الدكتورة إيناس حتشغل معانا هنا وبتراهن إنكم حتكونوا أصحاب إبتسمت إيناس للرجل ولكنها شعرت بالضيق فأخر ما ينقصها امرأة وحيدة ربما تسعى لشغل وقتها بالثرثرة!!!!

كان موقع السكن مميزاً يتكون من ثلاث فلل صغيرة إصطفت بجانب بعضها البعض بتنسيق معماري مميز أدهش إيناس وأبيها ولكن المهندس حسن أجاب على دهشتهم سريعاً عندما قال : أصل المكان هنا مشروع لمنتجع سياحي والفلل دي أول عينه

عبد الرحمن : منتجع سياحي

حسن : مستغرب ليه يا فندم مش شرط المكان السياحي يكون بس بحردول كثير قوي فيها مشاريع زي دي خضرة وشجر وهنا بقعة عندنا مزرعة الخيل وفي المستقبل سيكون في مزرعة نعام وده بقه يبقى حلم خالد
عبد الرحمن : خالد!!!! خالد مين

حسن :المهندس خالد صاحب المزرعة هو في أمريكا دلوقتي

عبد الرحمن : هو بصراحة المكان رائع

حسن : إتفضلي يا دكتورة دي الفيلا بتاعتك هي غرفتين نوم ورسبيشن ومطبخ أمريكي وكمان في جنبنة صغيرة كدهده الستايل بتاع الفلل هنا لما نخلص مشروع المنتجع ان شاء اللهإتفضلوا إرتاحوا ومنتظركم أنا والمدام كمان نص ساعة على الغدا

صنوف الطعام أمامه وكذلك كل من الطيبب والزوج اللذان إنقضا على ذكر البط بدون رحمة
وتذكرت شريف

لم يكن من محبي الطعام بل كان يأكل القليل جداً من هذا أو ذاك لطالما إختلف عن الآخرين
لطالما كان مميزاً كان

إنتهى الجميع من طعامهم وجلسوا بغرفة المعيشة التي كانت تطل مباشرة على حديقة مثل فيلا
إيناس ولكن كانت الحديقة مختلفة لاحظت إيناس أنها تزينت بأنواع خاصة من النباتات قسم
للزهور وقسم لبعض الأوراق كالنعناع والبقدونس حقاً هل هذا بقدونس!!!!!!
.....جاءها صوت رقية ليحيب عن التساؤلات بعقلها

رقية : الجنيبة زرعتها على ذوقي

إيناس : جميلة قوي حضرتك بتحبي الزرع

رقية : في الأول لا لكن بعد ما جيت هنا بقت هواية خصوصاً بصراحة إن إستخدام حاجات زي
البقدونس والريحان والنعناع طازة في الأكل بيكون رائع

إيناس : كمان في ورد

رقية : فل وياسمين ونرجس وأنواع كده أساميتها صعبة حمزة بقه هو اللي بيحبي البذور والغذا
بتاعها علشان أعرف أزرعها عندي

إيناس :اممممم

رقية : حمزة يبقى ابن أخت حسن مهندس زراعي وبيشتغل هنا بس أغلب المهندسين إقامتهم في
الجزء الثاني من المزرعة على فكرة في هناك مهندسات زراعات برده بيشتغلوا مع أزواجهم
مجموعة جميلة قوي أوقات بنروح نسهر معاهم والله المنطقة الثانية فيها حياة عن هنا والذ بكثير
لكن حسن مصمم إقامتنا تبقى هنا بيقول هنا أهدى مع إنه الصبح علطول بيكون في الجزء الثاني
علشان متابعة الأراضي والمصنع

إيناس : بس هو الجزء الثاني مش بعيد قوي عن هنا

رقية : لا حوالي 3 أو 4 كيلو بس خالد حب يفصلهم علشان بيحلم يحول الجزء ده لمنتجع
سياحي

إيناس : هو بصراحه المكان رائعجميل قوي وأجمل ما فيه هدوءه

رقية : إنتي لسه شفتي حاجه بكرة لما تشوفي مزرعة الخيول مكان شغلك حتبهري

.....بجد حاجة روعةأنا مبسوفة قوي إنك إشتغلتي هنا معانابجد

حلو قوي لما تلاقي أنتي تتكلمي معاه في أرض الرجال دي

إبتسمت إيناس بتصنع فأخر ما ينقصها تلك الضوضاء البشرية التي قد تؤرق عزلتها

نظر عبد الرحمن لإبنته بتفحص بعد أن غادروا وعادوا لمقر سكنها ثم قال : ها يا إيناس المكان

عجبك

في البداية لم تجبه كانت تقف بحيرة أمام الثلاجة وبيدها ورقة وتحاول بيأس أن تضع بعض محتويات حقيبة الطعام التي أعدتها لها والدتها داخل الفريزرإقترب عبد الرحمن من إبنته وقال مرة أخرى : إيناس إنتي مش سامعاني نظرت له وقد بدت شاردة ثم قالت : آسفة يا بابا مسمعتش حضرتك بس أصل الثلاجة صغيرة وكمان فيها حاجات فمش عارفة أحط الحاجات اللي معايا عبد الرحمن : حاجات إيه

إيناس : الأكل اللي ماما إديتهولي

عبد الرحمن : لأ قصدي حاجات إيه اللي في الثلاجة وإيه الورقة دي

إيناس : دي ورقة لقيتها على بابا الثلاجة كاتبها ليا مدام رقية

أخذ عبد الرحمن الورقة وقرأ محتوياتها وقد كانت " عزيزتي إيناس دي طلبات كده بسيطة لإحتياجاتك اليومية وكمان دي نمرة تليفوني إذا إحتجتني أي حاجه كلميني متتردديشأختك رقية "

طوى عبد الرحمن الورقة وإبتسم وهو يقول : ناس ذوق فعلاًوالست دي شكلها طيبة قوي

إيناس بدون إهتمام : اه فعلا

نظر لها والدها بتفحص مرة أخرى ثم تابع : إنتي رأيك إيه في المكان عجبك

إيناس : اه كويس

إقترب عبد الرحمن من إبنته ثم داعب وجنتيها بحنان وتابع : إيناس إوعي تكوني زعلانه مني

نظرت له بتمعن كانت ملامحه تكاد تنطق بالحزن أو ربما بالقلق شعرت أنه لا يود أن يتركها

وحيدة بل يودها أن تعود معه للمنزل ليطمئن قلبه برويتها أمام عينيه ولكنه لا يستطيع

.....صمنت لوهلة ثم إغرورقت عيناها بالدموعأخذت نفساً عميقاً ربما لتحبس

تلك العبرات الساخنة التي لن تلهب وجنتيها فقط بل ستلهب قلب أبيها أيضاً جاهدت لتخرج

الكلمات من فمها وعلى الرغم من أنها كانت تتمم بصوت خفيض وعلى الرغم من البحة الباكية

في نبرتها إلا أنه فسر كلماتها جيداً

إيناس : بابا أنا عمري ما أزعل منك ولا من ماما عارف ليه

عبد الرحمن: ليه

إيناس : علشان الفراق صعب قوي وأنا جربته تفتكر حضيع لحظة من عمري في غضب أو

زعل من حد بحبه وأنا بحبك يا بابا وبحب ماما ومصطفى وأيمن والله بحبكم قوي

إحتضن عبد الرحمن إبنته بقوة ثم ملس على خصلات شعرها بحنان وهو يتمم بكلمات الرحمن

ويسأل الله أن يحفظ إبنته من كل سوء .

الذكاء الذي برع في عدة أعمال بل وهو المسؤول عن شركة أبيه وإدارتها وبجواره زوجة تصلح لأن تكون أمه نعم ومنذ وقتها أصبحوا أصدقاء وإستطاع خالد في النهاية تحقيق حلمه ببناء تلك المزرعة وقذف النساء بعنف خارج حياته أمه مارجريت وكارمن!!!!

الفصل السادس

أغلقت الهاتف ربما للمرة العاشرة بعد إنتهاء المكالمة مع أمها نظرت للساعة فوجدتها قد قاربت على الخامسة والنصف مساءً خلعت حذاءها وإستلقت لوهلة على الأريكة وبدأ النعاس يداعب أهدابها ولكنها أثرت أن تخرج للحديقة ربما لتملأ رئتيها بنفحات من الهواء النقي وتمتع نظرها بمنظر مميز للغروب كانت الحديقة محاطة بسور أنيق من خشب الأرز وقد تزين السور بحرفية بعض النباتات المتسلقة فأعطته مظهراً خلاباً لم يكن سوراً عالياً بل تستطيع من خلاله رؤية السيارات الصغيرة التي تتحرك بخفة على الطريق العام وقد بدت أضواءها كشموس صغيرة وُلدت بعض أن خفت ضوء الشمس الأم وإقتربت من الغرق في رمال الصحراء الواسعة وهي تودع السماء لتتركها وقد إمتزجت بها ألوان الطيف بإبداع حتى تمكنت منها حمرة الشفق قبل أن يجنح الليل بظلامه فيعلن بثقة عن إنتهاء العرض!!!!

لم تشعر بنفسها إلا وهي مستلقية على الحشائش الخضراء وكأن جسدها وروحها أبوا أن يظلوا في مقاعد المشاهدين فإنطلقت روحها تحوم في اللوحة الفنية المتجسدة أمام عيناها وأمتزج جسدها بجاذبية الأرض يستشعر دفئها ويحتضن أديمها بشوق .

ودت لو أكملت ليلتها بتلك البقعة ربما لتستمع بعرض آخر حيث يكون القمر هو بطل المساء ببريقه الفضي وكأنه يعلن عن بريق من الأمل ليخبرنا أن الضوء لم يخفت للأبد وأنه سيعود من جديد

وهكذا تركت إيناس موضعها وإتجهت لغرفة نومها أخرجت غنيمتها من الحقيبة نعم تلك المغامرة الليلية التي قامت بها قبل أن تترك المنزل وعلى الرغم من تأكيد والدتها لها أنها لن تتخلص من أي من متعلقات شريف وعلى الرغم من إرتعاش يديها وتباطئ خطواتها وهي تتجه نحو الشقة التي لم تخطوها منذ الحادث إلا أنها كان يجب أن تحصل على ما تسعى إليه ودون أن يشعر أحد تسالت حافية بخطوات مرتجفة نحو خزينته وأخرجت ما يحمل رائحة أنفاسه أو ربما ما يحمل بقاياها إحتضنت قميصه بشغف وخطت بثقة نحو أحلامها منتظرة لقاءه .

وصل حسن لمكتبه وعندها وجد إيناس بانتظاره بادرها مرحباً لحظة دخوله : صباح الخير يا دكتورة

إيناس : صباح النور يا بشمهندس

حسن : برافو ده حضرتك موجوده من قبل المعاد

إيناس : على إيه حضرتك ده شغلي

حسن : طيب تمام بصي يا ستي أنا النهارده حعرفك مبادئ الشغل والمطلوب منك لكن بعد كده حيبقى المسؤول معاكي بشمهندس خالد

إيناس : بشمهندس خالد هو مالك المزرعة صح ؟

حسن : أيوه وهي مزرعة الخيول مسؤوليته هو وبيهتم بدقة بأي حاجة تخصها فعلشان كده هو دائماً بيتابع أول بأول مع الطبيب المسؤول

إيناس وقد بدا عليها القلق بعض الشيء : حاضر

نظر نحوها حسن بإبتسامة ثم تابع : أنا مش عايزك تقلقي الشغل بسيط قوي بيني وبينك ما يستدعش طبيب مقيم بس إحنا هنا ماشيين بمبدأ الوقاية خير من العلاج إتفضلي معايا على

العيادة البيطرية وإنتي حتفهمي أكثر

خرجت إيناس معه إلى المبنى وتوجهوا لمبنى آخر صغير يتكون من غرفة واحدة كانت متواضعة الأثاث بعض الشيء فلا يوجد بها سوى مكتب صغير وخزانة خشبية ممتلئة ببعض الكتب والأوراق وفي مواجهتهما توجد ثلاجة إستنتجت إيناس أنها لحفظ بعض الأدوية وخزانة أخرى تحتوى على معدات بيطرية للتعامل مع الأفراس وبعض المطهرات الموضوعية للجروح.....جلس حسن على المكتب وسحب بعض الأوراق وهو يقول : إتفضلي يا دكتورة جلست إيناس في مواجهته وقد لفت إنتباهها كمية الاوراق المبعثرة أمامه.....ضحك وهو يمسك بالأوراق في محاولة يائسة لترتيبها وقال : الهوا هنا بقه ميزة وعيب والعيب واضح لو أصغر شباك مفتوح يطير كل شغلك.....بصي بقه يا ستي ده ورق كان سايبه الدكتور اللي قبلك بمواعيد التطعيمات بتاعتهم وكمان نسب المقويات اللي بتتحط في الأكل.....حيفيدك كثير

أخذت إيناس منه الأوراق وتصفححتها للحظات ثم توجهت بنظرها نحو الخزانة بجانب المكتب وسألته : ودي كتب ومراجع ؟

حسن : اه دول برده حيفيدوكي مع إني بصراحه مفهمش في محتواهم إنتي بقه تكتشفي

.....كمان عندك الثلاجة فيها مضادات حيوية وتطعيمات.....المفروض

الدكتور المتواجد هو بيحدد محتاج ايه وإحنا بنجيبه وبرده عندك بيداتين و صبغة يود ومراهم

جروح لإن الحاجات تقريبا ممكن نحتاجها يومياً بس متقلقيش في سايس مسؤول عن التعامل المباشر مع الخيل بس بنحتاج إشراف منك وبرده هنا بقية الأدوية زي أدوية المغص والمسكنات وكده وبرده اللي تعوزيه يعني نكون شاكرين تطلبه قبل ما تحتاجيه

إيناس : فهمت

حسن : طيب دلوقتي نروح على الإسطبلات علشان العمال يعرفوكي وهما هناك تحت أمرك أي حاجه حتطلبها منهم حيعملوها

إيناس : حاضر

توجهت بعدها إيناس مع حسن نحو الإسطبلات ركبوا سيارة رباعية مكشوفه للإتجاه
لهناك لاحظت إيناس المساحة الكبيرة للمزرعة كانت تقدر مساحة مزرعة الخيول
وحدها بحوالي خمسة أفدنة وتحتوي على ثلاث إسطبلات وسياج كبير أعد خصيصاً لترييض
وتدريب الخيول على مساحة شاسعة ترجل حسن من السيارة بعد أن توقفت أمام
أحد الإسطبلات ودخل وخلفه إيناس كان العمال قد بدءوا بتظهير الجياد وتحضير
الطعام وهكذا إتجه حسن لأحدهم الذي كان يبدو عليه أنه قائدهم وتحدث معه
بصوت عالٍ : ها يا دسوقي إيه الأخبار

دسوقي : تمام يا بشمهندس

نظر حسن لإيناس وقال : ده دسوقي أقدم سايس هنا يا دكتورة

ثم نظر لدسوقي بحدة وتابع : دكتورة إيناس يا دسوقي حتاخذ تعليماتك منها بعد كده هي بدل
دكتور سعد

دسوقي : مفهوم يا بشمهندسنورتينا يا دكتورة

حسن : تمام إتفضلي معايا يا دكتورة

وفي تلك الأثناء قام حسن بالمرور مع إيناس على بقية الإسطبلات وكان يخبرها عن انواع الجياد
المتواجدة في المزرعة وقد كانت جميعها من الخيول العربية الأصيلة وخاصة الخيل العربي
المصري والذي يُعد من أقوى وأعلى السلالات في العالم شعرت إيناس بالإنبهار
مما شاهدته فقد فاق توقعاتها بمراحل من حيث الترتيب والإهتمام والنظافة والمساحة الشاسعة من
أجل تدريب وترويض الخيول أخبرها حسن بوجود مدربين متخصصين للجياد وأنهم إفتتحوا
المزرعة منذ عامين فقط ولكن لديهم حوالي خمسون جواداً حتى الآن لاحظت إيناس
وجود بعض المنازل خلف الإسطبلات علمت من حسن بعدها أنها مقر السكن المخصص للعمال
ومدربين الخيل .

بعد مرورهم على الإسطبلات لاحظت إيناس خروج الخيل في شكل بديع وقد إنطلقت تعدو
بحرية داخل المساحات الشاسعة المحاطة بسياج الأمان كما قال لها حسنكانت تلك
هي المرة الاولى التي ترى فيها جياد عربية أصيلة كذلك فكل معلوماتها عن الحصان ربما
مظهره الرث الذي إعتادته كلما رأت أحد الخيول المحلية التي ألهمت السياط ظهورها وقضت
الأحمال الثقيلة على قوة إحتمالها وسعى مالكةا في النهاية لتجميل صورتها ربما ببعض الشرائط
الملونه والحلي الرخيص الذي قضى على آخر مظهر جمالي لديها ولكن تلك الخيول التي تعدو

أمامها لم ترى لها مثيلاً من قبل.....جمال يخطف الأبصار من أول وهلة
.....التناسق البديع في الشكل والحركة والعيون الواسعة التي لم ترى مثيلاً قبل كذلك قال
لها حسن وقد لاحظ إنبهارها بما رأت : إنا عندنا هنا سلاطات أصيلة كحيلة حمداني وهدبان
نظرت له بدهشة وهي لا تفقه شيئاً عن ما قاله : نعم !!!!
إبتسم وتابع : أنا برده من سنة لما خالد كان بيكلمني مكنش عندي أي معلومات عن الخيل بس
دلوقتي عرفت وفهمت حاجات كثير

إيناس : بصراحه ده عالم ثاني
حسن : عموماً إنا دلوقتي حنرج على العيادة حاسيبك تكتشفي المكان وتتصفح الكتب
والأوراق هناك شوية وبعد كده طبيعة شغلك حيبقي مرور وفحص دوري للخيل ومتابعة
الفيتامينات والمقويات ونسبها مع العمال ده غير كمان التحصينات
إيناس : وهو كذلك

حسن : وبرده لما خالد يرجع حيكون ليه طلبات محددة عني وحيوضحك أمور أكثر مني
.....إتفضلي

عادت إيناس معه للسيارة وقالت بعدما ركبت : هو ليه مكان السكن بتاعي والعيادة بعيد كده عن
الإسطنبول

حسن مش بعيد قوي ممكن مشي نص ساعة بس انتي عارفة الفل عينة بداية لمنتجع سياحي
ولازم مسافة بعيد عن الإسطبلات كمان محدش ساكن هنا قريب غير العمال والمدربين وكلهم
رجالة زي مانتي شايفة
إيناس : اهفهمت

وصلت إيناس للعيادة ومكثت لفترة بين الأوراق تحاول أن تلحق بدرج ربما لا تعي عنه شيئاً
ولكن كان بداخلها طاقة ورغبة قوية للمعرفة شعرت أنها قرأت القليل والكثير بنفس الوقت فتارة
تتصفح بعض المراجع عن الأمراض وأعراضها والعلاج المناسب وتارة تقرأ عن التحصينات
والعناية الطبية بالجواد وهكذا.....نظرت للساعة فوجدتها قد قاربت على الرابعة عصراً
وإكتشفت انها مكثت أكثر من أربع ساعات بالعيادة دون أن تشعر بالوقتإعتدت في
جلستها وأغلقت المكان ثم توجهت عائدة لمنزلها .

لم تكذ تقترب من المنزل حتى وجدت رقية في إنتظارهانظرت لها رقية بإبتسامة
وقالت : اخبار الشغل إيه

إيناس : تمام الحمد لله يا مدام رقية

رقية : إنبسطتيشوفتي الخيل

إيناس : اه بصراحة حاجة روعة

رقية : مش قولتلكطيب يلا علشان نتغدى سوا

إيناس : يا خبر متشكرة قوي يا مدام رقية ملوش لزوم

شعرت بوجود شخص آخر معها بنفس المكان.....إنتفضت سريعاً حتى أنها كانت تستمع
لصوت أنفاسها المتلاحقة ودقات قلبها المتسارعة خاصة عندما لمحت تلك العيون اللامعة تنظر
نحوها في دهشة

الجزء الاول م الفصل السابع

أسند رأسه على مقعد السيارة وأغمض عيناه في محاولة لإختلاس ربما ساعة من النوم بعد
رحلته الشاقة.....لم يتوقع أن فئجان القهوة الذي دُعي إليه في مقهى صديقه سام
سيؤدي به في النهاية إلى عدم اللحاق بطائرتة وإستبدالها بأخرى.....كانت رؤية
مارجريت تمثل مفاجأة بالنسبة له خاصة أنه كان يظن أنها تمكث بالبرازيل مع إبنتها
.....مارجريت زوجته الأولى.....تلك المرأة التي زج بها داخل عالمه
دون رغبة وأخرجها منه دون ذنب.....أغمض عينيه عندما رآها وإبتلع قهوته سريعاً رغبة
في الهروب ولكنها إستوقفته قبل أن يتوجه لمخرج المقهى.....كانت نبرتها حانية
.....أمسكت كلتا يديه بقبضةٍ مرتعشة وهي تقول : خالد إنت مش فاكرني
نظر لها بدهشة وبصوته الرخيم أجابها بثقة : وهو ممكن الواحد ينسى واحده كانت مراته
مارجريت

إبتسمت بسخرية أو ربما بحسرة وتابعت : ممكن خالد وخصوصاً لو كان جواز زي جوازنا
أخرج نفساً عميقاً من صدره وشعر للحظات بالآسى من أجلها.....جذبها برفق ودعاها
للجلوس ثم تابع برقة غابت عنها وعنه منذ زمن وقال : مالك مارجريت.....شكلك حزين

كانت بالفعل تبدو حزينة بل تمكن الزمن من وجهها ولم تعد مساحيق التجميل قادرة على إخفاء
بصمة السنوات إبتسمت مرة أخرى وتابعت : أنا عرفت من سام إنك هنا وإنك حنيتبع الشركة
وممكن مش ترجع تاني وعلشان كده طلبت منه يعزمك هنا علشان أشوفك
خالد بدهشة :تشوفيني !!!!

مارجريت : أو أودعك ممكن مش نشوف بعض تاني وعلشان كده كان لازم أقابلك وأقولك خالد
خالد بدهشة : تقولي لي إيه ؟

مارجريت : أنا مش زعلان منك خالد

كانت جملتها صادمة بالنسبة إليه فكيف لا تكون غاضبة منه بعد ما كل فعله بها
.....تزوجها نكايه بأمه.....لم يقترب منها مرة واحدة كزوج بل كان يعتمد أن
يُشعرها بأن زواجها منه خطأ فادح وأنه لم ولن يرغب بعجوز تسعى لتجديد شبابها بالزواج وفي
النهاية طلقها بعد عدة أشهر.....لاحظت مارجريت إندهاشه فإبتسمت مرة أخرى وتابعت :
أيوه خالد أنا مش زعلان.....وقتها كنت زعلان كثير منك.....كنت أكرهك كثير

بس بعد كده.....فهمت

نظر لها والغضب يبدو كمارد متجسد في عيناها وقال : فهمتي ايه
مارجریت : إنت لسه عصبي خالد.....المفروض تكون إتغيرت

خالد : أنا بسئلك مارجریت فهمتي ايه

مارجریت : فهمت إنك مش كان قصدك مارجریت إنت كنت حتتجوز أي ست كبير تقابله وقتها
وكنت حتعمل معاه زي ما عملت معايا بالضبط

صمت قليلاً في محاولة لإستدعاء هدوءه ثم لاحت إبتسامة ساخره على شفتاه وتابع : ده تحليل
نفسي ماكنتش أعرف إني معقد

مارجریت : أنا كمان مكنتش وقتها أعرف خالد بس بعد كده فهمت

خالد : وإنتي بقه جاية مخصوص علشان تقولي الكلمتين دول

مارجریت : خالد أنا مش بقول كده علشان أضايقك بس لما فهمت مشاعر أولادي خالد
.....فهمت مشاعرك

خالد : اللي هي ايه بقه ؟

مارجریت : فهمت إنه كله بسبب الماما خالد مش أنا.....الماما مآثر عليك كتير
.....وإنت عملت ده علشان تضايقه هو مش حد تانيعلشان كده خالد أنا مش

زعلان

كانت مجرد كلمات لكنها كانت تقحم عقله كطرقات ساخنة.....ظل شاردأ بعد أن أقلت

بكلماتها وتركته لذكرياتهمنذ قدومه لأمریکا لا بل قبل ذلك بسنوات وقراراته خطأ تلو

الآخرنعم منذ أن دخل هذا الرجل حياتههذا الزوج الذي أحضرته أمه

لعالمهما دون تمهيددون إعتبار لمشاعرهليستولي بعد ذلك على قلبها

وإهتمامها وعقلها بل وأراد ان يستولي عليه هو أيضاً وكل ما يمتلكهلا

.....مهلاً هو لم يرتكب خطيئةبل دافع وبشراسة عن حقهنعم وإذا

كانت مارجریت خطيئته التي أنه ضميره عليها لسنوات فبالتأكيد كارمن ليست كذلك

.....

كان صوت عم ريحان السائق يبدو كالصدى داخل عقله الغائبإستيقظ على كلماته

وهو يقول : خالد بيهخالد بيه حمد الله على السلامة خلاص وصلنا المزرعة

نظر إلى ساعته فوجدها قد قاربت على الثالثة صباحاً نظر للسائق العجوز قبل أن يترجل من

السيارة وتابع : سهرتك معايا يا راجل يا عجوز

إبتسم له السائق وتابع : تعبك راحة يا بشمهندس

دخل خالد إلى فيلته وهو يصب جام غضبه على السفر والطائرات بل ومقابلة مارجریت التي

تسببت له في هذا الصداع البائستوجه لأحد الأدرج وأخرج حبة من المسكن إبتلعها على الفور دون مياه ثم أعد لنفسه كوباً من القهوة الساخنة وقرر أن يستمتع بها في الهواء الطلق

كان خالد شاباً في العقد الثالث من عمره طويلاًعريض المنكبين يتميز بشعر داكن وملامح حادة ربما تحمل من الغموض أكثر ما تحمل من الصرامةعيون تبدو كعيون النمر تنظر بحدة غامضة لكل ما تلمحه
أخيراً وصل إلى مزرعته الغاليةمملكته حيث السكون والطبيعة والنجاح نعم
فكلما نظر حوله كان يشعر بالفخربالإنتصاربالنجاح

خرج إلى الحديقة وظل واقفاً لدقائق قبل أن يلحظ الضوء الخافت المنبعث من الفيلا المجاورة
في البداية أصابته الدهشة ولكنه ما لبث أن تذكر ما أخبره به حسن عن الطبيعة الجديدة ولكن عاودته الدهشة سريعاً عندما لمح جسد امرأة ممدد في الهواء الطلق دون حركة !!!!!!

في حركة سريعة تخطى الشجيرات الرفيعة بين الحديقتين و بخفة إقترب من صاحبة الجسد الملقى على الأرضفي البداية ظن أن مكروهاً أصابها ولكن أنفاسها المنتظمة وملامحها الهادئة جعلته يوقن أنها نائمةهم ليترك المكان ولكنه ما لبث أن تراجع وعاد ينظر نحوها مرة أخرىكانت امرأة جميلة تبدو في أواخر العشريناتترتدي فستاناً قطنياً قصيراً من اللون الأزرق وقد كشف بعفوية عن جمال ساقها ورشاقة قدهاكان وجهها يبدو كقمر غط في سبات هادئ وقد تناثرت خصلات شعرها من حوله في صخبخصلات شعرها التي تبدو كجدائل من البندق إمتدت بمجون لتوقظ الليل من سباته وتناثرت كمعزوفة صاخبة فأخرجت السكون عن وقارهكانت شفتاها تتمم بهمسات صامتهود أن يقترب منها أكثر ليفسر كلماتها الغامضة ولكنه أثر عدم الإقتراب ولاحت على شفتاه إبتسامة ساخرة فربما إذا فعل ذلك وجدت المزرعة فضيحة ستحدث عنها لسنواتولكنه ظل واقفاً مكانه بلا حراك يراقبها ففي النهاية ما تشاهده عيناه ليس سيئاً على الإطلاق .

في عزلتك المنشودةتغمض عيناك في سلامتتأرجح بهدوء داخل أحلامك ولكن يُطل الفرع كضيف مفاجئ ويخرجك من سلامك سريعاًعندما تكتشف وجود دخيل .

وضعت يدها على صدرها ربما لتتأكد ان قلبها لم يقفز من مكانه فمجرد أن فتحت عينها وجدت

هذا الوجه الصارم تلك العيون الحادة التي تحاصرها بنظرات تحمل الدهشة
والسخرية في آن واحد إستقامت وهبت واقفة و عيونها تنظر نحوه في فزع ثم قفزت
هاربة لتعود لمنزلها سريعاً لتو صد خلفها كل الأبواب بإحكام

وقفت بثبات لدقائق كانت دقات قلبها ما زالت تصرخ على الرغم من إغلاقها لنوافذها
بإحكام زمت شفثيها وشعرت بالغضب من هروبها بتلك الطريقة بل كان يجب عليها
تلقين هذا الغريب درساً على إقتحامه لعزلتها دون دعوة نظرت نحو الحديقة من خلف
الزجاج ولكنه كان قد تبخر كالسراب مثلما ظهر

عاد خالد لمنزله وما زالت نفس الإبتسامة الساخرة تعلو ملامحه الجميلة فزعت
وكأنها إستسلمت للنوم هكذا بمحض المصادفة!!!!!! هكذا أخبر نفسه ففي النهاية
رغم ملامحها البريئة ونظراتها الصادقة هي امرأة شأنها شأن كل النساء أغمض
عيناه وإستسلم أخيراً للنوم فليديه مقابلة مثيرة في الصباح!!!!!!

كانت مفاجأة سارة لحسن عندما لمح خالد بمكتبه في الصباح إتجه نحوه قائلاً بمرح :
خالد إيه المفاجأة الحلوة دي
خالد : أبو علي صباح الفل
حسن : صباح الخير يا جميل وصلت إمتي ؟
خالد : إمبراح الفجر
حسن : وعملت إيه هناك تمام
خالد : اه خلصت الحمد لله بعنا آخر شركات الحج سامحني يا حج
قال جملته وهو ينظر لصورة أبيه المعلقة خلف مكتبه نظر له حسن بإبتسامة وقال :
أنا متأكد إنه لو كان عايش كان زمانه فخور بيك يا خالد وبالمكان هنا
خالد : الحج كان طيب قوي أنا مطلعتلوش وجايز كده احسن كان زمانني أخذت على
دماغي

ضحك بعدها خالد بشدة نعم لقد إرتدى عباءة القوة ومنذ زمن بل ربما عباءة البأس
..... كان هذا هو السبيل الوحيد من أجل إنتصاره فهو لم يكره بحياته غير هذا الرجل حتى
بعد أن تسللت الصهباء لقلبه كان بأسه هو صاحب الرد الأخير

كانت الساعة حوالي الثامنة صباحاً عندما شاهدت المهندس حسن يتقدم نحوها قبل أن تدخل للعيادة

حسن : صباح الخير يا دكتورة

إيناس : صباح النور يا بشمهندس

حسن : ها إيه الأخبار ؟ إستفتني من الورق والكتب اللي جوه

إيناس : جدا بصراحه من غيرها ماكنتش عارفة حاعمل إيه

حسن : كويس قوي عموماً المهندس خالد وصل وهو منتظر في مكتبه

تسمر جسدها وتحجرت عيناها وكأن دلواً من المياة الباردة فُذف في وجهها

.....المهندس خالد.....صاحب المزرعة.....والغريب الدخيل الذي إقتحم

عزلتها ليلة أمس !!!!

إذن فالفيلا بجوارها ليست مهجورة كما تصورت عندما لمحتها ويبدو أن الرجل عاد لسكانه

فوجدتها تستمتع بلحظات من السبات في الخلاء.....شعرت بالغضب الشديد مما حدث

ومن نفسهالاحظ حسن شرودها فقال بصوت عالٍ بعض الشيء في محاولة لتنبيهها :

دكتورة إيناسدكتورة إيناس إنتي معايا

إيناس : اهأسفة

حسن : طيب البشمهندس مستنيكي

إيناس : حاضر

كانت تتوجه لغرفة المكتب بخطوات متناقلةودت أن تتراجع وتترك المكان بأكملها

وتعود مرة أخرى لذكرياتهانعم فهذا المكان يحاول سرقة ذكرياتها بخبث ويحشو

عقلها بأحداث أخرى غير ذات أهمية ولكن أين ستعودهل ستعود من أجل أن تجد

آخر أو ربما أخرى في شرفة زوجهاتلك الشرفة التي شهدت أجمل لحظات عشقها

وتحولت بين ليلة وضحاها لمرتع للغرباء !!!!

قبل أن تنفذ أفكارها كانت قد وصلت بالفعل لغرفة المكتبكان الباب مفتوحاً وعندها

إستطاعت رؤيته بوضوح قبل ان يلمحها كان شاباً يبدو أنه في الخامسة والثلاثون من العمر

عرفته على الفور فعيونه مميزة بشكل غريب لا تستطيع ان تخطئها حتى إذا رأيتها فقط لمرة

واحدةكان يتفحص بعض الأوراق أمامه بنظرة عابسة وقد إتكا على مقعده بلامبالاه ورفع

إحدى قدميه فوق طاولة صغيرة بجانب مكتبه

طرقت الباب طرقات خفيفة لتنبهه بقدميها ولكنه لم يعيرها إنتباهاً بالنظر نحوهافقط

جاءها صوته الأجش وهو يقول : إتفضلي

توجهت داخل الغرفة وجلست بالمقعد المقابل له ولكنها لم تتحدث ولم تنظر نحوه ظلت صامته

منتظره في غضب إنتهاءه من الأوراق أمامهنظر نحوها وكانت ما زالت غير منتبهه

ونظراتها موجهه نحو الأرض لا يعلم لماذا لم يتحدث على الفور وظل يقرأها بعيناه
لوهلة ما سر تلك المرأة التي كلما رآها وجد نفسه غارقاً في ملامحها وكأنها لوحة فنية
يسعى لفك طلاسمها كانت تبدو أكثر توتراً من ليلة أمس وكيف لا لقد رآها في
أقصى درجات سلام النفس البشرية ولكن كانت ملامحها أكثر وضوحاً تلك المرة
..... وجهها البيضاوي وخصلاتها البنديقية التي إستترسلت خلف أذناها فبدت كأموج هادئة
..... كانت تبدو أنيقه في حلتها الرمادية التي أظهرت طول قامتها ورشاقة قدها

رفعت بصرها فجأة فإذا به يتأملها ودون أن يرتبك إرتسمت على شفثاه إبتسامة
ماكرة وقال لها بصوت هادئ : صباح الخير
ردت بإرتباك : صباح النور
خالد وما زالت نظراته مرتكزة عليها دون تغيير : دكتورة إيناس صح ؟
إيناس وقد تحول بصرها عنه وعادت مرة أخرى لمراقبة السجادة تحت قدميها بألوانها القاتمة :
أيوه أنا

خالد : أخبار الشغل إيه حسن اعتقد وضح ليكي بعض الأمور
إيناس : أيوه

خالد : رحتي الإسطبلات صح

إيناس : إمبراح مع بشمهندس حسن

خالد : تمام مبدئياً احنا مواعيد شغلنا من 8 ل 4 والأجازات 3 ايام كل أسبوعين
..... وبالنسبة ليكي بحتاج منك مرور دوري كل يوم الصبح على البوكسات وتعملي تقرير
بكل فرس إسم ووزن مع رقم البوكس والتطعيمات والمقويات اللي ممكن يحتاجها بشكل فردي
وكمان لو تعب بتكتبي في التقرير العلاج اللي أخده والكمية دلوقتي حتيجي معايا
نمر على البلوكات وتشوفي الفرس علشان برده حوريكي كام مشكلة بواجهها هناك تمام
كانت صامته تحاول إستيعاب الكثير مما قاله خاصة أنها لم تفهم لفظ البوكس الذي كرره أكثر من
مرة وإستنبطت أنه يقصد ربما الغرف الصغيرة الخاصة بالخيل

توجه نحو السيارة وهي خلفه قفز سريعاً داخل السيارة وركبت هي بهدوء وكانت تشعر
بالإرتباك لإضطرارها للركوب بجانبه على عكس ركوبها مع المهندس حسن الذي إعتبرته كأخ
أكبر قال وهو يحرك السيارة : بتعرفي تسوقي يا دكتور
إيناس : لأ

خالد : أصل يومياً لازم تفوتي الصبح على الإسطبلات بس مش مشكلة ممكن تزوح معايا أو
أي حد يوصلك من العمال لو أنا مش رايح وإذا إتعلمتي السواقة العربيات مكانها هنا والمفاتيح
بتكون فيها

أمأت برأسها بالإيجاب ثم ظلت صامته بقية الطريق وصلوا سريعاً للإسطبلات
وعندها لاحظت إرتباك العمال عند وصوله وخوفهم الشديد من كلماته وإمتثالهم السريع جداً

لأوامره أما هو فكان يبدو كمن عاد لمنزله بعد غياب إنطلق سريعاً ليطمئن على الخيل خاصته ويسأل العمال عن كل جواد بالإسم والحالة وبمتابعة دقيقة جداً لكل ما يحدث أخيراً توجه نحوها ببصره بعد أن ظنت انه ربما نسي وجودها نظر خالد نحوها وقال بلهجة أمره : تعالي يا دكتورة

تقدمت سريعاً داخل الغرفة الصغيرة وكان وقتها يجلس على الأرض وقد أمسك بإحدى قدمي الحصان ورفعها قليلاً ثم قال : شايقة الحافر

لم تستوعب ماذا يريد فالحافر يبدو كأبي حافر أو ربما لا تلك هي المرة الأولى التي ترى فيها حافر جواد حاولت ان تخفي إرتباكها وتابعت : أيوه

خالد بغضب : بصي يا دكتورة عندي المشكلة دي مع كذا حصان جروح ومشاكل في الحوافر والعمال مش واخدين بالهم والإسم سايس خبير " أرجع أنا الأقي الخيل بقه أعرج

ساعتها حاكسر رجلكم " قال جملمته بغضب شديد وصوت زاعق وهو يوجهه للعمال ثم تابع بجدية وهو ينظر نحوها : إكتبي معايا رقم البوكس والفرسة إسمها ياسمين وحنفوت على الباقي

وبعد ما نخلص ترجعي على العيادة تشوفي مراهم الجروح اللي عندك وفي كام رباط ضاغط و كمان لو محتاجين مضادات حيوية وترجعي وتخلي الباشوات دول يشتغلوا مفهوم

إيناس : مفهوم

قالتها سريعاً حتى قبل ان تستوعب كل الكلمات وتحاول أن ترتب داخل عقلها كل ما طلبه منها مر سريعاً على بقية الأفراس ولم يخلو مروره من التوبيخ والإهانة لكل سائس وعامل

مقصر ثم نظر نحوها سريعاً وتابع : كتبتى يا دكتورة

إيناس : أيوه كتبت في 4 عندهم مشاكل في الحافر و2 عندهم مغص

خالد : بيسو يا بيسو

جاءه على الفور شاباً صغير السن والحجم أيضاً له وجه بشوش ولكن كان يبدو عليه بعض القصور العقلي تحدث بتلعثم شديد وهو يجيبه : بيه بيه بيه

خالد وبنفس نبرته الجادة : خد الدكتورة إيناس على العيادة حتجيب شوية حاجات وبعدين حترجها هنا تاني معاه يا دكتورة

ظلت جامدة لمكانها لوهلة وهي تفكر في إنقالها مع هذا الشاب وقدرته على قيادة السيارة جاءها صوت خالد بنبرته القوية وهو يقول : يلا يا دكتور تجيبي الأدوية وترجعي تنبهي على المساطيل

دول وتشرفي عليهم وتتأكدي إن الخيل خد العلاج ومتخافيش من بيسو مش خطر

تعالت ضحكات بعض العمال بعد جملمته ومنهم بيسو نفسه ولكن خالد نظر نحوهم نظره جعلتهم يصمتوا على الفور وتابع : بتضحكوا على إيه على خبيتكم يلا كل واحد على شغله

إنطلقوا جميعاً كالنحل كل إلى عمله وهرع بيسو مسرعاً إلى السيارة في إنتظارها وتوجهت هي وراءه على الفور ربما هرباً من هذا ال " خالد " الذي رأت منه في أقل يوم النقيضان

كان يوماً طويلاً مر بسرعة البرق.....كانت مرتبكة وهي تبحث عن الأدوية المناسبة في العيادة وزاد إرتباكها عندما عادت ووجدت خالد قد إختفى وأن عليها القيام بكل شئ وحدها.....كان السائس دسوقي بنظر نحوها بخبث وكأنه لمس حيرتها وإرتباكها ولكنها إستجمعت شجاعته وبدأت في توزيع المهام على الجميع بما فيهم دسوقي نفسه ومر اليوم بسلام بل وشعرت بالرضا عن نفسها حيث إستطاعت في النهاية تدبر أمرها بمفردها.....لم تكد تسند رأسها على الأريكة حتى سمعت طرقات الباب.....قامت متكاسلة فإذا بها رقية

رقية : إيه الأخبار

إيناس : مدام رقية إتفضلي

رقية : شكلك مجهد أكيد خالد طلب منك شغل كثير النهارده

إبتسمت إيناس قائلة : يعني شوية

رقية :ده الطبيعييلا بقه مفيش أذار النهارده حنتغدى سوا يعني حنتغدى سوا

إيناس : أيوه.....بس.....

رقية : هو إنتي مكسوفة مني دنا أختك وبعدين مش حيجيلك نفس تاكلي لوحداك

إيناس : وبرده مينفعش أتقل عليك كده إنتي وبشمهندس حسن

رقية : إيه الكلام اللي يزعل ده

إيناس : معلش.....خليني براحتي أحسن

رقية : خلاص نتغدى سوا النهارده وبعد كده خليها بظروفها أنا عملت حسابي يلا بقه

إيناس : خلاص حغير بس هدومي وأحصلك

رقية : ماشي يا جميل مستنبيك

وبالفعل بدلت إيناس ملابسها وتوجهت لمنزل رقية.....كان خالد وحسن بالحديقة عندما

بادره الأخير بسؤاله : أخبار إيناس في الشغل إيه

إبتسم خالد بمكر قبل أن يجيب ثم قال : خايفة شوية بس على الأقل بتسمع الكلام

حسن : إنت عملت إيه النهارده

خالد : رمتها في البحر وسبتها تعوم لوحدها

حسن : برده طريقتك مش عايز تغيرها لازم تساعدنا في الأول دي خريجة جديدة

خالد : لازم تتعب وتدور وتأخذ ثقة علشان محدش يستغلها من العمال وبعدين ما هي غلطتك

حسن : غلطتي أنا !!!

خالد : يعني رايح تعين دكتورة وخريجة جديدة وكمان متجوزة

حسن : وإنت عرفت منين إنها متجوزة

خالد : في إيدها الشمال دبلة

حسن : بس هي مش متجوزة

خالد : مش فاهم

مر على وجودها بالمزرعة عشرة أيام.....بدأت تعناد الوجوه القليلة المحيطة بها.....كانت تصحو مع آذان الفجر.....تصلي وتتفرد بشروق الشمس بحديقته الصغيرة قبل أن يستيقظ جازها ذو الطبع الحاد..... فقد كانت تتجنب الخروج للحديقة أغلب الأوقات منذ ما حدث بل إنها اعتادت أن تتوجه وحدها في الصباح الباكر للإسطبلات لتتمر على الجياد وتتأكد من تنفيذ العمال لتعليماتها على الرغم من إستهانتهم بها في أغلب الأحيان.....جعل خالد بيسو تحت خدمتها فكان يقوم بإيصالها يومياً بالسيارة للإسطبلات ذهاباً وإياباً ولم يرها في تلك الأيام سوى مرة أو إثتان بالمصادفة ولم يتعد حديثهما ربما دقائق معدودة للإطمئنان على أحوال الخيل وبالطبع لا تخلو من بعض التعليمات الصارمة بل الشديدة الصرامة فهي هنا للعمل وبجدية ولن تجد غير ذلك!!!!!!!

كانت تقف كعادتها بالإسطبل تحاول أن تتفحص الجواد أمامها بعدما أخبرها السائس ببعض الأعراض التي أصابت عين الجواد.....كانت تلك هي المرة الأولى التي ترى فيها دموع بعين حيوان.....وكانه يبكي.....إقتربت من الجواد بحرص.....في البداية لم تتفحص عيناه بل ملست على ظهره بحنان.....كانت تشعر بأنه كائن ضعيف على الرغم من حجمه الكبير وقوته البدنية.....ربما تكون تلك العبرات من ألم لا يستطيع أن يبيت شكواه لأحد.....ياله من كائن مسكين بل ياله من كائن رقيق أخرجها صوت السائس الغليظ من خيالها بعنف وهو يقول : يا دكتورة.....عايزين مرهم للعين.....يا دكتورة

نظرت له إيناس قائلة : نعم.....عايز إيه

السائس : مرهم للعين يا دكتورة مش هي ملتبهة برده

عادة مرة أخرى لوعيتها كطبيبة وبدأت بفحص عين الجواد بدقة ثم تابعت : ممكن تكون حاجه دخلت في عينه وهي اللي عاملة الإفرازات والدموع دي أنا حبيب محلول ملحي ومرهم وإنه غطي عينه على بال ما اجي مفهوم السائس دون إهتمام : حاضر

همت لتخرج من الإسطبل ولكن ما لبثت أن عادت غاضبة وتفحصت حجرة الجواد بإشمزاز ثم توجهت بحديثها للسائس وهي تشير لأرضية الغرفة قائلة : إيه ده السائس : إيه يا دكتورة

إيناس : الأرض مش نظيفة والحشرات ملت المكان بقالك أد ايه منضفتش هنا

السائس : يا أبله ده لامؤاخذه بهيمة يعني لازم يكون المكان مش نظيف

رمفته بنظرة غاضبة وتابعت بنبرة جادة : والله.....بس من يومين كان المكان زي الفل.....شوف شغلك لإن اللي حصل لعينه ده نتيجة عدم نظافة المكان واضح إن دخل فيها حشرة أو نشارة خشب

السائس : حاضر.....حاضر

خرجت غاضبه وتوجهت للعيادة.....علمت من بيسو أن خالد غائب عن المزرعة منذ

يومان ولهذا السبب أهمل العمال في رعاية الخيول عادت مرة أخرى بالعلاج
سريعاً وهي تتوعدهم جميعاً نتيجة إهمالهم بل وإستهانتهم بتعليمتها أيضاً قامت
بإعطاء الخيل المصابة العلاج وقام السائس بالتنظيف الفوري عندما أخبرته أنها ستبلغ المهندس
خالد عن إهماله وعن ما حدث بعين الجواد
السائس : أبوس إيدك يا دكتورة متقطعيش عيشي
إيناس : وإهمالك
السائس : سماح النوبة دي كله الا عين الخيل كفاية رعد
إيناس بدهشة : إيه !!!!

لم تكمل جملتها حتى سمعت ضجيجاً شديداً بأحد غرف الجياد وقد إهتز الباب الخشبي للغرفة
بجنون وكأن خلفه وحش كاسر بعد ذلك كل ما حدث مر بسرعة البرق
..... أصوات العمال تتعالى حاسبي يا دكتورة حاسبي
شعرت بقبضة قوية تحيط بجسدها وتقذف بها بعيداً عن الحيوان الغاضب الذي خرج محطماً
حاجزه الخشبي بعنف وكاد أن يدوسها بأقدامه لولا صاحب القبضة القوية الذي أحاطها بذراعيه
وازاحها بقوة عن طريق الجواد الثائر ليسقط كلاهما أرضاً

نظر لها خالد بعيون يتطاير منها الغضب ثم تركها وتقدم نحو الجواد الثائر كان جواداً
أسود اللون ضخم الجثة كانت تستمع لصهيله القوي غير مدركة أنه صهيل
غضب أم فرع إقترب منه خالد بشجاعة ربما إفتقدها الجميع في تلك اللحظة
..... شد لجام فرسه بثقة ثم إقترب حتى تلامست رأسيهما وظل يربت على وجه الفرس
بحنان ويهمس بأذنه بهدوء وفي لحظات تبدل حال كلاهما من حالٍ إلى حال وإمتطى خالد
جواده بسعادة لينطلق مسرعاً خارج الإسطبل

وكان الجواد كان يموت شوقاً لتذوق نسائم الحرية كان يعدو ببهجة بثقة
..... وخالد يمتطيه بسعادة ربما لأول مرة تلمح بوجهه إبتسامة حقيقية .

كانت تراقب ما يحدث مثلهم جميعاً جاءها صوت السائس بغلظته التي بدأت تعتادها
وهو يقول : محدش بيعرف يركب رعد غير خالد بيه
إيناس : هو الحصان ده ماله
السائس : أعمى يا دكتورة
إيناس وقد تحولت بنظرها نحوه في دهشة قائلة : إيه ؟ أعمى
السائس : ايوه يا دكتورة مش بقولك محدش يعرف يركبه غير خالد بيه
إيناس : بس إزاي حصان أعمى !!!!!
السائس : من سنة لا من سنة ونص رعد جاله تعب في عينه رعد ده حصان عفي اه

والله يا دكتورة ده أدهم

إيناس : أدهم !!!

السائس : أيوه فحل أدهم عربي أصيل ده خالد بيه إشتراه بالشئ الفلانيالمهم جاله
تعب في عينه وإحنا إتأخرنا في علاجه وعلى بال ما البيطري جالنا كان نظره راح

إيناس : ياه معقول

السائس : لو مزرعة تانية كان زمان صاحبها ضربه بالنار وريحه وريح نفسه لكن خالد بيه
روحه في رعد ده بيصرف عليه اكثر من أي فرصة تانية هنا

إيناس : طيب وهو الحصان ده علطول عصبي كده وخطر

السائس : لا لا بس زي ما قلت لحضرتك محدش بيركبه غير خالد بيه ولما بيغيب بيفضل
محبوس فبيتنجنن

نظرت إيناس حولها ووجدت ان خالد وجواده قد إختفوا عن الأنظار وكأنهم كلاهما ود إستراق
بعض لحظات الحرية أو ربما العزلةتابعت عملها ثم عادت مرة أخرى للعيادة .

كانت ثريا بغرفة إيناس عندما دخل عبد الرحمن للمنزل

أنا هنا يا عبد الرحمن

قالتها بصوت عالٍ عندما إستشعرت بحت زوجها عنها

دخل عبد الرحمن الغرفة ووجدها تجلس في وسط كومة من الملابس الثقيلة نظر لها متعجباً

وقال : بتعملي إيه

ثريا : بدور على جاكيت لإيناس

عبد الرحمن : جاكيت !!!! جاكيت إيه إحنا في الصيف

ثريا : مش إنت بتقول الدنيا هناك هو والهوا شديد تحتتاجه برده

نظر لها باسماء : ماشي يا ستي وطبعاً عملتي ليها ما لذ وطاب

ثريا : أسكت يا عبد الرحمن والله ما مصبرني على بعدها غير بس إن حالتها إتحسننت شوية

.....ده كنت الأول باشحت منها الكلام بالعافية دلوقتي أحسن وكمان بتحكي عن شغلها

عبد الرحمن : كويس عال قوي

ثريا : بس إحنا برده غلطنا

عبد الرحمن : غلطنا في إيه يا ثريا

ثريا : ماكنش لازم نسيب الشقه لصاحب البيتأهي بنتك أجازتها قربت وإحنا اللي

رايحين ليهاياعيني مش طايقة تشوف حد غيره في الشقة

عبد الرحمن : كان لازمعلشان تفوق

ثريا : طيب وبعدين حتهاجر هي بقه

عبد الرحمن : لا ياستي مش حتهاجر ولا حاجه مع الوقت الجرح حيلم وحترجع تاني وحتستحمل

وتعيش يا ثريا تعيش زي كل الناس ما عايشة بس إنتي قولي يا رب
ثريا : آمين يا ربنظرت نحو زوجها مرة أخرى بتردد ثم تابعت : في حاجه تانية كده
كنت عايزة أقولها لك يا ابو أيمن
عبد الرحمن : هاخير
ثريا : أيمن زعلان شوية
عبد الرحمن : نعمزعلان من إيه
ثريا : يعني مش عاجبه سفر إيناس وشغلها لوحدها بعيد كده وبيقول لما يرجع ياخذها معاه
أحسن
عبد الرحمن بغضب : ياخذها فين
ثريا : يعني تقعد معاه شوية هو ومراته بدل ما هي قاعدة بعيد لوحدها
عبد الرحمن : اااااااه تقعد معاه يتحكم فيها وتخدم مراتهقولي ليه أبوها لسه عايش لما
أبقى أموت يبقى يتحكم براحتة
ثريا : هو مش قصده يا أخويا هو خايف على أخته
عبد الرحمن : متضحكيش على نفسك هو أكثر حاجه بيخاف منها كلام الناس وكلام مراته
.....بقولك ايه قفلي على السيرة دي وحطي الغدا وإلا أدخل أنام
ثريا : لأ خلاص متعصبش نفسك
عبد الرحمن : والله انا حامل هم البنت دي مش عايزها تتبهدل بعد موتي
ثريا : إيه الكلام ده بقه
عبد الرحمن : دي الحقيقة يا ثرياالحقيقة

كانت تجلس بالعيادة تتفحص أحد المراجع عن أمراض العيون بالخيل عندما سمعت صوت
سيارته وقد توقفت أمام العيادةدخل خالد للعيادة غاضباً دون ان يطرق الباب كان
الشر يتطاير من عينيهنظر نحوها بحده ثم زعق بصوت عالٍ قائلاً : عايزة تجيبيلي
مصيبة حضرتك

فزعت إيناس من صوته وهينتهكانت دقات قلبها متسارعة بشكل كبير فلم تتوقع هذا
الهجوم الحاد منه وبتلك الطريقةقالت بصوت خافت يبدو أنها جاهدت لإخراجه : نعم
!!!! هو حضرتك بتقول إيه

خالد وبنفس النبرة الثائرة : بصي يا دكتورةشغل هنا يبقى عينك في وسط راسك إنتي
واقفة في إسطنبول خيل مش جنينة أسماكلو كان رعد خبطك ولا داس عليك كانت حتبقى
كارثة

ظلت صامته وهي تستمع لتوبيخه وتراقب ملامحه الثائرة وددت أن تصرخ مدافعة عن نفسها ولكن..... أين إختفى صوتها..... كانت تشعر أن الكلمات حبيسة بحلقها تأبى الخروج ولكن العبرات هي من فاضت وبكثرة.....

ما زال يصرخ..... يقذف ثورته في وجهها دون تريث ولكن فجأة إصطدمت عيناه بعبراتها المنهمرة..... صمت هو بدوره بل تلجم لسانه..... إنها تبكي!!!!!!
نعم تبكي حاولت حبس عبراتها ولكن دون جدوى فقد بدأ الفيضان ولن يتوقف.....
هدأ قليلاً وتلفت حوله فلم يشأ ان يشهد أحد بكاءها إقترب منها وبنبرة هادئة تحدث قائلاً : يا دكتورة..... دكتورة إيناس

لم تنظر نحوه كانت عبراتها تسيل رغماً عنها شعر بالشفقة نحوها فرغم كل شئ عبراتها تبدو حقيقية تابع بنبرة حانية : ماهو مينفعش كده..... يعني كل ما حاتنرفذ عليكي في الشغل حتعيطي..... أخرج منديلاً ورقياً وناولها لها ثم تابع : خلاص ممكن نهدي كانت إيناس تشعر بالغضب من عبارتها بل من ضعفها وقلة حيلتها أمام صراخه شعرت أن ذكراها وحاضرها تجسدوا أمامها في لحظات..... ولم تجد سبيلاً سوى دموعها الساخنة.....
مرت دقائق وهو جالس أمامها في صمت يتفحصها بنظراته
ما بال تلك المرأة كلما رآها غرق في تفاصيلها..... بل أكثر بل أنه يكاد يجزم أنه إستم رائحة البندق في خصلات شعرها المموج عندما إقترب منها ليزيحها عن طريق رعد.....
أهدابها المبللة تبدو كظلال مطعمة بزخات مطر تسعى لفرض حمايتها على ضوء العسل المنبعث من مقلة عيناها

شعرت بالخجل مما حدث ويحدث بل من نظراته نحوها..... مسحت دموعها وخرج صوتها بصعوبة بالغة وهي تقول : بشمهندس خالد لو حضرتك شايف إني مش قد الشغل و.....

قاطعها سريعاً : لا لا مش كل مشكلة في الشغل حتقولي كده..... مينفعش
إبتسم بسخرية وتابع بنبرة واثقة : على فكرة أنا ده الطبيعي بتاعي شديد مع الكل بس إنتي بقه أول موظف يعيط عندي.....
نظرت له بغضب عندما لمست السخرية في حديثه وقالت : بس حضرتك كان المفروض تقولي عن حالة الحصان رعد علشان آخذ بالي مش أتفاجئ بوجوده كده
نظر لها بإمعان وما زالت نفس الإبتسامة على وجهه..... اه منكن أيتها النساء منذ دقيقة كنتي تبكين كالأطفال والآن حان دور تمردك.....
لاحظت إيناس أنه ينظر نحوها دون أن يجيب فتابعته وهي تنظر نحوه بكبرياء : عموماً برده أنا مكانش المفروض أبكي وأوعدك يا بشمهندس إن ده مش حيثكرر
خالد : أتمنى..... مرجع إيه اللي في إيدك ده
إيناس : ده مرجع عن أمراض الخيل كنت بشوف أمراض العيون
خالد : ااااااه قالولي النهارده عن الحصان الثاني..... برافو أنا بقدر الشغل الكويس ماهو أنا

مش وحش قوي كده
كانت نبرته الاخيرة حانية مما أشعرها بالإرتباك تابعت بجدية
إيناس : العفو يا بشمهندس حصل خير
خالد : حصل خيريلا حاسيبك تكلمي شغلك

تركها وتوجه مرة أخرى لإسطبل الخيول فقد شعر برغبة عارمة في إمتطاء رعد مرة أخرى

الفصل التاسع

اه للحظات أتمنى أن أكون مثلك يا رعدأركض وأركض في الفضاء الشاسع دون
حواجزدون قلق.....دون حسابأغمض عيناى وأترك
لخيالى الحرية فى العبت باللوحة السمراء أمامى فأشكلها كيفما أشاء أم ربما أتركها كما هى فأنا
لا أبالى سوى بنسمات الهواء الحر التى تخترق صدري بعنف فتشعرنى بالحياة!!!!!!

" خالد "

كانت شاردة تفكر فيما حدثقطبت جبينها عندما تذكرت عبراتها أمامه
.....كانت تود أن تأخذ على نفسها عهداً ألا تترك لتلك العبرات مجالاً مهما حدث
.....تذكرت رعد شعرت بالشفقة من أجل الجواد المسكينفهو يبدو فى منتهى
القوة منتهى البطش.....منتهى الضعف

كانت رقية قد أعدت بعض القهوة ودعت إيناس لزيارتها فى المساء
إعتدت إيناس فى جلستها ورشفت القليل من قهوتها وهى تقول : الحقيقة فنجان مضبوط وفى
وقتهكان عندي صداع فظيع
رقية : يا ريتك تيجي تشربيه معايا كل يومزى مانتي شايفة أنا قاعدة فاضية

.....
إيناس : معلىش غصب عنى أوقات برجع هلكانه بنام بدري قوي
رقية : الشغل متعب

إيناس : يعني ممكن علشان لسه بتعلم

رقية : معلش وكمان بشمهندس خالد صعب شوية الخيل عنده خط أحمر

إيناس : هي بصراحه حيوانات جميلة قوي مكنتش أعرف إنها جميلة كده

رقية : واضح إنك شخصية رقيقة قوي يا إيناس

إبتسمت إيناس بخجل : متشكرة

رقية : لأ مش مجاملة ده بجد وياريت متكسفيش مني وإعتبريني زي أختك الكبيرة على الأقل

تونسيني في وحدتي

لمحت إيناس نظرة حزن على وجه رقيةلم تفكر إيناس بتأني قبل ذلك في حال تلك

السيدة الطيبة فهي سيدة قاربت على الأربعين من العمر تعيش وحيدة مع زوجها دون أولاد

.....أيعقل أن تكون السيدة رقية عاقراً لا تنجب وأن تلك اللمحة الحزينة بوجهها هي نتاج

إشتياق لتلك النعمةحاولت إيناس تغيير الموضوع فقد شعرت بالشفقة عن المسكينة

تحدثوا عن المزرعة وعن حديقتها وزهورها الجميلةقطع حديثهم قدوم زائر ظل

يطرق الباب بإلحاحكان شاباً يبدو في أواخر العشرينيات له طلعة بهية

يرتدي قبعة مميزة سمراء اللون شبيهة بما يطلق عليه الكاب ويعلق حقيبة مميزة على ذراعه

.....دخل حمزة مع حسن محدثاً بعض الجلبةتقدم من رقية قائلاً : أبله

روكاااااااااااا وحشتيني

ضربته رقية ضربة خفيفة على ذراعه وتابعت : يا بكاش أنا بقالي يومين بتحايل عليك تيجي

تبص على الجنيةالورد ما فتحش يا حمزة

حمزة : الصبر يا أبله حيفتح مستعجله على إيهإقترب منها حمزة هامساً وتابع : وهو

جوزك ده مش مهندس زراعي برده ولا معاه دبلوم صناعي قسم لحام

ضحكت رقية وتابعت بصوت عالٍ : بتقول إيه مش سامعة

حمزة : لا مابقولش حاجهعندها لمح حمزة إيناستلك الجميلة التي

تقف منزوية تتابع حديثهم في صمتتركهم حمزة وتوجه نحوها الفور موجهاً لها

التحية قائلاً : مساء الخير

ردت إيناس بإقتضاب : مساء النور

حمزة : إيه يا طنط روكا مش تعرفيني بضيوفاك

قال جملته ونظراته مازالت موجهة نحو إيناسإقتربت منهم رقية وتابعت :

البشمهندس حمزة ابن أخت حسنالدكتورة إيناس الدكتورة البيطرية الجديدة هنا

حمزة : بجدده المزرعة نورت

إيناس : متشكرة

حمزة : تعرفي يا طنط وانتي يا كمان دكتورة إن في دراسة ألمانية بتقول إن الخيل أكثر كائن

حي محظوظ

رقية : يا سلام

حمزة : اه بجد مكنتيش تعرفي الدراسة دي يا دكتورة

إيناس : الحقيقة لأ

تابع حمزة بجدية : دي دراسة إتعملت من سنتين تقريبا عملوا مقارنة وإكتشفوا إن الخيل أكثر الكائنات حظاً تحبي تعرفي ليه

إيناس : ليه ؟

حمزة : أولاً عيونهم واسعة وده بيديهم قدرة قوية على النظر لمسافة بعيدة وودانهم كبيرة فيبسمعوا كويس حتى دبة النملة

إيناس : نعم !!!! دي الأسباب

حمزة : لسه معرفتيش أقوى وأهم سبب

إيناس : وإيه هو ؟

حمزة : بيكشف عليهم أحلى دكاترةكنت أتمنى أكون خيل بصراحه

نظرت نحوه إيناس بغضب عندما فهمت مغزى كلامه ونغزته رقية بذراعها وتوجهت لإيناس بحديثها قائلة : معلىش يا إيناس هو حمزة بيحب يهضر كثير

إبتسمت لهم إيناس وتركتهم مغادرة بعد وجهت تحيتها لرقية والمهندس حسن وإبتسامة فاترة لحمزة

نظر حسن لحمزة بغضب بعد مغادرتها وقال : هو إنت كده علطول متعرفش تتكلم بإحترام يا بنى آدم إنت

حمزة : إيه يا خالو بس دي مجاملة بسيطة

حسن : لا والله

حمزة : بس بجد هي دكتورة حلوة يعني خالد يتحسد ده ما بيشغلش غير غفر

رقية : مش خالد اللي عينها دي من طرفي ممكن بقه ما تضايقهاش

حمزة : خلاص خلاص وأنا حاشوفها فين منا مطحون هناك في بولاق مع البقر و الكيماوي مش إنتم هنا قاعدين في جاردن سيتيبقولك إيه ما تشوفيلي مكان هنا معاكم في جاردن

سيتي حيث الخيل والخضرة والوجه الحسن

رقية : امممممم مش حاخلص أنا عارفة

حمزة : طيب يلا إعرفي تعرفيها منين

رقية : حمزةبلاش تهريجك ده وخصوصا مع إيناس أبوس إيدك

حمزة : ليه بس أنا بهرج عادي والله

رقية : حمزة إيناس جوزها توفى من فترة مش كبيرة وهي أصلاً حبيبتى هادية وكلامها قليل ما صدقنا إنها مستقرة وإشتغلت وبدأت تواصل حياتها مش عايزاها تطفش

حمزة : إيه ده القمر دي أرملةياعيني

رقية : اه شفت حبيبتى صغيرة صعبانه عليا قوي

حمزة : أنا مش باتكلم عليها هي أنا بتكلم على جوزها ده أنا لو مت وسبت قمر زي

أيضاً..... لاحت على شفثاه إبتسامه ساخرة عندما تذكر صوته الذي كان يجاهد ليبلغ مبلغ الرجال وهو يخبرها أنه أصبح رجل المنزل الآن وسيتمكن من الإعتناء بها ولكن لم يكن هو رجل المنزل ولا أبيه بل أصبح هناك آخر لا يعرف لماذا لم يطمئن لتلك الإبتسامه الكاذبة والصوت الدافئ فقد كان مختار أحد الموظفين بأحد شركات أبيه إستطاع بخبث و في شهور قليلة أن يتسلل لقلب الأرملة وبعد الزواج وربما في غضون شهور أقل أصبح يتحكم بكل شئ هي و وإدارة الشركات وخالد !!!!!

كانت الساعة قد قاربت على التاسعة صباحاً نسوة تزين بالرخيص من الثياب والحلي منهن من تحمل فوق رأسها غنيمتها من الأطعمة اللذيذة وأخرى تنظر في مرآه متهالكة عسى أن تضيف لمسة أخيرة من الجمال قبل لقاء زوجها رجال وقد ملأوا جيوبهم بالمال والسجائر رغبة في تهريب كلاهما لأحد المساجين بالداخل نعم كانوا يقفون جميعاً في إنتظار إذن الدخول فاليوم هو موعد الزيارة ووسط هذا الجمع كانت تتقدم هي بخطوات واثقة وكأنها جاءت لتلك اللوحة البائسة لتمر أمامهم وتنتثر ألوان الغنج مع كل خطوة تخطوها كان شعرها الأحمر مسترسلاً على أحد كتفيها أخفت عينيها الزرقاوتين خلف نظارة قاتمة وزينت شفثاها بلون الكرز الذي طالما تميزت به

لم يصدق الصول عبد الحميد نفسه عندما وجد تلك الجميلة أمامه كيف وقد إعتاد على الوجوه البائسة نساء إختفى الجمال من وجوههن وحل مكانه أعباء الحياة وتجاعيد الزمن التي توغلت بدقة في ملامحهن إبتسم وهو يقوم مسرعاً من أجل مصافحتها قائلاً :
إفضلي يا ست هانم إفضلي ده البيه المأمور موصيني والله وهو مش محتاج يوصيني يعني لا مؤاخذه اللي زي حضرتك ما يقفش مع دول بردك الناس مقامات ولا إيه
جاءه صوتها الرقيق بعبارة مقتضبة : ميرسي

أدخلها الصول لأحد الغرف الصغيرة لتنتظر المسجون الذي جاءت لزيارته كانت تلك هي زيارتها الأولى له فمنذ ما حدث قررت الإبتعاد وربما لولا صداقتها للواء عادل الذي سهل زيارتها للمكان لم تأتي خطوات بطيئة تقترب من الباب قطعت أفكارها نعم أخيراً وصل لقد مرت ثلاث أعوام تغيرت ملامحه كثيراً أصبح البأس هو صاحب اليد العليا وإتخذت الخصلات البيضاء لشعره طريقاً فأصبح رمادياً إبتسم لها ساخراً وشفثاه تنطق بإسمها في حلق : كارمن !!!!!

كارمن كان يرددها بنبرة ساخطة.....جلس أمامها وقد تفحصها من رأسها
لأخص قدميها ثم أمسك بيديها ملمحاً لسابقتها المنقوشة بالحناء قائلاً : بيعجبني فيكي إنك مهما
حصل بتحبي تحافظي على ستايلك
سحبت يدها سريعاً وأخرجت سيجارة.....نفثت الدخان بحدة وهي تقول : إزيك يا كريم
كريم : سؤال غريب
كارمن : لأ يعني قصدي مرتاح هنا
كريم : هو الأكل كويس بس الخدمة مش قد كده
كارمن : بتترياً
كريم : دي الإجابة الوحيدة على سؤالك
كارمن : أنا كنت مسافرةلسه راجعة من شهرين
كريم : والله وكنتي فين بقه بتتفسحي مع خالد باشا
كارمن : كريمأنا وخالد إتطلقنا
نظر لها بسخرية وتابع : بجدزعلتيني ليه كده ده إنتي بعني كل حاجه علشانه أبوكي
.....وأخوكي
كارمن بأسى : كريم أنا مبعتكشأنا مكنتش أعرف اللي خالد ناوي عليه
.....صدقني أنا إتفاجئت
كريم : وأنا كمان إتفاجئتإتفاجئت يوم ما لقيته داخل عليا ومعاه عقود ملكية لأكثر
من نص الشركةفاكرة ولا نسيتي دي كمان
لم تنسى كارمن بل كانت تغوص بذكرى كل ما حدث ليس فقط منذ زواجها بخالدلا
بل من قبل ذلك بأعوام ربما حتى من قبل لقائهما الأول فقد بدأ الأمر بزواج فريدة ومختار
.....

كما تجف قطرات الندى مع شروق كل صباح جديد جففت الأرملة فريدة دموعها سريعاً وإنتبهت
للتركة الثقيلةتلك الأمانة التي حملتها بين ليلة وضحاها نعموأيضاً بين
ليلة وضحاها تحولت فريدة لغنيمة بذل مختار الغالي والنفيس للفوز بها
كان مختار موظفاً مرموقاً بإحدى شركات زوجها الراحلإستطاع في فترة وجيزة
كسب ثقة فريدة فأصبحت تعتمد عليه في كل شئ وفي خلال شهور قليلة تمكن الموظف الوسيم
من عقلها وقلبها وكل ما تمتلك وتزوجت فريدة بمختارلم يتقبل خالد الزواج منذ

أول ليلة بل كان يشعر بالغضب يمزق ضلوعه خاصة عندما سافرت أمه وتركته لقضاء شهر
العسل !!!!

مرت الأيام والجفاء يزداد بين خالد وفريدة والسبب مختار..... كان كلاهما كعدويين ينتظر
كل منهما أقرب فرصة للقضاء على الآخر..... غضب خالد من تحكيمات مختار بكل ما
يخصهم وإصرار فريدة على جعله أب إجباري له بشتى السبل..... وعلى جانب آخر لم
يتوانى مختار عن مضايقة المراهق المتمرد رغبةً منه في كسر أنفه..... و مع مرور
الأيام بدت الطباع السيئة لمختار في الظهور رويداً رويداً..... خاصةً حبه للخمر وتعديه
بالضرب على فريدة كلما عكرت صفوه كما إعتاد ان يقول لها..... كان صوت
صراخها يمزق خالد إرباً وكاد مرة أن يمسك بسكين لقتله ولكن ما كان يمزقه أكثر وربما يدمر
كل القوى بداخله أصوات ضحكاتها ودلالها بعد أن يسرّتها مختار بطريقته الخاصة !!!!!!!

.....

ومرت الأيام ربما دون لون أو طعم أو رائحة..... كان خالد يقضي أغلب أوقاته خارج
المنزل وود لو يستطيع المكوث مع عمته الوحيدة أملاً بحياة طبيعية..... وفجأة حدث شئ
لم يكن بالحسبان..... توفيت زوجة مختار الأولى وانتقل أولاده للمكوث مع خالد وأمه
..... كريم وكارمن

كانت كارمن الجميلة بنفس عمر خالد..... تسلب لب كل من تقع عليها عيناه بشعرها الأحمر
المتمرد وعيناها الزرقاوتين ولكن خالد لم يعيرها إهتماماً في البداية فهي بالنسبة له إبنة مختار
و فقط !!!!

ولكن بعد مرور عام سافر كريم من أجل أن يُكمل دراسته بالخارج كما أراد والده فقد كان مختار
يخطط أن يدير كريم بعد ذلك مجموعة الشركات الخاصة بخالد خاصةً بعد أن أصبحت فريدة
كالعجينة اللينة بين يديه يشكلها كيفما يشاء وأقنعها أن الأفضل لخالد دراسة الهندسة الزراعية
لمتابعة الأراضي الزراعية الشاسعة التي يمتلكها أبيه ملمحاً أن هذا أيضاً لم يكن بالقليل
..... وسافر كريم وأصبحت العلاقة أكثر ودأً بين كارمن وخالد..... أصبح خالد
ونيسها الوحيد..... وبدأت العلاقة..... علاقة عشق محرم بين الجميلة والغاضب

كانت كارمن تجلس بجانبه بحديقة المنزل..... كانت تبدو جميلة تحت ضوء الشمس الذي
أعطى شعرها الأحمر وهجاً مميزاً نظرت نحوه بإبتسامة عابثة وقالت : عاجبك لون شعري
خالد : أكيد

كارمن : الناس حفظتني في الجامعة من أول يوم بسببه
جذب يديها برقّة وأخفاها داخل راحة يديه وتابع : بسببه هو بس
كارمن : خالد طنط تاخذ بالها

خالد : ميهمنيش

كان خالد يرى في كارمن كل شئ ربما ما لا تراه هيالعبثالجنون
.....الثقةالرغبة !!!!!

وتركت هي نفسها لحبهكانت تشعر أن الحياة ضحكت لها وستظل كذلك
.....نعم ستكلل قصة حبها مع خالد بالزواج وليس أي زواج فهي ستتزوج من سيجعل
حياتها نعيماً ربما كالأميرات نعم مثل والدها وزواجه من فريدةوسعد
خالد بلحظات المتعة التي إعتاد أن يسترقها مع كارمن في سكون الليل وبلغت سعادته ذروتها
عندما لمح مختار في أحد الليالي وهو يخرج عاري الصدر من غرفة كارمن عندها فقط شعر
بالإنتصار

لم يشعر بقوة اللكمات الموجهة إليه بل إن الدماء التي سالت من فمه كانت بطعم العسل
.....كان يشعر بالسعادة بالرغم من نحيب أمه وصراخ كارمنولكن أجمل ما في
تلك الصورة كانت شرارة الغضب التي تبرق داخل عيني مختار

وبعدها كان قرار مختار سريعاً وأذعنت فريدة لأمره ففي النهاية خالد قد إرتكب خطيئة لا
تغفر..... ورحل خالد عن منزلهمكث مع عمته بعيداً ولم يكن يحدث والدته إلا
قليلاً فأصبح غريباً عن ما يمتلك وبعد مرور عامان كان مختار قد نفذ خطة وضعها بإحكام
.....و فوجئ خالد بإتصال من والدته تطلب منه العودة للمنزل سريعاًكانت باكية
.....إنطلق للمنزل مسرعاً غاضباً وهناك كانت تجلس فريدة في إنتظارهدخل

خالد للمنزل وهو يجول ببصره باحثاً عن مختار ويقول : حصل ايه
فريدة : طيب أقعدأقعد وأنا حافهمك

خالد : تفهميني ايهايه اللي حصل ومختار عمل ايه

فريدة باكية : سامحني يا ابنيمختار ضحك عليا

خالد : إنتي بتقولي ايه

فريدة : مختار خلاني أمضي على شيكات بدون رصيد وبيهددني يا نتنازل ليه عن الشركة يا
حبيسني

خالد : ايه !!!! مش فاهم وإنتي معندكيش رصيد في البنك

فريدة : أصليأصلي سحبت الفلوس كلها علشان الشركة كانت محتاجه سيوله

خالد : ايه !!!!!!! حرام عليكحرام عليك

فريدة : الحيوان بان على أصلهأمك حتحبس يا خالد

كانت كلماتها كالصاعقة فمختار لم يسرق أمه وحياته وسعادته فقط بل يسرق أمواله وبفجور

..... كان يشعر بالغضب بالحيرة بالضعف ولكنه
بدا قوياً كالصخرة وعلى الرغم من صغر سنه شعر بالمسؤولية بالرجولة نظر
لها بثقة وتابع : موافق بس بشرط
فريدة : شرط !!!! شرط إيه
خالد : تطلقي منه فوراً

وهكذا خرج مختار غانماً من حياة فريدة ولم يتبقى لخالد من شركات أبيه سوى فرع صغير
بالإسكندرية والفرع الآخر بأمریکا الذي كان يديره كريم وكبده خسائر فادحة وإستطاع
خالد إستلام باقي تركته بعد بلوغه سن الرشد وسافر للولايات المتحدة حتى يتمكن من إنقاذ ما
يمكن إنقاذه بفرع الشركة هناك وإستكمال دراسته أيضاً ولكن بعد شهور قليلة من سفره تزوجت
فريدة مرة أخرى

نعم مرة أخرى وتلك المرة من شاب يصغرها بأعوام عديدة بل شاب في مثل سنه
..... كانت صدمة زواجها تلك المرة ربما أقوى من صدمته الأولى فقد أعادت الكرة رغم
كل ما حدث ولم تبالي بشئ ولن تبالي بشئ سوى فريدة نعم وكارمن لا تبالي سوى
بكارمن ومارجريت التي تزوجها بعد زواج أمه بأيام لا تبالي سوى بمارجريت

ومرت الأيام وقرر خالد العودة لمصر وبدء مشروعه الحلم الذي فكر فيه منذ
سنوات منذ تخرجه وساعده صديقه حسن على إتمام الفكرة بحكم خبرته

وبدأ خالد ببيع ممتلكات أبيه من أراضي وعقارات حتى يحصل على الأرض التي ييغها
بالصحراء ليبدأ مشروعه لم يتوقع خالد أن كارمن ستعاود الظهور في
حياته مرة أخرى نعم فبعد طلاقه من مارجريت وعودته لمصر شاء القدر أن يراها مرة أخرى
..... زادت بريقاً وجمالاً شعرها المموج الأحمر المسترسل بثقة على كتفيها
وشفتاها التي دائماً ما تزينت بلون الكرز عيناها والبحر الثائر بداخلها لم
تصدق نفسها عندما وجدته يقرب منها كانت قد إرتشفت القليل من قهوتها تركت الفنجان
ونظرت له بدهشة : خالد مش ممكن

إبتسم ساخراً وتابع : الدنيا دي صغيرة قوي

كارمن : فعلاً وإنت شكك كمان إتغير خالص

نعم فخالد قد تغيرت ملامحه كثيراً أضافت بشرته الداكنة وبأس السنوات لملامحه

جاذبية قوية وأصبح بنيانه الجسماني أقوى مما كان عليه بفترة المراهقة نظرت له

كارمن بإعجاب وتابعت : بس تغيير للاحسن طبعاً

جلس خالد في مقابقتها دون دعوة ثم إرتشف القليل من قهوتها وتابع : وإنتي إيه اخبارك

إقتناص الفرص إستراتيجية بسيطة لا يتبعها الكثيرون ولكن خالد إتبعها وبدقة وعندما جاءت الفرصة أصبح الرجل المناسب في المكان المناسب كان المرض تمكن من مختار فأصبح قعيداً أغلب الأوقات تاركاً الجمل بما حمل كما يقولون لإبنه كريم الذي برع وبشدة في إفشال كل نجاح يتعثر به و إستطاع خالد بعلاقته القوية بكبار رجال الأعمال أن يساعد على إبراز فشل كريم بل ومساعدته أيضاً على الفشل وبتفوق حتى أنه كان يعلم كل صغيرة وكبيرة عن صفقات كريم المشبوهة من أجل الحصول على المال السريع

وعلى جانب آخر ملت كارمن من الحالة المتردية للشركة والخسائر الفادحة التي تكبدها كريم لهم جميعاً..... وفي أحد الايام جاءته كارمن باكية

خالد : حبيبتي مالك في إيه

كارمن : بابا يا خالد بابا تعبان قوي

خالد : عرفتي منين

كارمن : كريم الزفت اتصل قالي تخيل إنه دخل المستشفى

خالد : طيب ايه اللي حصل

كارمن : معرفش بيقوللي جلطة في القلب أكيد طبعا إتخسر من اللي كريم بيهببه في

الشركة بالطريقة دي حنفلس وقريب كمان

خالد : طيب إهدي

كارمن : أهدي إزاي بس الغبي حيزيع كل حاجه الشركة بتخسر سنة ورا

التانية ياريتتي أعرف حتى أبيع نصيبي بس مش عايزة بابا مني تاني

خالد بدهشة مدعياً عدم معرفته بالأمر : نصيبك

كارمن : أيوه ماهو بابا من فترة كتب الشركة بإسمي أنا وكريم أنا الثلث وهو الثلثين

خالد ساخراً : حسب الشرع يعني

كارمن : حظي انه عمل ده قبل ما نتجوز ولا كان زماني بخ مع إنها معدتش فارقة دلوقتي

خالد : عندك حق متزعلش مني كريم عنده مشاكل كثير والكلام منتشر في السوق

كارمن : اه يعني كمان السمعة إنضربت مش حاعرف أبيع

خالد بمكر : بصي يا كارمن انا عندي حل

كارمن : إيه

خالد : عندي مشتري

كارمن : بجد ومين ده اللي حيشتري مني أسهم شركة خسارانه أكيد حينزل السعر في الأرض

خالد : لا متخافيش المشتري ده هو اللي انا بعت ليه فرع اسكندرية وممكن يدفع كويس علشان

يدخل شريك في الفرع الرئيسي

كارمن وقد عاودها التردد مرة أخرى : أيوه بس بابا

إقترب منها خالد ليحتضنها :

أنا بعمل ده علشانك وعلشان أحفظ حقك قبل ما كريم يضيعه لو مش عايزة بلاش

نظرة شيطانية وقذف العقود بوجهه وهو يقول : اه يا كلاب طبختها إنت والكلبة مراتك
خالد بيروود وسخرية : المشاكل العائلية دي مليش فيها تبقوا تحلوها مع بعضالمهم
حضرتك دلوقتي تمضيلى على المبايعة دي بباقي نصيبكإتفضل
كريم : نعم !!! إنت بتستهبل ولا بتستعبط

قام خالد وتوجه بجسده القوى نحو كريم الذي كان أضعف منه في البنيان بمراحل ونظر له
بغضب وبصوت زاعق إرتدعت منه فرائص كريم صرخ وبقوة : لا يا حبيبي الإستهبال ده
خاص بيك إنت والبيه أبوك ومن الآخر كده حتلم الدور وتمضي دلوقتي وإلا الشيكات اللي إنت
مضيتها يا حلو من غير رصيد حتكون بكرة في النيابة ويا الدفع يا الحبس
كريم : كلبكلب

لم يشعر كريم بعدها إلا وقبضة خالد القوية تحطم أنفه وكلمات خالد تغزو أذنه كالصدى : مش
خالد رضوان اللي يتشتم ومن حشرة زيك

كان كريم يشعر أنه بدوامةيده المرتجفة تتحرك بتردد لإمضاء العقود واليد الأخرى
تمسك بمنديل يحيط بأنفه المدماةنظر نحو خالد بعداوة ثم تابع بنبرة خافتة يملؤها الحقد
: مش حاسيبكبقى طار بيني وبينك
خالد دون إكتراث : اه وماله بس مش دلوقتي كمان سبعخمس سنين كده
كريم : إيه !!!

خالد : اه أنا نسيت أقولك ماهو البوليس جاي يقبض عليك دلوقتيماهو مش شركات
رضوان القاضي اللي شغلها يمشى بالرشوة على آخر الزمنمعلش بقى أصل حبابيبي
كثير وفي ناس خدمتني فيك

ظلت ملامح خالد البائسة هي ذكرى كريم البائسة خلف القضبانكلماته في ذلك اليوم
لم تفارق عقله ولو ليوم واحد " إبقى سلملي على مختار بيه وقول له مش خالد رضوان اللي
يسيب حقه "

نظر كريم نحو كارمن بأسى وتابع : وأنا برده مش حسيب حقي يا كارمن فاهمة
كارمن : قلت لك أنا مليش دعوة هو ضحك عليا زيك بالضبط وبعد ما خد اللي هو عايزه طلقني
إفهم بقهأنا إتطلقت بعد حبسك بأسبوع واحد وفي الآخر بابا مات غضبان عليا
كريم : مات بحسرتة بسببهمش حاسيبه فاهمة مش حسيبه
كارمن وقد لمعت عيناها بنظرة مختلفةنظرة مأكرة مُطعمة بغضب دفين ظل ينمو
داخل قلبها لسنوات حتى تمكن منها فأصبحت الرغبة في الإنتقام هي من تقودهاطغت
تلك الرغبة على فكرهاإرادتهاوسلوكها !!!!!!
تابعت بنبرة خبث ممزوجة بالسخرية : وأنا كمان مش حاسيبه

لاحت على فمه إبتسامة ماكره إقترب منها كريم وأمسك بوجهها وتابع : يبقى لازم يدفع
الثلث يا كارمن لازم تدفعيه الثلث
كارمن : إزاي

كريم : زي ما ضيع مننا كل حاجة حنضيع منه كل حاجة فاهمة كل حاجة

وكأنها كانت تنتظر كلماته وكأن تلك الكلمات هي منبع راحتها بعد سنوات الغضب
..... نعم الغضب الذي حل محل عشقها المتمرد نحو خالد هل ما زالت
تعشقه لا هي تكرهه حتى النخاع عادت لمنزلها الذي
إحتضن من قبل لحظاتها الدافئة معه أمسكت بالفرشاة وعلى لوحها البيضاء نثرت
مشاعرها مزجت ألوان الغضب بالحب الثورة الجنون
..... العشق الرغبة

نعم فالإنسان بطبعه كائن راغب ولكن المعضلة هي ماذا يرغب !!!!

الفصل الثاني عشر

نظرت ثريا من نافذة السيارة تتفحص الطريق في فضول كان الطريق هادئاً وكأن
سيارتهم هي الوحيدة التي قررت إقتحامه مع ساعات الصباح الأولى بدا كشريط أسود
لامع وقد تناثرت رمال الصحراء على جانبيه فبدت كأنها بلغت الأفق
نظرت نحو زوجها وقالت بنبرة يشوبها الملل : لسه كتير يا عبد الرحمن
عبد الرحمن : خلاص يا ثريا قربنا
ثريا : برده بعيد قوي المكان
عبد الرحمن : ولا بعيد ولا حاجة إنتي بس اللي إتعودتي على المسافات القريبة
ثريا : جايز

بعدها بقليل وصلت السيارة التي تقل ثريا وعبد الرحمن للمزرعة وعلى الرغم من تأفف ثريا من
بعد المسافة إلا أنها لم تخفي إعجابها بالمزرعة لحظة دخولها خاصةً بأشجار الليمون التي صفت
على التوازي يميناً ويساراً تحتضن طريقاً ممهداً صمم بإيداع

كانت الساعة لم تتعدى الثامنة صباحاً وإيناس تنتظرهم أمام مدخل الفيلا ممسكة بهاتفها النقال
لتطمئن أن أبيها لم يضل الطريق وصلت السيارة وودع عبد الرحمن السائق منبهاً
عليه أن يعود ليقلهم في المساء شعرت إيناس بالحنين عند رؤية أمها وأبيها

.....كانت قد إفتقدتهم بشدة ولكن رؤيتها لهم جعلتها ربما توقن أكثر بدقات قلبها المرتجفة
نحوهمإقتربت إيناس من أمها وإحتضنتها بشدة وهي تقول : وحشتيني قوي يا ماما
ثر يا وهي تلمس على شعر إبنتها وتقبل وجنتها في حنان : وإنتي كمان يا حبيبتي وحشتيني قوي
نظر له عبد الرحمن بإبتسامة قائلاً : وأنا مليش نصيب في الأحضان دي ولا إيه
إيناس : يا خبر إزاي يا باباإنت وحشتني جدا
إحتضنت إيناس أبيها بقوة بدورهثم دلفوا جميعاً للداخلنظرت ثريا بإعجاب
للمكان حولها وقالت : حلو المكان مفروش كويس
عبد الرحمن : مش قلتك
ثر يا : بس برده المكان فاضي قوي
عبد الرحمن : ده إسمه هددووووووووو
ثر يا : هدوء إيه ده إسمه مللإيناس يا حبيبتي لو زهقانه إرجعي معانا
عبد الرحمن : إيه اللي إنتي بتقوليه ده
ثر يا : إستنى بس يا عبد الرحمن مش بسألها
إيناس وقد إبتسمت لأمها لتشعرها بالطمأنينة : أنا مش زهقانه يا ماما ومرتاحه هنا
ثر يا : بجد
إيناس : أيوه بجد
ثر يا : بس إنتي مكنتيش عايزة تسافري
إيناس : وسافرت ودلوقتي إتعودت وبجد مرتاحه في المكان
ثر يا : بس هادي قوي
إيناس : ما هو ده أحلى حاجه فيه
عبد الرحمن وهو ينظر لثر يا بلوم : خلاصإرتحتيممكن بقه نفطر في الجنية
الحلوة دي
إيناس : بس كدهأنا حضر الفطار حالاً
ثر يا : تحضري إيهأنا جايبه معايا الفطار
إيناس : يا خبر يا ماماأنا عندي هنا كل حاجةمانتي عارفة مدام رقية
مابتسبنيش وكل ما تجيب طلبات تسألني عايزة إيه وتجيبي معاها
ثر يا : الست دي شكلها ذوق قوي
إيناس : هي فعلا كده
ثر يا : برده أنا جايبة الفطار بصي أنا سلقت بيضبيض بلدي مش بيض السوبر
ماركت ومعايا جينة قريش كمان وعجينة طعمية عاملاها بإيدي
إيناس : يا خبر يا ماما
ثر يا : وأدي شوية أكل بقه بيتي بجدحطي في الفريزر يلاودي حاجة
الغدا حاطبخها ليكي النهارده
إيناس : إيه يا ماما ده كله

ثريا : أسكتيإنتي قاعدة بعيد ولا بتعرفي تاكلي ولا تشربي أنا عارفة

إبتسمت إيناس لأمها فهي تعلم طباعها جيداًنعم إعتادت ثريا أن تهتم بكل صغيرة وكبيرة تخص عائلتهامنذ صغرهم وهي تعمل بتفان من أجل إسعاد الجميعفتتحقق سعادتها بدورهافهي ببساطة أم مصرية

جلس عبد الرحمن على الطاولة الصغيرة منتظراً إيناس وأمها وطعام الإفطارإشتم بأنفه رائحة الطعمية الساخنة التي جلبتها ثريا وقال في حماس زائد : ريحتها جميلة والأجمل الهواء النقي ده

ثريا : هو الجو حلو فعلا في دي عندك حق
جلبت إيناس باقي الطعام وجلست معهم وعندها لاحظت ثريا الفيلا الأخرى الموازية لفيلا إيناس والحاجز الشجري الرفيع بين الحديقتيننظرت ثريا نحو إبنتها وقالت : هو في حد ساكن هنا يا إيناس

إيناس : أيوه صاحب المزرعة

ثريا : بس يا بنتي إنتي كده تبقي مش بحريتك ده الجنينة أكنها واحده

إيناس : ماهو أنا تقريبا مش بخرج الجنينة

ثريا : وليه حبس الحرية ده..... ماكنش في مكان تاني

إيناس : لأ مفيش هما 3 فلل بس هنا في مزرعة الخيل والفيلا التانية المستقلة اللي فيها مدام رقية وبشمهندس حسن

ثريا : وليه مخدتيش إنتي المستقلة

إيناس : أنا ماخترتش هما علطول جابوني هناده غير إن ده مكان سكنهم من الأول ومستقرين فيه

ثريا : اااa

عبد الرحمن : مالك يا ثريا بس

ثريا : ماهو مينفعش يا عبد الرحمنالبننت برده قاعدة لوحدها

إيناس : يا ماما إعتبري الجنينة دي مش موجوده أكنها شارع

ثريا : وهو صاحب المزرعة ده راجل كبير ولا شاب صغير

إيناس وقد قطبت جبينها وبدا عليها الإنزعاج الشديد : وحتفرق في إيه

نظر عبد الرحمن لزوجته بلوم ثم توجه ببصره لإيناس وطلب منها بإبتسامة : إيناس

.....عايزة أشرب شاي من إيدك الحلوة

تركتهم إيناس لإعداد الشايإنسحبت بغضببصمت

.....إنزوت قليلاً بأحد الأركان وهربت عبرة ساخنة من بين أهدابهافي تلك

اللحظة شعرت بالوحدةشعرت بالغضبأيقنت أنها في النهاية ستكون

مجرد أرملة

نظر عبد الرحمن نحو زوجته في غضب وتابع : أنا عايز أفهم إنتي بتدوري على أي سبب
علشان ترجعها البيت

ثر يا : بص بقة أنا مش مرتاحه لقعدتها لوحدها وكمان ميصحش
عبد الرحمن : ده مش كلامك يا ثريا

ثر يا : ده كلام العقل

عبد الرحمن : عايزة تسمعي كلام العقل ولا تشوفيه
ثر يا : مش فاهمة

عبد الرحمن : بصي كده لو ش بنتك فاكرة آخر مرة شفتي ضحكتها كانت إمتي
..... شايفة وشها رد إزاي

ثر يا : ما هو خلاص مدام بقت كويسة ترجع بقة

عبد الرحمن : هو إنتي فاكرها بتعالج في مستشفى ده شغل حياة جديدة
ووجوه جديدة هو ده علاجها يا هانم

ثر يا : أنا بس بقول

عبد الرحمن مقاطعاً : لا تقولي ولا تعيدي أنا زيك وأكثر عايز بنتي قدام عيني لكن
بشغل عقلي مش قلبي بس

ثر يا : أنا خايفة عليها

عبد الرحمن : وأنا زيك بس أنا عارف بنتي وعارف أخلاقها ولا إيه

ثر يا : يا سلام طيب منا كمان عارفة أخلاق بنتي كويس

عبد الرحمن : بيقى ملوش لزوم الكلام ده ومن الآخر بقة متسلميش ودانك لأيمن كتير فاهماني
..... وإياكي تفتحي معاها الموضوع السخيف اللي كلمك فيه إمبراح

ثر يا : مش حافتحه بس مش معنى كده إنه موضوع سخيف

عبد الرحمن : لأ سخيف ومش وقته جواز إيه وعريس إيه اللي جايه ليها ده لسه مافتش
على موت جوزها 7 شهور

ثر يا : وهي حتجوز بكره يا عبد الرحمن والعريس اللي قال عليه ده بيشتغل معاه وعلى بال ما
ينزل أجازة حيكون فات يجي سنة

عبد الرحمن : يعني إنتي موافقه على العريس بقة

ثر يا : لأ مش موافقة طبعاً ومش حاجوز بنتي لواحد معاه عيال لكن برده ماهي مسيرها للجواز
يا أبو أيمن ولا حتعيش كده لوحدها طول العمر

عبد الرحمن : لا حول ولا قوة الا بالله مش دلوقتي ومش كده البنت لسه بتقول يا

هادي يادوبك بدأت تشم نفسها بلاش ضغط عصبي عليها بقة وكلام ملوش لازمة ولا
عايزاها ترجع تنتكس تاني

ثر يا : بعد الشر

عبد الرحمن : ماهو لو فتحتي سيرة الجواز دلوقتي محدش عارف رد فعلها حيكون إيه وممكن
ترجع زي الأول وأسوء وتعاند..... إيه رأيك بقه
ثريا : خلاص مش حاتكلم إرتحت
عبد الرحمن : أيوه يفضل تسكتي خالص.....البننت جاية

إقتربت إيناس ووضعت صينية الشاي وجلست شاردة.....لم تتحدث وزالت عنها نبرة
المرح التي إستقبلتهم بها.....حاولت ثريا أن تتحدث ولكن عبد الرحمن رمقها بنظرة حادة
لكي تلتزم الصمت وهكذا إحتسوا الشاي في جو من الهدوء الحذر ثم إتجهوا للداخل وقررت ثريا
التوجه للمطبخ لتحضير طعام الغذاء ووتوجه عبد الرحمن لغرفة إيناس لإجراء محادثة سريعة
.....

وفي الحديقة كان هناك من يجلس بأحد الأركان المنزوية بحديقته.....شاءت المصادفة أن
يستمتع لكل شئ..... إبتسم بسخرية كعاداته.....إيناس الملاك البرئ ربما بنظر
الجميع..... عزيزتي لن تتحملين ثوب العفة كثيراً.....بل ستخلعينه
سريعاً قبل أن يقضي عليك ويقتل أنفاس الحياة بداخلك.....نعم سنتوقين في النهاية
لقلب حقيقي يحتضن أحلامك بشغف.....فأنتي في النهاية.....مجرد امرأة

نظر عبد الرحمن لإبنته بتفحص وقبل أن يتحدث بادرته بقولها : بابا أنا ممكن أرجع البيت إنت
عارف أنا مسعتش لا لسفر ولا لشغل
عبد الرحمن : وهو الشغل عيب
إيناس : لأ بس ماما واضح إنها مش مرتاحه وأنا.....
عبد الرحمن : سيبك من ماما هي بس بتتلكك علشان إنتي بتوحشيتها..... ولا إنتي كمان
بتتلككي زيها وعايزة ترجعي
إيناس : لأ أبداً
عبد الرحمن : خلاص يبقى نقفل الموضوع ده وتعملي لبابا فنجان قهوة مضبوط وتحكي لي عاملة
ايه مع الخيل
إبتسمت وبدا على وجهها الراحة وقالت : حاضر ثواني وحاجيبه لحضرتك
وامضت بعدها إيناس الوقت برفقة والدها الذي محور حديثهم حول عملها والخيل فقط
.....

كانت ثريا تقف بالمطبخ عندما سمعت جرس الباب نظرت نحو إيناس متسائلة : حد جايلك

إيناس : دي أكيد مدام رقية
وبالفعل دخلت رقية بمرحها المعتاد وألقت التحية على الجميع إقتربت منها ثريا مرحبة
: مدام رقية إيناس كلمتني عنك كثير

رقية : المزرعة نورت النهارده

ثرثيا : الله يخليكي منورة بيكم

رقية : وإيه رأيك في المكان

ثرثيا : جميل بس ساكت قوي وفاضي

رقية : هو مش فاضي قوي بس أصل أغلب العمال ومدربين الخيل سكنهم بعيد عننا وكده أحسن

أصل كلهم رجالة

ثرثيا : بس هنا 3 فلل بس

رقية : ايوه أنا وجوزي وصاحب المزرعة ودكتورتنا العسل دي لازم تكون في وسطينا علشان

ناخد بالنأ منها

ثرثيا : الله يخليكي ويطمحك

رقية : خلاص إنتم بكرة ان شاء الله حتتغدوا عندي

ثرثيا : الله يخليكي بس معلش مش حينفع

رقية : ايه يا ست ثريا إنتي طالعة لبنتك ولا ايه

ثرثيا : هههههههههههههههه لا والله اصلنا حنمشي بالليل

رقية : ايه ايه بسرعة كده ايه يا إيناس

إيناس : للأسف مصممين

ثرثيا : مصطفى إبنني لوحده وعنده إمتحانات مش حينفع أسيبه هو يوم واحد

بالعافية

رقية : مالحقنوش تقعدوا

ثرثيا : معلش والأجازة الجاية إيناس تنزل بقة وحضرتك تيجي تنورينا

إيناس : طبعا إن شاء الله

ثرثيا موجهة حديثاً حاداً لإبنتها : مفيش أعذار أنا فوتهالك المرة دي المرة الجاية تنزلي أجازتك

رقية وقد تفهمت خوف ثريا وقلقها على إبنتها : تعرفي يا ست ثريا أنا برده بقيت أقعد هنا

علطول إتعودت على المكان مش عايزاكي تقلقي على إيناس أنا تقريباً مش بنزل

مصر هنا بيتي وقاعدة هنا علطول

ثرثيا : بس برده بيتك في مصر مش بيوحشك

رقية : هنا بيتي و المكان اللي برتاح فيه يلا أسيبكم بقه براحتكم

ثرثيا : رايحة فين لسه بدري

رقية : بدري من عمرك يا ست الكلسلام يا أنوس
إيناس : مع السلامةحاكلمك في التليفون بالليل
نظرت ثريا لإيناس بعد رحيل رقية وقالت : طيبة قوي الست دي
إيناس : فعلاطيبة قوي

كانت إيناس تشعر بالذنب لأنها كانت تتعمد التباعد عن رقية في بداية أيامها بالمزرعة ولكنها
إكتشفت مع مرور الوقت قلب رقية الطيب وصحبته الممتعة فأصبحت رقية ونيسها الوحيد
المسموح له إختراق عزلتهاالعزلة التي بدأت تتبدد مع الوقتتنفثع
كعتمة ليلة مظلمة بعد أن يجتاحها ضوء الشمس دون هوادةنعم ربما لن تصمد
عزلتها بل ربما تتراجع مهزومة أمام ضوء الحياة فتصبح مجرد ذكرى

الفصل الثالث عشر

إنتهت زيارة عبد الرحمن وثرى لإيناس بالمزرعةعلى قدر حنينها إليهم وإفتقادها
لصحبتهم إلا أنها شعرت بالراحة عندما إنفردت بنفسها وتوقعت داخل عزلتها مرة أخرى
.....كان الباب يدق بإلحاحنظرت للساعة فوجدتها قد قاربت على السادسة
مساءً ولمحت أكثر من ست مكالمات على هاتفها الجوالمنذ أمس وهي غارقة
دون وعي مع ذكريات زوجها الراحل وكأنها تؤكد لنفسها قبل الجميع أنها مبحرة في ذكرى
شريف حتى الغرقولا شئ غير ذلكمازال الباب يدق بإلحاح
.....قامت متكاسلة لتجد رقية والقلق بادياً بقوة على ملامحهاوضعت يدها
على صدرها ونظرت نحو إيناس بغضب وتابعت : وقعتي قلبي وخضتيني عليكي
إيناس بتلعثم وهي تغلق الروب الطويل الذي إرتدته مسرعة قبل أن تفتح الباب : مدام رقية
خير.....

رقية : كل خير يا حبيبتى بكلمك من الصبح تليفونك مش بيرد وكمان بخبط وغبتي على بال ما
فتحتي قلقت جدا طبعاًكان خلاص قدامي شوية وأنادي على خالد يكسر الباب

.....
إيناس : معلىش أصل الموبايل كان جرسه مقفول من امبارح وأنا ماخدتش بالي
رقية : واضح إنى صحيتك من النوم
إيناس : لا عادي

رقية : عموماً مش حامشي وأسيبك تنامي براحتك والكلام دهيلا قومي إليسى

إيناس بدهشة : أليس !!!

رقية : أيوه حنخرج

إيناس : نخرج نروح فين

رقية : عيد ميلاديلا بقة

إيناس : طيب أفهم بس عيد ميلاد مين

رقية : عيد ميلاد حبيبيإرتحتي

نظرت نحوها إيناس بدهشة وإبتسمت : هو إنتي عاملة عيد ميلاد للبشمهندس حسن

ضحكت رقية بشدةضحكت حتى تبدلت ضحكتها بإبتسامة تحمل في طياتها الألم

.....تابعت بنبرة تصنع المرح : حسن سافر مصر الصبح ومش حيرجع إلا بكرة بالليل

.....

إيناس : طيب ليه ماسفرتيش تغيري جو

رقية : هو انا يا بت مش قلت ليكي مكاني هنا وبيتي هناهو وراه مشاغل

حيقضيها ويرجعويلا بقة متعطنيش

إيناس : طيب احنا رايعيين عيد ميلاد مين

رقية : عارفاكي حتتعبينيعيد ميلاد عمر حبيبي

إيناس وقد إبتسمت وعقدت حاجبيها في محاولة للفهم : اللي هو يبقى مين

رقية : ده يا ستي يبقى أجمل طفل في الدنياحبيب قلبي تم سنةأصل عمر ده

إتولد على إيديعلى فكرة مامته نفسها تتعرف عليك وشددت عليا اعزمك على عيد

الميلاد

إيناس : وهي تعرفني ؟

رقية : ماهو أنا أصلي رغبة وحكيت ليها عنكنرمين مهندسة زراعية وشغالة هي

وجوزها في الجزء الثاني من المزرعةالجزء الطبيعي والاكثر مرحاً يا حبيبي

.....ومفيش إعتذارأنا بصراحة مش عايزة أخرج لوحديها

إيناس : خلاص حاجهز نفسي مع إني مليش في جو الحفلات ده

رقية : السواق مستنينا نص ساعة وتكوني في العربية فاهمة

إيناس : فاهمة

صعدت إيناس لغرفتهابدلت ملابسها وكعادتها إختارت زياً بسيطاً مكوناً من فستاناً

أنيقاً بلون رمادي فاتح وأرادت فوقه سترة قصيرة من خامة الجينزصفت شعرها

سريعاً وتركته مسترسلاً خلف ظهرها ثم سحبت حقيبتها على عجل وتوجهت للسيارة حيث

تنتظرها ثريانظرت ثريا لإيناس بإعجاب وقالت : ايه الحلوة دي

إيناس : اه يعني أرجع أغير هدوميشكلي ملفت ولا إيه

رقية : حبيبي حلاوتك في بساطتكويلا العربية حتتحرك إتأخرنا

إيناس : بس دلوقتي أنا لازم أجيب هديةحجيب منين؟!
رقية : إتفضللي يا ستي دي هدية بسيطة عليها إسمك عملت حسابك طبعا معايا
إيناس : يا خبرطيب حسابها بقة
رقية : الحساب يوم الحساب
إيناس : لأ مش حينفع
رقية : خلاص يا ستي نتحاسب بعدين الدنيا مش حتطيرإطلع يا عم فاروق

وهكذا إنطلقت بهم السيارة ربما نحو عالم آخرأناس وأشخاص جدد تلتقي بهم إيناس
في عالمها الجديد
فالبشر أنواعنوع تسمح له بالدخول لعالمك ونوع تقذف به خارجه دون تردد ونوع
آخر يقتحم عالمك رغماً عنك ودون إستئذان

كانت تلك هي المرة الاولى التي تسلك فيها إيناس الطريق نحو المزرعة الأخرىبعد
حوالي أربع كيلو مترات من الظلام بدأت تظهر بوادر هذا العالم الآخرلم تكن بنفس
رونق مزرعة الخيل على الرغم من أن مساحتها أكبر بكثير ربما الضعف أو
أكثر.....أراضي زراعية بمساحات شاسعة وقد زرعت بمختلف أنواع الفاكهة
والخضرواتنظرت ثريا نحو إيناس وقالت : على فكرة بيزرعوا هنا فاكهة
حلوة قوي وبجد خالد عنده ضمير مش شغل هرمونات وكيماوي مضربجد حاجة
تشرف

إيناس : هو صحيح الدنيا ضلمة فأنا مش شايفة قوي بس واضح إن في تنظيم وإهتمام بكل حاجه
رقية : أصل خالد والده كان عنده أراضي زراعية كتير يعني هما في الموضوع ده من زمان بس
هو باع كل حاجه وجه اشترى الأرض هنا وعمل المزرعة ديده كان حلم كبير
عنده

إيناس : جميل إن الواحد يحلم ويحقق حلمه
رقية : وإنتي يا إيناس يا ترى إيه حلمك
نظرت نحوها وصمتت قليلاًبادرتها رقية حقاً بسؤال صعبإغرورقت
عينهاها بالدموع وهي تقول : بس أنا معنديش حلم
رقية وقد شعرت بالحزن لرؤية دموع إيناس : معقول معنديش حلم
إيناس : كانكان زمان عندي أحلام مش حلم واحد بس دلوقتي خلاص
أخذت رقية نفساً عميقاً ثم توجهت ببصرها للسائق وقالت بنبرة ثابتة : فاروقإرجع
تاني عن الأراضي لوسمحت
إيناس : ليه حنروح فين

رقية وقد بدت عبراتها هي الأخرى ولكنها تغلبت عليها بإبتسامة كاذبة : حوريكي حلمي

عادت السيارة مرة أخرى وتوقفت بإشارة من رقية التي خرجت على الفور من السيارة وفتحت ذراعها وكأنها تسعى لملئ رثتها بكل نسمات الهواء المتاحة أمامها.....تبعها إيناس في دهشة وتوجهت نحوها قائلة : هو إحنا نزلنا ليه

رقية : شايفة الأرض دي

إيناس : اللي قدامنا دي

رقية : دي بتاعتي أنا وحسن

إيناس : أرضكم

رقية : حلمناكنا ناويين لما نخلف نكتبها بإسم إبنناده كان إقتراح من

خالدباع لحسن النص فدان دهحتى خلانا نقسط تمنه وقاله لما تجيب ولد

إكتبها بإسمهخليها فال خيربس زي مانتى شايفة الأرض لسه بتاعتي أنا

وحسن

إيناس وقد بدا عليه الحزن لطالما شعرت بألم رقية ولكن لم يتحدثنا من قبل بهذا الشأنخرجت الكلمات متلعثمة من حلقها وهي تقول : أنامش عارفة أقول إيه

كانت رقية تنظر للأفق بعبرات متحجرةإستدارت نحو إيناس وأمسكت بيدها وتابعت :

أنا اللي حقول يا إيناسحقولك إن كان حلمي طفلإبن أو بنت ينور دنيتي

زي كل الستاتولما إتجوزت حسن طلب مني نأجل الخلفةكنا في أمريكا

وكان بيشتغل وبيدرس والدخل كان عالقد وسمعت الكلام وأخذت مواعخمس سنين

وأنا ببليع في حبوب علشان ماخلفشولما أن الأوان وحببت أحقق حلمي معرفتش

.....

هربت عبراتها رغماً عنهاتابعت رقية وهي تحاول التحكم في المطر الأسود المنهمر

من عيناها : طبعا رحى لدكتور وإثنين وكورس علاج ورا الثاني علشان نصلح الضرر اللي

عملته المواع بس زي ما انتى شايفة زي ما يكون مفيش أملبقالي خمس سنين بتعالج

لغاية ما زهقت وبطلت أحلم

شعرت إيناس بالأسى من أجل رقيةربتت على يديها محاولة أن تواسيها

.....نظرت رقية للأفق مرة أخرى وتابعت : إيناس جايز دلوقتي معندكيش حلم وجايز

عائشة في حلم قديم بس نصيحة لما تعرفي حلمك متسيبهوشإمسكي فيه بإيدك

وسنانكحققيه علشان متندميش بعد كدهعلشان متبقيش زي يا إيناس

.....صدقيني الوحدة وحشة قوي عاملة زي الضلمة بتحسي إنك مش شايفة حاجة

.....حتى نفسك

إيناس : إنتي شائلة هم كبير قوي بس ليه اليأس ده ربنا كبير

رقية : ونعم بالله

إيناس : ممكن بقه تمسحى دموعك دي فوراً

رقية : تصدقي إحنا ستات نكد بدل ما نروح عيد الميلاد ننبسط قاعدين نعيط.....زمان

السواق بيقول علينا مجانيين

ضحكت إيناس وما زالت العبرات بعينيها وأمسكت بيد رقية وإتجهوا معاً نحو السيارة
.....نعم فرقية مثلها تماماً تكتوي بنار الفراق ربما يكون فراقاً من نوع آخر ولكنها
بالتأكيد تشعر بالألم الراقد بين ضلوعها وتقدره

ألقت رقية النظر مرة أخيرة على عيناها قبل أن يغادروا السيارة وقالت مصطنعة المرح : ده
جزء اللي يحط كحل ويعيطبس اعمل أصل أنا قديمة شوية معرفش أنزل من البيت
من غير كحل

إيناس وقد ابتسمت لها في حنان : خلاص متقلقيش مفيش حاجه باينة
رقية : طيب نطلع بقه علشان إتأخرنا عليهم

كانت بناية تتكون من أربع أدوار ولكنها بناية عريضة فكل دور يحتوي على ست شقق
.....أخبرتها رقية أن هذا مقر سكن الموظفين بالمزرعة وأن هناك بنايات أخرى لسكن
العمال على الجانب الآخرنظرت إيناس للبناية بإعجاب فقد صممت بإبداع وتزين
مدخلها بأنواع مختلفة من شتلات الزهور والنباتاتضحكت رقية عندما لاحظت
إعجاب إيناس بمدخل البناية وقالت : العمارة نصها تقريباً مهندسين زراعيينعايزة
مدخلها يبقى عامل إزاي
إيناس : صح عندك حق

رقية : إحنا حنطلع السطح أصل هنا الشقق صغيرة بس هما موضبين السطح ومخلينيه قعدة
ظريفة لأن ده يعتبر النادي بتاعهم اللي بيتجمعوا فيه
إيناس : فكرة حلوة وعملية كمان

وصلت رقية و إيناس للحفلكان السطح لا يختلف كثيراً عن مدخل البناية فالأرضية
مبلطة برخام أنيق وتزينت جميع الأركان بالنباتات المتسلقة و شتلات الورود المتعددة وقد
وُضعت بعض الكراسي المعدنية والطاولات بتصميم بسيط في مختلف جوانبه
.....ولاحظت وجود طاولة أكبر حجماً في المنتصف وقد تزينت بمختلف أنواع الأطعمة

والمشروبات.....تقدمت منهم فتاة صغيرة الحجم بإبتسمة واسعة.....كانت
ترتدي حجاباً بسيطاً وقد عقدته بحرفية خلف رقبتها.....لها ملامح رقيقة وبشرة عاجية
ملساء أظهرت جمالها بأحمر شفاه من اللون الغامق.....نظرت نيرمين لرقية بلوم وقالت
: كده التأخير ده كله

رقية : معلىش يا حبيبتي

نيرمين وهي تنظر لإيناس مرحبة : نورتييني.....إنتي إيناس صح
إيناس : أيوه

نيرمين : وأنا يا ستي نيرمين مامت عمر.....صاحب الليلة دي
إيناس : كل سنة وهو طيب

نيرمين : وإنتي طيبة يا قمر وتاعبه نفسك ليه بس

قالتها بعد أن قدمت لها إيناس الهدية ثم تابعت : بس فعلا زي ما رقية وصفتك بالضبط رقة
وأخلاق مفيش كده

إيناس : ربنا يخليكي

نيرمين : طيب يلا علشان أعرفك على بقية المجموعة متخضيش من الزحمة هما كلهم لذاذ
خالص

جذبت نيرمين إيناس من ذراعها برقة وتوجهت بها نحو بقية الضيوف أما رقية فقد تركتهم بعد
أن أقلت التحية على البعض وتوجهت لقضاء بعض الوقت المنفرد مع عمر.....

قدمتها نيرمين للجميع وعرفتها بهم أيضاً.....كان هناك يوسف زوج نيرمين شاب يبدو في
الثلاثين من عمره له بشرة سمراء ووجه يبعث نحوك دون ان تشعر برسائل من الإطمئنان
والراحه مثل زوجته تماماً.....وهناك دينا وهي خريجة كلية الآداب وتقيم مع زوجها
بالمزرعة وقررت شغل فراغها بإفتتاح حضانة صباحية للأطفال أمثال عمر

.....لاحظت أن الجميع يعمل حتى وإن لم يكن له تخصص يناسب العمل هنا

.....علمت من نيرمين أن خالد يحاول أن يجعل من المزرعة مجتمع سكني صغير يوفر كل
متطلباتهم ولكن المشكلة التي ربما ستواجههم مستقبلاً هي مدارس الأطفال حيث تقع أقرب
مدرسة جيدة على بعد ساعة.....قطع حديثهم حدوث حالة من المرج عند دخول أحدهم

المكان.....إلتف الجميع حول حمزة الذي كان يبدو عليه الإجهاد الشديد.....كان
يبدو بنفس الهيئة التي رآته فيها المرة السابقة خاصة قبعته المميزة وإن كان إستبدل لونها حسب
ملابسه.....تقدم منهم حمزة مبتسماً وكانت وقتها تجلس مع نيرمين وداليا.....

حمزة : إيه ده.....مش ممكن منورة يا دكتورة يا إيناس

نيرمين : إيه ده إنتم تعرفوا بعض

إيناس : أيوه أنا شفت البشمنهندس عند مدام رقية.....

نيرمين : اممممممم.....إتأخرت ليه عمر حيز عل منك

كاد حمزة أن يهم بالإجابة ولكن فاجئته يد صغيرة بسحب قبعته.....كانت رقية تحمل

عمر وإقتربت من حمزة بغرض إغاظته.....إستدار حمزة لهم وهو يحسن من خصلات شعره الناعمة التي تطايرت على جبينه بفعل طولها وجذب الصغير ورفع برفق وقال : كده يا عمر طيرت القصة
ضحكت رقية وهي تجلس بجانب إيناس وتابعت : عارف يا حمزة لما تقص شعرك أنا حادبح بطة

حمزة : ياااااااااااه كده حتقعدوا كثير قوي متاكلوش بط
رقية : بقه كدهماشي وإتأخرت ليه يا أستاذ شكلك لسه صاحي من النوم
حمزة : جوزك السبب يا أبلهمش عايز يسوق خلاني وصلته الصبح واخذت السكة
صد رد وكمان بكرة حاروح اجيبهاهو ده عيب إن مديرك يبقى قريبك
إبتسمت رقية بسخرية عند سماع عبارته وأخذت عمر من حمزة الذي جلس بهيئة القرفصاء
بجانب كرسي إيناس ثم تابع وهو يوجه حديثه نحوها : والله مش ميزة يا دكتوراة إيناس بالعكس
ده بيستغلني آخر حاجه
رقية : حقوله

حمزة : بس هو راجل طيب بصراحه وبرده بيقولوا الخال والد
نظرت نيرمين لحمزة بخبث ثم قالت : طيب روح أقعد قعدة مريحة ولا هات كرسي
حمزة : لااااااااااااااااا أنا حاروح لجوزكويلا بقه فين التورته
نيرمين : حالا بس وعد حتغني
حمزة : خلاص بلاش فضايح
نيرمين : مليش دعوة إنت وعدتنا

حمزة : خلاص اهو على الأقل أعرف رأي جديد لصوتي
كان موجهاً كلماته لإيناس التي ردت عليه بإبتسامة وإيماءة بسيطة ثم ظلت تراقب رقية
ومداعبتها للصغيركانت تبدو وكأنها بعالم آخر تمسك بأقدامه الصغيرة فتلتهمها بفمها
في مرح ثم تطبع قبلة رقيقة على يدها وتبدل ملامحها ربما كل أربع ثوانٍ من أجل إضحاكه

.....
ظلت إيناس جالسة أغلب الوقت مع رقيةلم تختلط بالجموع وبعد أطفالوا
الشمعة الواحدة المعبرة عن مرور أول عام بعمر الصغير وبعد تناول الطعام طلبت نيرمين من
حمزة بصوت عالٍ أن يبدأ بالغناءأمسك حمزة بجيتارة والتف الجميع حوله
.....شعرت إيناس أنها بعالم مختلفعلاقات مجتمعية مترابطة ربما لم تتأثر
بعد بصخب الزحام وضوضاء المدينةصوت هادئ لا يصاحبه سوى موسيقى
الجيتار خاصته ربما بعيداً كل البعد عن ثقافة إمتزاج الأصوات التي أصبح يعاني منها المجتمع
ككل فأصبحنا لا نفسر أغلب ما نستمع إليهوأجمل ما التقطته أذناها تلك الكلمات التي
يغنيها حمزة شعرت أنها تخترقهابل تقرأها بل ربما تقرأ الجميع

أنا مش فارس و لا فتى أحلام...
أنا زحمة و ربكة و شغل جنان...

نص ببيضحك و الثاني زعلان...
أنا شيخ فلتان...

طيب شرير...
و جريء و جبان...
أوقات مشرق و أوقات بهتان...

و ساعات سلم و ساعات تعبان...
مفتري جدا...
و كمان غلبان...

شبابيك و بيان...
توهة عنوان...

أنا من الآخر عفريت لابس بدلة إنسان ...

مازالت الكلمات بأذنها.....و كأنها تصف حالها.....حال رقية التي أصابتها حالة من
الشروود بعد إنتهاء الحفل وكأن الدقائق القليلة التي تقضيها مع عمر توقظ داخلها مشاعر الامومة
.....الفطرة التي تولد بها كل امرأة.....وربما تصف حاله هو أيضاً
.....كان خالد يقف مع السائق لحظة خروجهم من البناية.....رمقها بنظرته الحادة كعادته
.....وكعادته أيضاً أصدر الأوامر للجميع.....فأمر السائق بالعودة وحيداً بالسيارة
.....وأخبرهم أنه سيوصلهم بسيارته في طريق العودة.....

نظرت له رقية بعد أن إستقرت في المقعد المجاور له : كنت نورتنا في الحفلة يا بشمهندس
أجابها دون إكتراث وهو يغير وضعية مرآة السيارة : إنتي عارفة مليش في جو الحفلات
والتجمعات ده.....أنا كان عندي سهرة مع بتوع الحسابات

جلست إيناس في المقعد الخلفي وعادت رقية لشرودها
كان خالد يتابعها بعيناه..... عدل مرآته ليراها جيداً..... بل أطل النظر نحوها على
أمل أن تلتقي نظراتهما عبر المرآة..... لا يعلم ماذا يصيبه أمام ملامحها الهادئة
..... أهدابها الطويلة تطلق العنان لخياله كما إنطلقت نسيمات الهواء الباردة فعبثت بخصلات
شعرها النائم فأيقظته من سباته..... ولكن لم توقظها هي من شرودها..... كانت
تبدو وكأنها في عالم آخر..... أغمضت عينها وأشعلت النسيمات الباردة ذكرى مدفونة
داخل عقلها..... كانت تستمع بتلك النسيمات ليلاً في شرفتها..... عندما كان شريف
يحضر لها المثلجات بنكهتها المفضلة..... بل إنها تكاد تشعر بطعم المانجو المثجج على
شفتها..... ولا تشعر بسوى ذلك بل لا تريد أن تشعر بسواه..... تتمنى أن يتوقف
العالم عند تلك اللحظة..... غير عابئة بالحاضر الذي يراقبها بشغف.....

أحلام اليقظة..... تلك الحالة الفريدة من الشرود..... من العزلة..... من
الخيال..... حيث لا قيود لإشباع رغباتك ولكن مهلاً..... هي مجرد أحلام
..... إما أن تجتاحك وإما أن تجتاحها..... وربما يكون هذا هو الفرق بين
الخشوع والمثابرة.....

الفصل الرابع عشر

كانت إيناس في البداية تخشى الإقتراب من الخيل بل وتتجنب التعامل المباشر معهم ولكن مع
مرور الأيام إكتسبت شجاعتها المفقودة..... بدأت تستكشف تلك الكائنات الجميلة عن
قرب..... والبدية كانت مع سهيلة..... تلك الفرسة الناعمة كالثلج وكان إسمها
من صفتها فكان لها لوناً ثلجياً مميزاً..... فجسدها يبدو كمزيج سحري من اللبن والفضة
..... مزيج رائع يسلب اللب ويأسر الكيان في لحظات..... خاصةً عندما تلمح
خصلاتها المنسدلة التي تبدو كخيوط رقيقة من الألماس..... كانت سهيلة فرسة هادئة
الطبع مما شجع إيناس على الإقتراب منها والتعامل السلس معها فكانت نقطة البداية مع سهيلة
وأول إبرة علاج أعطتها إيناس للخيل بيديها كانت لسهيلة..... أول من إتهم قطع السكر
من يديها كانت سهيلة

وكعادتها كل صباح إتجهت للإسطبلات ولكنها الآن أصبحت تقضي وقتاً أطول وخاصةً مع فرستها المفضلة المطعمة بلون السلام

كانت الغرفة تتحسس خصلاتها الماسية بيديها وتقدم لها بعضاً من السكر وكأنها تشيد جسراً من التآلف الحلو المذاق بينهما لحظات ثمينة قطعها صوت صهيل قوي بل خائف خرجت من الغرفة مسرعة وعندها وجدت أحد العمال يحاول سحب رعد بقوة خارج الإسطبل

رعد الجواد الثائر النقيض لسهيلة ربما في كل شئ الثورة والهدوء الأسود والأبيض الخوف والإطمئنان الحرب والسلام

نعم فتورة رعد نابغة من خوف حقيقي.....خوف من الظلام الحالك المحيط به.....خوف من المجهول الذي يتقدم نحوه رغماً عنه.....

نظرت إيناس للسائس بغضب وقالت : إيه في إيه السائس : معصلج يا دكتورة مش راضي يطلع وإحنا المفروض كل يوم نطلعه نمشيه الصبح ونرجعه تاني إيناس : طيب إسمعنه النهارده السائس : لا هو كده أوقات يطلع معنا وأوقات يرفض ونضطر نطلعه بالقوة

شعرت إيناس بالأسى من أجل الفرس المسكين فالسائس يصر على إخراجها والفرس متشبث بالأرض وكأنه طفل يخشى التعثر إقتربت إيناس من السائس وفي حركة غير متوقعة سحبت منه السير المتصل بالجام لفت الحزام بثقة حول يديها وتابعت : هو إنت أول مرة تتعامل معاه ولا إيه مش بالعنف ده بالراحة السائس بجدال : يا دكتورة زيه زي بقية الخيل محتاج شدة إيناس وقد شعرت بعدم جدوى النقاش معه : فين دسوقي السائس : دسوقي خالد بيه بعته مشوار وعلشان كده خلاني أنا اللي أطلع رعد إيناس : اممممم طيب روح إنت شوف شغلك وسيبلي رعد السائس بدهشة : حاضر يا دكتورة

تركها السائس وحيدة بالإسطبل مع الحصان كانت تشعر أن دقائق قلبها كطبول الحرب ماذا تفعل الآن مع هذا الثائر الخائف وما تلك الورطة التي أقحمت

نفسها بداخلها.....حاولت أن تسحب السير بهدوء حتى تعيده للغرفة خاصته ولكن الحصان رفض أن يتحرك معها بل كاد أن يثور ويمتد صهيله لأقصى الكون عندما زادت من قوتها لتسحبه شعرت باليأس.....صمتت قليلاً ثم مدت يديها المرتعشة في محاولة للتربيت على رأسهتخللت أناملها الرقيقة بحذر خصلاته السوداء الناعمةكانت تنتفض رعباً من داخلهاعجيب هذا الفرس تستطيع أن تعشقه وترهبه بنفس اللحظةبعث هدوء رعد في نفسها بعض الطمأنينة مما جعلها تسترجع بعض ما قرأت عن فن التعامل مع الخيلخطوة أخرى قد تمكنها من ترويض هذا الجواد الغاضب ولكنها تخشى تنفيذهاكلما حاولت الإقتراب منه من أجل أن تكسب وده ببعض الهمسات تتراجع سريعاً خاصة أنها تلمح الخوف المتجسد بوجهه.....وكانه مرض فينتقل إليها بمجرد النظر إليه.....تقرر تركهثم تتراجع عندما تشعر بالشفقة من أجله فالظلام خانق كالموتولن يبدد كآبته سوى نسيمات الهواء نعم فتلك النسيمات هي عطر الحياة الذي يخترق صدرك في ثوان معدودة فيجدد الأمل بداخلك من جديدوأنت حقاً تحتاج لتلك النسيمات أيها المسكين فأنت غاضب مسكين

وكان الجنون لحظةوأني فعل مجنون ستقدم عليهجذبت قطعة من الشاش الطبي الذي تحتفظ به في حقيبتهاغطت عيناها لتزيح وجهه الغاضب عن بصرهاأحكمت الرباط حول رأسهاتكاد تكون مثله الآنتري ظلامهتشعر بإحساسه وتتفهم خوفه.....إقتربت بجرأة وبدأت تبت همساتها في أذناه وهي تلمس برقة على وجهه.....وكانها همسات من السحروكان الطبيعة تأبى العجز فتعوض فاقد بصره بقدره فائقة على السمع.....فهمساتها الصامته المرتجفة لها فعل السحر على الجواد الغاضبوكان جسور الثقة تنشأ في لحظاتلحظات من الصدقو إستجاب الحصان لها في النهاية وبكل بسلاسة ويسر خرج معها من الإسطبل

خلعت رباط عيناها سريعاً وكانها تسعى لإخفاء وصفتها السحريةربما السر الذي ستحتفظ به مع رعدهمست بإذنه مرة أخرى : خلي ده سر بيني وبينك

ووسط دهشة العمالسحبت الجواد بثقة ليستمتع ببعض التريض في الهواء الطلقوللحظات شعرت بسعادة ليس لها مثيلشعرت بسعادته

لم يصدق خالد عيناه عندما لمح خطواتها هي ورعدكانت تمسك السير برقة وتسحبه
بهدهوء والفرس خلفها طائعاً
خصلاتها البندقية تتطاير بفعل الرياحخصلات تائرة و إبتسامة
ساحرة.....إبتسامة قد تروض أقسى القلوبتذيب الجليد عنها وتخرق
حاجزها الحجري بخبث

سيطرت عليه حالة من الغضب أم ربما هي الغيرة فهو وحده من يستطيع ترويض
رعد رعدأيها الأحمقهل طوعتك الأنثى بدهائها في لحظات
!!!!!!!!!!!!!!

إقترب منها وقد بدا غاضباً : إنتي طلعتي رعد إزاي
كان قريباً منها لدرجة أنها شعرت بأنفاسه الحارة الغاضبة تلمح وجههاتراجعت
خطوة إلى الوراء بعد أن شعرت بالخجل والخوف ثم قالت بصوت خافت : أبدأ الساييس مكنش
عارف يطلعه وأنا حبيت أساعد
خالد وقد بدت نبرته أكثر حدة : أنا مش منبه عليكى تاخدى بالك ومن رعد بالذات
ده حسان أعمى يعني ممكن يفاجئك بأي حركة ومتعرفيش تتصرفي
زمت شفتيها وغابت إبتسامتهاقالت له بنبرة حادة على غير عادتها : أعتقد محصلش
مشكلة وحضرتك شايف إنه هادي وبعدين أنا بقالي فترة بقرأ وبكون معلومات يعني خطواتي
مدروسة يا بشمهندس مش بجرب وخلص
خالد : دكتورة إيناس أنا بحب كلامي يتسمع ومش بحب جدال كثير ترويض
رعد ده مش شغلك شغلك العناية الطبية وبسمفهوم
إيناس : مفهوم

قالتها بغضب بل ربما بحسرة بل بكلاهماأما هو فلم يشعر بحلاوة الإنتصار فقد تبدلت
ضحكة عينها في لحظات بسببه وغدت حزينة مرة أخرىخصلاتها البندقية هدأت
وكأنها عادت لسباتها وحزنها مرة أخرى

وتلامست أيديهم عن قصد منه وهو يسحب السير من يديها شعرت بالغضب
وبارتجاف الحصان المسكين من نبرته الحادة تركت السير ثم مدت يدها أمام فم
الحصان لتمهله دقيقة من المتعة مع بعض قطع السكر الحلودغدغ الحصان أناملها
الصغيرة بسعادة بعد أن لونت حاسة التذوق لديه ببعض الحلا وعندها رحلت في
شموخ أما هو فعلى قدر غضبه على قدر إعجابهوكان حدثه هي
حصنه المنيع ضد سحر أمثالها

كانت بمكثبها تُنهي بعض الأوراق وتفكر فيما حدث..... ما الداعي لتحمل أسلوبه الحاد معها..... تلك الفظاظة الفطرية خاصته..... لا عجب أنه لا يستطيع التعامل سوى مع الخيل..... لا فالخيل كائنات رقيقة..... هو ربما سيكون أفضل حالاً مع بعض الأسود أو ربما النمور..... لاحت على شفتها إبتسامة وهي مستغرقة في أفكارها الشريرة..... تتخيل خوفه أمام من هم أكثر منه شراسة..... أخرجها صوته من خيالها سريعاً..... كان يقف متكئاً على الحائط بجانب الباب وينظر نحوها وعلى وجهه إبتسامة مأكرة.....

خالد : طيب ما تضحكينا معاكي

إيناس : نعم !!!!

خالد : واضح إنك إفتكرتي شئ بيضحك

إيناس بجدية : لا أبداً..... إتفضل دي التقارير اللي حضرتك كنت طلبتها مني بخصوص

الخيل اللي في بوكسات 14 و 16

خالد : ممتاز..... خلصتيمهم بسرعة

إيناس : ده شغلي

أخذ منها الاوراق وهم بالمغادرة ولكن ما لبث أن عاد مرة أخرى..... ضغط بيديه على المكتب

فأصبح في مواجهتها..... نظر نحوها بتأمل مما أربكها فقالت على الفور : حضرتك عايز

حاجة تانية يا بشمهندس

خالد دون ان تتغير نظرتة بل ظلت ثابتة..... موجهة نحوها بثقة ثم تابع : روضتي رعد

إزاي

إيناس : بيتهيا لي إن الموضوع ده إتقفل خلاص..... أنا شغلي العناية الطبية وبس

خالد وبنبرة أكثر إصراراً : روضتيه..... إزاي

إيناس وقد إكتسبت ثقة أشعرتها بالإنتصار : حضرتك إعتبره حظ مش اكثر

خالد : بس الحظ صعب يتكرر

إيناس : ما هو مش حيثكرر

خالد بإبتسامة : لأ حيثكرر

إيناس : مش فاهمة

خالد : إعتبري مهام الوظيفة بتاعتك إتغيرت..... العناية مش طبية بس..... زي ما

إنتي عايزة..... وساعتها حاعرف كان مجرد حظ ولا لأ

غادر بعد أن رمقها بنظرة من التحدي..... غادر وتركها حائرة..... ولكن سعيدة .

نظر يوسف نحو صديقه الذي كان يبدو عليه أنه غارقاً بأفكاره حتى الثمالة..... إقترب

يوسف من حمزة وبنبرة حانية قال له : مالك يا صاحبي

حمزة بضيق : مليش

يوسف : هو أنا حتوه عنكمتغير بقالك كام يوم من ساعة الحفلة

حمزة : باين عليا

يوسف : هي الدكتوراة حركت مشاعرك ولا إيه

إبتسم حمزة بسخرية : المشاعر ما بتتولدش في يوم وليلة يا يوسف

يوسف : إيه الكلام الكبير ده

حمزة : أنا أعرف ناس قصة حبهم تتكتب في ملاحم وبرده مش سعداءمش بيقولوا

الحب وحده لا يكفي

يوسف : يا سلام في إيه يا حمزة الموضوع مش موضوع إيناس

حمزة : هو إزاي الواحد يقدر يعيش جوه كدبة

يوسف : إيهمش فاهم

حمزة : إنك تكذبطول الوقت بتكذب على نفسك وعلى اللي حواليك لغاية ما تصدق

كدبتك وتبقى شايفها حاجة عادية مع إنها سخيفةسخيفة قوي

يوسف : مالك يا حمزة في إيه

حمزة : كنت موصله إسكندرية مش مصرالأول كان بيخبي بس دلوقتي ولا فارقة معاه

.....تفكر سلبيتها السبب

يوسف : هو مين ده !!!!!

حمزة : تعمدت أقول قدامها أني موصله مصر علشان أراقب ملامحهاأحاول أفهم هي

ساكته ليه

يوسف : هي مين ؟! إنت بتتكلم عن مين

حمزة بأسى : عن أبلة رقية

يوسف : مدام رقية وبشمهندس حسن !!!!

حمزة : هو متجوز وهي عارفة إنه متجوز وهو عارف إنها عارفة وبرده مصممين يعيشوا في

متاهةيعيشوا في كدبةتفكر هي دي السعادة

يوسف : حمزة إنت بتتكلم في موضوع حساسأنا مش عارف أقولك إيه

حمزة : بجد إيه الأسلم إنك تتكيف مع التغيير حواليك ولا تغمي عينك وتسد ودنك وتعمل نفسك

مش شايفه

يوسف : دايمًا ضحككك قريبة بس اللي يعرفك بجد هو اللي يفهم القلق المعشش جواك

.....فوت يا حمزة مش لازم تقف قدام كل حاجه وتحاول تحللها وتفهمها.....

حمزة ساخرًا : منا زحمة وربكة وشغل جنان

يوسف : أنا برده قلت حمزة جواه حاجه مش بيغني من فراغ

حمزة : أبلة رقية خايفة تواجهه وتواجه نفسهاخايفة من زلزال يغير حياتها ومنتقدش

تتأقلم معاه

يوسف : طيب انت ما دام فاهم مستغرب ليه
حمزة : أنا مش مستغرب أنا حزين علشانها وعلشانها كمان لإني عارف
هو قد إيه بيحبها
يوسف : طيب ليه إتجوز عليها
حمزة ساخراً : يعني مش عارف ليه
يوسف : أنا شايف إنهم إتصرفوا صح هو محبش يجرح شعورها وهي فضلت تتجنب زلزال
ممكن في لحظة غضب يهد كل حاجه

صمت حمزة هل تحليل يوسف هو الأقرب للمنطق للعقل أم ان
رقية تعيش تحت ضغط هائل جدار حمايتها الزائف سينصدع مع مرور الوقت
..... نعم هي تتجنب الزلزال الذي قد يحطم كيان أسرتها في لحظات ولكن ماذا
عن النار المتأججة بداخلها ماذا عن البركان !!!!!!!

الفصل الخامس عشر

تقف حائرة بالمطبخ بين أكواب الدقيق والبيض وضعت الشكولاته الجافة بأحد القدور
لتقوم بتذويبها كما نبهتها رقية اه رقية تلك المرأة المسالمة التي
تتبدل وتصبح وحش كاسر عندما يتعلق الأمر بالطعام كانت حقاً تود التملص من تلك
الدعوة خاصة عندما علمت بوجود حمزة فنظرات إعجابه تتزايد يوماً بعد التالي
..... وكلما رمقها بها كانت تشعر بضيق لا حدود له يتمكن منها ويطغى على أنفاسها
وكأنه ذنب بل ربما خيانة ولكن هل حمزة فقط هو سبب رغبتها في عدم الذهاب
أم ربما خالد منذ مغامرته الطائشة مع رعد وهي تشعر أنه يراقبها ينتظر
دون صبر ترويض آخر منها لحصانه الثائر وكأنه ينتظر فشلها أو ربما هروبها و
كأنها بترويضها لرعد قد تعدت على أهم ممتلكته وقامت دون أن تقصد بفك شفرته الخاصة
التي لا يبرع فيها أحد سواه !!!!! ياله من طفل كبير طفل غاضب كبير
ولكنها مع ذلك لم تستطع الابتعاد عن رعد كانت تتسلل بخفه لحجرة رعد بعد أن يترك
خالد الإسطبلات ويعود لمكتبه

وكان لحظاتها الثمينة مع رعد ملك لها فقط وليس من حق أي أحد التلصص عليها فهي لحظات

ليست فقط من أجل رعد بل من أجلها هي أيضاً.....شعور جارف بالراحة بل بالسلام
يجتاحها كلما ربطت عصابة عينيها ووقفت أمامه.....تربت بحنان على وجهه وتهمس في
أذنه بشكواها وكأنه أفضل مستمع على وجه الأرض تخبره كل ما تريد دون تردد أو خجل
..... وهو يستمع إليها دون كلل أو ملل.....نعم هي لحظات ليست من أجل
رعد فقط.....بل من أجلها أيضاً

أخيراً أنهت كل شئ ألقى نظرة أخيرة على كعكة الشوكولا ثم لفتها بحرص وإتجهت
نحو منزل رقية

نظرت نحوها رقية بمكر وهي تفتح لها الباب وقالت : طيب ما كنتي جيتي بدري مدام مش
عايزة حد غيري يفتحك
إيناس : زي ما وعدتيني محدش يعرف إن أنا اللي عاملهاطلع طعمها وحش ذنبك إنتي
بقه إنتي اللي أصريتني إن أنا أعملها
رقية : ما هو لولا كده كان زمانك قاعدة في البيت ومجتيش منا عارفاكي
إيناس مبتسمة : بصراحة اههو مين وصل
رقية : نيرمين وعمر ويوسف و حمزةخالد هو اللي لسه موصلش

-
وأنا وصلت أهو

كان هذا صوت خالد وقد وصل لتوه وقد ظهر فجأة خلف إيناس وكأنه جاء من العدم

نظرت نحوه رقية مرحبة : أهلا أهلا إتفضل يا بشمهندس
كانت إيناس ما زالت ثابتة بمكانها غير مدركة أنها تعترض طريقه
نظرت رقية نحوها بإبتسامة : إيناس يلا يا حبيبتني إتفضلي
أدركت لحظتها أنها تقف في طريق مروره فدخلت على الفور وهي تقول : متأسفة دون أن تنظر
نحوه ودخل هو أيضاً دون أن ينظر نحوها أو يوجه لها التحية

تقدم خالد من حسن الذي قابله مرحباً ثم جلسوا سوياً منفردين بعيداً عن باقي المجموعة وإنشغلت
رقية بتحضير المائدة وساعدتها إيناس

قال خالد لحسن هامساً : شكلك مبسوط يا حسن كان باين من صوتك وإنت بتعزمني
حسن : بيني وبينك طائر بس بحاول أخبي
خالد : إيه

حسن : رحى مع سهام إمبراح عند الدكتور وعرفنا نوع الجنين

خالد : بجدمبروك

حسن : ولد هو طبعاً الحمد لله كل اللي يجيبه ربنا كويس بس فرحت قوي
خالد : ربنا يقومها لك بالسلامة..... بس هي رقية برده مفتحتش معاك الموضوع
حسن : من ساعة لما سهام كلمتها وقالت ليها ماتكلمتشبيني وبينك في الأول أنا
غضبت جداً وكنت ناوي أطلق سهام بس لما حملت ماكنش ينفعورقية فضلت ساكته
جالي وقت كان نفسي تتكلم تتطقتغضبأو حتى تغلط وتريحني
خالد : حسن إنت بتحبها

حسن : ومحبش غيرهامفيش مقارنة بين مشاعري ناحية رقية وعلاقتي مع سهام لكن
برده بحب إبنني من حقي يا خالد أنا ما أجرمتش
خالد : ومين قال إنك أجرمت

حسن : عينيهانظرتها ومعاملتها لياأنا بجد مش عارف أرضيها إزاي ده
أنا طول الوقت معاها هي والثانية يوم ولا إثنين كل أسبوع
خالد : أنا مش عارف أقولك إيه بس أنا عارف إنك مش حتقدر تستغنى عنها
حسن : مستحيل

خالد : خلاصلما مراتك تخلف يبقى يحلها ألف حلال وأكد رقية مع الوقت حتتقبل
الوضع الجديد
حسن : يا مسهلطيب يلا الأكل إتحط

إلتف الجميع حول مائدة الطعام جلست إيناس بجانب نيرمين وسحب حمزة مقعده وجلس بجانب
إيناس متحججاً بمراقبة التلفاز الجيدة من هذا الموقع و كان خالد يجلس على الطرف
الآخر من المائدة بجانب حسن وإستغرقا في الحديث عن العمل

قالت نيرمين لرقية : أكلك ملوش حلبصراحة بتعقد لما باكل هنا
رقية : بالهنا والشفا يا حبيبتني بس إنتي أكلك طعمه زي العسل منا دقته وعارفاه
نيرمين : بتجاملينيماشي ماشي أنا موافقة

حمزة : أكل أبله روكا ملوش مثيل ولا إيه رأيك يا دكتورة
قال جملته وهو يوجه بصره نحو إيناس

إيناس : طبعاً ده مش محتاج كلام

كان رد إيناس على حمزة مقتضباً وكأنها تود تجنب الحديث معه ولكنه لم يعبأ وتابع : بس ما
قولتليش يا دكتور إيه رأيك في صوتي

إيناس بدهشة : نعم !!!

حمزة : صوتي إحم إحم لما كنت بغني نسيتي ولا إيه

نيرمين بسخرية : معلش يا إيناس أصل حمزة بيهتم قوي برأي الجمهور

حمزة : بقه كده إتريني إتريني ماشي
رقية : إنت يا حمزة قاعد مصدعنا ليه ما تروح تقعد جنب الرجالة
حمزة : بتحرجيني يعني أنا أصلاً قاعد جنب التلفزيون علشان الماتش قرب ده غير
هناك مود كئيب أتبع بقية كلماته بصوت خافت وقال : خالد وخالي كلام في الشغل
ومكشرين كالعادة ويوسف مركز في الأكل بطريقة غير طبيعية
نظر حمزة لنرمين ضاحكاً وقال بصوت عالٍ : نيرمين خدي بالك أكله كويس ده لو مالقاش أكل
حياكلك إنت وعمر
يوسف : بقه كده طيب شوف مين حيوصلك وإحنا مروحين
حمزة : مش مهم حبات هنا تستضيفوني يا أبله رقية
رقية : ولا أعرفك
حمزة : شفت الناس لبعضيها إزاي ميرسي يا أبله حضريلي بيجامة خالي
التركواز
رقية وهي تكتم ضحكتها : أسكت يا حمزة أسكت شوية وكل يابني إنت مش بتاكل على
فكرة
حمزة : معدتي تاعباني مش قادر
رقية : برده يابني روح للدكتور يكتبك حاجة لمعدتك دي
نظر نحو إيناس بإبتسامة وتابع : بقولك يا دكتور ما الأقيش عندك دواء للمعدة
إيناس بضيق : اه عندي بس من بتاع الحصان
ضحك يوسف بصوت عالٍ عند سماع جملة إيناس مما جذب إنتباه خالد نحوهم ونحو محادثتهم
سويًا نظر حمزة نحو إيناس بإبتسامة قائلاً : مفيش مشكلة وعلى فكرة لو جبتيه حاخده
..... أصلك متعرفنيش أنا مجنون
إبتسمت له إبتسامة صفراء وتابعت تناول طعامها ببطء أما خالد فضل يراقبها هي
وحمزة بقية الوقت

جلس الرجال لمتابعة مباراة كرة القدم بعد الطعام وإستقرت كل من رقية وإيناس ونرمين
بالحديقة نظرت رقية نحو زوجها الذي مرت جميع الألوان بدرجاتها على وجهه
وهو يتابع المباراة بشغف وقالت : علشان كده جبتمك تقعدوا معايا النهارده بجد مش بستحمل تعب
الأعصاب بتاع الكورة ده
إنتفضت إيناس رعباً بعدها بدقائق عند سماع صوت صراخ حسن وحمزة فضحكت رقية بشدة
وتابعت : معلش يا إيناس جون
إيناس : أصل أنا مش متعودة على الكورة
رقية : قصدك مش متعودة على مجانيين الكورة
نيرمين : اللذيذ إن عمر قاعد معاهم مش خايف بالعكس منسجم خالص

رقية : امممممم خدي بالك لحسن يطلع مجنون كورة زيهم
نيرمين وما زالت تنظر نحو تجمعهم باهتمام : بس خالد مش مجنون كورة خالصحتى
قاعد هادي ومبوز كالعادة

رقية : حرام عليك يا نيرمينلعلمك خالد من جواه طيب
نيرمين : جايز توجهت ببصرها نحو ايناس وتابعت : إنتي عاملة ايه في الشغل
معاه

ايناس : لأ عادي هو شديد شوية بس عادي يعني
نيرمين : شديد شوية يا بنتي ده البيج بوس بتاعنا كلناكلنا بنترعب منه
إنتي مش شايفة يوسف وحمزة واخدين جنب ومنكمشين مع نفسهم إزاي
رقية : يا بكاشة مش للدرجة دي
نيرمين : مش للدرجة دي طيب ده أمبارح مسك عادل الدكتور البيطري اللي بيتابع مزرعة
المواشي مرط بكرامته الأرض صوته كان واصل للطريق الصحراوي
رقية : ليه ايه اللي حصل

نيرمين : مش عارفة بقرة ماتت وإثنين عيانيين جامد مش فاكرة
رقية : بصي يا نيرمين خالد شديد في حقه كلنا عارفينه لكن مادام شايفة شغلك مضبوط خلاص
نيرمين : مش بخوفك يا ايناس والله أنا بحكي عادي
ايناس : لأ عادي مفيش مشكلة
رقية : أنا حقوم أعمل نسكافيه علشان نشربه مع الكيك
نيرمين : تمام فعلا محتاجة الإثنين

تركتمهم رقية وعندها كان يبدو أن المباراة أنهت شوطها الأولتقدم حمزة نحوهم
وهو يحمل عمر الصغير وتوجه به نحو نيرمين وعلى وجهه ملامح الإشمئزاز قائلاً : خدي يا
نيرمين غيريله

نيرمين ضاحكة : عمل بيبي
حمزة : أنا نفسي أعرف بتأكلوا الواد ده ايهدي مش ريحة بيبي طفل أبداً
نيرمين : يا سلام خبير حضرتك حتى في دي
حمزة : إنت ناسية إني بتاع سماد ولا ايه

ضحكت نيرمين بشدة ومعها ايناس على جملتهثم أخذت نيرمين يوسف لتقوم بالتغيير
له وجلس حمزة دون دعوة مع ايناس

قال لها بإبتسامة : أخيراً ضحكتي على حاجه قلتها ده أنا كنت قربت أقنتع إن دمي تقيل
ايناس وقد تبدلت إبتسامتها بمظهر أكثر جدية وقالت : لأ عادي أنا مش بيكون قصدي على فكرة
حمزة : طيب مش حتقولي رأيك بقه
ايناس : رأيي في ايه يا بشمهندس

حمزة : في كلمات الأغنية

إيناس : أغنية !!!!

حمزة : اللي غنيتها في عيد ميلاد عمر بلاش صوتي بس أسمع رأيك في الكلمات

إيناس : الكلمات جميلة

حمزة : بصي عادةً باكدب وبقول إنها من تألّفي لكن معاكى حقوك الحقيقة هي بتاعة

فريق جديد كده لسه مش مشهور قوي

إيناس : اممم هو عموماً اختيار موفق

حمزة : يعني عجبك تألّفي

نظرت له بدهشة ممتزجة بسخرية ثم تجولت ببصرها بحثاً عن رقية أو نيرمين وعندها تلاقى نظراتها مع خالد الذي كان يرمقهم بنظرات حادة غاضبة لا تعرف ماذا أصابها ولكنها شعرت بالإرتباك لا بل بالغضب من حمزة وجلوسه معها ومن نفسها لسماعها له بذلك ومن تلك النظرة الغاضبة أو ربما اللائمة التي وجهها خالد نحوها قامت على الفور تبحث عن رقية بحيرة فنظر نحوها حمزة بدهشة ثم قال : في إيه

إيناس : مفيش بدور على رقية

ظهرت رقية أخيراً وهي تحمل أكواب النسكافيه وعندها تقدمت إيناس نحوها تاركة حمزة دون

أن توجه له حديثاً نظرت لها رقية في دهشة : إيه يا إيناس قمتي ليه

إيناس : معلى لازم أمشي

رقية : تمشي !!!! لسه بدري ماحنا قاعدين

إيناس : معلى تعبانة ولازم أروح أنام سلام

خرجت مسرعة هاربة لعزلتها مرة أخرى لعلها تهتدي إلى الراحة بين ثنايا قميص

شريف أم ربما الغفران .

الفصل السادس عشر

استيقظت مبكرة بل ربما لم تنل قسطاً كافياً من النوم إرتدت ملابسها إختارت بضعة من الصور خاصته ووضعته في حقبيتها ربما لتتذكر إليها من أن الآخر أم ربما لتلمس وجوده بجانبها هو فقط من يجب يكون معها وليس آخر توجهت للإسطبلات مبكراً عن مواعدها المعتاد لم تجد بيسو في إنتظارها كعادته فقررت الذهاب على قدميها ليست بمسافة طويلة ربما نصف ساعة أو أقل كانت تفكر به طوال الطريق مازالت تشتاق إليه أغضبها

ما حدث بالأمس إهتمام حمزة الذي ربما بدأ الجميع بملاحظته وبما فيهم خالد
خالد وتلك النظرة التي وجهها نحوها شريف أين أنت؟ هل
سيفقدني هذا العمل نكرارك أم إخلاصي لك أم كلاهما لا لن أنساك حبيبي ما
حييت لن أكون لغيرك فأنت زوجي وحبيب عمري ألم نتعاهد على ذلك بقلوبنا قبل
ألسنتنا توقفت وأخرجت صورته من حقيبتها ثم قبلتها وهي تنظر نحوها في شوق
..... أنت معي دائماً فأنت البطل الأوحده بعالمي الصغير ومن سواك هم مجرد كومبارس
وليس أكثر

وصلت للإسطبلات كان العمال ما زالوا يقومون بتجهيز الطعام وتطهير بعض الجياد
..... قررت المكوث مع سهيلة قليلاً قبل أن تبدأ بعملها المعتاد هي تحتاج
للمكوث مع تلك الفرسة بلون الحياة رؤيتها تعطيها دفعة من المرح بل ربما من البهجة
مثلاً كان شريف يفعل معها وهي حقاً تحتاج لتلك النفحة المبهجة الآن كانت
تراقبها بإبتسامة وهي تملس على خصلاتها الماسية بأناملها الرفيعة لم تشعر بوجوده
كان يقف بمدخل الغرفة الصغيرة يراقبها غريبة هي حقاً تبدو في منتهى البراءة
والنقاء عندما تنظر نحوها تشعر أنك أمام أحد زهور الأوركيد بلونها الأورجواني
المميز وطلتها الساحرة نعم ساحرة تستطيع أن تخدع الجميع ببرائتها ولكن ليس هو
..... فقد رأى إبتسامتها ونظراتها نحو حمزة ها هي إنجذبت بسهولة لأول من دق
بابها .

قال على حين غرة ودون مقدمات : دكتورة عايزك في بوكس عشرين
نظرت نحوه وقد فزعت أول الأمر بحديثه المفاجئ أو مات برأسها بالإيجاب وتبعته
إلى هناك دخل خالد للغرفة الصغيرة حيث كان يوجد حصان ضخم بلون متدرج من
درجات الأصفر والبني إقترب من الحصان بفخر ثم نظر نحوها وقال : أنا عايزك تبصي على
سهيلة علشان غالباً حاعملها تشبية كمان كام يوم مع مصري
قال جملته وهو يشير للحصان بجانبه
نظرت له بدهشة وقالت : مش فاهمة هو حضرتك عايز إيه
خالد وقد لاحظت إبتسامة ساخرة على شفاته : إيه يا دكتور تشبية يعنى تلقيح تزواج يعني
طغت حمرة الخجل على وجنيتها ونظرت أرضاً عندما فهمت مقصده ثم تابعت : حاضر بس
مش سهيلة صغيرة لسه

خالد : لا مش صغيرة هو 3 سنين حلو قوي أستفيد من سلالتها وبعدين أدخلها بعد كده سبق أو أبيعها براحتي

صمتت قليلاً وقد شعرت بالأسى عندما سمعت إقتراح بيعها ثم تابعت بصوت منخفض : حاضر
خالد : بصي عليها بشكل عام وقيسي النبض وكمان إديها حقنة مقوياتتمام

إيناس : حاضر

خالد بنبرة حادة : حاضر.....حاضر.....عارفة حتعملي إيه ولا أنا حاقولك
إيناس وقد تمكن منها الغضب : عارفة يا بشمهندسعندذك بقه علشان أروح أشوف شغلي

تركته وتوجهت غاضبة للفريسة وتبعها هو بنظرته الساخرة كعادته

لم تشعر بالوقتربما مرت ساعة أو أكثر.....كانت قد قامت بقياس نبض سهيلة وفحصتها كما طلب منها ثم مرت على باقي الجياد وقامت بوضع بعض المقويات بعليقة البعض وقررت الإتجاه للعيادة لإحضار الحقنة من أجل سهيلة
كان جالساً بسيارته دون إكتراث ممسكاً ببعض الاوراقإنتبه لها عندما خرجت من الإسطبل ولاحظ بحثها عن بيسو لإيصالهانظر نحوها وقال دون أن يتحرك من مكانه : بيسو عيانواخذ أجازة

إيناس : طيب ممكن حد يوديني العيادة علشان أجيب الحقنة
إعتدل في جلسته وقام بفتح باب السيارة ثم نظر نحوها قائلاً : تعالي
إيناس : لأ حضرتك متتعيش نفسكأي حد من العمال يوصلني
خالد : مفيش تعبإركبي

ركبت بجانبه على مضض بل وددت لو أنها ذهبت على قدميها ولكن حرارة الشمس منعتها عن ذلك نظر نحوها بعد أن تحركت السيارة وقال : ها سهيلة تمام
إيناس : أيوة

خالد : كويس أصلك متعرفيش أنا بهتم قوي بموضوع النسل وسهيلة دي فرصة أصيلة
أومأت رأسها بالإيجاب دون أن تنطق أو تنتظر نحوه
تابع بعدها : حنعمل تشبية كذا يوم وبعدها إنتي بقه تتابعيها لغاية ما نتأكد من الحمل وبعدين
حيكون ليها نظام غذائي معين فاهماني ده غير الأدوية والمقويات
إيناس : حاضر

خالد : بس إنتي إيه رأيك مصري حسان كويس صح ولا عندك إقتراح تاني
إيناس بضيق : معرفش

خالد : يعني ما تعرفيش مش إنتي متابعة الخيل برده

إيناس : معرفش يا بشمهندسوالله النسل والتزواج ده شئ يخصك إنت انا بتابع طبيباً
وبس
خالد : مش عارف ليه يا دكتورة إنتي متعصبة من ساعة ما فتحت معاكي الموضوع
.....هي دي عصبية ولا خجل
.....

ظلت صامته فلقد كانت تشعر حقاً بالخجل من التحدث عن هذا الأمر وبتلك الطريقة الفجة !!!!
..... لم تنظر نحوه ربما إن فعلت كانت ستلاحظ سخريته شفتاه وهو ينطق جملته الأخيرة
.....

تابع بعدها : يا دكتورة هو مش لا حياء في العلم برده والمفروض إنني باتكلم مع دكتورة على
فكرة
شعرت أنه يقوم بتحديهاوكأنه يسعى لإفشالهاهل ما زال غاضباً بشأن رعد
.....نظرت نحوه وقد لمعت عيناها ثم تابعت : سهيلة تمام ومناسبة ومصري مناسب ولو
حضرتك عايزني أعمل تشيك على الخيل الباقي معنديش مشكلة بس الإختيار في الآخر
لحضرتك
خالد بثقة : ما هو طبعاً الإختيار ليا أناعموما وصلنا هاتي الحقنة
خرجت مسرعة وأحضرت الدواء وفي طريق العودة لم يتحدث كلاهما بكلمة

كانت رقية تجلس على طاولة الإفطار ويدها كتاب صغير
إنتبه حسن للكتاب في يدها وإهتمامها به لدرجة أنها لم تسكب له الشاي كعادتها
.....نظر نحوها بدهشة وقال : ياه أد كده الكتاب شاغلك
رقية دون أن تنظر نحوه : أصله كتاب حلو
حسن : بس أنا أول مرة أشوفك بتقرأ
رقية : وهي القراءة حاجة وحشة
حسن : لأ مش قصديوإسمه إيه الكتاب بقه
رقية : من الذي حرك قطعة الجبن الخاصة بي
حسن بدهشة : إيه !!!! ودي قصة ولا كتاب
رقية : الإنتين قصة وكتاب
حسن : وجبتيه منين بقه
رقية : حمزة جابهولي وقاللي إنه كتاب حلو ونصحتني أقرأه

حسن : قولتي حمزة الواد ده كان لازق لإيناس إمبراح كده ليه
رقية : إنت عارف حمزة بيتصرف بعفوية وأنا عموماً حاشوفها إتضايقت ومشيت بدري ليه
حسن : طيب أسيبك للكتاب اللي واخذك مني ده
إبتسمت له إبتسامة بسيطة وتابعت تصفح الكتاب دون أن تكثرث بإيصاله لباب الخروج كما
إعتادت
عاد مرة أخرى ثم إقترب منها وسحب أناملها ليقبلها برقة ثم تابع : حبيبتى أنا راجل أناني
.....مش عايزك تتشغلي بحاجة غيري حتى لو كتاب
تركها وذهب لعملهإبتسمت ساخرة ثم عادت مرة أخرى لما تقرأه .

أنهت عملها مع سهيلة وهمت للخروج ولكنه كان يقف على الباب معترضاً طريقها.....
نظر نحوها قائلاً : خلاص
إيناس : أيوه
خالد : تمام كده بعد يومين ثلاثة بالكثير حاسم تلقيح وبعدها انتي عليكي متابعتها
إيناس : حاضر

خالد : طيب تعالي في لسه شغل
تحركت خلفه وهي تشعر أنها أمام يوماً طويلاً ربما لن ينتهيدخل خالد لغرفة رعد
الذي إستجاب لصاحبه فور سماع صوته وكأنه كان ينتظر قدومهأمسك خالد باللبام
ونظر نحوها بتحدى قائلاً : متطلعت هوش تاني ليه
إيناس : حضرتك دي كانت صدفة أنا ماسعتش لده
كان يسحب رعد ويتجه به خارج الغرفةمر أمامهاكانت تنظر أرضاً وقد
تتاثرت بعض خصلات شعرها وتحمرت رغماً عنها من ربطتها المنيعهلا يدري ماذا
حل به ولكنه توقف أمامها وظل ينظر نحوها دون حراكهي أيضاً لم ترفع بصرها
وكأنما شعرت بترصد عيناه وقررت إجتنبهاأما هو فعلى قدر رغبته في إلتقاء
عيناهما على قدر تمنيه بعدم حدوثهربما هي حقاً لم تسعى لذلك فحمزة هو من
فرض نفسه عليها هو من تتبعها للحديقةلا كان من الممكن أن ترفض الجلوس معه
وتتجنب حديثه هي مثلهن جميعاً ولماذا ستكون أفضل !!!!!

فجأة وبدون مقدمات بدأ حديثه بصوت عالٍ : حضري لي الطلبات اللي تحتجها علشان سهيلة
.....الأدوية وخلافه

إيناس : حاضر

خالد : خلاص روجي إنتي العيادة حزلي حد من العمال يوصلك
تركها وخرج لإمتطاء فرسه وهي خلفه لكي تعود للعيادة مرة أخرى ولكن إستوقف كلاهما

سيارة..... سيارة سوداء اللون ترجلت منها امرأة كانت تتقدم نحوه
بشعرها الأحمر الذي أطلقته حراً بل ثائراً..... تركته للرياح تفعل به ما تشاء
.....إبتسامتها تسبق قدمها للوصول نحوه نظرت إيناس بدهشة لتلك الحمراء
التي تتقدم نحوهمفهي حقاً كذلك فبجانب حمرة شعرها المتوهج إرتدت ثوباً من اللون
الأحمر القاتم وقد إلتصق بجسدها بشكل فاضح فبدوا وكأنهما كياناً واحداً..... شفاها المطعمة
بحمرة الكرز خطواتها الجريئة التي جذبت إنتباه كل من في المكان لدرجة أنها
تخيلت أن رعد ذاته إنجذب لها بشوق من رائحة عطرها النفاذ

إقتربت كارمن من خالد بجرأة و إستقبلها هو بملامح من الدهشة
كارمن طالما نظر نحوها كوسيلة وليست غاية وسيلة للإنتقام
.....وسيلة للمتعةويبدو أنها تصر على حصر نفسها بهذا القالب!!!!!!
قالت له : مفيش حمد الله على السلامة

خالد : كارمن !!!!

كارمن : وحشتني

خالد : إيه الزيارة الغربية دي

إبتسمت بدهاء : مش مهم إنها تكون غريبة الأهم إنها تكون مرغوبة

نظرت حولها بملل ثم قالت : مفيش مكان تاني نتكلم فيه أنا حاسه إن كل الناس بتبص عليا
قالتها في إشارة واضحة للعمال المتواجدين حولهم وأيضاً إيناس التي كانت مازالت تقف بجانب
السيارة منتظرة أن يقلها أحدهم

إبتسم خالد ساخراً كعادته وقال : ماهو فستان زي ده لازم الناس حتبص ولا إيه

كارمن وهي تضحك بثقة : الموضوع ملوش علاقة بالفستان ليه علاقة بصاحبة الفستان

وجه خالد كلماته نحو إيناس ونظراته ما زالت مرتكزة نحو كارمن

خالد : دكتورة إيناس بعد إذنك دقيقة

إقتربت إيناس نحوهم في دهشة من طلبه لها وقالت بجدية : أيوه يا بشمهندس

خالد : خدي رعد مشيه إنتي شوية على بال ما أخلص كلام مع المدام

جذبت إيناس رعد دون ان تلتقي عيناها بأي منهما ولكن كارمن ظلت تتفحصها من رأسها حتى

أخمص قدميهانظرت لخالد وإبتسمت بثقة بعد رحيلها وقالت : مش بطالة

إقترب منها خالد أكثر وتابع بهمس في أحد أذناها : مش بطالة إزايدي زي القمر

كارمن : واللهطيب مادام عاجباك ممكنأرسمها لك

خالد : على فكرة حتبقي لوحة جميلة ألوانها طبيعية مش لوحة تقليد بتدور على ألوان صارخة

علشان تثبت بيها وجودها

كارمن : إنت شايف كده

خالد : رجعتي ليه يا كارمن

كارمن : مش جايز وحشتني

خالد : متتعاملش معايا على إني راجل غبي
كارمن : تفتكر ده ممكن بعد اللي عملته فيا
خالد : هههههه كارمن بلاش تعيشي دور الضحية خاصةً يعني إنك لملتني جراحك بسرعة قوي
وإتجوزتي بعد العدة بأسبوع واحد
قالت بدهشة : ده إنت متابع بقه
خالد : أنا الأخبار بتجيلي لغاية عندي

كارمن : معلىش أصل ورقة طلاقى كانت مفاجئة وبرده وحدثي كانت مفاجئة بعد موت بابا
وسجن كريم
خالد : إنتي جاية بعد السنين دي علشان تنبشي في ماضي
كارمن : منا قلتك وحشتنيمصدقتنيش
خالد : وإن صدقتك
كارمن : يبقى تركب عربيتي ونكمل كلامنا في المكتب
خالد : بس إحنا كلامنا خلصو من زمان يا كارمن

بدلال تقدمت نحوهإبتسمت بجرأة ونظرت نحوه بغموض وهي تهمس بصوت خافت
متناغم مع لون البحر في عيناها وكأنه هدوء ما قبل العاصفة : إحنا كلامنا عمره ما حيخلص يا
خالدخليك واثق من ده

تركته وتقدمت لسيارتها ولم يجد بدأ من إتباعهاولكنه ألقى نظرة أخيرة قبل رحيله
على رعدوعليها أيضاً صاحبة جدائل البنديق .

الفصل السابع عشر

لم يصدق هيم نفسه عندما إكتشف أنه أصبح وحيداً في مأواه الثمين ودون جُبن
بدأ الأمر منذ فترة عندما إعتاد هو وصديقه هاو تفتيش المتاهة يومياً من أجل البحث عن الجبن
..... فهو يمثل لهما السعادة ربما بأقصى درجاتهاطعمه اللذيذ ولونه الأصفر اللامع
بل إن سعادتهما إكتملت عندما عثرا على هذا المخزون الهائل من الجبن اللذيذ ومنذ هذا الوقت
توقفا عن البحث وربما عن التفكيرظلوا يواظبون التردد على مخزون الجبن خاصتهم
في حالة تشبه الإستسلام و دون أن يلحظا التغيير البسيط الذي يحدث حولهما فالجبن
ينفذ

إستيقظا على صدمة عندما إختفى الجبن من الذي حرك قطعة الجبن الخاص بي لابد
وأن أحدهم قد حركها من مكانها أبعد كل هذا المجهود والبحث المضني يختفي الجبن
..... لا سيعود الجبن حتماً سيعود

وهكذا ظل كل من هيم وهاو في إنتظار المعجزة وهي ظهور الجبن من جديد تذكر
هاو الفأرين الصغيرين رفيقا كفاح الجبن وتساءل عن ما حدث لهما هل وجدوا جبناً
آخر ربما علينا العودة للمتاهة والبحث من جديد ولكن هيم رفض بشدة فلم يعد به طاقة
للمتاهة وطرقها وحتماً سيعود الجبن ولكن هاو قرر في النهاية البدء من جديد داخل المتاهة قائلاً
في بعض الأحيان تتغير الأمور تلك هي سنة الحياة ويجب أن نواكبها
نعم لم يصدق هيم نفسه عندما غدا وحيداً دون جبن ودون صديقه فالتغيير مر من
أمامه وهو يراقبه دون حراك

إبتسمت بسخرية ربما بعد أن قرأت القصة للمرة الخامسة هل هي القزم هيم ربما
لا ف"هيم" في النهاية لحق بصديقه ووجد ما هو أثمن من الجبن وجد ذاته
ولكن هي ما زالت قابعة مكانها ترقب بيأس التغييرات حولها دون حراك وكأن تجاهلها للتغيير
سيوقف حدوته !!!!!

تفحصت المكان حولها ثم قالت له بنبره من الدهشة : المكتب مش من مستواك خالص يا دودي
خالد : معلىش أصلي مش بهتم بالمكاتب هنا الإهتمام بالمزرعة وبس
وبعدين إيه دودي دي هو من إمتى وأنا دودي
إبتسمت بمكر ثم إقتربت منه في دلال قائلة : عادي بدلحك
خالد : بس أنا مش بتاع دلح وإنتي عارفة
نظرت نحوه بشوق ثم قالت برقة : فاكر كنت بتقولي إيه زمان
كان جامداً كالصخر لم يتأثر بقربها ولو حتى بكميات طبيعية من الأدريالين البشري
..... قال وهو ينظر لعينيها بثبات : بيجونيا
إبتسمت بثقة : كنت بحب لحنه قوي حتى أكثر من إسمي

إستدارت وتحركت بعيداً عنه ثم إستقرت بأحد المقاعد رفعت إحدى ساقيها فوق الأخرى في دلال
وأخرجت سيجارة أشعلتها بهدوء وتابعت : بس إنت كنت تقصد أنهى معنى فيهم
..... الفضيلة ولا الخطر

إبتسم بسخرية : هو أكيد مش الفضيلة ولا إيهوبعدين مش المعنى بس

.....إنتي شبه البيجونيا

كارمن وقد نفثت دخان سيجارتها بعصية ثم تابعت : وكل الستات اللي مروا في حياتك كنت

بتشبههم بالزهور

خالد : أغلبهم

كارمن : يعني مارجریت كانت إيه

خالد : إنتي جاية هنا علشان تسأليني عن رموز الستات في حياتي

كارمن : طيب بلاش مارجریتالبنت اللي بره إديتها إسم ولا لسه

تبدلت ملامحه من السخرية للغضب وتابع : شئ ما يخصكيش

كارمن وقد ألقّت سيجارتها بعنف في الأرض وإقتربت منه بشده وقد بدت أكثر توتراً : لأ يهمني

.....و لو كان قصدك تغيظني بيها فأنا إتغظت يا خالدعارف إيه لإني لسه

بحبك

بنظرة حانية ولمسات رقيقة من أناملها على وجهه نطقت جملتها الأخيرةأزاح يدها

ببرود عنه ثم تابع : لعبة إيه اللي بتلعبها يا كارمن

كارمن : أنا عمري ما خططت ولا كذبت يا خالدبالعكس مشيت ورا قلبي وخسرت

كل حاجة علشانكوالنهارده جيت وأنا جوايا مشاعر غضب وكره ملوش حدود بس

كله إتبخر لما شفتك

نظر لها ساخراً وتابع : خسرتي كل حاجة !!!! خسرتي إيه يا كارمن أنا إشتريت منك نصيبي

بالفلوسطلقتك ورصيدك في البنك أكثر من نص مليونكارمن إنتي الوحيدة

اللي خرجتني كسبانه من الموضوع وإحمدي ربنا إني سبتك تتمتعني بفلوسي

كارمن : ياااااااااااااه أحمد ربنا إنك سيبتنيكنت حاتعمل فيا إيه أكثر

من اللي عملته يا خالدكنت حتسجني زي كريم

خالد وقد بدأ يفقد صبره : أخوكي هو اللي سجن نفسه

كارمن : وأنا برده اللي سجنت نفسي سجنت نفسي سنين جوه حب واحد عمره ما

حس بيا

خالد : برده مصممة على نفس النعمة

سحبت حقيبتها وأخرجت منديلاً أتجفف به عبراتها ثم تابعت : أنا حامشي دلوقتي وإنت فكر في

كلامي بس أنا خارجحارج تاني يا خالد

إقتربت منه وقد تبدلت عبراتها بإبتسامة خبيثة وتابعت : أنا قدرك ومش حتقدر تهرب مني

نظر لها ساخراً ثم تابع : متخلفتش الست اللي يهرب منها خالد رضوان وإفتكري إن

كله برغبتي أناتدخلني حياتي وقت ما أحب وتخرجني منها برده وقت ما أحب

.....وأنا دلوقتي بقولك برة يا كارمن

كانت جملته صارمة غاضبة ربما كالحصن المنيع ضد أنوثتها الطاغية سلاحها الأوحده

التي طالما أحسنت إستخدامه وما زالت كانت الإبتسامة بخبثها ما زالت على
شفتيها ولكنها إمتزجت بنظرة غاضبة بعد سماع كلماته كادت أن تقتلع قلبه لو
إستطاعت ولكنها تماسكت وإختفت بمشاعرها داخل هيكل من البرود وقالت : باي حبيبي
..... حجيك تاني بس مش حقولك إمتى خليها مفاجئة!!!!!!!

أخيراً تنهد في راحة وقالها لنفسه بعد أن غادرت كارمن غادر المكتب بعدها
حيث شعر برغبة عارمة في إمتطاء رعد ولكن هل هي مجرد رغبة لرعد فقط أن أنه يود
رؤيتها تمنى أن تكون ما زالت هناك تمسك بلجام حصانه المحفوظ الذي ربما يشتم
الآن عطر جدائلها البندقية إذا كانت الرياح سخية معه شرد قليلاً ثم تدارك نفسه وزم
شفتيه بعد أن شعر بإنجراف مشاعره نحوها رغماً عنه لا هي ليست مشاعر بل
مجرد خيال بأس

كانت قد أنهت لتوها تريض رعد عندما وصل هو للإسطبل تقدم منها ورمقها بنظرة
جادة ثم تابع : رعد فين
إيناس : دخلته البوكس
خالد : خلصتي اللي طلبته منك أدوية سهيلة متنشيش
إيناس : حالاً حاروح العيادة وأجهز الطالبات لحضرتك
خالد : طيب خلخي حد يوصلك تردد قليلاً ثم تابع : ولا أقولك أنا حاوصلك مدام رعد
دخل خلاص
إيناس : ملوش لزوم يا بشمهندس
خالد : منا كده كده راجع وكمان آخذ منك الطالبات علشان أبعث حد يجيبها
إستقرت بالمقعد المجاور له وإنشغلت بمراقبة الطريق أغلب الوقت نظر نحوها بمكر
ثم قال : على فكرة أنا برده حاعرف السر
نظرت نحوه بدهشة : سر سر إيه
خالد : سر ك إنتي ورعد حالة الخضوع الغريبة اللي بيكون فيها معاكي
حاولت كبح مشاعر الإنتصار داخلها وهي تقول: إن شاء الله
شعر بالغیظ وتابع طريقه في صمت وقد زاد إصراره أن يكتشف سر ترويضها لجواده الثائر
.....

لقد كان يوماً شاقاً قالتها لنفسها وهي تحاول الإستمتاع بحمام دافئ بعد يوم عمل شاق
..... عقدت حاجبيها عندما تذكرت كلمات خالد
" خدي رعد مشيه إنتي شوية على بال ما أخلص كلام مع المدام "

من يظن نفسه ليوجه لها أوامره بتلك الطريقة وكأنها أحد الساسة وخاصة أمام تلك الحمراء المتباهية فعلتها فقط من أجل رعد فهي تعشق هذا الجواد بصهيله القوي ولونه الأسود اللامع عجباً طالما كرهت اللون الأسود ولكن مع رعد فإن الأمر يختلف

.....

ما أن إنتهت من الإستحمام حتى سمعت دقات الباب كانت الساعة قد قاربت على السابعة مساءً وجدت رقية تقف بالباب بإبتسامتها المعهودة رقية : نعيماً

إيناس : اااااه لسه واخده حمام دافي

رقية : حمام الهنا يا جميل

إيناس : يلا أدخلني نشرب شاي سوا

رقية : معلش أنا جاية أبلغك بس إني حسافر مصر كام يوم

إيناس : ليه خير

رقية : لا يا حبيبتي مفيش حاجة أنا بس ورايا مصالح حقضيها حسافر النهارده بالليل

إيناس : شكلك زعلان إنتي زعلانه مني علشان مشيت بسرعة آخر مرة

رقية : إيه يا أنوس بطلي هبل الحكاية كلها إني محتاجه أقعد مع نفسي شوية ومع علي أخويا

إيناس : تروحي وترجعي بالسلامة

رقية : معلش يا حبيبتي مكنتش عايزة أسيبك بس غصب عني

إيناس : إيه يا رقية وهو أنا صغيرة ده أنا باخد بالي دلوقتي يجي من خمسين حصان

قالتها إيناس ضاحكة في محاولة لإدخال بعض المرح لنفس رقية التي كانت عبراتها على وشك

الهطول إقتربت منها رقية وإحتضنتها بقوة وتابعت : يلا أشوف وشك بخير

إيناس : متأخريش عليا هه وإلا حاجي وراكي

رقية : لا اله الا الله

إيناس : محمد رسول الله

كانت تحضر حقيبتها وهي تتذكر المكالمة التي قلبت كيائها غيرت كل شئ في دقائق معدودة صوت سهام وهي تلقى في وجهها قنبلة من نوع خاص الخبر الذي ظلت تكذبه لشهور رغم كل رسائل التأكيد التي داومت سهام على إرسالها لها بداية من عقد الزواج حتى إختبار الحمل

نظر حسن نحوها بعد أن جهزت حقيبتها وقال : برده مصممة على السفر

رقية : قاتلك يا حسن محتاجه أغير جو كام كمان عايزة أقعد مع علي وحشني

حسن : خلاص زي ما قلتلك حاخذ أجازة ونسافر سوا أو حتى نساfer أي حته إحنا بقالنا كثير
ماسفرناش

رقية : لا ملوش لزوم تسبب شغلكوبعدين كمان مش شرط توصلني إنت مابتحبش
تسوق بالليل ممكن أي سواق يوصلني

حسن : سواق إيه اللي يوصلك بالليل كده وبعدين عادي حبات وأرجع الصبح ولا كمان مش
عايزاني أبات

رقية : لأ عادي براحتك

حسن : خلاص يلا بينا

إستقرت رقية بجانب زوجها الذي رمقها بنظرة ذات مغزى وتابع بصوت هادئ : ما تيجي ننزل
ونسهر مع بعض هنا أحسن

إبتسمت بحرص وقد فهمت مقصده فقالت بفتور : لأ معلىش يلا خاينا نتحرك

وهكذا تحركت السيارة وداخلها رقية وحسنحسن بهواجسه إتجاه زوجته والتغيير الذي
طراً عليها ورقية ومحاولتها ربما لمواكبة ما حل بزواجها من تغيير

تمر الأيام متاشبهة كصرير الأبواب المغلقة فالزنزانة لا تقيد جسده
فقط بل أيضاً أحلامهطموحاتهإنتقامهأصبح يحصي الدقائق في
إنتظار خروجه البعيد ولكن الآن بعد عودة كارمن فقد إقترب من حلمهمن سعادته نعم
فهي لن تكتمل حتى يُشبع شهوة إنتقامه

جلست أمامه وقد بدت أكثر إتراناً من المرة السابقة ولكن أكثر غضباًنظر كريم
نحوها بمكر وقال : روحتي

كارمن : أيوه

كريم : وإيه الأخبار

كارمن : زي ما إتفقنا هو دلوقتي فاهم إني بستغل كدبة الحب علشان أنتقم منه

كريم : تمام ده حبيرر في الأيام الجاية زيارتك ليه في المزرعة وحيفكر في الإتجاه ده وبس

كارمن : وبعدين حاعمل ايه

كريم : زي ما فهمتك عينيك صقر كمان عايزك تصوري المكان من غير ما ياخذ باله خصوصاً
المخارج والمداخل وطبعاً تكرري زيارتك لإسطبل الخيل

كارمن : وهو مش حيقلق

كريم : ما قلتلك إحنا عايزينه يفتكر إنك جايه تعرضي حبك وإن ده أساس خطتك في الإنتقام

كارمن : أنا بكرههبكرهه

كريم : بتكرهيه علشان رفضكصح

كارمن : أنا لو عايزاه تحت رجلي من بكره حاعملها بس أنا اللي مليش مزاج

ضحك كريم بسخرية شديدة ثم تابع : جايز

كارمن : كريم أنا عايزة أبرد ناري

كريم : إتقلي يا كارمن أنا مش عايزه يشك فيكي

كارمن : ما يشك خليه ما ينامش الليل

لاحت على شفثيه إبتسامة ماكرة وقال : عموماً اللي بتطلبه شئ مغري مش قادر أرفضه

كارمن : يبقى نفذ إعتبره نوع من المقبلات قبل الوجبة الرئيسية

كريم : مش حددتي مكان المزرعة

كارمن : أيوه ده العنوان بالضبط وبالتفصيل المملبوابة 2 اللي هي مدخل

مزرعة الخيل الحراسة عليها مش شديدة قوى

كريم : تمام إنها حنبتله واجب الزيارة ده بس علشان خاطر ك يا حبيبي

إبتسمت بدهاء

وفي منزلها عادت لوحدها مرة أخرى بل ربما لغضبها عادت لتنتشر ألوانها

على صورتهألوان بلون الدم .

الفصل الثامن عشر

كانت تجلس وحيدة على مقعدها الهزاز تتأمل تفاصيل الظلام حولها هي لا تعلم حقاً

أي ظلام هذا الذي تتفحصه هل ما سبق من غفوتها أم ما هو قادم هل هي حقاً

غفوة تلك التي تحياها أم رضا أم ربما كلاهما.....مر يومان منذ أن تركها حسن وعاد

للمزرعة منذ أن أصر على قضاء تلك الليلة من أجل غرض واحد فقط

..... غرض ربما غاب عن عالمهما في الأشهر القليلة الماضية وكعادتها

لبت له رغبته وكأن سنوات عمرها أبت التغيير في لحظة فارقة وفي النهاية رضخت لرغبة

حسن

نظرت حولها فأيقنت أنها غارقة في الفوضى يومان كاملان من إعداد شتى صنوف

الطعام الذي إستمتع به حارس العقار وأسرته في النهاية إبتسمت بسخرية فقد جاءت

من أجل التفكير ولم تفعل شئ منذ وصلت سوى الهروب منه وكأنها تتمنى العودة

لمنزلها معه وتجاهل كل ما يحدث حولها من جديد ولكن هل حقاً ستستطيع أم ستظل

في منتصف الطريق تخشى العودة وترهب الإستمرار

إبتسمت إيناس بسخرية عندما تذكرت رقية حقاً إفتقدت تلك المرأة البشوش على الرغم من تأفها منها في البداية كانت تجلس بالعيادة تنهي بعض الأوراق فالعمل لم يكن بالكثير في الأيام القليلة السابقة خاصةً مع إنشغال خالد بإتمام التزاوج الثمين وإنتظار مهر جديد لينضم إلى عائلته الكبيرة !!!! تركت ما بيدها وأخرجت بضعة صور لشريف وكأنها تسعى لإخراج ذكرى مرئية له بمجرد أن تفكر بشخص آخر وخاصةً إذا كان رجل كانت تتمعن في الصورة أمامها ملامحه الغائبة عن واقعها المحفورة بقلبها ولكنها إنتبهت لطرقات خالد ودخوله السريع كعادته فبادرت بوضع الصور سريعاً في حقيبتها بإرتباك لاحظته هو على الفور كما لاحظ أيضاً الصورة الصغيرة التي سقطت منها رغماً عنها جلس على المقعد أمامها دون إكتراث قائلاً : صباح الخير

إيناس : صباح النور

خالد : أخبار الشغل ايه تمام

إيناس : تمام

خالد : كويس فاكرة الطالبات اللي كتبتها علشان سهيلة

إيناس : أيوه

خالد : إكتبها تاني علشان الغبي اللي بعته ضيع الورقه

إيناس : حاضر حجهزها وأبعثها لحضرتك

خالد : لأ إكتبها دلوقتي علشان فوراً حابعته تاني

إيناس : دلوقتي حالاً

خالد : أيوه يا دكتوراة ولا نسييتي وحترجي تدوري في الكتب

قامت وقد قالت له في ضيق : لأ منسييتش ثواني

أخرجت كتاباً صغيراً وورقة بيضاء لتقوم بكتابة ما طلبه منها ثم بدأت تبحث بيأس عن قلم !!!! وكان أقلام الكون إختفت بتلك اللحظة كانت تبحث بمحتويات المكتب أمامها وتفتح الأدراج دون جدوى ومع مرور الوقت زادت حدة توترها خاصةً مع تجسس عيناه وتمعنه في ملامح الإرتباك على وجهها قالت وهي تواصل البحث دون ان تنظر نحوه : معلىش بدور على القلم مشكلة دائماً تضيع مني الأقلام

إبتسم بسخرية وود أن يبقيا هكذا لساعات تبحث دون جدوى فاللوحة المتجسدة أمامه بإرتباكها وخجلها تبدو غاية في الروعة ولكنه قرر في النهاية أن يوقف بحثها المضني ليس فقط من أجلها أو من أجل وقته بل من أجل تلك الصورة التي سقطت منها ناولها القلم وهو يبتسم بثقة : إفضلني أنا معايا قلم

إيناس : متشكرة

شرعت تكتب الأدوية مرة أخرى وعندها مد هو قدمه بحرص ليسحب الصورة برفق
أخذها دون أن تنتبه له كانت صورة لرجل يبدو في أوائل عقده الثالثوجه
بشوش ملامح تبعث الراحة في النفس منذ أول وهلة يبدو كرجل مسالم
..... هادئ

إنتهت إيناس وناولته الورقة وهي تقول : خلاص إنفضل
خالد : تمام إبتسم بمكر ثم ناولها الصورة قائلاً : دي وقعت منك
بدت ملامح الضجر على وجهها أو ربما الذنب لفقدانها الصورة سحبتها سريعاً من
يديه وكأنه ليس من حقه الإمساك بها وقالت : أيوه
نظر بسخرية وتابع : دي صورة أخوكي
صمتت قليلاً من أنت لتسألني عن صاحب الصورة فهذا ليس بحق لك نظرت
نحوه بحده وربما لأول مرة يلحظ تلك اللمعة بعيناها وقالت : لأ دي صورة جوزي .

زوجي نعم كانت تلك هي كلمتها لم تقل زوجي الراحل ولم تقل المرحوم كما إعتادت
والدته بل قالت زوجي وكأنه ما زال زوجها وكأنه لم يرحل قابع بعالمها يأبى أن
يتحرك ما هذا هل يشعر بالغيرة من الرجل ربما فللحظات يتمنى أن
يكون مكانه أن تكون إيناس له بإخلاصها وبراعتها حتى بعد أن
يموت !!!!!!!

كانت تمسك بصورة شريف وبطرف منديل رقيق تنظف الأتربة التي علقت بها
شعرت بالغیظ ربما منه أم ربما من نفسها لأنها كادت أن تفقد صورته بل ربما من نظراته العابثة
للصورة لقد كانت ذكراها بين قبضة يديه وهذا ليس من حقه وليس من
حق أي رجل طرقات الباب تدق من جديد تنهدت بضيق لعودته مرة أخرى
وولكن تلك المرة لم يكن هو كان حمزة بإبتسامته المعتادة وكأنها جاء في أكثر
الأوقات خطأً بالعالم رحبت به بفتور لم يثنيه عن الدخول والجلوس بنفس مقعد خالد
منذ قليل

حمزة : صباح الخير

إيناس : صباح النور إزيك يا بشمهندس

حمزة : تمام إنتي إيه أخبارك

إيناس : الحمد لله

حمزة : أبله روكا لسه مارجعتش

إيناس : لسه

حمزة : كئيب المكان من غيرها صح

إيناس : اه فعلا

حمزة : أنا حتى لسه شايف خالو دقنه طويلة وهدومه مش مضبوطه وحالته صعبة

أصله ما يقدرش يستغنى عنها

إيناس : ربنا يخليهم لبعض

حمزة : طيب أنا مش حعطلك أنا بس كنت محتاج منك خدمة

إيناس : إتفضل

حمزة : إنتي بتعرفي تدي حقن

إيناس : اه بعرف

حمزة : لبنى آدم مش حسان

إيناس : أيوه بعرف كنت بديهم عندي في البيت

حمزة : حقن عرق

إيناس : أيوه

قام من على كرسيه على الفور وهو يقول : كويس جداً ثم أخرج حقنه معه ودواء

مضاد حيوي وشمر ذراعه وتابع : ممكن بقه تديني الحقنه دي

إيناس بتلعثم : ديحقنة إيه

حمزة : إتخضيتي كده ليه هو شكلي مدمن وعلى علشان بيان مبسوط

إيناس : لا أنا أسفة مش قصدي

حمزة : أصل أنا رحلت للدكتور وقال لي عندك فيروس في المعدة وكتبلي حقن ويومين أروح وادي

النطرون أخذ الحقنة في الصيدلية مخصوص هناك خصوصا إنها عرق ومش أي حد بيعرف

يدي حقن في العرق وبعدين فكرت فيكي وقلت جاييز تكوني بتعرفي أهو تريحيني من المشوار

..... ممكن بقه خدمه لأخوكي الغلبان

أومات بالإيجاب مبتسمة وكأنها قررت مساعدته عندما لفظ بكلمة أخوكي

قامت بتحضير الحقنه وأمسكت ذراعه لإعطائها له وإبتسمت حين لاحظت عيناه المغمضه وفمه

المفتوح وكأنه يحضر لعرض الصراخ الشديد نظرت له وقالت وهي تلقي الحقنه في السلة

بجانباها : خلاص خلصنا

حمزة : إيه ده بجد

إيناس : أيوه يا بشمهندس خلاص

حمزة : ياه ده إنتي إيدك خفيفة خالص يا بخت الخيل
تبدلت إبتسمتها مرة أخرى وقالت بجدية : متشكرة وربنا يشفيك
حمزة : يا رب حعدي عليكى بكرة كمان بس علشان آخر حقنه
إيناس : مفيش مشكلة
حمزة : مش محتاجة أي حاجة أجيبهاك
إيناس بدهشة : لأ ميرسي
حمزة : بجد بيضتين شوية جبنة رومي
ضحكت بدهشة وتابعت : لأ شكراً
حمزة : أيوه كده علشان أسيبك وإنتي بتضحكي علشان محشش إن دمي ثقيل
إبتسمت بحرص ولم تجيبه تابع هو بعدها : وكمان بوصلك سلام نرمين وعمر
إيناس : بلغهم سلامي
حمزة : يلا أمشي بقه مع السلامة
إيناس وقد نظرت للأوراق أمامه لإدعاء العمل : مع السلامة يا بشمهندس

إنها ليلة قمر مكتمل هل سيعود الذئب للحياة كما إدعت الأسطورة إنه
الشر الكامن بنفوسنا وقد لا ينجو أحد من برائته
مون لايت سوناتا طالما عشقت تلك المعزوفة ربما من أجله
..... لطالما أخبرها أنها لا تشبه معزوفته الثمينة في شئ فهي تبدو كمعزوفة
صاخبة مضطربة نعم مضطربة ولكن بسببك أنت يا
خالد أطلقت العنان لخصلاتها الحمراء بل لجسدها
تتمايل على معزوفته راهنها مراراً أن إنحاءتها الرشيقة لا تتناسب مع موسيقى
بيتهوفن خاصته ولكن ها هي الآن تؤدي رقصة أخرى رقصة من أجله
ولكن تلك المرة لن يتمكن من المشاهدة فهو لديه موعد مع نوع آخر من الرقص
.....

نظر خالد للساعة فوجدها قد قاربت على الثانية صباحاً ليلة أخرى من الأرق
والفضل يعود لكارمن فعقله دائم التفكير في سبب عودتها وبالطبع لا
يصدق حيلة العشق البالية التي إتبعها فأى عقل بائس سيصدق هذا الهراء أخرجه
صوت غريب من أفكاره نعم هناك هناك شخص ما بالحديقة
إرتدى قميصه مسرعاً وقفز لداخل الحديقة ربما قبل أن يربط جميع أزراره وقبل أن
تتجول عيناه بحثاً عن مصدر الصوت باغته أحدهم بلكمة قوية أفقدته توازنه ووقع على الأرض

في لحظتها كان رجلاً قويا إبتسم له بمكر أسفر عن ظهور صف أسنانه
الصفراء المتهالكه ثم إقترب منه ليملكه مرة أخرى ولكن خالد لم يكن ضعيفاً هو الآخر فجسده
يكاد يكون بنفس قوة هذا البائس فقام على الفور ليقفز برشاقة على المعتدي ويباغته باللكمات
وبالفعل كاد أن يتفوق عليه لولا ظهور آخر من العدم وكان أقصر من كلامها ولكنه كان عنيفاً
لأقصى حد حيث أحاط رقبة خالد بسلسلة حديدية وباشر في جذبها بقوة فمنع عنه الهواء حتى
إرتخت قبضة خالد من على الآخر وعندها ترك السمين السلسلة وقام بلفها على قبضة يده ووجه
لكمة قوية لخالد لم تطرحه أرضاً فقط بل قذفته بقوة ليرتطم ببعض الأواني الفخارية ويسقط داخل
الحديقة الأخرى الخاصة بفيل إيناس

شعر بطعم الدماء بفمه حاول أن يتصدى لهم أكثر من مرة ولكنهم باغتوه بلكمات
شديدة بوجهه وبطنه حتى سقط أرضاً في النهاية ولم يعد لديه قدرة على المقاومة إستمع
بصعوبة لأصواتهم البائسة وهم يقولون : دي تحية من كريم باشا..... هههههههههههه
ودي مش أول تحية لسه التقيت جاي

قالها السمين في النهاية وهو يخرج سلاحاً حاداً ويوجهه نحوه قربه من جسده
والآخر يحثه على إنهاء ما ينويه سريعاً والهروب وبالفعل قربه منه من أجل أن يطعنه بمهارة
محدثاً أكبر قدر من الألم ولكن دون أن يقضي عليه ولكن حدث شئ غريب فقد باغتته
المياه من كل جهة إندفعت صنابير المياه في الحديقة فأغرقتهم جميعاً في لحظات
وأضيئت الأنوار فجأة مما جعلهم يهربون على الفور ولكن السمين قام بجرح خالد في ذراعه
بسلاحه الحاد قبل هروبه

فتحت عيناها فجأة على صوت إرتطام شديد نعم يبدو أنه إرتطام جسد بشئ ما بل
وربما تكسير أشياء شعرت بالفزع قامت على الفور تتحسس طريقها
بحرص في الظلام حتى وصلت للنافذة وعندها رأتهم ثلاث رجال أحدهم أرضاً يتلقى
اللكمات بشدة من الآخرين لم تكن الرؤية واضحة ظلت تتابع الموقف بفزع حتى
إستبينت ملامحه إنه خالد !!!!!!!!!!!!!

شعرت بالفزع ماذا تفعل أخذت هاتفها وحاولت الإتصال بحسن ولكنه لم
يجب كررت الإتصال عدة مرات دون جدوى حتى تملك منها اليأس توجهت
مسرعة لغرفة المعيشة وقفت تراقب ما يحدث عن كثب من خلف الستائر الثقيلة
والهاتف بيدها تعاود الإتصال دون جدوى شعرت بشلل أصاب عقلها وأوقفه عن
التفكير فهي تراقب الإعتداء الغاشم وليس لديها القدرة على فعل شئ ولكن فجأة تبينت
أعينها النصل اللامع في قبضة أحدهم شعرت أنها على بعد ثوان من مشهد قتله
وعندها لم تفكر أضاءت جميع أنوار الحديقة دون وعي وفتحت رشاشات المياه كنوع من جذب
الإنتباه وكانت محظوظة إذ أنهم فروا هاربين ظناً بوجود رجل آخر في المكان .

نعم هربوا ظلت جامدة في مكانها لدقائق تحاول إستيعاب رحيلهم وعندها أدركت
المياة المفتوحة وجسده الممدد على الأرض فقامت على الفور وأغلقت محبس المياة وهمت تتجه
سريعاً نحوه ولكنها إستدركت في آخر لحظة أنها ترتدي ملابس النوم فعادت مسرعة ولفتت
جسدها بروب طويل ثم خرجت مرة أخرى للحديقة كان ممدداً على الأرض مضرجاً
بالدماء توجهت نحوه في فزع وهي تقول بصوت مرتجف : بشمهندس خالد
.....بشمهندس خالد إيه اللي حصل فوق أرجوك

كانت ملامحها غير واضحة بالنسبة له وكأنه في حالة متأرجحة بين الوعي والغشيان
نظرت حولها في يأس فكرت أن تطرق باب فيلا حسن ولكنها تراجعته فربما لن
يسمع الباب كما لم يشعر بالهاتف لم تجد بدأً من سحبه للداخل ولكنه كان ثقيلاً فجسدها
الضعيف لا يستطيع تحريك جسده الضخمكانت تحاول بيأس وتطلب منه مساعدتها
حتى تستطيع معالجته بدأ يستوعب ما يحدث إنها إيناس وهو مكوم على
الأرض بحديقته غارقاً في دمائه وأيضاً في الماء !!!!!

حاول الوقوف مستنداً عليها بصعوبة حتى إستطاعت جذبه وأجلسته على أقرب مقعد بطاولة
بمدخل غرفة المعيشة مباشرةً ظلت تنظر نحوه في دهشة لا تدري ماذا تفعل ولكنها
ما لبثت أن إستعادت تركيزها أحضرت منشفة كبيرة لتجفيف جسده المبلل وبقطعة
قماش ربطت جرحه النازف وبمنشفة أخرى مبللة بدأت تنظف وجهه المدمم كانت
أنفاسها مسموعة شعر هو بإضطرابها الشديد بعد سماع أنفاسها السريعة خاصةً مع
إرتعاش أناملها وهي تحاول تجفيف الدماء التي إنسدلت بغزارة من أنفه وفمهبدأت
ملامحها تتضح رويداً رويداً في عيناه كانت نظراتها حائرة خائفةمرتكزة بقوة
على وجهه وكدماته عروق زرقاء صغيرة تخللت جبهتها في إشارة واضحة لتوتر
حاد أصابها في تلك اللحظة كانت شفيتها ترتجف لا بل كانت تتمم بكلمات غير
مسموعةماذا عساها تقول

حرك إحدى يديه وضغط على جرحه بقوة وقال بصوت منخفض يبدو أنه جاهد من أجل إخراجه
: إنتي بتقولي إيه

نظرت نحوه وما زالت ملامح القلق على وجهها هي سيدة الموقف قالت له بصوت
مرتجف : إيه

خالد : بتقوليإيه

إيناس : بقول أسترها يا رب

إبتسم لها وتابع بهدوء : متخافيش قالها ثم ترك ذراعه المصابه فبدت الدماء كثيرة
..... نظرت إيناس للجرح في فزع وتابعت : لازم نكلم حد لازم تروح
المستشفى أنا بطلب بشمهندس حسن مش بيرد أعمل إيه
خالد : حسن مش موجود سافر إسكندرية وكمان تلاقي موبايله سيلنت
إيناس : مش موجود طيب أكلم مين
خالد بأنفاس متقطعة من الألم : متكلميش حد بصي روعي العيادة وهاتي مطهرات
وشاش من هناك
إيناس بفزع : إيه أنا
خالد : إنتي خايغه أخلصك مخزون الخيل ولا إيه أرجوكي أنا تعبان محتاجك تنضفي
الجرح وتربطيه
إيناس بتردد : إيوه بس ممكن يحتاج خياطة
خالد : لا لا مش شرط إنتي بس هاتي الحاجه وكمان حتلاقي عندي في الفيلا عندي جنب
التليفزيون دوا مسكن أرجوكي هاتيه بعد إذنك
إيناس مضطرة : حاضر

هرعت بالفعل نحو العيادة وأحضرت بعض الملزمات من هناك ثم توجهت للفيلا خاصته
وأحضرت من غرفة المعيشة دواءً مسكناً وآخر عبارة عن مضاد حيوى وجدته بالمصادفة
وعادت وقد أغمض خالد عيناه وبدا منتسغراً في النوم ربما من الألم
إقتربت منه بحرص وهي تقول : بشمهندس بشمهندس خالد أنا جيت

لم يشعر بكلماتها على الرغم من أن يده كانت ما زالت تضغط بقوة على موضع الجرح
..... لم تجد بداً من الإقتراب بحرص وتحريك يديه من أجل تنظيف الجرح ولكن في حركة
فجائية إنتفض فزعاً وقام بسحبها بيده الأخرى وكأنه شخص يريد مهاجمته كانت ذراعه
مطبقة على خصرها بقوة وقد جذبها نحوه وهو يقول : كارمن ناوية على ايه كارمن
..... هه عايزة إيه

إيناس وهي تحاول بصعوبة التخلص من قبضته دون جدوى : كارمن مين فوق يا
بشمهندس أنا إيناس أرجوك سيبني
ظل جامداً لدقائق ثم أرتخت قبضة ذراعه وتركها إبتعدت في فزع وظلت تنتظر نحوه
برهبة تتمم قائلاً : أنا آسف بجد آسف أرجوكي إوقفني النزيف
أغمض عيناه مرة أخرى ظلت ترقبه من بعيد خائفة من الإقتراب حتى سمعت عبارته
الأخيرة : متخافيش متخافيش مني

إقتربت منه وبدأت في تنظيف الجرح لم يكن غائراً ولكن فقد بسببه الكثير من الدماء
قامت بتنظيفه وتطهيره بالبيداتين ثم قامت بلف الشاش حوله بإحكام وتأكدت من توقف النزيف

تماماً وعادت لوجهه مرة أخرى وبدأت بمعالجة الكدمات والجروح به مرت حوالي ساعة عندها كانت قد إنتهت تماماً بدا وجهه أفضل على الرغم من آثار الكدمات كان ينظر نحوها بتمعن على الرغم من آلامه ظل يراقب تفاصيل ملامحها طول الوقت القلق الشديد البادي على وجهها العسل اللامع بمقلتيها بدت بشرتها بيضاء وكأن الدماء قد غادرتها فزعاً كلما لامست أناملها الباردة جروح وجهه شعر بالراحة وكأنها نبات سحري خرج من الحديقة لمداداة جروحه

كانت تتحاشى النظر نحوه طوال الوقت فعيناها لا تنظر سوى لموضع الكدمات من أجل معالجتها فقط قالت له بعد أن إنتهت : خلاص خلصت خالد : طبعاً وشي متشلفط

إيناس : معلش يومين والكدمات حتروح وحيهدى إن شاء الله نظرت نحوه وهي تقول جملتها الأخيرة وعندها لاحظت تلك النظرة المتمعنة التي يوجهها نحوها بدأت في لملمة أشيائها وتابعت : هو بس حضرتك تحط عليها ثلج خالد : طيب عندك ثلج

إيناس : اه ثواني قامت وأحضرت له الثلج على الرغم من ضيقها من نظراته في أغلب الأحيان وأحياناً خوفها إلا أنها شعرت بالشفقة من أجله فقد تعرض الليلة لتجربة سيئة مع الألم بل كاد أن يفقد حياته

وضع خالد كيس الثلج على جبهته وتابع : إنتي اللي شغلتي الميه وإيدتي النور صح إيناس : أيوه

خالد : بس كانوا ممكن ميهر بوش ويأذوكي لو عرفوا إنك لوحدك إيناس : أنا مفكرتتش أنا شفت السكينة في إيد واحد منهم إتخضيت وعملت كده خالد : خفتي يموتوني

إيناس : هما ليه كانوا عايزين يموتوك خالد : لا هما مكانوش عايزين يموتوني ده كان مجرد تخويف إيناس بدهشة : تخويف !!! من إيه

خالد : مش مهم من إيه المهم إنني أخاف وخلاص وأعيش في قلق ده كافي إنه يبسطه إيناس : هو مين ده

خالد : واحد أو جايز واحد بس الأكيد إنني مابسيبش حقي وواضح إنني محتاج أفكرهم بده

صمتت إيناس عندما شعرت بالنبرة الإنتقامية في حديثه نظر نحوها وتابع برقة : المهم إنني لازم أشكرك على اللي عملتيه معايا النهارده إيناس : العفو يا فندم أنا ماعملتش غير الواجب

ظل ينظر نحوها لوهلة صامتاً ثم إستند على الطاولة وقام بالوقوف وتابع قائلاً : أنا متشكر على العناية الطبية المميزة دي واضح إن الخيل عندي محظوظ لوجود دكتورة شاطرة زيك

.....
أنا طبعاً مش حاقدر أنزل بكرة الشغل فإنتي حتكوني مكاني و ياريت تبعيلي دسوقي الصبح على الفيلا

إيناس : حاضرحضرتك ما تقلقش

إبتسم لها وتابع : تصبحي على خير

إيناس : وحضرتك من أهله

غادر خالد وتركها مع الأرق ظلت بالحديقة تراقب السماء وتفكر فيما مر من أحداث تذكرت هجومه عليها ظناً منه أنها شخص آخر وكأنه كان يحلم قال كارمن نعم إنها هي الصهباء التي جاءتة منذ أيام يبدو أن وراءها الكثير من الأسرار وربما الخطر أيضاً .

الفصل التاسع عشر

على الرغم من أنها لم تتل قسطاً كافياً من النوم إلا أنها كانت تشعر بالنشاط
توجهت مبكرة للإسطبلات ومارست عملها المعتاد بل شعرت بقدر من المسؤولية في غيابه
أبلغت دسوقي أن خالد يطلبه بالفيلا وبعد إنتهاءها من عملها ذهبت لرعد
كانت تقف أمامه تطعمه قطع السكر المحلاة كما إعتادت وتحدث
تحدثت كثيراً أخبرته عن ما حدث بالأمس وكأنه ليس بجواد لا بل صديق
صديق إعتادت أن تفرغ ما في جعبتها بأذنيه وهو يستمع لها دون كلل .

-
تعرف طلع بينضرب عادي زينا كانت تلك أول كلماتها بأذن رعد وكان صورة خالد بقسوتها وغضبها قد تبعثرت أمامها عندما شاهدت الإعتداء عليه تابعت وهي تضحك بسخرية :
كان حبيكي فعلا من الألم حسيت إنه حبيكي لما كنت بطهر الجرح بس مسك نفسه
عارف الجانب الشرير جوايا كان عايزة بيكي جايز ساعتها كنت محس انه ضعيف
ضعيف زيي كان ممكن يموت تخيل ببساطة كده حد ينهي حياة إنسان زي ما يكون الموت ده حاجة سهلة هي الناس دي بتفكر ازاي
هي الناس دي بتحس زينا ببساطة كده تلغي وجود إنسان
يختفي تدور عليه ماتلاقيهوش
كانت كلماتها الأخيرة متزامنة مع عبارات قوية إنهمرت من عيناها هي لم تعد

تعلم عن أيهما تتحدثخالد أم شريف .

كان دسوقي يتفحص الجراح بوجهه بدهشة ولكن يبدو أن جراح وجهه لم تؤثر على صوته الجمهوري وغضبه الحاد الذي أفرغه في وجه الحارس المسكين كان محمد يقف مطئطاً رأسه وهو يستمع لتوبيخ خالد

خالد : أفهم بقه..... حراسة إيه والمزرعة سداح مداح دخلوا وخرجوا وحضرتك نايم على ودنك

محمد : يا بشششيا بشمهندس ممكن يكونوا نطوا من على السور مش من البوابة

خالد بغضب : سور إيه يا بنى آدم السور عندي كله حواليه شجر عمرهم ما

حيعرفوا يعدوه هي البوابة عندك وإنت طبعاً نايم في العسل جوه ولا دريت بيهم

محمد : والله يا بشمهندس أول مرة تحصل وحد يفكر يهوب من المزرعة

خالد : وأهي حصلت يا فالحلغاية ما اتصرف مش عايز نملة نملة تعدي

من البوابة من غير إذني فاهم

محمد : مفهوم مفهوم يا بشمهندس

خالد : دسوقي

دسوقي : أمرك يا بشمهندس

خالد : شوفلي اتنين رجالة من عندك يكونوا جامدين كده يساعدوا أخينا ده في حراسة بالليل لغاية

ما تصرف فاهم

دسوقي : فاهمامرك

خالد : خلاص روح شوف شغلك إنت وهو

غادر الرجلان مسرعين وظل هو وحده مع أفكاره كارمن كريم

..... هوتكاد تكون دائرة مغلقة مستمرة في الدوران ماذا يفعل لكي

يتخلص منهم هم من إقحموا حياته في البدايةوما زالوا.

شعر حسن بالدهشة عندما وجد أكثر من عشرة مكالمات هاتفية من إيناس وبوقت متأخر

..... أمسك بالهاتف واتصل بها على الفور

حسن : دكتورة إيناس خير في إيه

إيناس : بشمهندس حسن أنا أسفة بس حصلت حاجة إمبارح علشان كده اتصلت

حسن : إيه اللي حصل أنا كنت نايم وقافل الجرسرقية كويسة

إيناس : متقلقش الموضوع ملوش علاقة بمدام رقيةدهده البشمهندس خالد

حسن : خالد !!!! في إيه

إيناس : حقولك إيه ناس إتهجموا عليه إمبراح بالليل وضربوه وبالحظ انا شفت ده
وعلشان كده كنت بكلم حضرتك

حسن : يا خبر..... وحصل ايه هو كويس

إيناس : أيوه كويس حضرتك ما تقلقش حضرتك ممكن تكلمه وتفهم منه أحسن مني

حسن : خلاص يا إيناس انا حاكلمه دلوقتي

أغلق الهاتف وملامح الصدمة بادية على وجهه وقبل أن يتصل بخالد جاءه صوتها

.....كانت قد أنهت لتوها الإستحمام : ومين إيناس دي كمان إوعى تكون الثالثة

سهام زوجته الثانيةكانت إمراة على قدر لا بأس به من الجمال قابلها في

حفل زفاف صديق له ةبورشحها نفس هذا الصديق له كزوجة كانت نصيحة له بأن

يجرب حظه مرة أخرى لعله ينول ما يبتغي وكأن النصيحة جاءت على هوى قلبه وعقله فإتبعها

وبعد شهر واحد تزوج بسهام التي ظنت بحملها السريع أنها ستملك كل شئ وستقذف برقية خارج

عالمها بكل يسر ولكن حتى الآن ما زالت رقية هي الأولى وهي في المرتبة الثانية

نظر حسن نحو سهام بضيق وتابع قائلاً : نعيماً يا ستي ممكن بقه تجهزيلي الفطار علشان رايح

على الشغل

سهام : شغل برده مين دي اللي كنت بتكلمها

حسن : إيه يا سهام إنتي فاضية ولا إيه بقولك شغل

سهام : كده بتشخط فيا ماشي أشخط وخلي التوتر يآثر على الجنين

حسن : مش وقت دلح يا سهام ولا علشان رقية مشيت فاكراها مشيت علطول

سهام : والله براحتها بقه إنت مش فاضي تتحايل على حد إبنك محتاجلك

حسن : ومش فاضي للت والعجن حضري الفطار علشان نازل حالياً

قام من على الفراش وتركها لإتمام مكالمته مع خالد وتركته هي غاضبة لتحضير طعام الإفطار

مر يومانلم يخرج خالد من المنزل ولكن كان يبدو على حسن الإنشغال الشديد فقد قام

بتزويد الحراسة على بوابتي المزرعة ونبه على جميع الحراس أن يراقبوا البوابات جيداً خاصة

في الليل كانت إيناس بمكتبها تنهي بعض الاوراق خاصة أنها ستعود للقاهرة في

نهاية الأسبوع حيث ستمضي أول أجازة بالمنزلرفعت بصرها فجأة لتجده واقفاً

بالباب وعلى وجهه ابتسامة أعطته مظهراً جذاباً على الرغم من الكدمات بوجهه نظر

لها وتابع : شايفك مشغولة

إيناس : إتفضل يا بشمهندس حمد الله على السلامة
خالد : الله يسلمك بس مش تسألني عليا بالتليفون حتى ماكنش قطن وبيداتين
إبتسمت بخجل : أنا ماكنتش عايزة أزعج حضرتك
خالد : لا إنتي آخر واحده ممكن تزعجيني ده إنتي أنقذتيني
إيناس : العفو يا بشمهندسقلت لحضرتك ده واجبي
خالد : نازلة أجازة بعد بكرة صح
إيناس : أيوة

خالد : مش عارف حد قالك على المعلومة دي ولا لأ بس في ميني باص بيتحرك كل يوم الساعة
9 الصبح لمصر وبيرجع من مصر الساعة 5 ده علشان يوصلك ويرجعك أغلب الموظفين
بيتحركوا بيه كل واحد على حسب معاد أجازته
إيناس : أنا فعلا ماكنتش أعرف متشكرة
خالد : هو بيتحرك من بوابة 1 في المزرعة الثانية حخلي ببسو يوصلك ...
أومات رأسها بإبتسامة وصمتت تابع هو بعدها : أنا مش عايزك تقلقي من اللي حصل
أنا زودت الحراسة على المزرعة ومش حاسم لحد يرعبنا تاني أنا عايزك تكوني واثقة من ده

كانت نبرته هادئة غاضبة وكأنه يتوعد كل من يفكر في العبث بممتلكاته وكأنه لا
يقبل بأن يكون ضحية أو ربما لن يسمح بذلك

تلك هي أول عطلة تقضيها بالمنزل مر حوالي شهر منذ غادرت أول مرة
..... لم يتغير شئ..... الأثاث مرتب كما هورائحة التوابل القوية تنبعث
بقوة من المطبخ حيث تقبع والدتها منذ أمس تحضر لها كافة صنوف الطعام وكأن الطعام هو
ترحيبها الخاص جداً لكل عزيزوأخيها الأصغر يصرخ أمام ما يسمى بالبلاي ستيشن
وكان خسارته حقيقية وأبيها جالس كعادته يتصفح الجريدة بإهتمام على الرغم من أن
أكثر صفحاتها أصبحت مخصصة للإعلانات !!!!

كان عبد الرحمن يتفحص الجريدة بعين ويراقب إبنته الصغرى بعين أخرى كانت تبدو وكأنها
غابت عنهم ليس فقط لشهر واحد بل ثمان أشهر نعم هي غائبة عنهم منذ موت شريف
الآن فقط عادت أصابه بعض القلق عندما إنزوت بغرفتها لفترة ولكنه قرر أن يطرد
أفكار الشيطان من رأسه

وعلى جانب آخر كانت هي تتعمد عدم فتح النافذة وكأنها كانت تخاف مراقبة الشرفة
..... حتماً تغيرت ربما تلمح رجل آخر أو ظل امرأة بمكانه وربما لا
..... ربما تجد الشرفة كما هي نعم ربما تتجسد ذكراها من جديد
تبددت أحلامها بمجرد أن فتحت النافذة شهر شهر واحد بَدَل كل شئ
..... إختفى المقعد الهزاز الذي كان يجلس إعتاد على الجلوس به ووضعت مكانه خزانة
قبيحة تحمل صنوف من الثوم والبصل !!!!!
إمرأة شاكية تصرخ بأطفالها وهي تقوم بنشر بعض الملابس الغير متناسقة أغلقت النافذة
سريعاً لقد رحل حقاً نعم رحل منذ ثمان أشهر وتغير كل شئ رغماً عنها
.....

طرقات والدها على الباب تزامنت مع إغلاقها للنافذة لم تستطع أن تخفي عبراتها
..... جلس عبد الرحمن بجانب إبنته وجذبها لتستند على صدره وقال : ناس مزعجين قوي
..... بس إحتمال يمشوا كمان شهرين أو ثلاثة
إيناس : هما مين دول
عبد الرحمن : اللي سكنوا في شقة شريف
إيناس : خلاص مبقتش شقة شريف
عبد الرحمن : لو متضايقة ممكن أرجع أستأجرها تاني
رفعت رأسه وقالت بإصرار : لأ
عبد الرحمن : لأ مش عايزة
إيناس : ملوش لزوم ولا معنى ولا حيجمل الحقيقة بس هو عايش جوايا يا
بابا والله عايش جوايا
عبد الرحمن : عارف يا حبيبتى عارف
إيناس : طيب ليه المفروض أنساه ليه إنتم عايزيني أنساه
عبد الرحمن : لا إحنا مش عايزينك تنسيه حتنسي جوزك إزاي مستحيل
حتنسيه إحنا بس خفنا تنسي نفسك ولو نسيته نفسك حتنسيه يا إيناس
إيناس : بس أنا خايفة أنساه ولو نسيته حانسي إيناس اللي أعرفها حابقي واحدة تانية
إبتسم عبد الرحمن لصغيرته وتابع : عارفة الدنيا دي يا إيناس علطول تعاكسنا تتلون
من حوالينا تفتكري حنفضل زي ما إحنا ولا حندخل جوه اللوحة ونبقى جزء منها
إيناس : بس بمزاجنا ولا غصب عننا
عبد الرحمن : الإثنين ما هو يا كده يا حننقرض زي الديناصورات
إيناس : بس مش شرط التغيير يكون للأحسن

عبد الرحمن : عارف بس برده ضروري
أنا مثلاً إتغيرت عبد الرحمن الأب والجد غير عبد الرحمن الشاب المتسرع اللي كان واخذ الدنيا
في دراعته

إيناس : ودلوقتي

عبد الرحمن : دلوقتي كل همه يحوط عليكم

إيناس : وسعيد ولا كنت زمان سعيد أكثر

عبد الرحمن : لا طبعا دلوقتي سعيد أكثر عارفة ليه

إيناس : ليه

عبد الرحمن : علشان كل يوم بيعدي في عمري بفهم نفسي أكثر وبكتشف حاجات جميلة كانت
غايبة عني زمان

إيناس : بابا مكنتش أعرف إنك فيلسوف

عبد الرحمن ضاحكاً : فيلسوف مرة واحدة طيب ماتقوليش لأمك خليها مع الثوم

والملوخية بتاعتها بس بصراحه أنا جعت من الريحة

إيناس : وانا كمان

عبد الرحمن : يبقى ناكل ونشرب شاي ونتفرج على التليفزيون ونبطل تفكير هه

قال ذلك وقد ضربها برقة على رأسها ثم تابع : سيبها كده بالبركة وقومي صلي وإدعي لشريف

يا حبيبتى لا ينقطع عمل ابن آدم إلا من ثلاث

إيناس وقد تجمعت العبرات بعينيها : صح أنا لازم أدعيه كثير يا بابا وكمان حاعمله

صدقة جارية بكرة حانزل أعملها يا بابا علشان خاطر شريف

عبد الرحمن : حاضر يا حبيبتى فكري إنتي عايزة تعملي ايه وبكرة حاجي معاكي

وبالفعل قضت إيناس ليلتها تصلي وتدعو لزوجها الراحل وتفكر في الصدقة الجارية فقد أضاعت

ثمان أشهر في الذكريات فقط وربما حان الآن وقت شريف لعلها تستطيع أن ترسل له

برقيات متقطعة من عالم الأحياء .

بخطوات واثقة كان يتجه نحو البناية مرت حوالي ثلاث سنوات كانت تبدو قاتمة

..... قبيحة هل حقاً تغيرت البناية أم هو من تغير ففي زيارته الأولى كان مدفوعاً برغبة

عارمة من أجل الحصول على ما يريد ولكن الآن الأمر إختلف

وصل أخيراً لباب الشقة وبيد واثقة دق الجرس يكاد يستمع لخطواتها وهي تقترب من

الباب وبسعادة ممزوجة بثقة إستقبلته عيناها كانت تبدو جميلة لا بل متأنقة

وكأنها توقعتم قدمه إبتسمت بمكر ودعته للدخول وهي تنطق بعبارتها بدلال : كنت

مستنياك !!!!!

دلف بهدوء بعد أن نظر بثقة لعيناها إقتربت منه بهدشة وإمتدت أناملها الرفيعة
لملامسة وجهه قالت بصوت هادئ : علاجك عندي
تركته وتوجهت للداخل ثم عادت وببيدها أنبوب صغير وضعت القليل من محتواه على
أصابعها وإقتربت منه إبتعد عنها بهدشة قائلاً : حتملي إيه
كارمن : الكريم ده حيهديها خالص
إقتربت منه مرة أخرى وتابعت وضع الكريم على وجهه كانت ملامحها هادئة
..... سعيدة !!!!

ظل مستسلاً لأناملها ربما لشعوره براحه فورية وكأنها تمسك بدهان سحري لم يخلصه من ألم
كدماته فقط بل من مظهرها أيضاً نظر نحوها ساخراً : يقتل القليل ويمشي في
جنازته

كارمن : بعد الشر

خالد : لا والله

كارمن : جيت علشان أنبهك وإنت مدتنيش فرصة

خالد : والمفروض إني أصدق

كارمن : إنت حر

تركته وإتجهت نحو الأريكة جلست عليها بعثت ورفعته كلتا قدميها فوقها وتابعت : فاكر من 3
سنين طلبت مني الجواز وإنت قاعد هنا بالضبط كانت أسعد لحظة في حياتي

.....
نظرت نحوه فجأة كانت زرقة البحر بعيناها لامعة أو ربما تبدو كأموج ثائرة قالت بسخرية :

إنت جيت النهارده ليه

خالد : برد الزيارة

كارمن : إيه حتضرب واحدة ست

إقترب منها وأحاط جسدها بذراعيه مستنداً على الأريكة

بأدبها بنظرة تحمل قدراً كبيراً من الغضب وتابع : بلاش الأسلوب ده معايا وقولي لكريم إني

مش بسيب حقي وأظن هو عارف ده كويس

إبتسمت بسخرية : وأنا وضعي إيه في المعادلة دي

خالد : دورك إنتهى يا كارمن ونصيحة متحاوليش تجدديه تاني

إقربت منه بجرأة وقالت هامسة : متأكد

إبتسم بمكر وتابع : طبعاً

تابعت بثقة : حنشوف

لا يعلم ماذا أصابه كاد يشعر بالضعف أمامها ففي النهاية هي امرأة جميلة بل رائعة

الجمال وهو في النهاية رجل إقترب منها بخبث حتى كادت أن تستسلم له ولقبته

المنتظرة ولكنه تركها في اللحظة الأخيرة وإبتسم بسخرية قائلاً : مش خالد رضوان اللي حتعرفي

تضحكي عليه

لامس وجنتها بقبضته وهو يتابع : فوقى

أزاحت قبضته عنها بغضب ودعها بيده بسخرية وقذف قبلة باردة في الهواء ورحل
..... قبلة باردة ربما لا تتناسب مع شعلة الغضب المتأججة داخلها فأساء أنواع الغضب
هو غضب العاشق

لم تصدق رقية أذناها عندما إستمعت لصوت إيناس الرقيق بالهاتف

رقية : إيناس وحشتيني

إيناس : إنتي كمان وحشتيني قوي المزرعة وحشة من غيرك

رقية : معلش

إيناس : حترجعي إمتى

رقية : لسه مش عارفة يا أنوس

إيناس : إرجعي بقه متسيبناش لوحدنا شوفتي لما سيبتينا إيه اللي حصل

رقية بدهشة : حصل إيه

إيناس : هو أستاذ حسن ماقلش ليكي

رقية بتلعثم : لا ماقلش حاجة حصل إيه !؟

أخفضت إيناس صوتها حتى لا تستمع والدتها إليها وتابعت : في ناس هجموا بالليل على

المزرعة وضربوا بشمهندس خالد

رقية : إيه مين دول وضربوه ليه

إيناس : معرفش شكلهم حد مسلطهم عليه أنا مش عارفة أحكيالك بالتفصيل علشان

عندي في البيت ميعرفوش

رقية : إنتي في البيت

إيناس : ايوه نزلت أجازة إمبراح وحارجع بكرة يلا تعالي نرجع سوا ولا حتسيبيني

لوحدي كده في وسط شغل العصابات ده

رقية : خلاص بكرة حتلاقيني في الباص نركبه مع بعض وتحكي لي بالتفصيل

إيناس : بجد كويس قوي يبقى معادنا بكرة إن شاء الله

أغلقت رقية الهاتف وكأنها تعللت بطلب إيناس لتعود أقنعت نفسها أن

عودتها من أجل المسكينة إيناس التي تركتها وحيدة وليس من أجله هو هاتفها حسن

مراراً وتكراراً في الأيام السابقة يسألها عن موعد عودتها يخبرها عن نومه دون

طعام جيد وعن وحدته المملة عليها تعود دون جدوى والآن هي ستعود نعم فهي لا تحتمل الوحدة

..... فالوحدة قاتمة كئيبة عجوز تسرق الحياة إذن هي ستعود من

أجل الحياة وليس من أجل حسن نعم ليس من أجله بل من أجلها هي .

غادرت إيناس منزلها للحاق بالحافلة فموعدها في الخامسة مساءً إستقرت في أحد سيارات الأجرة التي إنطلقت تشق الزحام نحو الموقع المنشود كانت جالسة بالخلف تتأمل الطريق ما هذا هل تساعدك العزلة على التأمل التعمق في ماهية الأشياء طالما مرت من هذا الطريق لسنوات ولكن الآن فقط تشعر أنها تراه وجوه قاتمة إعتادت الزحام أو ربما إعتادها فأصبحوا كيان واحد رائحة العوادم طغت على طبيعة الهواء معزوفة صاحبة شكلتها أبواق السيارات حتى توقفت الأذان عن تذوق الأصوات وشل العقل عن التفكير عن التأمل فأصبح الجميع كالماكينات يتحركون دون وعي دون إدراك بالتغيير الذي يحدث حولهم ربما كالأرض تدور في الفلك وتدور حول نفسها دون أن نشعر بذلك نعم إستغرقنا الاف السنوات لنعرف أنها كروية تدور وتدور ونحن معها وكأننا نتغير في كل لحظة دون وعي دون إدراك

كانت رقية تستمع لها بدهشة وإيناس تقص عليها تفاصيل ما حدث في تلك الليلة والإعتداء على خالد كانت ملامح الصدمة بادية على وجهها وهي تقول : مش ممكن اللي بتحكيه ده يا إيناس

إيناس : اه والله زي ما بقولك

رقية : طيب وليه ماكلمتيش حسن

إيناس : كلمته كثير بس تليفونه ماردش

رقية : اه تلاقيه كان قافل الجرس وحتى لو مش قافله هو أصلا نومه ثقيل

إيناس : كان يوم بس بشمهندس حسن وبشمهندس خالد من ساعتها مشغولين بتأمين المكان

وزودوا حراسة كمان

رقية : ما هو لازم يعمل كده

إيناس : تفتكري ليه الناس دي عايزة تآذيه

رقية : هو ماقلش قدامك مين

إيناس : لأ

رقية : عموماً هو مفيش غيرهم

إيناس : مين دول

رقية : ولاد مختار هي العداوة مع ولاد مختار

إيناس بدهشة : مختار مين

رقية : مختار ده كان جوز أم خالد راجل بقه يلا حقول ايه دلوقتي هو عند ربنا

..... كان مثال زوج الأم السيئ لخالد وكمان سرق ماله

إيناس : معقول

رقية : خالد بقه رجع حقه بعد كده من ولاده وفي الآخر كريم إتسجن وكارمن كان حسن بيقول
سافرت برة مصر
إنتبهت إيناس للإسم وتابعت : كارمن !!! إنتي بتقولي كارمن
رقية : أيوة إسمها كارمن إستغربتي ليه
إيناس : أصل من كام يوم جات واحدة المزرعة تزور خالد وكان قدامي وقالها إزيك يا كارمن
رقية : معقول رجعت وكمان جات المزرعة لا كده يبقى أكيد ليها يد في
الموضوع ده

..... أصل كارمن وخالد دول حكاية ملعبة قوي حسن نفسه مش فاهم هو كان
بيحبها ولا لأ
إيناس : بيحبها كانت حبيبته
رقية بإبتسامه ساخرة : كانت مراته
إيناس : مراته !!!!!

رقية : مش بقولك حكاية ملعبة أنا نفسي معرفش تفاصيلها ومش فاهماها بس اللي
أعرفه إنها أسوء علاقة بين إنتين كانت مستحيل تنجح
إنتهت رقية من حديثها لكن إستمرت إيناس في التفكير بالصهباء وما تلى زيارتها لم
تكن تتوقع أن هناك عشقٌ سالف خلف الأمر يبدو أن خالد يخفي الكثير خلف هذا
الوجه المتجهم

لم يصدق حسن نفسه عندما لمحها مع إيناس ترك خالد الذي كان يقف مع بعض العمال يستفسر
عن العمل وتوجه نحوهما وإبتسامه واسعة تملأ ثغره إقترب حسن من رقية قائلاً :
إيه المفاجئة الحلوة دي طيب ماقلتيش ليه علشان أجيبك بالعربية
رقية : إيناس بقه شجعتني وجينا سوا
حسن : حمد الله على السلامة يا دكتورة
إيناس : الله يسلمك يا بشمهندس
جاء صوت خالد الأجنش وهو يقترب نحوهم بدوره قائلاً : مدم رقية المزرعة نورت حمد الله
على السلامة
رقية : الله يسلمك يا بشمهندس
توجه خالد بنظره نحو إيناس وتابع : إزيك يا دكتورة
إيناس : الحمد لله إزيك يا بشمهندس
خالد : من بكرة ورانا شغل كثير محتاجك تركزي مع سهيلة لغاية ما نعرف في حمل ولا لأ

إيناس : متقلقش حضرتك
حسن : طيب عندنكم إحنا بقة

أمسك بيديها وتوجها للمنزل كان يبدو كالطفل المشتاق لأمه.....ثغره الباسم يعبر عنه
وشوق عيناه يكاد يفضحه نظر خالد نحوهم ثم توجه لحديثه لإيناس قائلاً : كويس إنك
رجعتيها حسن مايقدرش يستغنى عنها
إيناس : وقد إندهشت من حديثه والتطرق لهذا الأمر الشخصي : ربنا يخليهم لبعض
خالد : هو بيحبها قوي على فكرة مش معنى إنه إتجوز عليها إنه مايبحبهاش
إستدارت له وقد تمكنت الدهشة من شعاع العسل بعيناها
تمتت قائلة : إيه هو البشمةهندس حسن متجوز
خالد بلامبالاة : مكنتيش تعرفي
إيناس : لأ

خالد : عادي حتى اللي عارفين مننا مش بيتكلموا في الموضوع رقية نفسها عاملة مش واخدة
بالحا

إيناس : يعني إيه مش فاهمة
خالد : يعني عارفة انه متجوز وماوجهتوش
إيناس : هو إتجوز من وراها
خالد : كان شايف إنه كده بيحافظ على شعورها وعلى حياتهم مع بعض
إيناس وقد تبذلت ملامحها فقطبت جبينها وزمت شفاتها و تابعت : إتجوز علشان الخلفة
.....صح

خالد : من حقه إن يبقى أب
إيناس : وهي من حقها تكون أم
خالد : بس المشكلة عندها هي
إيناس : ولو كانت عنده كان حيكون من حقها تسيبه
خالد : لا لا الأمر يختلف
إيناس : يعني إيه يختلف
خالد : هو ماسابهاش لكن لو هي مكانه كانت لازم حتسيبه هو حقق رغبته وبرده
حافظ عليها

إيناس : بس جرح مشاعرها
خالد : وليه نصعبها هو عنده حق وأخذ حقه..... دي كل الحكاية
إيناس : وهو لما كل واحد عنده حق لازم ياخده مين اللي حيدي مين اللي حيضحي
خالد : أعذريني يا دكتورة نظرتك للأمور حالمة قوي الواقع حاجة تانية
إيناس : الواقع إن كل واحد بيفكر في نفسه وبس
خالد : معلىش يعني متقنعينش إنك مش حتفكري في نفسك في وقت من الأوقات

إيناس : نعم حضرتك تقصد إيه
خالد : يعني حتجوزي يا دكتورة وتبقى أم زي كل ست

نظرت نحوه بدهشة ممزوجة بغضب كادت أن تجيبه ولكن بماذا وبأي حق تعطيه
جوابها إستادرت وتركته غاضبه غضب جعله يندم في لحظتها على ذكر
هذا الأمر تبعها وهو يقول : دكتورة إيناس ولكنها لم تجبه وأسرت خطأها للإبتعاد عنه
فما كان منه إلا أن أسرع خطاه بدوره وهي تقول : إيناس إستني
تخطاها وإعترض طريقها ثم تابع : أرجوكي إستني
إيناس : لو سمحت يا بشمهندس خليني أعدي
خالد : أنا آسف مش عارف أنا قلت كده إزاي
لم تنظر نحوه ظلت واجمة غاضبة أطرقت رأسها لتتجنب النظر نحوه
.....شعر هو بالندم خاصة عندما تمعن بالنظر في ملامحها التي تمكن منها الحزن في
النهاية وإنطفاً شعاع العسل بعيناها وكأنه خطيئة تسعى لإخفاءها
تابع بعدها بصوت أكثر رقة : أنا أول مرة أعتذر لحد في حياتي وغالباً حتكون آخر مرة فأعتقد
إننا لازم نسجل اللحظة التاريخية دي

رفعت عيناها ورمقته بنظرة ساخرة وكأنها لا تصدق ما يقولمنذ يومان كان مكوماً
بالأرض يستجدي النجاة والآن يقدم إعتذاره بغطرسة ليس لها مثل
صمتت قليلاً ثم نظرت نحوه بجدية وتابعت : هو فعلاً يا بشمهندس حضرتك مش حتعتذر تاني
لإن دي آخر مرة حضرتك حتتكلم معايا في موضوع شخصي كده لإنه ببساطة مش من حقك
عندئذك
دلت بدلوها وتركته وعلى ثغره إبتسامة ساخرة تتملكه حالة غريبة وكأنها مزيج من
الإعجاب والغضب !!!!!

نظر للحارس دون إكتراث وهو ينطق بإسمه : كريم مختار يلا قوم فز عندك زيارة
كريم : بس ده مش معاد زيارة
الحارس : إنت حتحكي معايا يا بجم إنت قوم من غير كلام
نظر نحوه أحد زملاءه بالعنبر وتابع بسخرية : قوم معاه يا كيمو جايز المزة اللي بتزورك هو
اللي زي دي يتقفل في وشها باب
نظر له كريم بغضب ثم هجم عليه بشراسه حتى كاد يفتلع عيناه وهو يقول : اسكت يا كلب هه

..... إتعلم تتكلم كويس عن أسياك

خلص الحراس المسجون من قبضة كريم الغاضب بصعوبة كريم الذي كان كالحمل الوديع في بداية أيام سجنه يتلقى الإهانات ببذخ من الصغير قبل الكبير ولكن الآن الأمر إختلف إختلف كل شئ يبدو أنه التغيير .

كان يتحرك خلف الحارس بخطوات عابثة حتى وصل للحجرة ولكن لم تكن كارمن هي الزائر بل كان آخر آخر لم يغيب عن فكره لسنوات وها هو الآن أمامه كان خالد جالساً على المقعد يتفحصه بنظراته الحادة ما زالت ملامحه كما هي ربما زادت بأساً مثل الشعيرات البيضاء التي هاجمته منذ شبابه والآن تمكنت من أغلب خصلات شعره كان يراه كالمسخ وكأن جميع خطايا مختار تجمعت في وجه كريم ببشرته الشاحبه وعيونه الزرقاء وشعره الرمادي الذي يبدو كرماد البركان وفوق هذا كله نظرته الحاقدة

قال له خالد ساخراً : إتفضل يا كريم بيه زي بيتك برده
تقدم كريم منه ساخراً وجلس بزهو كاذب في الكرسي المقابل له وتابع بدوره : وليه زي بيتي ما هو بيتي فعلاً
خالد : تصدق لايق عليك

قفز كريم كالفهد إقترب منه وشعر خالد برائحة أنفاسه الكريهة ولكنه لم يحرك ساكناً بل لم ترتجف أهدابه ولو للحظة تابع كريم بنبرة حاقدة : برده اللي في وشك لايق عليك

(مشيراً إلى كدمات وجهه)

نظر خالد بحدة لكريم وقال بدوره : لو على البلطجية ممكن أسلط عليك اللي يندمك على اليوم اللي إتولدت فيه وصدقني في كثير هنا نفسهم يخدموني فيكي كريم بتحدي : وريني نفسك

خالد : لا وريني إنت عرض قفاك فاهم يعني إيه يعني لو حد قرب من المزرعة تاني حاقطع رجله ورجلك قبله فاتقي شري وأظن إنت عندك خبرة في الموضوع ده كريم بسخرية : أنا عندي بس واضح إن إنت معندكش

خالد : يعني مفيش فايده

كريم : خد بالك من نفسك كويس ومتفتحش الباب لحد متعرفوش يا شاطر هه

خالد : إنت اللي خد بالك من نفسك كويس يا شاطر

خرج خالد كاتماً غضبه أمسك بالهاتف وإتصل بأحدهم قبل أن يتوجه للسيارة : نفذ

هل حقاً أحببتك أم هو هذيان قلبٍ متأرجح بين الرغبة والإحجام
وكأنني نسيتك غابت ملامحك عني على مر الأعوام
والآن بعد التلاقٍ عاد القلب لينبض مع رؤياك قلبي الأحمق من يجذبني خلفه كالعمياء
أتجول دون بصر في غابة أفكارك أفكار سوداء متقلبةً تبعاً للاهواء
أهواءك أنت فأنت رجلٌ لا يرى سوى بغض الأشياء
لا أعلم أكنتِ إمراًتُك تعشقتي تسقيني اللذة بسخاء
أم كنت مجرد سُلّم ألقيته بعبتٍ بعد لحاقك بركب غايتك العصماء
معشوقتي تبتغي الحب وقتما تريد وتُعرض عنه وقتما تشاء
لا الآن حان دوري أكون أو لا أكون
عفواً هاملت كارمن هي من عادت الآن
لا لست بكارمن بيزيه لست برذيلة لست باغواء
أنا مجرد فتاة أحببت نعم عشقت بسخاء .

كارمن

الفصل الحادي والعشرون

إرتشف القليل من عصير البرتقال ثم وضعه جانباً ونظر نحوها وهو يزفر بغضب مصطنع :
العصير من غير سكر يا أبله روكا
نظرت رقية نحوه ضاحكة : ده أحلى حاجة فيه مزارته
حمزته : مزارته مش شارب هاتيلي فراولة
رقية : يابني بلاش عندك حساسية منها
حمزة وقد قطب جبينه مثل الاطفال : بس أنا بحب الفراولة
رقية : فاكر و انت صغير كنت بتقولها فررررلاولة
إبتسم حتى ظهرت غمازتي ثغره ثم تابع : وكنت باصعب عليك
رقية : اه وكنت أديلك ومامتك يا عيني تلاقيك قلبت أحمر بعد كده
حمزة : ماله اللون الأحمر ده حتى موضه
رقية : كانت أيام حلوة
حمزة : ودلوقتي برده أيام حلوة
رقية : أهي كلها أيام يا حمزة
حمزة : أبله روكا
رقية : نعم يا حبيبي

حمزة : سافرتي ليه ورجعتي ليه
إبتسمت بسخرية ربما لتخفي دهشتها من سؤاله إرتبكت قليلاً ثم تابعت : وإنت
إديتني الكتاب ليه

نظر نحوها بعمق ربما لأول مرة تلمس تلك النظرة العميقة بعيون هذا الشاب
الصغير فرك صدغيه وتابع وهو ينظر نحو الأرض : مش عارف حسيت
إن الدنيا بتتحرك من حواليني وإنت ثابتة مكانك ولو متحركتيش معاها حتسيبك وتمشي فكان
لازم أديكي الكتاب لإني مقدرش أقولك تعملي إيه بس أقدر أخليكي تفكري حتعملي إيه
دمعت عينها وتابعت بصوت مرتجف : بس أوقات بيكون عدم التفكير راحة يا حمزة
حمزة : اه بس راحة وقتيه مؤقتة يعني بالبلدي كده بنضحك
على نفسنا

رقية : يعني إنت شايف إني بضحك على نفسي
حمزة : كنتي بتضحكي على نفسك لكن أعتقد دلوقتي خلاص
إبتسمت له رقية ولكنها لم تجب على سؤاله بل شردت في سؤاله

لماذا عادت

عادت من أجلها أم من أجل حسن أم ربما من أجل كلاهما !!!!!!!
حسن طفلها المدلل كيف لها أن لا تعود ألم تكن تنتظر إتصاله كل ليلة
حتى تطمئن عليه ألم تفتقد رائحة عطره على وسادتها قلقها الدائم في
الليل لتتأكد أنه مدثر بغطائه ثم توقن في النهاية أنه ليس بجانبها زجاجة المياه
التي دأبت على وضعها كل ليلة بجانب فراشها ليملاً جوفه بالمياه بمجرد إستيقاظه كما إعتاد
..... كانت تستيقظ في الصباح تنظر نحو الزجاجة ساخرة موقنه أنها وحيدة بدونه بل وصل
بها الأمر بوضع بعض شرائح الليمون في فجان الشاي المسائي مثلما إعتاد وشربته هي في
النهاية وكأنها هو

لماذا رحلت

لا تعلم ربما رحلت لتعود !!!!!!!

أخرجها صوت حمزة من شرودها : أبله روكا روحتي فين
رقية : مفيش يا حبيبي سرحت شوية بقولك إيه أقعد إتغدى معانا
حمزة : لا مش حينفع إلا صحيح أخبار إيناس إيه
رقية بإبتسامة : كويسة

حمزة : إيه بتضحكي على إيه

رقية : مفيش بس باين عليك قوي إنك مهتم إتقل شوية

حمزة : مشكلتي إني بمعرفش مانتي عارفاني اللي هنا هنا

قال جملته وهو يشير لقلبه ثم للفراغ حوله يقصد خروج مكنون قلبه دوماً رغباً عنه
تابعت رقية : بس إيناس يا حمزة لسه عايشة في ذكرى جوزها
حمزة : تعرفي إن إيناس زيك محتاجة تقرأ الكتاب
رقية : برده

حمزة : هي محتاجة تفهم إن الحياة لازم حتمشي مش حتقف بعد موت شريف والحياة دي تشمل
كل حاجة شغلها أسرتها مشاعرها
رقية : صعب قوي دلوقتي يا حمزة إيناس حتهرب من أول تلميح صريح من أي
راجل يقابلها حتعتبر ده تعدي على ممتلكات شريف
حمزة : ده وفاء ؟

رقية : الست غير الراجل يا حمزة الراجل بيحب علشان يتجوز فدايماً تلاقيه حب
الست اللي ينفع تكون مراته يعني بيحسبها بعقله وقلبه على عكس الست
لما بتحب ماتحسبهاش ممكن يكون أناني قاسي قوي ضعيف
..... أو حتى ميت إيناس من النوعية دي إيناس مش حتجوز إلا
إذا حبت يا حمزة

صمت حمزة قليلاً وإبتسم بسخرية فنظرت له رقية بدهشة وتابعت : إيه تحليلي مش عاجبك
حمزة : لا بس كده حسب تحليلك ده أبقى أنا ست

ضحكت رقية بشدة حتى أدمعت عيناها وحمزة معها خلعت قبعته وعبثت بشعيراته
المسترسلة وتابعت : كده يا حمزة اللي حتكون من نصيبك بجد حتكون محظوظة قوي
..... يا ريت يا إيناس تطلعي محظوظة بس نصيحة مني إديها وقتها ما
تستعجلش
حمزة : ماشي حاسم كلامك ونشوف .

تمشي بخطوات مرتجفة قرعة حذاءها مزعجة بل مرتبكة لم يتحمل
حذاءها الرقيق تشققات الأرض المهترئة تحت قدميها تعثرت هوت أرضاً
..... إمدت لها أكثر من يد لمساعدتها على النهوض وجوه غريبة بالية
..... وكأنها ظهرت من العدم أخيراً وصلت كان ممدداً على
الفراش متزيناً بجبائر بيضاء أحاطت كلتا ذراعيه وقدمه اليمنى إقتربت منه في
حذر نظر لها ساخراً وتابع بصوت ضعيف : فضلت مستني رسالته أسبوع
..... أخيراً وصلت

نظرت نحوه في دهشة وتابعت : كنت عارف
كريم : طبعاً هو قالي

كانت الأمور تبدو على حالها بالمزرعة رقية وحسن عادا لحياتهما الرتيبة ولكن هذا من الخارج فقط فحلف الأبواب المغلقة إختلف الأمر تغيرت رقية تارة تكون هادئة مسالمة كعادتها وتارة تتصرف بعصبية شديدة تغضب بلا سبب وتصرخ بحسن لمجرد هفوة أو خطأ صغير وعلى الرغم من ذلك تعامل هو معها بصبر شديد ليس من شيمه بل إنقطع عن زيارة سهام بحجة العمل مما أثار جنونها فأصبحت تهاتفه على جواله أكثر من أربع مرات باليوم متحججة بالجنين بأحشائها وحمزة ظل يسترق الزيارات لإيناس من وقت لآخر تستقبله بفتور إعتاده فتور كاد أن يتطور لغضب جامح عندما أخبرها أن ما ترتديه أظهر جمال عينيها .

وعلى جانب آخر إنشغل خالد بكل تفصييلة صغيرة كانت أو كبيرة بخصوص العمل وكأنه كان يستشعر الغدر من كريم ويتأهب للتصدي له وهي أيضا منذ حديثهما الأخير هي تتجنبه تتوجه مبكرة للإسطبالات وترحل قبل قدومه وكأنها أثرت تجنب الحديث معه بل تجنبت رعد !!!! فمرورها على الجواد المسكين إنقطع وكأن رعد هو خالد وخالد هو رعد فكلما إقتربت من رعد سيقرب منها خالد فربما إذا إبتعدت عن رعد يبتعد هو عنها ولا يتدخل في شئونها مرة أخرى

كانت قد علمت لتوها نتيجة إختبار الحمل لدى سهيلة كانت تعلم أنه ينتظر النتيجة بفارغ الصبر مر حوالي شهر على حديثه الفج قررت التعامل مع الأمر بحرفية كان هو يتفحص بعض الأوراق بمكتبه عندما سمع نقرات خفيفة على الباب لا يعلم لماذا ظل متمسراً لدقائق عندما رآها كانت تبدو كالشمس في ظلها وكان ظلام الحجرة القائم قد تبدد بحضورها إستدرك نفسه وطلب منها الدخول إقتربت إيناس من المكتب ودون أن تجلس ناولته التقرير نظر لها بدهشة وقال : إيه ده

إيناس : دي نتيجة تحليل الدم لسهيلة مبروك

إنفجرت أساريه وتابع : ياه كويس جداً

إيناس : أنا نبهت على السابيس بتعليمات معينة في الأكل ونظافة الميه كمان الحركة والمجهود حتكون بحساب

خالد : بتاعتك إعملي اللي إنتي عايزاه

إيناس : تمام عنئذن حضرتك

خالد : إيناس

إستدارت له بعد أن همت بالخروج وكان لديه حالة من الإصرار على رفع الكلفة بينهما

..... قالت بجدية : نعم يا بشمهندس

خالد : الشهور بتاعة الحمل دي معتمد عليكى لكن الولادة متخافيش حيكون في دكتور أكبر منك وإنتي حتساعديه

كان يتفحصها بعينه أثناء حديثه كانت حقاً تبدو جميلة في تلك اللحظة وكأن هناك
بريق عجيب إجتاحها فبشرتها تبدو لأمعة وشعاع العسل بعيناها إخرقه في لحظات حتى
خصلاتها البندقية التي حرصت على عقصها خلف أذنيها جذبت عيناه من أول وهلة
لم يخفي نظراته عنها بل صاحبها بإتسامة ساحرة وكأنه يقول لها نعم أنا أنظر إليكي فإمنعيني لو
إستطعتي

قطبت جبينها وتابعت حديثها بضيق : تمام حضرتك عايز مني حاجة تانية
كانت تتحدث بغضب وكأنها قد إستهلكت مخزونها من الليمون من أجل هذه المقابلة
قطب جبينه بدوره وإستنف النظر لأوراقه وتابع بصوت أجش : لا خلاص يا دكتورة
.....إتفضلي إنتي

من تظن نفسها كي تعامله بتلك الطريقةلم تجرؤ إمراة على معاملته بتلك الطريقة
الفجة يبدو أنها إمراة ثلجية تجمدت عواطفها منذ زمن
لا ليس مجرد وفاء أو ذكرى قابعة في عقلها تأبى الخروج هي إمراة بلا
مشاعر ربماربما تكون حقاً بلا مشاعرلا هو يعلم أنها
مفعمة بالمشاعر بالحب وربما هذا ما يجذبه نحوها

- جاهزة يا كارمن

- جاهزة يا كريم

- حياخد كام

- 50 ألف جنيه

- مالية إيدك منه

- كلب فلوس يوم ما رحنت أول مرة نضفلي عربيتي علشان ملاليم وشغل الشحاتة اللي
انت عارفه سيبتله رقمي قلت جايز أحتاجه

- أهو نفع

هل يقولون أدهم اهو جواد أدهم لا!!!!!!
دخلت صارخة تبحث عنه رعد

شعرت أن قدمها لا تقوى على حملها الطريق نحوه يبدو بعيد كادت
أن تتعثر تسقط أرضاً دون رغبة في الوقوف حتى دخلت وصلت
..... ربما بعد دهر رأته!!!! هناك بمكانه كعادته يبدو
متوتراً فالأصوات العالية دائماً ما تصيبه بالتوتر فهو جواد ينتظر الهمس والهمس
فقط

العبرات ترقص بعيناها هو حي وجهه الأسود عيونه اللامعة
..... خصلاته الثائرة سهيله الغاضب رعد حي
طغت الإبتسامة على قسمات وجهها عيناها ثغرها والعبرات
مازالت سيدة الموقف إقتربت منه لا بل إحتضنته غير مبالية بزمجرته
..... إشتمت رائحته بنهم وكأنها عبير الأزهار لا بل هي عطر ساحر الآن
فقط شعرت بالشوق إليه فقد غابت عنه لفترة طويلة زفرت بإرتياح
..... إستوبعت أخيراً أن رعد ليس الجواد المقصود عادت للواقع مرة أخرى
وبدأت تنتبه للأصوات حولها

أشار لها أحد الساسة قائلاً : بوكس 5 يا دكتورة الحصان أدهم

توجهت بخطوات مترددة كان جواداً ضخماً بلون متدرج بين الأسود والبني
..... ممدد على الأرض وخالد أمامه وقد جلس نصف جلسه فبدا كأنه يجلس القرفصاء
وعيناها حزينة تأبى الضعف فأعتلتها نظرات الغضب والغیظ قال بصوت أجش
وهو ينظر للجواد : أدهم حصان سبق
إيناس : هو إزاي ده حصل
أدهم : زي مانتي شايفة تسمم
لاحظت إيناس بالفعل إنتفاخ بطن الجواد بجانب تشنج أطرافه تابعت بدهشة : لكن لو تسمم غذائي
التطور مش سيكون سريع كده كنا ممكن نلحقه
قام خالد ووقف بجانبها وتابع وهو ينظر للجواد : ما هو مش تسمم غذائي طبيعي أو تلوث
..... ده سم أدهم إطحته سم وفي الميه كمان
إيناس بصدمة : سم!!!! مين مين يعمل كده وليه
خالد : الي عملها أنا عارفه والمرة دي لعب في عداد عمره بجد

كانت نبرته قاسية مريرة تركها وخرج وجدته يتحدث مع العمال وعرفت من النقاش أن هناك أحد العمال ويسمى مجدي يختص بتنظيف الإسطبل إختفى منذ الصباح ويبدو أنه رحل لأنه أخذ ملابسه كانت عبارات خالد قوية إخرقت أذناها : ماشي مجدي ده حبيبه وحبيقي عبرة ليكم كلكم علشان لو حد فكر يخون ما يلومش غير نفسه

إنطلق لسيارته غاضباً ثم نادها بعد أن إستقر بمقعد السيارة خالد : عايزك يا دكتورة تعالي
علشان تحضريلي شهادة الوفاة

ركبت بجانبه ولاحظت بعد ذلك مناداته لدسوقي حيث طلب منه عنوان هذا الذي يدعى مجدي

.....
كانت يدها تحرك المقود بغضب قدمه تدوس البنزين بقوة السرعة جنونية هي طائرة وليست سيارة وليست سيارة والآن ربما هم على بعد دقائق من حادث
أوقف السيارة فجأة فكادت أن تقفز من مقعدها نظرت له ووجدته يضغط على المقود بغضب وهو ينظر أمامه ثم ضرب المقود بيده عدة مرات مما أفرعها للحظة ولكنها شعرت بالشفقة من أجله عندما أسند رأسه للوراء ووضع كفه على جبهته وعيناه بدا أنه يعاني من ألم رأس قوي قالت له بصوت خفيض : بشمهندس بشمهندس خالد إنت كويس زفر بألم ثم تابع دون أن ينظر نحوها : أكيد مش كويس إيناس : هو الناس اللي عملت كده هما نفسهم اللي اللي إتهجموا على حضرتك إبتسم بسخرية : ايوه

إيناس : بس هو في ناس كده تقتل روح بريئة مالهاش ذنب علشان ايه إستدار لها صمت قليلاً وهو ينظر نحوها بعمق ثم تابع : يا إيناس اللي عمل كده مش في دماغه حكاية الروح البريئة دي اللي عمل كده حسبها بطريقة تانية خالص إيناس : طريقة تانية مش فاهمة

خالد : أدهم حسان سبق يا إيناس خيل عربي مصري نسبه متسجل فاهمة يعني ايه عارفة الحسان ده تمنه كام الحسان ده ثمنه نص مليون يا إيناس صممت قليلاً ثم قالت : يعني قتلوه علشان إنت تخسر فلوس خالد : اه وإختاروه هو بالذات علشان كده بالإتفاق طبعاً مع الخاين مجدي اللي حربيه قبل ما أربيهم

عاد لغضبه مرة أخرى وأخرج هاتفه وقام بمحادثة أحدهم خالد : حبيبي إزيك

الشخص : خالد باشا أوامرني

خالد : عايز مشوار تاني زي بتاع السجن

الشخص : أمرك نفس الواد تحب أبعثلك ناس تربيه تاني

خالد : لأ ده واحد تاني حمليك عنوانه عايزك تبعث رجالتك ليه

الشخص : عيني عايز منه ايه
خالد : عايزه خلي الرجالة يجيبوهحنتفق بعد كده فيين
الشخص : امممممم خلاص اديني عنوانه
خالد : غالبا مش حتلاقيه فيه بس شطارتك بقه تجيبه بسرعة
الشخص : هههههههههههههه متقلقش يا باشا ده إحنا اللي بنشغل البوليسيومين بالعدد
والهدية توصلك
خالد : تمام
أغلق الهاتف بعد ان أعطاه العنوان وإنتلق بالسيارة مرة اخرى أما هي فلم تجرؤ على سؤاله
عما ينوي

لم يتوقع مجدي أنه سيواجه خالد بعدما حدث فقد قرر الهروب مباشرة بعد فعلته
الشنعاء لشعوره أن خالد سيصل إليه أجلاً أم عاجلاً ولكن يبدو أن هروبه ساعد على أن يتم الأمر
عاجلاً

كانت السيارة تتحرك بسرعة تشق طريقها في الظلام وكأنها تنطلق نحو الموت
..... تُرى هل سيقتله خالد لما فعل ربما فغضب خالد غير محمود العواقب
.....

سحبه أحد الرجال بعنف وأخرجه من السيارة
إنزل يا خفيف وصلنا

غطى مجدي عينيه خوفاً من أن يبادره الرجل بلكمة أخرى فوجهه كان ممتلئ بهم على أية حال
.....ولكن الرجل سحبه بعنف من ملابسه وألقاه أرضاً نظر مجدي للمكان
حوله بإرتباك وتابع بصوت مرتجف : إحنا فيينديدي مش المزرة

كان في الصحراء وعندھا لمح سيارة خالد وقد ترجل منها وتقدم نحوه مسرعاً
..... رفعه خالد بيد واحد وقام بقذفه على السيارة وتابع : لا مزرعة إيهمش حينفع
تلم علينا الناس

مجدي : خالد بيه أبوس إيدك سامحني يا خالد بيه

خالد : نعم يا روح أمك

مجدي : يا بيه والله هما اللي وزوني شيطانه يا بيه وزتني ضحكت عليا

خالد : عرفتها إزاي

مجدي : أنا كنت نضفت العربية لما هي جات لحضرتك وهي إديتني تليفونها وقالت لي
حتساعدني بب شغل سبوبة يا باشا مش أكثر

علاقة خاصة وكأنه يرى ما ترى ويشعر بما تشعر إنه رباط نادر
..... حالة خاصة من البهجة بل حاسة سادسة إكتسبها كلاهما
وكانه نوع خاص من توارد الخواطر إنه همس الجياد
دون أن تشعر غرقت بعالم آخر حيث لا يوجد به سوى هي و رعد وأسرارها التي إعتادت قذفها
بأذناه ولكن تلك المرة كان هناك آخر طرف ثالث

شعر خالد بالإجهاد بعد أن أنهى أعماله المكتبية منذ أيام وهو قابع على أوراق
الحسابات وكشوفات البنوك يراجع ويعاين كان يشعر بالقلق من كل شئ
للحظة تصور كريم كأخطبوط رأسه بالسجن وأذرع في كل مكان إبتسم ساخراً
..... إذا كان هو بأخطبوط فسأكون سمكة قرش شرسه تلتهمه في لحظات نظر
للساعة فوجدها قد قاربت على الخامسة مساءً ترك أوراقه وقرر المرور
بالإسطبلات مرة أخيرة وقضاء بعض الوقت مع رعد فأكثر ما يحتاجه الآن هو رعد

لفت إنتباهه صوت غريب بمجرد دخوله للإسطل إنتبه وبدأ يخطو بحرص نحو
الصوت كان بغرفة رعد حتماً هناك غريب أم ربما خائن وسأتمكن منه تلك
المرّة إقترب بحرص رآها تسمر مكانه وبرقت عيناه
..... كانت تقف أمام رعد معصوية العينان تهمس بصوت منخفض
..... وتبكي تبكي بحرقة فعبراتها تنهمر على وجنتيها بغزارة وثرها
يبدو كالضحك الباكي بنفس اللحظة ظل يراقبها لوهلة ماذا تقول
أهكذا روضته هو طائع بين يديها وكأنه يستشعر ألمها وهي هي فاقدة
للبصر مثله وكأنها قررت الإرتواء بإحساسه وكأن كلاهما واحد
..... يقرأ أفكارها و تعيش عالمه لا يعلم ماذا أصابه ولكنه ظل يراقبها بشغف
..... دون أن يشعر ذاب مع كلاهما بعالم آخر حيث يكون الإحساس هو بطل الرواية
بلا منازع

دون ترتيب بدأ بالتقدم نحوها على الرغم من بكاءها إلا أن أنفاسها كانت هادئة
..... مازالت عبواتها منهمة حبات اللؤلؤ تتساقط كالندى على وجنتيها التي
تمكنت منهما حمرة الورد شفتاها المرتجفة بدت كزهرة الكاميليا رقيقة
وردية لم تشعر به كان كيانه كله مع رعد لا يعلم ماذا أصابه ولكنه ود
أن يحتضنها ويمس على تلك الخصلات البندقية التي سحرته منذ أول وهلة فقط لتكف
عن البكاء أخيراً إستمع لبعض ما تقول بصوت متحشرج خرجت عبارتها لا
يعلم هل تلك العبارة هي كل ما تقول أم أهم ما تقول

مش عارفة كان ممكن يحصلي إيه لو رحت إنت كمان يا رعد شريف وحشني قوي
بجد وحشني قوي مش عارفة ليه لما خالد بيصلي بفكر فيه أنا
خايفة أنا مش عايزة حد ياخذ مكان شريف شريف إنت وحشتني قوي
..... شريف !!!!

سهل رعد شعرت بوجود شخص معها بالمكان تسارعت أنفاسها فوضعت
يدها على قلبها ربما لتهدئ من طبول الفزع بداخله وسريعاً خلعت العصا

الفصل الثالث والعشرون

راضيشيطاني الغاضب فهو جدار حمايتي الخاص فالجميع
مجروح سواي الجميع خاسر سواي ماذا يحدث من أنتي
لتتحميني بتلك الطريقة تحطمين أسواري المنيعه بل أفكارى المنيعه
.....

كانت تتطق بإسمه شريف شريف شعور غريب إجتاحه وكأنه قد
إرتوى بعد ظمأ بشراب سحري مزيج نادر جمع بين السعادة والغضب
خاصة عندما قالت خالد إنتفض قلبه وغادر ضلوعه وما لبث أن عاد عندما ذكرت
شريف مرة أخرى وكأنه خشي أن تعشقه ماذا دهاني
أعشق وفائك نحوه وأتمناك بنفس اللحظة هذا المرید بداخلي يأبى أن تكون تلك
المشاعر لسواه فتلك العاطفة أريدها من أجلي أنا فقط ولكن كيف
..... كيف أحرق أنا هل أعشقتك حقاً أم عاشق
لعشقتك الجارف نحو رجل ميت

شعر بصهيل رعد إرتباكها لا بل كاد يسمع دقات قلبها المرتجفة لا
يعلم متى وكيف ولكنه قفز سريعاً خارج الغرفة الضيقة قبل أن تنزع العصا بلحظات
..... ماذا به أهرب من امرأة ولكن كيف تراه !!!! وماذا

سيخبرها هو الآن أضعف ما يكون بل لم يشعر يوماً بهذا الوهن
بهذا الإحساس لقد قُتل الإحساس بداخله منذ سنوات كان يُحبيه فقط مع
رعد ولكن معها هي إنه شعور مختلف لم يعتاده قبل ذلك إنه
يشعر بالحياة وكان نسمات هواء ثلجية تُلَفح وجهه ثم تخرقه وهي محملة بعبق
البندق والياسمين فيستنشق جمالها بحرية

نظرت حولها في حيرة لا يوجد أحد ولكن سهيل رعد بل تكاد تجزم
أنها للحظة شعرت بوجود أحد معها بالغرفة خرجت مسرعة وتلفتت يميناً ويساراً لم
تجد أحد خيال عابث إذن ربما ودعت رعد وأغلقت باب
الغرفة وهمت لتغلق باب الإسطل عند خروجها ولكنها تسمرت مكانها عندما رأت سيارته
..... نظرت مسرعة للداخل مرة أخرى لاحظت أن غرفة سهيلة مفتوحة
..... كانت أنفسها متسارعة هل كان هناك هل سمعها ومتى حضر
..... توجهت نحو غرفة الفرسة تنظر بحرص ووجدته كان يقف بجانب
سهيلة يملس على خصلاتها الماسية ويضع أمامها بعض المياة إنتبه لها كان
جلياً أنه لم يتفاجئ بوجودها

قال بإبتسامة : إزيك يا دكتورة أنا سمعت نصيحتك أهو لازم نشربها
من المية اللي بنشرب منها
إبتسمت بحرص ثم قالت بتلعثم : هو حضرتك جيت إمتي
خالد مصطنعاً البراءة : لسه من دقائق كنت جاي أطل على سهيلة وبعدين أشوف رعد
..... إنما إنتي إيه اللي جابك دلوقتي
نظرت له بدهشة لا تعرف لماذا لا تصدقه تابعت بنفس نبرتها القلقة : أنا كنت موجوده
..... كنت عند رعد

خالد : والله كويس عموماً أنا راجع حاوصلك في سكتي
إيناس بريية : هو حضرتك مش حتبص على رعد
خالد بنبرة ماكرة : ماهو مدام إنتي كنتي عنده خلاص وبعدين مينفعش تمشي المسافة دي
لوحدهك

إيناس : لأ عادي هي مش طويلة قوي
خالد : بس الوقت إتأخر والمزرعة للأسف مش أمان دلوقتي
كانت نبرته مريرة شعرت بالأسى من أجله
تابعت بعدها : مش أمان إزاي لا يافندم متقولش كده وإن شاء الله أزمة وحتعدي

إختلفت ملامحه بدت إنتقامية تابع بنبرة إتسمت بالخشونة : لا متخافيش

..... أنا مش حسيبهم والموضوع لازم حخلصه
لم تتردد أن تساله تلك المرة بل لم ترهب حدته وملامح الإنتقام البادية في وجهه قالت بشجاعة :
مش فاهمة حضرتك حتخلصه إزاي
نظر لها بدهشة وتابع : وليه مهتمة تعرفي
إرتبكت للحظة هي غير مهتمة ولماذا يظن أنها مهتمة تابعت سريعاً : لأ أنا مش
مهتمة ده كان سؤال عادي وإعتبرني مسألتهوش
لم تنبس بكلمة أخرى وتوجهت للسيارة بل ظلت صامته طوال الطريق على الرغم من
محاولته إرباكها بنظراته وفي النهاية تغلب صمتها عليه بل إستحوذ تجاهلها على إهتمامه وجد
نفسه ينطق وحده وبغفوية شديدة : طليقتي وأخوها هما ورا ده كله
نظرت نحوه بدهشة لا تعرف هل هي مندھشة من الخبر الذي تعرفه سالفاً أم من ذكره للأمر
..... تابع دون أن ينظر نحوها : دائرة مفرغة من الأذى مش عارف حتنتهي
إمتى بس أكيد مش حينفع أسيب حقي
قالت له بنبرة مترددة : هما اللي بعتوا الناس اللي إتهجموا على حضرتك
خالد : أيوه
إيناس : وهما ليه عايزين ياذوك
خالد : علشان مقتنعين إن انا أذيتهم
إيناس : وهو إنت أذيتهم
خالد : أنا خدت حقي
كان يتحدث وكأنه أمر بديهى لا نقاش فيه
إبتسمت بسخرية : وهما شايفين إنهم بياخدوا حقهم
نظر نحوها بدهشة : إنتي معايا ولا معاهم
إيناس : أنا لا معاك ولا معاهم أنا معرفش تفاصيل بس واضح إنكم حتفضلوا كده لغاية ما
تخلصوا على بعض لإن ببساطة كل واحد متمسك باللي بيظن إنه حقه
إحتد عليها وتابع : بس هو حقي أنا إنتي متعرفيش حاجة دول سرقوا
قاطعته سريعاً وقالت بهدوء : بشمهندس أنا مش مهتمة أعرف دي حياتك الشخصية وحضرتك
حر في قراراتك بس برده حضرتك اللي قلت إنها دائرة أذى والدائرة مالهاش نهاية
.....

عندها كانا قد وصلا أوقف السيارة وأراد ان يتابع معها الحديث وإن كان رغماً عنها
وهي أرادت الهروب وكأن حدثها كانت سبيلها الوحيد للدفاع ضد إقتحامه لعزلتها وربما سماعه
لأدق أسرارها ولكن ضوء سيارة قوي بدد الظلام حولهم لفت إنتباههم
ترجلت من سيارتها وتوجهت نحوهم بإبتسامة خبيثة لمعت عيناه وهو ينظر نحوها
وقال مزجراً : كارمن .

ما جدوى الغضب إن لم تشهده وما جدوى الحزن إن لم تلمسه وكيف أشعر بلذة
الإنتقام دون أن أتلذذ بملامح الحسرة في وجهه أفكار رأسها تغدو وتجئ وفي النهاية
قررت الذهاب له فقد إنتظرت مجيئه غضبه زمجرته رؤياه
..... ولكنه لم يأتي

تأنقت بشدة ربما أكثر من العادة تركت خصلاتها الحمراء نائرة وزادت من حمرة
الشفة خاصتها بل زينت زرقة عيناها بنثرات ماسية لامعه فوق أهدابها
كانت تبدو متمادية جميلة فاتنة كعادتها .

نظر نحوها بغضب وهي تتقدم نحوه تابع بحلق : ليكي عين
لم تعره إنتباهها ولكنها نظرت لإيناس وتابعت بمكر : كل ما أجي أزور خالد
..... أشوفك

إرتبكت إيناس بشدة وقالت بجدية وهي تغادر : عندنكم
وغادرت مسرعة دون أن تنتظر خلفها

إقتربت منه كارمن وما زال يرمقها بنفس النظرة الغاضبة :
أنا بقول نتكلم في الفيلا أحسن

لم تعطه فرصة للقبول أو الرفض توجهت للفيلا وتوجه هو خلفها دخلت تتفحص
المكان بتباهٍ وتابعت : زمان كان ذوقك أحلى ولا دي على ذوق حد جديد
خالد وقد إنتهى صبره : مش فاهم

واضح إن الدكتورة مابتقدمش خدماتها للخيل بس

لمعت عيناها وتابع بإزدراء: اللي بيعمل حاجة بيفتكر كل الناس زيه

كارمن : ياااااااااااااااااه ولما إنت كنت شايفني وحشة كده إتجوزتني ليه حببتي
ليه

كانت ملامحه صارمة : أنا عمري ما حببتك

إقتربت منه في دلال : كداب حببتي بس شهوة إنتقامك كانت أقوى

خالد : وإنتي راجعة تنتقمي دلوقتي

كارمن : الإنتقام مش حكر عليك لوحدك

خالد : بس أنا ماقتلتش

كارمن وقد ترقرقت العبرات بعيناها : قتلتني يوم ما هربت مني في يوم ولغيت سنين

حبي قتلنتي

خالد : وإنتي قتلتي أدهم ومش قتل معنوي ده قتل بجد
كارمن بذهول : زعلان على الحصان ومش ندمان على اللي عملته معايا
خالد بإزدراء: أنا مضربتكيش على إيدك كله كان بمزاجك سواء كان جواز أو غيره

لا تعلم ماذا أصابها ولكنها رفعت يديها رغبةً في صفعه وهي تقول : إخرس
ولكنه أمسك بيديها قبل أن تلمس وجهه قال بغضب شديد : مش خالد رضوان اللي تضربه واحده
ست

كان يمسك ذراعها بقوة ويلويه خلف ظهرها صرخت بألم سيبيني
..... سيبي إيدي

تمكن الغضب منه وبلغ ذروته دفعها حتى إلتصقت بالحائط وقال لها وهو يضغط على ذراعها
بقوة : جيتي ليه يا كارمن هه جاية تستفزيني ولا لما ماردتش إفتكرتيني
ضعيف وجاية تشمتي طيب أنا حارد ودلوقتي يا كارمن
كان مازالا ممسكا بذراعها بعنف سحب يدها الأخرى وشعرت بشئ يلتف حول
معصمها قالت في فزع : إنت حتعمل إيه
خالد : عارفة يا كارمن أدهم وهو بيموت حس بإيه
بدأت أنفاسها تضطرب نبرته جنونية وكأن بلغ ذروة الخبل
تابع بعدها : ألم حاد في البطن تشنج في الأطراف علشان النفس ها تحبي تجربني

.....
سم ولا ألف حبل على رقبتك الجميلة دي

كارمن : إنت مجنون مش طبيعى حتقتلني علشان حصان
خالد : إنتي قتلتي حصان علشان طلقك يا كارمن و علشان تخسريني ثمنه
كارمن : إنت قتلنتي إستغلنتي ضحكت عليا وسرقت فلوس أبويا
قذفها بعيداً عنه فألقاها على الأريكة ويدها ما زالت مقيدة نظر نحوها والشرر
يتطاير من عينيه وبصوت جهوري متحشرج من شدة الغضب تابع : إيه فلوس أبوكي
..... فوقي دي فلوسي أنا وأبوكي سرقها مني زي ما سرق حياتي وأمي
..... إنتم اللي دخلتم حياتي من غير دعوة عيشتوا في بيتي وإنطردت منه
..... لغاية دلوقتي عايشة في مالي يا كارمن انا إشتريت حقي منك فاهمة يعني إيه
يعني إنتي أذيتيني بفلوسي وأخوكي الشملول إتسجن لأنه بتاع رشوة مش نضيف
وحقي أخذته منه زي ما أبوكي اخده مني بالضبط داين تدان يا هانم
..... ماتكديش الكدبة وتصدقي روحك حتى لو ماكنتش طلقك ماكنش ينفع نعيش مع
بعض وعمرنا ما كنا ننفع لبعض بس إنتي ست بتتحركي ورا رغباتك وبس فمتلوميش
غير نفسك

كانت تنظر نحوه بفرع بغيظ كادت أن تنطق ولكنه جذبها بعنف من
شعرها

تابع وهو يخرجها من المنزل عنوة : أنا النهارده حاخد بنصيحة جاتلي من ملاك مش شيطان
..... مش حاعملك حاجه ولا لأخوكي لكن قسماً عظماً لو فكرتوا بس تهوبوا ناحيتي
..... ساعتها حتشوفي مني وش غير كل اللي فات يا كارمن

فتح الباب وأخرجها من الفيلا بعد أن فك قيودها دفعها بعنف فوقعت أرضاً
..... نظرت نحوه بتوعد ونظر نحوها بسخط ثم أغلق الباب بوجهها إنطلقت
بسيارتها بجنون تعلن تتوعد تبكي

كانت تبكي بحرقة لماذا ذهبت ماذا كانت تظن لقاء الأحاب
بعد شوق !!!!! لا ذهبت لتلمس إنتقامها وقد نالت ما بغت نظرت
لمعصمها في أسى وهي تلمس أثار حبال الستائر عليها أكرهك يا خالد
أمقتك تصر على إذلال الأنثى بداخلي صدقني ستنال جزاءك
..... حتماً ستناله

أطلقت الزامور لتنبه الحارس أن يفتح لها البوابة كانت البوابة الأولى في الجزء
الآخر من المزرعة حيث أقنعت الحارس المسكين بأنها قريبة إحدى المهندسات وقادمة لزيارتها
وبالطبع قوة إقناعها ليس لها مثيل فهي تعلم تأثيرها على الرجال جميع الرجال دونه
هو كانت تضغط المقود بشدة لا ترى أمامها سوى صورته
وجهه سخرية ثغره غضب عيناه هذا الثغر الذي طالما
أمطرها بكلمات العشق الكاذبة وتلك العينان وإدعاءهما الشوق بمكر

فجأة و قبل أن تصل للطريق العمومي فجأها شبح بالظلام لا تدري ماذا
حدث ولكنها توقفت فجأة قبل أن تدهسه ومع ذلك إرتطم جسده بالسيارة خرجت
مسرعة مرتبكة وإقتربت منه كان جالساً على الأرض يمسك بردفه ويقول : حرام
عليكي يا شيخة كنت حروح فطيس
كارمن : أنا أسفه إنت ظهرت فجأة
نظر حوله يبحث عن شئ فقالت له : حاجه وقت منك
هو : اه الكاب بتاعي
لمحتها على بعد منه فأحضرت هوجلست أمامه على ركبتيها وناولته له قائلة : إتفضل

قام بإرجاع خصلاته الناعمة للوراء ثم أرتدى قبعته ونظر نحوها ولكن إنتباه الصمت عندما رأى ملامحها المتوهجة تحت ضوء السيارة ما هذا هل صدمته إحدى جنيات الصحراء ذوات الجمال الخارق خصلات متجدلة تشع ببريق أحمر اللون وعيون طغت زرققتها على الظلام الحالك حوله تابع بصوت هادئ ونبرة بطيئة : متشكر أنا بجد متشكر جدا

كارمن : على إيهإني خبطتك

حمزة : أنا بعدي هنا إثنين وخميس علشان لو حبيتي تخبطيني تاني

ضحكت بيأس : إنت بتعاكس وإنت متكور على الأرض كده

حمزة : ماهو بسببك

كارمن : أنا آسفة

لاحظ العبرات بعيناها نظر نحوها بعمق وتابع : أنا اللي آسف إني خضيتك كده بس هو حضرتك

حقيقية

كارمن بدهشة : نعم !!!!

هو : إنسية زينا يعني ولا بسم الله الرحمن الرحيم

ضحكت رغماً عنها : إنت بتهظر ولا بتتكلم جد

هو : أصل بجد حضرتك جميلة بشكل غير طبيعي

كارمن : تقولي عفريته وبعدين تقول جميلة

هو : ماهو أحلى جمال الجمال المعفرت نبدأ من جديد علشان أنا تقريبا الخبطة أثرت

على دماغي ..

قام بنفض يديه من الرمال ثم بسطها لمصافحتها وعلى وجهه إبتسامته المعهودة : حمزة

صافحته بدورها وقد هدأت ثورة البركان بداخلها بعض الشيء : كارمن

الفصل الرابع والعشرون

الغضب تلك العاطفة المتأججةتكتسحك بجنون في البداية تسيطر على دقائق قلبك أم

ربما قفزات قلبك ثم تقتحم ملامحك فيتملكها العبوسكلماتك التي

ستتمكن منها الفضاظة حتى النخاعصوتك جهوريتهحشرجته

..... ضعفه فالغاضب ضعيف وخاصةً هذا الغاضب

كانت إيناس بالمطبخ تحاول إشغال نفسها بإعداد بعض الطعام الذي ربما لن تأكله في النهاية
..... ما زالت كلمات الحمراء تتردد بأذنها ماذا تقصد بتلك الكلمات
السخيفة ثم إنها لم تكن بجواره في زيارتها السابقة كانت عائدة للعيادة وهو كان
سيمطي رعد زفرت بغضب وحاولت طرد كلمات كارمن من عقلها
..... إنتبهت لصوت خالد الصارخ لم تستطع أن تكبح جماح فضولها لتفسير
كلماته تركت ما بيدها وإنتبهت لكلماته بل صوته المتحشرجضعفه

كانت كلماته مريرة إخرقت أذنها وعقلها معاً وكأن عبارته شكلت قصة
قصيرة ظلت تتفكر فيها طوال الليل هناك طفل صغير خلف هذا الوجه البائس
..... طفل مشتاق لأمه زوج إستحل مال اليتيم وكافح هذا اليتيم ليسترجع
حقه ممن يظنون أنه ليس بحقه !!!! من المصيب ومن المخطئ !!!! ولكن
خالد ليس بمخطئ هو فقط غاضب غاضب بشدة تخيلت ملامح وجهه
عندما سمعت نبرته الباكية عضلات فكه المنقبضة ربما إحمرار وجهه
..... أم تحجر بعض العبرات بعيناه وعندها شعرت نحوه بالشفقة فهي إن لم
تختبر هذا الغضب الجامح فتعرف جيداً عاطفة الحزن الجارف

نظرت له كارمن بإبتسامة وتابعت : فرصة سعيدة يا أستاذ حمزة
حمزة : أنا الأسعد

كارمن : طيب تحب أوصالك في حته

حمزة : لا أنا داخل جوه وواضح إن حضرتك خارجه

لمعت عيناها وتابعت : إنت بتشتغل هنا

حمزة : أيوه بس حضرتك ما بتشتغليش هنا

قالها بإبتسامة مأكرة

كارمن وقد إستعادت نفسها وضحكت بدلال : لا كنت بزور حد

حمزة : بجد مين أنا كلهم جوا صحابي

تابعت بإبتسامة ساخرة : كنت بزور جوزيالسابق

صمت قليلاً ربما لإستيعاب ما قالته دون تردد ثم تابع : من غير زعل أنا في قلبي على لساني

كارمن بدهشة : إيه

حمزة : مين الحمار ده اللي بقى سابق

ضحكت بشدة وتابعت : تصدق هو فعلا حمار بس يا ترى لما أقولك مين حتفضل متمسك برأيك

نظر لها بريية : ليه هو مين

قالت بتحدي : خالد

ضحك بإنهزام وتابع : هو حضرتك كنتي مرات بشمهنس خالد

كارمن: أيوه

حمزة : يعني هو بلاش حمار دي شيلياها في المونتاج

كارمن : مش ممكن إنت بجد ضحككتي النهارده ضحك يعوض سنين

حمزة : يا خبر ليه بس

كارمن وقد زفرت بإرتياح : ماهو الجواز الفاشل آثاره بتستمر شوية

حمزة : أنا آسف

كارمن : إنت مهندس برده زي خالد

حمزة : أيوه

صممت لوهله ثم أنار عينيها بريق غريب وتابعت : تعرف إن الصدفة فعلا خير من ألف معاد

حمزة : مش فاهم حضرتك تقصدي ايه

قالت بمكر : أصل انا كنت جاية عايزة من خالد خدمة وغالبا مش حيعملها ودلوقتي بقه القدر

رماك في سكتي وشكلك حتكون الشخص المناسب للمهمة دي

حمزة بدهشة : أنا !!!! مهمة ايه

فجأة و دون مقدمات قامت كارمن بتمرير أناملها الرفيعة بين خصلاتها الحمراء فدفعتها بحركة

واحدة على أحد كتفيها ثم نظرت نحوه مطولاً وقالت بإبتسامة دافئة : بص يا سيدي أنا

خريجة فنون جميلة ومحتاجاك في شغل

حمزة وقد صمت لوهلة يتأملها ثم إستدرك نفسه وتابع : بجد حضرتك لازم تكوني فنانة جميلة

..... قصدي فنانة فنون جميلة انا آسف أنا متلخبط

ضحكت بدهاء وتابعت : أنا رسامة وبحب أعمل معرض كل سنتين كده والمرة دي عايزة أعمل

معرض يكون بس عن الورد

حمزة : الورد !!!!!

كارمن : اه الورد اعظم لوح اترسمت كانت عن الورد زهرة الخشخاش مثلا

حمزة : فعلاً

كارمن : انا بقه كنت محتاجه حد متخصص موسوعة كده يعرفني كل الانواع ويجيبلي كتب او

مجلات عن أشكالها صفاتها معانيها علشان أدخل في الحالة وأرسم

..... أنا عايز أحس الورد أفهمه أعيشه

كانت تتحدث بهمس لا يعلم ماذا أصابه ولكنه شعر كالمسحور أمام نبرتها الهامسة

مسحور وسعيد بتلك الشخصية الفريدة من نوعها أجابها دون تردد : أنا تحت أمرك

لمعت عيناها بإنتصار : تمام حديك تليفوني واخذ تليفونك ونحدد معاد نقول

أول معاد

حمزة : خلاص يبقى أول معاد

وهكذا إفتراقا على لقاء عادت بعد حزن منتصرة فقد وجدت في حمزة الدجاجة ذات البيض الذهبي لا تعرف كيف ستحصل على البيض ولكن حتماً ستحصل عليه .

تلقت حسن حوله ليتأكد من عدم وجود رقية بجانبه ثم تابع بصوت خافت وهو يتجه بالهاتف نحو غرفة النوم : يعني إيه حتولدي فجر بعد بكرة
سهام : هو ايه ده الدكتور قالي خلاص قيصري وإداني معاد بعد بكرة
حتيجي ولا برده مشغول

حسن : بتتريأى

سهام : بقالك 3 شهور ماشفتش وشك وشكل كده إبنك حيبقى زي

حسن وقد زفر بضيق : سهام قلناك كانت ظروف وإنت متجوزاني وعارفة ظروف كويس

سهام : بص يا حسن من الآخر كده أنا حاولت بعد بكرة وبعدها بقه براحتك يا تكون موجود في

حياتنا زي أي زوج وأب يا تخرج منها خالص

حسن : إنتي بتقولي إيه إنتي إتجننتي

سهام : بص يا حسن أنا من حقي أحس بجوزي جنبي وإبني من حقه يتمتع بحنان أبوه كل يوم

..... مش كل شهر

حسن : قصدك إيه

سهام : قصدي إن أن الأوان تبعتلنا نعيش معاك يا حسن

ظل ممسكاً بالهاتف صامتاً شاردأ لم يشعر بإغلاقها للهاتف لم يشعر

بدخول رقية للغرفة متسائله عما به

رقية بدهشة : مالك يا حسن

إستدرك نفسه و رسم إبتسامة كاذبه على وجهه وتابع : مفيش

رقية : مفيش إزاي شكلك متضايق وواضح إن التليفون اللي معاك هو اللي ضايقك

حسن بضيق : قلناك مفيش يا رقية هو تحقيق

صمت مرت الدقائق كسنوات تابع ليتخلص من نظراتها نحوه : أنا

..... أنا لازم أسافر بكرة عندنا شغل ومشاكل كده لازم أروح مصر أظنها خالد

متعصب

إبتسمت بأسى : اه وماله حضرك شنتك
سريعاً توجهت للخزانه أخرجت الحقيبة بيد مرتعشة وبدأت بوضع
ملابسه دون تركيز هو أيضاً خرج سريعاً وتركها مع عبراتها الساكنة .

لم تستوعب إيناس في البداية سيل العبرات الذي انفجر فجأة من عيناها إحتضنتها
سريعاً وتابعت : في إيه بس يا رقية مالك
لم تنطق بل ظلت تبكي بحرقة ربما بكاء لم تبكيه من قبل شعرت إيناس بالشفقة من
أجلها فتابعت وهي تملس على رأسها بحنان : طيب عيطي خرجي الشحنة اللي
جواكي
رقية بنبرة توشي بالإنهيان : مش قادرة يا إيناس بجد خلاص تعبت تعبت
قوي

إيناس : إيه بس اللي حصل
تابعت بصوت متهدج : بقالي كتير قوي صابرة كاتمة بس خلاص خلاص
أنا حاسه إني بموت يا إيناس أو جايز مت وده عذابي
إيناس : أستغفر الله العظيم بقولي ايه بس إستهدي بالله
إعتدلت في جلستها وبدأت في محاولة يائسة تجفيف نهر العبرات الثائر بعينيها ثم قالت : من
حوالي 8 شهور بعنت لي صورة إختبار الحمل ما بقيتش عارفة هي بتغيظني ولا
عايزني أمشي شئ مؤلم قوي لما تحسي للحظة إنك حتكوني طرف زيادة في معادلة
إنتي اللي بدأتها والله هو مش عند ولا سلبية أنا مخدتي تشهد على
دماغي اللي كل يوم تتعصر وأسئل نفسي حواجهه ولا لأ ومن غير ما نحس أنا وهو
زي ما نكون عملنا إتفاق ضمنى لا أنا أفتح موضوع جوازه ولا هو يحسنى إنه
إتجوز

نظرت لها إيناس بشفقه وتابعت : إنتي عرفتي إنه إتجوز إزاي
رقية ساخرة : منها عرفتي بعد الجواز ممكن بشهر ولما معملتش حاجة
..... عرفنتي بالحمل وإمبارح بس كنت على بعد خطوات من إعترافه ليا
..... حسيت إنه عايز يقولي ويخلص ويرتاح خفت ماكنتش عايزة
أسمعها مش قادرة مش قادرة أواجه المشكلة دي إيناس انا بقالي
سنة دافسة راسي في رمل ولما رفعتها وسافرت وفكرت وحاولت ورجعت جيت أذفسها
تاني معرفتش كان بدل الرمل صخر أسمنت صلب فتح نفوخي وكشف قدامي كل
الألم اللي مخبياه

إقتربت منها إيناس وقد ترقرت عبراتها بدورها فربنت على كتفها دون أن تنطق
أغمضت رقية عيناها مما ساعد في إنهمار أقوى لشلال دموع الألم بقلبها ثم تابعت : لما بعدت

ما عرفنتش أعيش من غيره أنا من ساعة ماتجوزته وحياتي مافيهاش غيره
إتعودت اكون مشغوله بيه أكله شربه لبسه طلباته هي
حياتي لما بعد لقيتني مش لاقية حاجه أعملها فعملت اللي هو بيحبه لنفسه
..... رجعت ومش عارفة أنا رجعت علشانه ولا علشاني
إيناس وقد بكت بدورها : إنتي بتحبيه بتحبيه قوي وتعرفي هو كمان بيحبك قوي
رقية : بس بيحب نفسه أكثر انا عارفة حسن ده طفلي المدلل وأنا اللي
بوظته

إيناس : مفيش طفل بيقدر يستغنى عن أمه
رقية بأسى : لا يا إيناس بيستغنى عارفة إمتى لما بيتجوز ويخلف بينسى
علشان هو بنى آدم والبنى آدم خطاء
إيناس : بس إنتي مش أمه إنتي مراته اللي بتدلعه زي أمه بيتهالي الراجل بيكون عايز الزوجة
والأم والحبيبة
رقية : إيناس حسن في خلال كام يوم حبيقى أب تفكري حافظل زي منا ولا تحول
لطرف زيادة على الأسرة الصغيرة
نظرت لها إيناس بشفقه وقد هربت الكلمات من عقلها همت لتتحدث مرة أخرى ولكن رقية
أمسكت بطنها وبدت ملامح الألم بادية على وجهها بشدة حتى خرج أنين متقطع قوي :
اااااااااااااااااا

فزعت إيناس : رقية رقية مالك
رقية وقد تمكن منها الألم فبدأت تتنفس بصعوبة : عادي أنا بقالي فترة تعبانه شكلها
كده سن اليأس بدري بدري
إيناس : إنتي بتقولي إيه إنتي لازم تروحي للدكتور
رقية : مش مستاهله حاخذ مسكن شكل كده العادة الشهرية حتقطع المرة دي خالص
..... يلا أريح
إيناس : إيه !!! هي بقالها أد إيه ماجتش
رقية : مش بركز ممكن 3 شهور أو 4 الطبيعى بتاعي إني مش منتظمة أكيد إنتي
فاهمة

إيناس : طيب إنتي حاسه بإيه دلوقتي
رقية : عادي بتألم منها بس المرة دي بزيادة ومش عارفة ليه النهارده تعبانه بجد
اممممممممم لم تشعر رقية بنفسها وهرعت للحمام لتفرغ ما في معدتها وإيناس
تراقبها بيأس ولكنها إستدركت نفسها سريعاً قائلة لا كده مينفعش لازم تروحي لدكتور
حالا

رقية : لا لا أنا بس النكد أثر عليا حاخذ مسكن وأنام
إيناس : لأ إهمال لأ تعالي أساعدك تغيري هدومك ونشوف سواق يوصلنا مصر
..... يلا بقه لو إنتي ما كونتيش حابه تروحي مع بشمهندس حسن فرصة هو مش موجود

وأنا معاكي

شعرت رقية أن إيناس بذكاءها إستتبطت أفكارها فهي خافت أن تذهب للطبيبة مع حسن فتلقى
بوجههما القبلة الاخيرةسن اليأس

قامت رقية مع إيناس التي ساعدتها على إرتداء ملابسها سريعاً ثم قالت : إنتي معاكي رقم
السواق
رقية : اه معايا بينفع لما بيكون حسن مش موجود أنا حاكلمه

وفي غضون دقائق جاءهما السائق وتحركت بهما السيارة مسرعة نحو القاهرة

نظرت لها الطبيبة بإبتسامة بعد أن أتمت الكشف ثم توجهت لإيناس قائلة : صاحبتك دي مهمة
..... بقالها شهور مش بتيجي
قالت لها رقية في آسى : معلش يا دكتورة والله بحس إنني بضيع وقتك على الفاضي
نظرت لها الطبيبة الأربعينية بلوم ثم تابعت : بقه حضرتك بتقولي سن اليأس ليه 40 سنة
سن اليأس أقوم أضربك دلوقتي
ضحكت رقية بحزن وتابعت : يا دكتورة صوابك مش زي بعضها أنا بس اللي
محظوظة
الطبيبة : لا يا ستي مش إنتي اللي محظوظة الباشا اللي جوه ده بقالوا 3 شهور هو اللي حيبقى
محظوظ بمامي زيك

صدمة خوف دموع إبتسامة مرتجفة كلمات
العالم لا تستطيع وصف مشاعرها نظرت نحوها ملياً ثم تابعت بصوت مرتجف خائف
: إيببي إيه
الطبيبة : مبروك يا روكا إنتي حامل

شعرت إيناس بطبول الفرح تدق بقلبها بشدة نظرت لرقية غير مصدقة
ظلت رقية متسمة في مكانها وكأنها خائفة من الحركة حتى لا تصحو من الحلم حلم
جميل أبيض اللون وكأن العالم حولها إلتف بالضوء لم تعد تشعر بشئ
..... غابت عن الوعي ووقعت مغشياً عليها

فتحت عيناها لتجد إيناس بوجهها الملائكي بجانبها رأتها جميلة كانت تبدو
أجمل من أي وقت مضى بل أجمل نساء الكون قالت لها بصوت خافت : أنا فين
إيناس برقة : إنتي مش بتحلمي
رقية : إيناس أنا بحبك قوي
ضحكت الطبيبة وقالت لها بمرح : وأنا مش حينوبني من الحب ده جانب
رقية وقد بدت عبرات السعادة بمقلتيها : أنا مش عارفة أشكرك إزاي يا دكتورة
الطبيبة : بتشكريني أنا ده كله بأمر ربنا
رقية : الحمد لله الحمد للهأحمدك وأشكر فضلك يا رب
تابعت الطبيبة : نركز بقهحاكتبك شوية فيتامينات تعوض الشهور اللي فاتت
مسحت عبراتها بكفيها ثم أومأت رأسها كالطفلة المطيعة : حاضرحاضر
الطبيبة : كمان مش عايزة مجهود ولا عصبية مفهوم
نظرت لها إيناس وأمسكت بيديها ثم توجهت للطبيبة بحديثها : متقلقيش يا دكتورة أنا حاخذ بالي
منها
الطبيبة : تمام وعندك متابعة كمان أسبوعين متابعة حمل مش متابعة علاج

وعلى بعد مئات الكيلومترات كان هو هناك يقف بالمشفى مرتجفاً متوتراًسعيداً
.....حائراً وبين يديه هذا الكائن الصغير الصارخ الوردي اللون والمرضة تردد بحماس :
مبروك جالك ولد

الفصل الخامس والعشرون

كانت الساعة قد قاربت على الحادية عشر مساءً عندما عادت بهم السيارة للمزرعة
..... طوال الطريق وهي شاردة على وجهها ابتسامة فريدة تجمع بين الرضا
والسعادة القلق والأمل حنين إشتياق أمومة

نظرت رقية نحو إيناس قبل أن تدلف للمنزل وقالت : أنا تعبتك معايا النهاردة يا إيناس
إيناس : تعبتيني !!!! النهاردة كام يوم جميل قوي خدى بالك منه ههقالتها وهي
تشير لبطن رقية الذي بدا لها منتفخاً فقط بالإيحاء ثم تابعت : أدخلي يلا إنتي وأنا حاروح أجيب
هدومي علشان حبات معاكي
رقية : حبيبتي متتعبيش نفسك ملوش لزوم

إيناس : لأ لي لزوم وأنا مش حاتعب في حاجة يلا أدخلي بقه ملوش لزوم وقفة كثير

دخلت رقية وتركتها إيناس وتوجهت سريعاً للفيلا لكي تحضر بعض الملابس للنوم وقبل أن تصل إصطدمت بخالد الذي كان يبدو أنه عاد لتوه من الخارج

كانت تتحرك مسرعة بحماس غريب فلا تدري كيف إصطدمت به ولكن فجأة ظهر أمامها من العدم فوجدت نفسها وجهاً لوجه أمام أزرار قميصه عادت للخلف سريعاً وقالت بخجل : أنا أسفه

نظر لها بمكر فرب صدمة خير من ألف موعد خاصة مع زهرة الأوركيد خاصته صاحبة عطر البندق المميز تابع بصوت هادئ رхим : ولا يهملك كنتي برة ولا إيه

نظرت له بإبتسامة غريبة لم يعدها منها من قبل وتابعت بحماس حل محل خجلها سريعاً : كنت مع مدام رقية

خالد بفضول : خير في حاجة

إيناس : خير وأحلى خير وأحلى خير في الدنيا

كانت تتحدث بتلقائية شديدة بسعادة صادقة بعيناها بريقاً غريباً وكأن شعاع العسل قد ازداد نقاءً حياة نضارة أخبرته عن حمل رقية

..... عن سعادتها بكاءها خوفها عن الطفل الجميل

الذي سينير حياتها بإبتسامته الملائكية سعيدة هي حقاً من اجل رقية سعادة جعلتها تفتح قلبها دون وعي لخالد أول من وجدته في طريقها بعدما علمت الخبر

..... كان يراقبها بشغف فهي تتحدث بكل لغات الكون عيناها

تضحك يداها تتحرك بعشوائية طفولية وهي تقص له أجمل خبر بالعالم كما أطلقت

عليه لا يعرف كم مر من الوقت على حديثها ولا يعي أغلب ما قالت ولكنه تمنى

أن يستمر هذا الحديث إلى ما لا نهاية فقط ليراقب ثغرها الذي زادت الإبتسامة رونقاً

فوق رونقه وتلك العينان التي دببت فيهما الحياة فزادتهما سحراً أناملها الرفيعة التي

كانت تتحرك بتلقائية لترفع خصلات البندق الثائرة التي تداعب وجهها من حين لآخر

..... فأتنة أيقظت سبات قلبه عن غير قصد وكأن مراقبتها

..... تأملها لم يعد مجرد إنتهاك فطري من عيناها كرجل بل هي خواطر قلب يتوق للعشق

دون حساب دون تخطيط علاقة مختلفة فريدة من نوعها لا تحركها رغبة

إنتقام أو كيد لا هي رغبة مختلفة من نوع آخر رغبة عاشق

خرج من أفكاره وصوتها الرقيق يردد إسمه : بشمهندس خالد حضرتك معايا

إستدرك نفسه سريعاً وتابع : اه معاكي بس سرحت في حسن

إنتبهت إيناس وقطبت جبينها للحظة وكأنها خرجت من سعادتها الجارفة وعادت لوعيتها : اه صح
.....يا خبر لو سمحت يا بشمهندس ممكن ماتقولش ليه
خالد : أنا مش صغير يا إيناسخبر زي ده لازم يعرفه منها دي حتكون دقائق نادرة
وسعيدة في حياتهم و محدش ممكن يسرق منهم اللحظة دي
إبتسمت برضا وتابعت : طيب عنئذناك
خالد : صحيح إنتي عندك أجازة بكرة مع السلامة
إيناس : لأ مش حسافر حافظل ما رقية لغاية لما البشمهندس يرجع كمان حبات معاها
بدت على وجهه ملامح الإغتراب عندما علم أنها لن تسافر تابع بحماس غريب على شخصه :
خلاص ولو إحتجتي حاجه بلغيني وأنا أبعت بيسو أو أي حد يجيبهالك
إيناس : متشكرة يا بشمهندس
تركته ولكنه إستوقفها قبل أن تغادر قائلاً : إيناس
إيناس : أيوه
إبتسم بمكر ثم قال لها بصوت منخفض : دلوقتي عندك إثنين حوامل تعتني بيهم ربنا يكون في
عونك
ضحكت وتابعت : صحالبيبي حيتولد مع المهر تقريباً في نفس الوقت
خالد : خلاص أنا حاسمي البيبي وإنتي تسمي المهر
زاد بريق عينيها وقالت بسعادة كالأطفال : بجد أسمى المهر
خالد : أيوه يلا فكري في إسمقدامك 6 شهور
إيناس : حاضر وحضرتك حتسمي البيبي متأكد
ضحك خالد وتابع : حسن ورقية حيكونوا في أضعف حالاتهم حيوافقوا على أي حاجة
إيناس : ربنا يكرمها وتقوم بالسلامة
خالد : يا رب يلا تصبحي على خير
إيناس : وحضرتك من أهله
تركته وظل يتابعها بنظراته حتى وصلت لباب الفيلا وقبل أن تدلف دون ترتيب إستدارت نحوه
لا تعلم لماذا ولكنه وجدته ينظر نحوها بدوره فإلتقت نظراتهما إرتبكت هربت
مسرعة للداخل غاضبة من نفسها

أقلت نظرة أخيرة على نفسها في المرأة قبل ان تلبى نداء الباب تأنقها ليس صباحياً
بالمرة ولكن من بيالي نظر لها بإبتسامة بمجرد أن فتحت الباب وقال بمرحه المعتاد
: صباح الخير
كارمن : صباح النورأنا قلت عشاء عمل لكن إنت بقه خليته فطار عمل

حمزة : الصبح نشاط والدماع تبقى صاحبة

كارمن : إتفضل

دلف حمزة للمنزل تفحصه بدهشة ثم قال بعفوية : واو

كارمن : إيه الشقة مش عاجباك

حمزة : بالعكس دي جميلة هي تابع بتردد : شبهك

كارمن : شبيهي !!!!!

حمزة : اه ألوان صارخةنارية تخطف العين كده

إبتسمت وقالت بدهاء : دي أنا ولا الشقة

إرتبك من صراحتها فخلع قبعته بعفوية وعبث بخصلاته المسترسلة وتابع بإبتسمة : الإثنين

إبتسمت بثقة وتابعت : تحب نقعد في الليفنج ولا جوه في مكان شغلي

حمزة : لا مكان شغلك أحسن

أدخلته لغرفة جانبية تحتوي على أريكة مريحه والكثير من اللوح بعضها فارغ وبعضها مجرد

مشروع لوحه خطا بحذر وهو يتفحص المكان ثم تابع : أول مرة أشوف صومعة فنان

كارمن : وإيه رأيك أنفع

أمسك بأحد اللوح ثم تابع : أنا مش بحب أحكم على المشاعر أنا بحس إن الفن والرسم بالذات

مشاعر إنتي بتخرجيها في اللوحه و نجاحك إنتي تخرجيها بصدق

كارمن : واو إنت مش مهندس زراعي بقه إنت فيلسوف

حمزة : مش قوي كده

كارمن : نسكافيه ولا شاي

حمزة : حاخذ شاي

كارمن : عملتلك وافل بتحبها

حمزة : مش باكلها كتير بس بحبها اه

خرجت لإحضار الإفطار وعندها حدث نفسه بياس : أكيد حتعمللي وافل أمال حتعمل بيض وفول

..... عادت كارمن وعلى وجهها إبتسامة ساحرة وضعت الطعام أمامه وتابعت : تحب

عسل ولا صوص

حمزة : ده صوص فرولة

كارمن : لأتوت

حمزة : يبقى صوص

زينت له قطعة الوافل خاصته بالصوص الشهي بلونه الأحمر القاني ثم تابعت : أنا زيك بحب

الصوص برده عن العسل

أخرج حمزة جهاز اللاب توب خاصته ليريها مجموعة خاصة من الأزهار المصورة مع بعض

المعلومات نظرت للجهاز وتابعت : بجد إنت عندك معلومات حلوة قوي

حمزة : عندي كتب كمان جببتلك كتاب صغير فيه الخلاصه وبقية المعلومات عملتلك كوبي على

نظر حمزة نحو إيناس مطولاً وتابع : هو أنا أقدر أقول غير كده
إرتبكت قليلاً فقطبت جبينها سريعاً وتابعت : طيب عنئذنكم حابص على
الأكل إتفضل

جلس حمزة مع رقية بالحديقة دون أن يعيرها إنتباهاً حيث أن نظراته كانت موجهه لإيناس التي
أقحمت نفسها ببعض العمل الزائد بالمطبخ كي لا تجلس معهم نظرت له رقية بخبث
وتابعت : إنت متأكد إنك جاي تزورني

حمزة : طبعاً يا جميل وأنا ليا غيرك بجد زي القمر النهارده
رقية : النهاردة بس

حمزة : لا كل يوم

رقية : هي مين دي ؟

حمزة : إنتي إنتي طبعاً يا روكا

رقية : ماشي حابلعها بمزاجي

حمزة : هي مش حتيجي تقعد معنا بقه

نظرت له بإبتسامة ثم قالت بصوت عالٍ بعض الشيء : إيناس حبيبي كفاية شغل تعالي إرتاحي
شوية

إيناس : أنا مش تعبانه والله بالعكس بتسلى

نظر حمزة لروكا بتحدي ثم توجه للمطبخ سريعاً وتوجه لإيناس التي إندهشت لقدمه وتابع :
مممكن أتسلى معاكي

إيناس : لا ميصحش يا بشمهندس حضرتك خليك مع رقية سليها على بال ما أخلص
اللي ورايا

رفع حمزة أحد حاجبيه بسخرية قائلاً : رقية مين

ضحكت رغماً عنها وتابعت : روكا

حمزة : روكا!!!!!!صمت قليلاً ثم تابع بصوت أكثر إنخفاضاً : قوليلي بقه إيه التغيير ده

..... هي وشها منور وإنتي بتطبخي في مطبخها في إيه

صممت إيناس بحيرة ونظرت نحو رقية التي أومأت لها رأسها بإبتسامة فتابعت بإبتسامة : في
إنك تروح تبارك ليها على الخبر السعيد

حمزة : خبر سعيد!!!!

إيناس : روكا حامل

نظر لها حمزة وقد لمعت عيناه وبدا بهم بريق قوي قائلاً : إنتي بتتكلمي جد

تركها وقفز سريعاً لرقية التي كانت جالسة بالحديقة وبدت عبراتها رغماً عنها فإقترب منها وقال
لها بنبرة حانية : بجد يا أبله

رقية : بجد يا حبيب أبله

حمزة : يا!!!!!!!!!!!!!!!!!!!!!!ه خالو فين

قطبت رقية جبينها سريعاً وتابعت بتلعثم : مش موجود مسافر

حمزة : وليه ماتصلتيش بيه يجي

رقية : حمزة أرجوك لما يجي براحته يبقى يعرف

حمزة : خلاص خلاص متكشريش لما يبقى يجي هو مش مهم دلوقتي المهم إنت يا

جميل والعفريت اللي جوه ده ها ولد ولا بنت

ضحكت رقية بشدة : إنت مش ممكن لسه بدري

حمزة : خلاص كنت حقولك لو بنت أتجوزها بس حينفع بقه يا جميل أصل أنا مش

حاقد أصبر كثير

كانت نبرته عالية وقالها وهو يتوجه ببصره نحو إيناس التي كانت منشغله بإعداد بعض العصير

..... زجرته رقية بلين وتابعت : حمزة مش كده

حمزة : خلاص أنا مش عارف حقولها كلام حب إمتى بقه أنا زهنت

رقية : إنت مجنون يا بني الموضوع مش حيحي قفش كده

حمزة : عارف يا روكا بس لما بشوفها مش عارف بيجرالي إيه وهي مش حاسه بيا خالص

رقية : حمزة أنا خايفة عليك من مشاعرك السريعة والمتهورة دي

حمزة : متهورة ليه بتقولي كده

رقية : لأنها من طرف واحد يا حمزة

حمزة وقد خفتت إبتسامته : إنتي شايفة كده

رقية : إنت عارف ده

حمزة : عارف بس ده علشان هي مش بتديني فرصة ولا بتدي نفسها كل ما أتكلم معاها تهرب

مني علطول

رقية : مش بسهولة كده حتسلم قلبها إديها وقتها وإنت كمان خد وقتك

حمزة وقد قطب جبينه كالأطفال : خلاص أصلا أنا مش فاضي

رقية : ليه وراك إيه بقه

حمزة : شغل ورسم وورد ولون أحمر إنتي فاكراني قليل ولا إيه يلا سلام

رقية : سلام إيه مش حتاكل دي إيناس اللي طابخة

حمزة بعد تردد : لأ أنا فطرت وافل وبصوص أحمر كمان سلام

رقية : سلام ربنا يحميك يا حبيبي ويهديكي يا إيناس والله حمزة طيب طيب

قوي

كان حسن يجلس ويحمل الصغير بين يديه ينظر نحوه في سعادة جارفة قبل

رأسه الصغير ونظر لزوجته وتابع : شبيهي صح

سهام بضيق : لأ ده شبه سامح أخويا

ضحكت أمها وتابعت سريعاً : العيال شكلها بيتغير بسرعة ها حتسميه إيه بقه يا سمسم
سهام : محمود على إسم بابا الله يرحمه
تابع حسن دون أن ينظر نحوها : محمود باشا شكله عايز يرضع
الأم : طيب يلا خدي يا سهام رضيعه وخليه ينام النوم غذا
أخذت سهام الطفل وبادرت أمها بنظرة ذات مغزى وهي تشير نحو حسن فهمست لها الأم
بدورها : حاضر حاضر
نظرت الأم لحسن وتابعت : بقولك يا بشمهندس ما توصلني يا أخويا على البيت حبيب حاجات
ونرجع
حسن : اه طبعاً إتفضلي
غادر كلاهما الغرفة وبقيت سهام تفكر في ردة فعله المنتظرة بعد حديث أمها

ملك الثلج الحزين كلما أطلقت العنان لفرشتها وجدت وجه خالد كان هو
ملك الثلج ولكن هي هي ليست فيوليت كلما حاولت رسمها تظهر امرأة
أخرى هادئة الملامح حالمة خجولة وهي ليست بتلك الأرجوانية
..... مزقت اللوحة حاولت مراراً وتكراراً دون جدوى الملك أحب
فيوليت وحتماً خالد أحبها نعم عشقها مثله محاولة أخرى
..... محاولة أخيرة وهي ليست فيوليت وفي النهاية وبعد عناء أنهت اللوحة
ملك الثلج وفيوليت الهادئة والوردة الحمراء داخل عقله رمز العشق الجارف
..... العاطفة الشغف نعم هي زهرته الحمراء البعيدة المنال
بسبب عقله التالف هي بيجونيا كما إعتاد أن يدلها نظرت للصورة مطولاً
ورغبت أن تمزقها فهناك امرأة أخرى فيوليت معشوقة ملك
الثلج من هي فيوليت !!!!

الفصل السادس والعشرون

الطريق يبدو طويلاً عبارات والدة سهام تصاحبه طوال رحلة العودة
..... عبارات متطلبة أسرعت برحيله عن الإسكندرية لم يتوقع أن يغادر بتلك
السرعة فقد رتب للمكوث عدة أيام يرتوي فيها حتى الثمالة من عطر صغيره الفطري
رائحته المميزة التي لا يمل من إستنشاقها عيناه المغمضتين وفمه الصغير
..... لم تمر ساعات وها هو إشتاق إليه يبدو أن العجوز معها الحق
..... كيف يبتعد عنه يجب أن يكون بجانبه نعم هذا هو الصواب

ولكن ماذا عن رقية منذ أن إتخذ قراره بالزواج لم يفكر بشئ سوى الحصول على
طفل لم يفكر برقية ولم يفكر بسهام ولكن رقية تحبه وتعلم من صميمها أن
هذا حقه هي لم تواجهه ماذا ستقول أنه ليس بحقه !!!!
في النهاية ستتقبل الأمر نعم ربما تغضب تنثور تتوعد
..... ولكن ستخضع للواقع في النهاية بل وستعشق محمود .
فرقية رقيقة عاشقة للأطفال يا إلهي كم يحبها لقد أرجأ تلك المواجهة منذ زمن خوفاً
من أن يفقدها ولكن لا لن يفقدها هي لا تتحمل فقدانه بدورها هي تحبه
وستضحى من أجله نعم بالتأكيد ستضحى من أجله فهذا هو الحب .

كانت الساعة قد قاربت على منتصف الليل ألفت إيناس نظرة أخيرة على رقية النائمة
في سلام ثم جلست على الأريكة ربما لقتل بعض الوقت أمام التلفاز فلم يكن لديها رغبة في النوم
وربما لأول مرة في التفكير كانت تريد ذهنها صافي خالي فكلمها
شردت هاجمتها الأفكار بلا روية والأفكار لم تعد تتضمن ذكريات شريف فقط لا
تدري لماذا يفتح عقلها رغماً عنها كلما شردت تتذكر صوته المبحوح الغاضب
..... الباكي إبتسامته الصادقة عندما علم بحمل رقية يختفي خلف
وجهه البائس إنسان رقيق متألم مهتم !!!
نعم فإهتمامه أصبح بيّن كضوء الشمس من تخدع نظراته نحوها واضحة
..... صريحة لا بل محيرة نظرات تربكها تسعدها
..... لا بل تكرهها لماذا يقتحمها بتلك النظرات دون دعوة لا لا
هو لم يفعل شيئاً هي فقط تتعامل مع الرجال بحساسية ليس أكثر نعم هو غير مهتم
ويجب أن يكون كذلك

وجدت أنها في النهاية لم تنتبه للتلفاز فأغلقتة وقررت النوم فقط حركة الباب جذبت
إنتباهها فتسمرت مكانها دون حراك خاصةً عندما وجدت حسن أمامها في لحظات
نهضت إيناس في خجل وهي تنتظر نحو حسن الذي بدا مصدوماً لرؤيتها في منزله
دخل مسرعاً : دكتورة إيناس خير رقية كويسة في حاجة
ردت بتلعثم بعد أن سحبت غطاء رقيق لتخفي ذراعيها العاريتين : لا مفيش حضرتك متقلقش أنا
بس كنت بايته معها علشان حضرتك مسافر عنئذناك
حسن وقد لا حظ إرتباكها ولاحظ أيضاً أنها كانت ترتدي ملابس بسيطة للنوم فأخفض بصره في
الأرض وتابع : أنا اللي آسف جيت فجأة بس الحقيقة مكنتش أعرف إن حضرتك
معاها

إيناس : حصل خير عنئذذك أنا خارج بقة
حسن : لأ ميصحش خليكى وأنا حبات فى مكان تانى وأرجع الصبح
إيناس : إزاي يا بشمهندس مينفعش وبعدين بالضبط خطوتين وأكون فى الفيلا عنئذذك

دخلت إيناس للغرفة الأخرة مسرعة لتغيير ملابسها والخروج وتركت حسن حائراً نوعاً ما من
مكوئها مع زوجته فى غيابه على غير العادة

فتحت ثريا عينها ونظرت فى الساعة فوجدتها الساعة صباحاً إستدارت للنهوض
وكادت أن تصرخ عندما وجدت حسن بجانبها ينظر نحوها بإبتسامة شهقت فى فزع
وتابعت : إنت جيت إمتى
حسن : بالليل

رقية : محستش بيبك خالص
حسن : لقيتك نايمة بعمق مرضتش أصحيكى مش عادتك يعنى ده حتى إنتى نومك خفيف
رقية : اه فعلا بس واضح إني كنت محتاجه أنام يا خبر إيناس أقوم أقول
ليها إنك جيت

حسن : كانت صاحية إمبراح ساعة ما وصلت حتى إتكسفت ومشيت
رقية : يا خبر وسبتها تمشى يا حسن مصحتيش ليه
حسن : والله عرضت ليه أمشى أنا بس هي أصرت ودخلت الأوضة لقيتك نايمة وجميلة قوي
مرضيتش أصحيكى

إبتسمت بحرص لكلماته المنمقة إعتدلت وجلست على الفراش وتابعت : خلاص حقوم
أحضر لك الفطار وبعدين أكلها
أمسك بيديها وإحتضن كفها بقبضته وتابع بتردد : لاإستنى أنا عايزة أتكلم
معاكى شوية

جلست بتردد وتابعت بدورها : أنا كمان عايزة أتكلم معاك
حسن : طيب إبدئي إنتى
رقية : لا يفضل تبدأ إنت خلىنى للآخر

حسن : لا يا حبيبتى إنتى عمرك ما تكونى فى الآخر إنتى دائماً فى الأولإبدئي إنتى
عضت شفتيها وصمتت قليلاً كانت تتوقع أن خبر مثل هذا ستزفه إليه ببهجة لا مثيل لها ولكن لا
تعلم ماذا أصابها كانت محبطة من ردة فعلة المنتظرة أم ربما خائفة فالخبر
الآن أصبح يخصها وحدها وليس كلاهماأخذت نفساً عميقاً وتابعت بجملة واحدة
مقتضبة : حسن أنا حامل

ظل ينظر نحوها لوهلة دون تعبير حقيقي فجأة بدأ الإحمرار يغزو وجهه
بيد مرتعشة مسح رأسه وجبهته فرك أنفه عيناه ظل
يعبث بوجهه لدقائق وكأنه يسعى لتغيير تعبيراته الباهتة بعنف وفي النهاية بدأ نوبة
جنونه بإبتسامة ساخرة كانت كالفيتيل الذي أشعل نوبة الضحك العارمة التي إنتابته
ضحك حتى ترققت العبرات بعيناه ومع ذلك لم يتوقف بل ظل يضحك بجنون
.....

كانت تراقبه بصدمة لقد ظلت طوال الأيام السابقة تخمن ردة فعله هل ستكون سعادة أم
صدمة أم حزن أم قلق خمنت كل شيء ولم تتطرق للحظة للجنون البادي أمامها
إنتظرت حتى إنتهى وكما بدأ فجأة إنتهى فجأة هربت ضحكته في لحظة وتركها ليغرق
رأسه تحت صنوبر المياة

خرج من الحمام وملامح وجهه غائبة تحت المنشفة يجفف شعره بتوتر كانت ما
زالت بمكانها لم تتحرك ولكن ملامح وجهها هي من تبدلت من سعادة إلى قلق ثم غضب
..... نظر نحوها دون أن ينطق وأمسك بيدها ولكنها سحبت أناملها بقوة من بين كفيه
ونظرت نحوه والعبرات متحجرة بعيناها : حسن طلقني

نظر خالد لحسن بدهشة عارمة وتابع : إيه طلبت الطلاق
حسن بنبرة تحمل الحسرة : أيوه
خالد : ليه

حسن : النهارده بس هي حسنت إني إتجوزت عليها
كانت نبرته حادة متوترة شعر خالد بإرتجاف يديه وليس صوته فقط ربت على كتفه
قائلاً

خالد : حسن إهدى

حسن : أنا كنت جاي أبلغها إن سهام لازم تعيش جنبنا في المزرعة كنت جاي
وناوي أنفذ ده سواء برضاها أو غضب عنها كنت جاي أدي سهام وإبناها حقهم فيا
فمن غير ما أحس سرقت فرحتها يا خالد الفرحة اللي إستنييتها سنين
نظر خالد لصديقه بحزن وتابع : طيب وحتعمل إيه دلوقتي
حسن : مش عارف

خالد : يعني إيه مش عارف إوعى تكون ناوي تنفذلها طلبها

حسن : عمري ما فكرت إني ممكن أطلق رقية وإنها في لحظة من اللحظات حتكون

مش مراتي تفنكر حاقدر أعمل ده دلوقتي وكمان وهي شايلة أبني ولا بنتي في بطنها
خالد : خلاص حاول تسببها تهدى شوية
حسن : انا خايف عليها وعلى اللي بطنها عايز أريحها ومش عارف إزاي
خالد : بتفكر تطلق سهام ؟

حسن بحدة : مستحيل طبعا في الظروف دي كده حاظم إبني وأظلمها من غير
ذنب أنا تعبان يا خالد بقيت بين مطرقة وسندان رقية حبيبتي أخيرا
حتفرح من قلبها ومش عايز أخطف فرحتها وسهام أم إبني ومش عايز أظلمها
خالد : أنا مش عارف أقولك إيه

حسن : أنا مش عارف أفكر نفسي أنام منمتش من إمبراح
خالد : خد مفتاح الفيلا فعلا لازم ترتاح وتصفي ذهنك إنت وصلت بالليل؟؟
حسن : ااه ااه ااه حتى دخلت البيت لقيت إيناس إتخضيت

خالد : اه صحيح كانت بايته معاها تاخذ بالها منها
حسن : كان موقف محرر والبنيت إتكسفت طبعا وكانت بلبس النوم حتى صممت تمشي في
لحظتها

إنتبه له خالد فجأة وقال بصوت أجش غاضب : وهو إنت مش تبص في الأرض علطول بدل ما
تخرجها كده يا أخي
حسن : وهو أنا بحلقت يعني في إيه يا خالد وبعدين دي زي أختي الصغيرة
ظل قاطباً جبينه وتابع : خلاص خلاص روح نام يا جوز الإثنين إنت وفكر في
مشاكلك

نظر له حسن بريية لغضبه ثم تابع : ماشي يلا سلام
خالد : سلام

لا يعرف لماذا تمكن منه الغضب من هذا الموقف هل هي الغيرة هل
يختبر معها شعور الغيرة الآن!!!!!!

كانت إيناس تقف بجانب سهيلة تعبت بخصلاتها بسعادة وتناولها بعض الحشائش الخضراء
..... إنتهت بعد وهلة أنه يراقبها كعادته تركت ما بيدها بإرتباك وتابعت :
سهيلة تمام بس حنظم حركتها شوية في الفترة الجاية
أجابها سريعاً دون أن تتغير نظرتة الموجهة نحوها بإصرار : زي ما تشوفي
إيناس : طيب عنئذناك

خالد : رايحة فين هو إنتي بتبصي على سهيلة علشان الشغل وبس إنتم مش صحاب ولا
إيه
إبتسمت وتابعت : لا أكيد صحاب أنا مش بحس بالوقت معاها خالص
خالد : عندك حق

إقترب خالد من الفرسة وأمسك لجامها بلين وتابع : أنا أسعد لحظاتي كانت معاهم على فكرة
..... الخيل ده كائن حساس على أد ما تحبيه حيحك وعلى أد ما تخلصيله
حيخالصاك وعلى قد ما تفهميه حيحس بيكي ويفهمك

قال جملته الاخيرة وهو ينظر نحوها بعمق تابعت سريعاً لتتخلص من نظرتة : واضح إن
حضرتك معلوماتك عن الخيل مش مجرد معلومات طبية وأساسيات للتربية

تابع وهو يعبث بخصلات سهيلة اللامعة : دي مش معلومات ده إحساسي أنا بالخيل
.....حكايتي معاه

أومأت رأسها بإبتسامة حذرة تابع هو مرة أخرى : لما تقربي منه حتفهميه
.....ألمهسعادتهحزنه إحساسه بس عشان
يوصلك ده لازم توصليله إنتي الأول عارفة إزاي

حركت رأسها بالنفي بإرتباك تابع بإبتسامة وبصوت رخيم : الهمس همس الجياد
نظرت نحوه وتسائلت بحذر : همس الجياد ؟

خالد : أيوه دي علاقة خاصة مميزة بين الخيل والبشر لما
بتهمسي في ودنه مش بس مشاعرك اللي بتوصله لأ هو كمان حيتكلم معاكي بطريقته ومع الوقت
حتفهميهحتسمعيه من غير ما يتكلم كل صوت ليه معنى وكل حركة
ليها دلالة زي سهيلة دلوقتي إنتي عارفة هي حاسة بإيه
نظرت له بدهشة : إنت عارف ؟

خالد : مرتاحه ببيان من شكل العين شايفة هي سعيدة ومطمنة إزاي مطمئناك
زي رعد ما إطمئناك

إرتبكت عندما ذكر رعد لاحظ إرتباكها حيرة عيناها هل حقاً
شاهدها مع رعد في تلك الساعة أم لا إرتجفت شفتاها قبل أن تنطقصمتت
لوهلة ثم تابعت بتلعثم : إممممم أنالازم أمشي لسه ورايا شغل

تحركت سريعاً قبل ان تنتظر جوابه ولكنه همس عندما مرت بجانبه بصوت هادئ
جملة جعلتها تتسمر مكانها ودبت الرعشة في أوصالها بلحظتها كان بيتسم بمكر وهو
يردها : الحصان الأعمى أكثر كائن يحتاج للهمس ده سر من أسرار ترويضه

ظلت صامته ثابتة مكانها لوهلة إستعادت رباطة جأشها وتابعت : فعلا
حضرتك عندك حق
خالد : في سر ثاني كمان

تابعت بقلق : سر إيه
خالد : سر ثاني لترويض رعد
إيناس : وإيه هو
خالد : تعالي

خرج وهي خلفه كانت خطواتها قلقة مترددة أخرج رعد من الحظيرة وتوجه
به للخارج لإمتطائه كان المكان فارغاً لا يوجد سواهم نظرت حولها بدهشة وتابعت :
هو فين العمال

خالد وهو يجهاز السرج دون أن ينظر نحوها : أنا مشيتهم وانا داخل إديتهم ساعة
غدا

إرتبكت وشعرت بالضييق عندما أيقنت أنها وحيدة معه نظر لها بمكر عندما إستشعر
ضيقتها وتابع : بعد إذئك يا دكتورة ممكن ثانية

إقتربت منه فناولها السير الخاص بالحصان وتابع : إمسكيه دقيقة بعد إذئك
من داخلها قررت أن ترحل على الفور بعد أن يمتطي فرسه نظر لها بتحدي وأخرج
عصابة سوداء ثم ربطها حول عينيه

شعرت أن العالم ينهار من حولها ظلت تنتظر نحوه في صدمة لولا عصابته للاحظ
العبرات بعيناها تابع وهو يأخذ السير من أناملها التي تعمد ملامستها عن قصد ومدة
أطول تلك المرة : ده بقة السر الثاني شكراً الفضل في ده يرجع ليكي على
فكرة

ظلت جامدة مكانها دون حركة لم تنتبه إلا عندما إكتشفت أنه قرر إمتطاء رعد وهو مغمض
العينين !!!!!

كان يبدو انه يود الإستنتار بكل هواء العالم لصدرة رعد يعدو بحرية وخالد معصوب
العينين يعيش نفس حالته وكأن خالد هو رعد ورعد هو خالد

على الرغم من غضبها بل ربما خجلها مما حدث ويحدث إلا أنها شعرت بالسعادة من
أجلهما فقد كان يبدو كلاهما سعيداً حراً مبصراً !!!!!
فإن ماتراه حقاً يستحق المشاهدة .

أما هو فتترك خياله الحر يعبث باللوحة السمراء أمامه كما تمنى من قبل أم ربما لا فهو لا يبالي
سوى بنسمات الهواء الحر التي تخترق صدره ولكن تلك المرة هناك شئ آخر
..... إنها هي للحظة تمنى أن يأخذها معه على فرسه التائر ويهرب بها
مبتعداً عن مشاعر وهواجس الماضي لكلاهما
تمنى أن تترك العنان لجذائلها البندقية ليعبث بها الهواء بمكر فيتفرق عطر البندق في الأجواء

حوله أم ربما لا الأفضل أن يتسأثر به وحده ولكن أين هي !!!!! هل ما زالت تراقبه
؟؟
خلع العصابة سريعاً ليبحث عنها ولكنها كانت قد إختفت

رحلت هي وعطر البندق وتركته وحيداً.

الفصل السابع والعشرون (الجزء الاول)

ظل لوهلة يتفحص المكان من حوله زفر بغضب ونظر لرعد ثم جلس
على الأرض وظل يعبث بالرمال ماذا يحدث منذ متى وهو يترك
العنان لقلبه هكذا فهو خالد القوي الذي لا يحرك بأسه شئ أو ربما شخص
..... ماذا تفعلين بي أيتها البندقية تمدد على الأرض وظل يراقب السماء
التي بدأت حمرة الشفق تتمكن منها رويداً رويداً كانت أفكاره مبعثرة يحاول
تنظيمها بلا جدوى إيناس عشقها لشريف وإقتحامه لعالمها لا
بل هي من إقتحمت عالمه ولكن دون أن تشعر منذ رآها أول مرة ملقاه على
الأرض وجدائل البندق تزين وجهها النائم لا بل منذ أن علم أنها أرملة تعيش داخل
عالم زوجها السابق أم ربما منذ أن سمعها مع رعد تعترف بذنبها وتؤكد على وفائها
لشريف لتتخلص من خطيئة إهتمامه اللعنة على هواجس الماضي فكلانا معبأ
بجراح لا يود أن ينساها بل يصير على المضي فيها قدماً دون أن يعي لذلك
..... ولكن التشبث الماضي هو سر إنجازبه نحوها فلو لم تكن على عهدا مع شريف لما
لمست قلبه ما هذا الخبل أتريدها أم لا أريدها وأريد وفائها بنفس الوقت
!!!! حقاً إنها معضلة أيها الأحمق .

دون جدوى أعادت الإتصال برقية للمرة السابعة دون جواب بدأ القلق يتسرب إليها
..... منذ تركها لخالد مسرعة تعمدت أن لا تفكر بالأمر أو تذكره أمام نفسها
..... وكأنه لم يحدث هكذا أفضل وإلا سنترك العمل هنا بلا رجعة ولكنها
حقاً تحب المكان والحياد ولا تتصور البعد عنها إذن لم يحدث شئ وستعامله بجفاء
زائد وغضب بل بفضاظة نعم وستسعد بفضاظته المنتظرة أيضاً نظرت
للهاتف مرة أخرى بيأس وفي النهاية لم تجد سبيلاً سوى الإتصال بحسن .

كان حسن مازال يغط في نوم عميق عندما رن هاتفه نظر حسن للهاتف الملح الذي
دق لأكثر من 5 مرات متتالية هي بالتأكيد سهام نظر للهاتف دون إهتمام ولكن
إستيقظت عيناه النائمة فور رؤيته للرقم إيناس !!!! ماذا حدث ظن أنها مع
رقية وكانت تظن أن رقية معه وفي لحظات كان كلاهما أمام باب المنزل يطرقانه دون جدوى
..... نظرت إيناس نحوه بخوف وتابعت : هو حضرتك مش معاك مفتاح
أجابها بإضطراب : نزلت الصبح بسرعة ونسيته

كان يدفع الباب بكل ما أوتي من قوة رغبة في كسره دون جدوى وإيناس تراقبه في قلق
..... جاءهم صوت أجش من خلفهم وهو يتقدم نحوهم في دهشة : في إيه
نظر حسن لخالد بيأس وتابع : رقية يا خالد جوه لا بتفتح ولا بترد على التليفون
قطب خالد جبينه وبدا على وجهه القلق بدوره ثم أزاح حسن عن الباب بلطف وتابع : طيب
إوعى إنت

بدأ خالد بدفع الباب بقوة بجسده القوي فإستطاع أن يكسره بعد دقائق ودخلوا جميعاً مسرعين
وأولهم حسن الذي كان يتعثر بالأثاث دون وعي وهو يهرع للداخل

كانت رقية ممددة على الفراش وقد إتخذت وضعية تشبه الجنين بيطن أمه إقترب حسن
من الفراش لاهتأً ينطق بإسمها دون أن تجيبه في فزع وضع يديه على رقبتها وصدرها
ولكنه لمس إنتظام تنفسها تابع بصوت أكثر هدوءاً : رقية حبيبتى ردي عليا
..... رقية

فتحت عينها وهاله رؤية كم الدموع المنحبس بها والتورم القوي فوق أهدابها من كثرة البكاء
..... دون وعي ظل يقبلها رأسها كفيها جبهتها
وجهها ويردد بدوره : رقية ردي عليا أرجوكي رقية سامحيني يا حبيبتى
..... سامحيني يا أم إبنى سامحيني

نظر خالد لإيناس التي كانت تراقب الموقف بتأثر وقال بصوت هامس : إيناس يلا إحنا
بقه

إستدركت الموقف وخرجت خلفه على الفور وملاحها منقبضة قال لها بنبرة حانية
: متقلقيش

نظرت نحوه بخوف وتابعت : أنا خايفة عليها قوي
خالد : متخافيش هما حوصلحوا أمورهم هي أزمة صعبة بس حيدوها أنا
واثق من ده

قطبت جبينها بضيق وتابعت : بس هي كانت كويسة لما سبتها هو اللي زعلها

إبتسم خالد بثقة وتابع : أيوه هو اللي زعلها وهو الوحيد اللي حيقدر يصلحها ماهو أكثر ناس ممكن يزعلونا اللي بنحبهم وهما برده بس اللي بيقدروا يراضونا

كان مرتكزاً بنظراته عليها كعادته أصبحت عادة إذن أو مأت رأسها بإرتباك
وتابعت : طيب عنئذك
إستوقفها سريعاً قبل أن تبتعد : إيناس إستني
ردت بإقتضاب : أيوه
خالد : عندي ليكي إعتذار وإعتراف

إعتذار ربما تعلمه ولكن إعتراف إرتجف جسدها وشعرت بقلق شديد تابع هو بعدها
بصوت رخيم دافئ : الإعتذار بسبب إني خضيتك لم كشفت سر ترويضك لرعد بس منتسبش ده
كان تحدي وعموما أنا إكتشفت الموضوع بالصدفة ومشيت ساعتها علطول ورحت
على بوكس سهيلة
شعر بملامح الإرتياح في وجهها نوعاً وما ولكنه كان إرتياح مؤقت تابع بعدها :
نيجي بقه للإعتراف

ردت بتعلم : إعتراف !!! إعتراف إيه
إبتسم بثقة بل ود أن يصمت قليلاً ليتمتع بتلعثمها وإرتباكها للحظات وجنتيها
التي تزداد إحمراراً كلما شابها الخجل عيناها التي تزداد بريقاً أم ربما أناملها الرفيعة
التي تتحرك بإضطراب تعبت بخصلات البندق خاصته بعفوية نعم فهو يود إمتلاك
خصلات البندق هذا ما يشعر به الآن
تابع بإبتسامة ماكرة كعادته وقال : إن أنا عندي منافس في حب الخيل ومنافس قوي كمان
نظرت له بدهشة تنم عن راحة شديدة وتابعت : منافس !!!!
خالد : عمري ما تخيلت إن حد حيحس بالخيل زيي مش بس كده جايز أحسن مني كمان

.....
بسط قبضته نحوها وتابع بإبتسامة : أصدقاء
صافحته بتردد : أصدقاء

سحبت أناملها الرفيعة من قبضته سريعاً وغادرت غادرت وتركته بمكانه يبتسم
بسخرية لحاله وينظر لقبضته القوية التي رقت فقط من أجل إحتضان أناملها برقة
..... ويؤكد لنفسه أنهم بالتأكيد لن يكونوا مجرد أصدقاء

كانت مازالت ممددة على الفراش عندما عاد إليها ببعض الطعام إقترب منها ولمس
على رأسها بحنان وتابع : لازم تاكلي حاجه شكلك مكلتيش من الصبح

هزت رأسها بالنفي كانت عيناها تكاد تفيض بالحمرة من كثرة البكاء نظر نحوها بحزن ثم زفر ببطاء وقرر إستدعاء بعض المرح فأخذ شطيرة الجبن ووجهها نحو بطنها وتابع : يلا يا أستاذ إنت مأكلتش حاجة من الصبح لازم تاكل حاجة إرتجفت شفتها في محاولة يائسة للإبتسام إقترب حسن منها وطبع قبلة سريعة على شفتيها المرتجفة وتابع : لازم تاكلي وتتغذي علشان البيبي وعلشان صحتك قبل البيبي اللي هي عالية عندي قوي

خرج صوتها أخيراً : متحشرجاً ضعيفاً باكياً : أنا مليش نفس إقترب منها وقام بضم رأسها لصدره وتابع بنبرة حانية : رقية بقالك أد إيه مستنية البيبي رقية طظ في أي حاجة وفي كل حاجة حتى أنا رقية إنتي شائلة حلما في بطنك

تابعت بنبرة يائسة : حلمي أنا حلمك إنت حققته خلاص تتهد بألم وتابع : لأ حلما فاكرة الأرض إقتراح خالد على فكرة إذا جه ولد حسميه خالد

نظرت نحوه وقد ترقرت العبارات بعيناها مرة أخرى فتابع وهو يلتقطها بيديه ويجفف وجهها بحنان : لأ بلاش دموع يلا نتعشى سوا علشان الصبح نروح الأرض نفرج العفريت ده عليها

نظرت نحوه بضيق وتابعت : حسن إنت ناسي اللي طلبته ... وضع يده على فمها قبل أن تكمل وتابع : مش ناسي ومش حاقد ر أعمل ده وإنتي عارفه لو إنتي تقدري تستغني عني انا مقدرش أستغني عنك

رقية : إنت إستغنيت يا حسن حسن : لأ يا رقية أنا عمري ما إستغنيت وإنتي واثقة من ده وضعت يدها على رأسها وتنهدت بعمق فتابع : الحل الوحيد إنك تخلصي مني إني أموت

دون وعي قالت سريعاً : بعد الشر

إبتسم برضا وتابع : الشر هو بعدي عنك

قطبت جبينها وعلا ملامحها الضيق مرة أخرى وتابعت : بس إنت بعدت ورحت إت قبل أن تكمل قاطعها تلك المرة بوضع الشطيرة بفمها مما إضطرها أن تمضغ قضة رغماً عنها وتابع : حسن بتعمل إيه

حسن : مش عايز كلام عايز طعام وبس أرجوكي علشان خاطر صحتك وصحة إبنني

اللي في بطنك أبوس إيدك أنا بقالي سنين مستنية

رقية : لا يا حسن إنت مش بقالك سنين إنت بقيت أب دلوقتي أنا عارفة

صمت قليلاً وتتهد بألم وتابع : وإنتي كمان تسع شهور حتكوني أم لإبنني وأنا بشوف إن أي كلام

تاني حناجله لبعد التسع شهور دول ممكن علشان خاطر خالد

تابعت : ممكن تكون بنت على فكرة

حسن : حتكون أحلى بنت المهم متبقاش شبهى ساعتها مش حنعرف نجوزها
إبتسمت رغباً عنها فتابع وهو يناولها الشطيرة : اللهم صلي على النبي شوفتي لما
بتضحكي وشط بينور إزاي طيب أنا عايزها بنت وقمر زيك
بدت ملامح الراحة تتسلل لوجهها تابع وهي تتناول طعامها بروية : بعد ما تاكلي تشربي العصير
كله هه وبعدين نقوم نصلي ركعتين شكر لله مع بعض دي كان أول حاجه لازم نعملها
أومات بالإيجاب وظل بجانبها حتى أنهت طعامها كله عندها ساعدها حتى توضأت ثم أقام
الصلاة .

نظر حمزة للوحة بدهشة ثم إستدار لها قائلاً : إيه ده
إبتسمت بثقة كانت متأنقة كالعادة على الرغم من بساطة خصلاتها المرفوعة
بدبوس قاتم اللون وملابسها التي تكونت من سروالاً من الكتان الأبيض وقميصاً حريرياً أحمر
اللون دون أكمام إلا أنها كانت تبدو وكأنها خرجت لتوها من أحد مجلات الأزياء الشهيرة
.....نوع من النساء لم يلتقيه حمزة من قبل كانت تبدو كاللغز المحير أم ربما
الحلم الغامض إستلقت على أريكتها دون تكلف وتابعت : إيه مش عاجباك
حمزة : أنا قلت ليكي قبل كده إن الرسم إحساس وبصراحه بحاول أفهم الإحساس اللي رسمتي
بيه اللوحة الدموية دي !!!!!
كارمن : إنت شايفها دموية

ظل حمزة يتفحص الرسم أمامه مرة أخرى خلفية سوداء قاتمة ورجل
غابت أغلب ملامحه فبدا كظل رجل ولكن كانت هناك دماء تتساقط من يده قاتل هو أم
مقتول الدماء تتساقط على وردة حمراء إبتسم بمكر وتابع دي
مش أسطورة البنفسج يا كارمندي أسطورة وردة الحب إنتي قرأتي الكتاب
أغمضت عيناها وتابعت : فيوليت مطلعتش مني إحساس حقيقي لكن دي هي اللي كنت بدور
عليها

نظر نحوها بقلق وتابع : بس أنا مش فاهم اللوحةمش فاهم قصدك
كارمن بسخرية : مش مهم

تابع وهو مازال يتفحص اللوحة : إنتي الوردة الحمراء ؟
ضحكت بشدة ضحكة رنانة ساخرةحزينة تابعت بأسى : تعرف إن في الآخر
برده مش قادرة أحس نفسي الوردة الحمراءالأسطورة بتقول إن العصفور ضحى
بنفسه علشان يلون الوردة البيضاء بدمه وتبقى حمراء وتكون وردة حب وتقدر تحب
.....بس

حمزة : بس إيه

كارمن : أنا محدش ضحى بنفسه علشانى أنا بيتضحى بيا وبس

لاحظ حمزة ترقرق العبرات بعيناها شعر بالشفقة نحوها وتابع النظر نحو اللوحة مرة
أخرى الرجل ملامحه الغائبة داخل الظلام تبدو مألوفه
..... العيون الحادة الوجه القاسي فجأة إنقبضت ملامحه
نظر نحوها في ذهول وتابع : ده خالد !!!؟؟؟

إبتسمت بدهاء وظلت صامته وهو ينظر نحوها منتظراً الإجابة نعم الإجابة يا
حمزة لقد حان الوقت لمعرفة بعض الحقائق عن رب عملك خالد

نظر له الرجل بتمعن ثم تابع : بس يا كريم باشا الموضوع ده حيكلفك كثير
أجابه وهو يتلاعب بسيجارته بفمه دون إكتراث : كام يعني
تلفت المسجون حوله وتابع : 100 باكو
كريم : إعتبرهم في جيبك
ضحك الرجل بإستهزاء : إزاي يا باشا إنت فاكرني بضايفر أنا اللي أعرفه إنك دخلت
السجن مأشفر
قام كريم وقد أمسك بالرجل فدفعه إلى الحائط بقبضة واحدة ثم تابع : مش بتاعتك
ليك فلوسك وحتاخذها على الجزمة
المسجون : خلاص يا باشا خلاص يا كبير
كريم : التنفيذ كمان أد إيه
المسجون : شهر يا باشا
كريم : كثير يا باشا ليه
المسجون : يا باشا الموضوع ده عايز ترتيب هنا وبره كمان ده هروب يا
باشا

هروووووووووووووووب

الفصل السابع والعشرون (الجزء الثانى)

مازالت ملامحه حائرة..... ينظر نحو اللوحة في دهشة هي حقاً تقصد خالد
..... نعم بالتأكيد خالد فربما تكرهه تبغض ذكراه..... ففي النهاية هو زوج

سابق ولكن ما سر تلك الدموية التي تنبض بها اللوحة نظر نحوها
كانت ما زالت مستلقية على أريكتها لمحة من الرضا إجتاح عيناها وتممتها
بإبتسامة مسيطرة أضافت حمرة شفاتها المزيد من الثقة

تابعت بصوت هادئ : أيوه هو خالد

حمزة : انا مكننش أعرف إن العلاقة بينكم سيئة كده

ضحكت بسخرية وتوجهت نحوه إستقرت بجانبه وقالت وهي تنظر للوحة بمرارة :

علاقة سيئة !!!! جميل المسمى الشيك ده بس مش هي دي الحقيقة

حمزة : طيب إيه الحقيقة

إستدارت نحوه ولاحظ إتساع حدقة عيناها كانت تبدو كبحر ثائر يتوق لإبتلاع كل مظاهر الحياة
داخل دوامته الغاضبة قالت بنبرة حاقدة : الحقيقة إن خالد ده حقير أحقر
إنسان ممكن تتعامل معاه في حياتك .

لا يعلم ماذا أصابه ولكنه ود الهروب من المكان سريعاً ربما لشحنة الطاقة السلبية التي تفجرت
من حوله منذ بدأت الحديث عن خالد على الرغم من أنه لم يكن لخالد صديقاً وليس
بينهما أي صفات مشتركة بل يضيق أحياناً بطباعه البرجوازية إلا أنه لا يكن له بغضاً أو كراهية
..... على عكس كارمن التي عبئت الأجواء في لحظات بعيق الكراهية والحقد والغضب .

هل حقاً ما أخبرته عنه هذا الرجل الذي إستغل جسدها في مراهقتها وقلبها في أوج
انوثتها خادع كاذب محتال كانت تلك هي كلماتها بالتحديد محتال

وسبخسر كل شئ قريباً وستسقطون معه ماذا تقصد بهذه العبارة بل ماذا تقصد

بعبارتها الأخرى بأنه يجب عليه تأمين مستقبله لأن وظيفته مع خالد زائلة على المدى القريب

..... زفر بضيق جيد أنه غادر المكان بل هو لا ينوي العودة إلى هناك مرة

أخرى فقد تبدلت المرأة الفاتنة بأخرى تمكن منها الحقد حتى النخاع وحديث الأزهار والحب

والفن تحول لمجرد شكوى امرأة ناقمة على من هجرها نعم من الأفضل ألا يعود

فلقد إنتهت تلك الصداقة ربما من قبل أن تبدأ .

في دنار الصداقة أتخفى فقط لأكون بجانبها صوتها العذب أصبح أكثر

رقة حديثها أصبح أقل تكلفاً بل إنها رغماً عنها نادتنى خالد ثم

إستدركت نفسها وطغت حمرة الخجل على وجنتيها سريعاً وهي تتمتم " بشمهندس "

كنت أتحدث معها كثيراً أبحث عنها من أجل لا شئ أوجدت مواضيع من
العدم ولم يكن هناك أفضل من الجياد أصبحت ذريعتي من أجل الحوار
..... كانت تعشق الجياد فشعاع العسل بمقلتيها ينبض بالحياة عندما تكون بجانبهم خاصة
رعد

حصاني الثائر الذي طوعته في دقائق بإحساسها دون دهاء في حضورها يتبدل لكائن
آخر رقيق باسم هادئ عاشق !!!!
فرعد يعشق البندقية وينتظر طلثها ربما مثلي تماماً

كانت تقف بجانب رعد عندما وصل خالد للإسطبل تبدلت إيناس كثيراً
فالعامل الشاق أرغمها على الإستغناء عن ملابسها الرقيقة المنمقة وإستبدالها بالسروايل
المصنوعة من خامة الجينز وبعض القمصان البسيطة المحتشمة وأصبحت تخفي قدميها الرقيقتين
داخل حذاء ثقيل برقبة طويلة بمثل حاجز حماية ضد أتربة الصحراء وفضلات الجياد
..... كانت ترفع خصلاتها بعفوية فوق رأسها وقد تطايرت بعضها هاربة تداعب بخبث
بشرتها الرقيقة

نظر نحوها بتفحص لوهلة ثم إتجه نحوها قائلاً : أخبار رعد باشا إيه
إيناس : تمام

إقترب خالد من رعد ممسكاً ببعض البرسيم الذي حاول إطعامه إياه دون جدوى نظر
نحو إيناس في حيرة وتابع : بجد مش عارف أول مرة أشوف حصان ما بيحبش البرسيم أنا
بجوعه علشان ياكله
إيناس : معلش إحنا بنعوض بجزر وعلف
خالد بيأس وهو يحول دفع البرسيم داخل فم رعد : بس ده مفيد علشانه

كان رعد يبدو كمن يفهم حديث خالد بل أكثر كان يبدو غاضباً لإصرار خالد على حشر تلك
الحشائش الخضراء بين أسنانه فقام فجأة بالرجوع للخلف ثم زمجر وأصدر صوت يسمى القبع
من بين منخاره وحلقه وفي لحظة فُذفت قطع سوداء من بقايا البرسيم من فم رعد الغاضب
.....

نظرت إيناس بصدمة وتأفف لذراع الخالد الذي زينه رعد بمحتويات فمه ثم انفجرت في الضحك
بصوت رقيق وخالد ينظر نحو رعد متوعداً ويمسح ذراعه بالماء تارة وبالمنديل تارة أخرى
.....

إنتبه لصوت ضحكها العذب مما جعله يضحك بدوره كانت ضحكها عفوية جميلة
رنانة لأول مرة يستمع لصوتها الضاحك وهي أيضاً ربما لأول مرة تستمع لضحكة
صادقة منه كانت عيناه تلتقط سعادة العسل بمقلتيها بخبث إلتقاء
نظراتهما تلك المرة أربكها ولكنها لم تستطع الهروب أم ربما لم ترد الهروب تلك المرة !!!!

وإستمر الضحك بل زاد عندما قام خالد بسكب محتويات المياه على ذراعه أملاً في التخلص من
الرائحة سريعاً دون جدوى نظر نحوها ونحو رعد متوعداً وتابع : ماشي يا رعد
مردودالك

ثم توجه نحوها وتابع : بتضحكي عليا ده بدل ما تساعدني

إيناس ببسمة : آسفه أصل رد فعله صدمني بصراحه بس

خالد : بس أنا أستاهل صح

إيناس : مش قصدي بس إنت عارف رعد عنيد

خالد : هو أنا عارف ودلوقتي خلاص إتأكدت نظر لنفسه ولقميصه بيأس ثم تابع :
يادي القرف ده مش دراعي بس شايفه جه على القميص كمان إنت بهدلت بابا يا رعد
النهارده

فجأة بدت ملامحه مذعورة بعض الشيء ونظر نحوها متسائلاً : في حاجة على وشي

لم يكن هناك شئ بوجهه ولكن قبل أن تجيبه بدأ يمسح وجهه سريعاً وبعشوائية خوفاً من أن يكون
عقاب رعد قد ناله أيضاً رغماً عنها ضحكت مرة أخرى أمام ما يفعله
نظر نحوها وإبتسم بمكر ثم تابع : مفيش فايده بقه مضطر أنا قرفت خلاص

قبل أن تدرك ما يقصده فوجئت به يخلع قميصه ويلقيه جانباً بعيداً عن جسده إرتبكت
وطغت حمرة الخجل كالبركان على قسمتات وجهها عندما وجدت نفسها أمامه وهو عاري الصدر
ثم قالت بتلعثم قبل ان تهرب مباشرة : عنئذناك

إبتسم بمكر بعد هروبها ثم إتجه نحو رعد مرتباً على رأسه وتابع : مشيت أنا مش
عارف إيه اللي بعمله ده يا أستاذ واضح إن أنا وإنت ذوقنا واحد

إمتطى فرسه المدلل الذي إنطلق يعدو بقوة قوة تكاد تضاهي قوة مشاعره
المضطربة نحوها

نظر حسن لهاتفه بملل لقد مر حوالي شهر منذ معرفته بحمل رقية شهر من
المبررات والتأجيل مع سهام التي لم تتقبل خبر حمل رقية بل وصل بها الامر لعدم تصديقه
والتعامل معه على أنه ذريعة حسن الجديدة من أجل الهروب من إلتزامته نحوها

.....

أخيراً أجاب الهاتف بصوت يدعي النوم على الرغم من أنه كان بعمله !!!!
حسن : ألو

سهام : صباح الخير إيه كنت نايم ولا إيه

حسن : اه راحت عليا نومه بصي يا سهام حافوق واغسل وشي وأكلمك

سهام بغضب : الساعة عدت عشرة ناموسيتك كحلي ولا إيه

زفر بضيق : وقته الكلام ده أخبار محمود إيه

سهام : والله عايز تعرف أخباره تعال شوفه

حسن : في إيه يا سهام منا كنت عندك الخميس اللي فات

سهام : مرة كل أسبوع تشوف إبنك لا كتر خيرك

حسن : هو إحنا مش إتفقنا نأجل الكلام في الموضوع ده لغاية ما رقية تولد بالسلامة

ضحكت بسخرية وتابعت : هو إنت فاكرني مصدقة الفيلم ده بصراحة ده فيلم عربي

قديم قوي قوي

حسن : لا يا سهام ده مش فيلم عربي قديم دي حكمة ربنا

سهام : بقولك إيه حتى لو حامل ده ميفرقش معايا في حاجه انا حقي فيك ملوش علاقة بحملها من

عدمه وحقي حاخده يا حسن ومش حقي بس حق إبنك كمان

حسن : إنت بتهدديني يا سهام

سهام بصوت غاضب : أنا مش بهددك أنا ببلغك

تمكن منه الغضب بشدة وتبدلت ملامحه الهادئة سريعاً وأجابها بقوة : طيب بصي بقه

أنا ما بتهددش وأنا مبحبش الست اللي تعلي صوتها وتعمل راسها براسي مفهوم

سهام : إنت بتخوفني بقه

حسن : إفهميها زي ما تفهميها لمي الدور يا سهام ومش عايز نكد ودوشة دماغ

وبلاش لؤم الستات دهمتلويش دراعي بالواد هه

صمنت لو هلة ثم تابعت بنبرة حاقدة : حاضر حاضر يا حسن

أغلقت الهاتف ونظرت لملامحها الغاضبة بالمرأة وتابعت : ماشي يا حسن إما أشوف أنا ولا

الست رقية بتاعتك .

ألقت إيناس نظرة أخيرة على القدر ثم أغلقته بإبتسامة وهي تمسح قطرات البخار التي تصاعدت لوجهها وتابعت : تمام الفراخ إستوت

نظرت لها رقية بحنان وقالت بدورها : أنا أسفه يا إيناس تاعاكي معايا مش عارفة المفروض شهور الوحم عدت بس ريحة الفراخ مش قادرة أستحملها
نظرت نحوها إيناس بلوم وتابعت : تاعباني في إيه بس يا روكا هي كيمياء
إملي الأوضة المية وحطي الفرخة تبقى شوربة يا لينا
ضحكت رقية بشدة وتابعت : ضحككتيني يا إيناس حاولد بدري بسببك
إيناس : لا لا خلاص أبوس إيدك
رقية : الدكتوراة قالتلي المرة الجاية حتقولي ولد ولا بنت
إيناس : بجد وإنتي نفسك في إيه
إبتسمت رقية بتأثر وتابعت : نفسي في إيه ياااااااااااااه يا إيناس أنا ما صدقت
كل اللي يجيبه ربنا كويس
أمسكت إيناس بيد رقية وتابعت : ربنا يقومك بالسلامة
تابعت رقية بنبرتها الهادئة : حسن قالي لو ولد حنسميه خالد
إرتبكت إيناس للحظة عندما ذكرت رقية إسم خالد ولكنها إستدركت نفسها سريعاً وتابعت : على
إسم بشمهندس خالد
رقية : حلمنا أنا وحسن الأرض إقتراح خالد فاكراه
إيناس : أيوه فاكراه
رقية : ولو بنت حسميها إيناس
نظرت نحوها إيناس بتأثر وهي تحرك رأسها بالنفي : لا يا حبيبتني سميها إسم جديد
رقية : إيناس ده إسم معناه الأنس والراحة يعني الست اللي قعدتها حلوة الواحد يفتحلها
قلبه ويرتاح ودي إنتي يا إيناس بجد الإسم ده إتعمل علشانك مخصوص يارب بنتي تطلع نصك
وتطلع قمر زيك كده
إيناس بإبتسامة : خلاص بس إوعي لما تكبر ميعجبهاش الإسم
رقية : أقرب إثنين لينا إنتي وخالد وإحنا قررنا خلاص البيبي على إسم حد فيكم
إبتسمت بحرص خالد لا تعلم لماذا يجمعها القدر به دوماً حتى في الأسماء .

كانت جالسة بجوار المكتب في الغرفة المظلمة التي إعتادت زيارته فيها إصبعها

النحيل المزين بنقوش الحناء ينقر بعصبية شديدة نقرات متتالية تمثل سيمفونية جديدة من غضبها المتأجج الذي لا يزول منذ زيارة حمزة الأخيرة وهو يتهرب منها ذرائعه واهية ساذجة حمقاء لا بل هي الحمقاء متسرعة هرب منها ربما من قبل أن توقن ماذا ستفعل بتلك العلاقة الخرقاء قطع أفكارها قدومه إبتسم لها ببرود ثم وجه نحوها نظرة غاضبة نارية ربما تكون متناقضة مع ملامح الثلج المسيطرة على هيئته

كريم : ياه ليكي وحشة يا مدام

كارمن : كنت مشغولة شويه

كريم : لا والله ولا حنيتي للبيه

كارمن بنظرة غاضبة : دي آخر حاجة ممكن تحصل بالعكس أنا عايزة أخلص عايزة أشوفه

متدمر فاهم يعني إيه متدمر

كريم ببرود : هدفنا واحد

كارمن : طيب إيه الخطوة الجاية

كريم : لسه

بدت هستيرية في حديثها وتابعت : يعني إيه لسه لسه لسه إنت بطئ قوي

نظر نحوها كريم بتوعد وتابع : بقولك إيه يا بت إنتي إركزي وبلاش غباوة مفهوم

صمتت وظلت تنظر نحوه بغضب أخرجت سيجارة وبدأت تدخن بتوتر ثم تابعت :

طيب ناوي على إيه

ضحك كريم بمكر وتابع : الزيارة الجاية حتعرفي

كارمن : هو إيه ده ما تقول دلوقتي وخلص

كريم بإصرار وهو يجز على أسنانه وينظر نحوها بتوكيد : الزيارة الجاية حتعرفي وكلامنا

إنتهى على كده

خرج خرج وتركها تحرق نار غضبها في لفافة التبغ البائسة بدلاً من أن تحترق هي

..... لا لن تحترق مثل تلك اللفافة التعيسة يبدو أنني سأزور

المزرعة من جديد ولكن تلك المرة ليس من أجلك يا خالد

كان المكان يبدو قاتماً لا يختلف كثيراً عن جدران زنزانته الرمادية التي طالما

مثلت رماد البركان بداخله بركان يبدو خامداً الآن ولكن ثورته ستكون بالتأكيد مهلكة

عاد يتفحص المكان من حوله..... حيز ضيق مغمور برائحة الدخان الأزرق
..... الوجوه قبيحة وما زادها قبحاً ربما وجود النساء فلقد إعتاد مظهر القبح في الرجال
حوله أما أن تكون النساء كذلك أيضاً فتلك هي ذروة العبث أين الجميلات هل شح
عالمه بهن أيضاً ربما بل ربما أصابه القبح بدوره وحفرت السنوات
البائسة أثارها بإحكام داخل ملامحه هو لا يختلف كثيراً عن الجموع الرثة حوله

نظر لصديقه بمكر الذي إستقبله بدوره بترحاب فاتحاً كلتا ذراعيه وأسنانه الصفراء المتهاكة
طغت على إبتسامته فبدلتها بإبتسامة مسخ ولكن هذا المسخ هو سبب حرите المنقوصة .

إقترب شوقي من كريم مرحباً : حبيبي كفارة

كريم : حبيب قلبي ليك وحشة

شوقي : الواد نصه ربحك ولا تعبك

كريم : ريحني بس هباش

شوقي : موضوع الهروب مش سهل يا كيمو وبيكف

كريم : عموماً مش مهم الفلوس المهم إني خرجت

شوقي : وهو من غير رذالة يعني إنت جبت الفلوس منين

كريم : وهو عملوا البلاطة ليه يا شوقي مش علشان نخبي تحتها قرشين للزمن المهيب

.....

شوقي : تمام يا صاحبي

كريم : إيه المكان ده يا شوقي أنا قلت حلاقي عندك ما لذ وطاب

ضحك شوقي بمكر : عندي يا حبيبي المكان ده بس تمويه لكن إتفضل

تبعه كريم ينظر بتأفف للوجوه حوله ولكن ما لبث أن خرج من تلك البقعة المتهاكة إلي مكان
آخر يمثل نقيضها تماماً كانت فيلا صغيرة يقطن فيها المدعو شوقي
وشوقي أحد أصدقاء كريم في السجن هو منبع لكل ما هو غير مشروع يتاجر بكل شئ
سلاح مخدرات نساء كل ما يخطر ببال وربما ما لا يخطر
أيضاً ولم يتخيل كريم أنه قد يصبح في أحد الأيام صديق لهذا ال " شوقي " ولكن ربما هو الحظ
الذي جعله يتلقى طعنة كائنة بدلاً منه كادت تؤدي بحياة كريم ونجى شوقي وأصبحوا
أصدقاء وتغير كريم من بعدها من مجرد فتى مدلل ربما لرجل كما يرى شوقي وأمثاله الرجولة
!!!!!!

إضطجع كريم على أحد الأرائك وتنهى براحة : أيوه كده

نظر له شوقي بمكر ثم قام بإعداد لفافة تبغ من أجله وناولها إياها قائلاً : حبيب قلبي

كريم : لااااااااااااااااا أنا عايز أبقى فايق

شوقي : لسه قدامك الأيام كثير ريح النهارده وفوق بعدين

كريم : أنا مش حقوق إلا لما أخلص يا شوقي

شوقي متسائلص بمكر : حبيبك بتاع المزرعة

كريم : وهو في غيره

شوقي : بس لازم تصبر شوية يا صاحبي

كريم : هو اللي بعمله في الناس حيطلع عليا ولا ايه

شوقي : لا يا حبيبي بس إنت لسه هربان والبوليس عينه حتكون مفتحه لازم تكن

شوية

كريم بضيق : أد إيه يعني

شوقي : شهرين ثلاثة كده

كريم : كثير يا شوقي كثير قوي

شوقي : حبيبي العملية كبيرة ومحتاجة تخطيط ووقت ده غير لازم البوليس يرجع

ينسى ممكن هروبك يخوف صاحبك ويلبش الجو هناك

كريم : ماشي يا شوقي بس مش اكثر من كده

شوقي : لا متخافش ناوله شوقي اللفافة وتابع : نقول مساء الخير

أخذها كريم منه ونفث دخانها الأزرق بغیظ وتمتم بصوته البائس : مساء النور هانت

..... هانت قوي يا خالد

إسترعى إنتباهها نقراته المتعجلة على باب العيادة إستقبلته بإبتسامة مقتضبة قائلة :

بشهندس حمزة إتفضل

دخل حمزة بإبتسامته المعتادة وحيها قائلاً : إزيك يا دكتورة

إيناس : الحمد لله

حمزة : أخبار الشغل إيه ؟ والخيل تمام

إيناس : اه الحمد لله تمام

حمزة : وأخبار أبلة روكا إيه

ردت بدهشة : كويسة إنت مش بتزورها

حمزة : لا بزورها حتى كنت رايح ليها دلوقتي بس حبيت أعدي وأسلم عليك

إيناس بنفس النبرة الجادة : اممممالله يسلمك يا بشهندس

لاحظ حمزة جديتها أو ربما ضيقها من الزيارة ذات السبب غير المعطن تابع سريعاً : كمان كنت

عايز أخذ رأيك في حاجة

إيناس : رأيي !!!! في إيه

أخرج حمزة ثوباً صغيراً لرضيع كان مميزاً ورقيقاً ناولها إياها وتابع : ها إيه رأيك

أمسكت إيناس بالثوب ونظرت نحوه بحنان وهي تردد : جميل قوي بجد

حمزة : يعني حيعجبها أنا جبته بيج علشان يليق مع ولد أو بنت

إيناس : حتفرح بيه قوي بجد هي لسه ماشترتش حاجة دي حتكون أول حاجة للبيبي

بدت على ثغره إبتسامة طفولية : كويس علشان أدله أول حاجة لبسها من أونكل حمزة

ضحكت وأعدت له الثوب : ذوقه جميل

حمزة : لا ماهو أنا دايماً ذوقي حلو على فكرة

عادت مرة أخرى لإبتسامتها المقتضية ربما لأنها إستدركت ما يعنيه خاصةً مع نظرتة الحانية

الموجهه نحوها كادت أن تنطق بعبارة جافة لكي تنهي المقابلة ولكن شد إنتباهها

عطر قوي مثير أخترق الغرفة مع نسيمات الهواء التي عبثت بخصلاتها

المتوهجة وهي تقف بالأبواب تراقبهم بعين مأكرة وإبتسامة واثقة

نظرت إيناس نحوها في دهشة وإستدار حمزة بدوره للأبواب وعندها قالت له كارمن بصوت عذب

: إزيك يا حمزة ثم إستدارت لإيناس وقالت بنبرة راضية : إزيك يا دكتورة

..... واضح إن دايماً الصدفة بتجمعنا ولا إيه

إبتسمت إيناس بحيرة وقالت بدورها : أهلا يا فندم

ظل حمزة مندهشاً لوهلة من قدمها وحديثها مع كلاهما وقبل أن ينطق جاءه هروب إيناس

السريع عندما لاحظت النظرات الصامته بينه وبين كارمن

إيناس : طيب عنئذنكم أنا بقة

إبتسمت كارمن : فرصة سعيدة لمرة تانية يا دكتور ولا أقول تالته

ردت بإقتضاب : أنا الأسعد

خرج ثلاثتهم من العيادة تركتهم إيناس مسرعة متسائلة في نفسها عن علاقة حمزة

بكارمن

لا تعلم لماذا تشعر بالضيق كلما رأتها هل هو مجرد رد فعل لنظرات كارمن الغاضبة نحوها

فهي تشعر أنها لا تستسيغ طلتها لماذا؟؟؟ هل بسبب خالد هل ما زالت

كارمن تحبه وتشعر الآن بالغيرة منها ربما فلقد ألقى بسهامها المسمومة في المرة

السابقة عندما لمحت لرؤيتها مع خالد كلما زارته هل تود حقاً العودة إليه؟؟

ومماذا عن خالد هل لديه بقايا مشاعر من العشق نحو الصهباء سحقاً لماذا تهتم

..... هي لا تهتم بالطبع لا تهتم هي فقط تفكر فكارمن تنظر لها

بمكر غريب وكأنها عدو لدود دون أن تعي لماذا لا هي تعلم لماذا ولكنها لا تود
المواجهة إنه خالد

نظر حمزة لكارمن بدهشة قابلتها هي بإبتسامة ماكرة فأخر ما كانت تتوقعه أن يكون
حمزة عاشق لتلك الطيبة

لأول مرة تشعر أنها محظوظة فقد جاءت للمزرعة وليس لديها أي فكرة عن ما ستقوله لحمزة
حتى تعيد علاقتها معه من جديد بل كانت حائرة في ماهية العلاقة وقدرتها على الإستفادة منها
ولكن الآن فقط شعرت ببريق غريب يجتاح عيناها فالنظرة الحانية التي رأتها في
عينيه نحو تلك الطيبة الهادئة كانت بمثابة حبل الإنقاذ الذي سيلتف حول رقبة خالد في النهاية
..... الآن تعرف كيف ستجعله يكره خالد وتلك فقط البداية

قال لها بصوت هادئ : إزيك يا كارمن

كارمن : مهتم تعرف فعلا

حمزة : مش فاهم قصدك

كارمن : لو كنت مهتم بحالي كنت زوررتي أو حتى رديت على تليفوني

حمزة : أنا آسف إتشغلت و.....

قاطعته بإبتسامة : متكديش اللي زيك مش بيعرف يكذب

حمزة : كارمن أنا.....

كارمن : إنت خفت جايز خفت على شغلك مع خالد لما عرفت أد إيه العلاقة بيني

وبينه سيئة

نظر لها بضيق ودهشة : على فكرة الموضوع مش كده خالص

كارمن : طيب إيه الموضوع

خلع قبعته وعبث بإرتباك بخصلاته المسترسلة ثم تابع : الحكاية كلها إني حسيت إني مش فاهم

كارمن : مش فاهم إيه ؟

حمزة : مش فاهم إحنا فعلا بنتقابل علشان نتكلم عن شغل عن فن جميل ومشاعر

حقيقية بتلوني بيها لوحاتك البيضاء ولا عن كرهك ليه وغضبك منه

كارمن : ماهو سواء كرهني أو غضبي دي مشاعر برده ولا المشاعر لازم تكون حب وجمال

وبس

حمزة : لا طبعا بالعكس أوقات مشاعر الغضب بتكون أقوى وأعمق وبيطلع منها فن صادق

وحقيقي بجد

كارمن : غريبة ومدام كده هربت ليه

حمزة : علشان إنتي كدبتني يا كارمن

كارمن : كذبت !!!!!

حمزة : أيوه أول مرة إتقابلنا قولتيلي إنك كنت جاية هنا لخالد تطلبي منه خدمة بخصوص الورد والرسم فاكرة ...

صممت وأومات برأسها إيجاباً تابع بثقة : والمرة اللي فاتت عرفتيني أد إيه هو حقير وحكيتي تاريخه معاكي من أول ما إستغلك وإنتي صغيرة لغاية آخر مرة قولتيلي إنه ضربك أصدق مين فيهم يا كارمن

تابعت بإرتباك : كنت عايز أول مرة أشوفك أقولك إني كنت عند طليقي وضربني أكيد مش منطقي

حمزة : بس ممكن مكنيتش تصوري إن العلاقة كويسة الحقيقة ده خلاني أفكر شكوتك حقيقية ولا مجرد حقد وغل طبيعي في حالة الطلاق

غضبت من داخلها تماسكت قليلاً ونظرت نحوه وقد بدت بعض العبرات بعيناها : كنت متخيلة إنك قارئ كويس للناس يا حمزة بس واضح إنك مجرد راجل تقليدي مش أكثر عنئذك

إستدارت لنتركه لا يعلم ماذا أصابه ولكنه شعر بالغضب من نفسه إستوقفها قائلاً : كارمن إستني

توقفت ضحكت برضا ثم نظرت نحوه بأمل : أيوه

حمزة : أنا فعلاً قارئ كويس للناس بس إنتي غامضة جداً

كارمن : غامضة !!! أنا مشكلتي إني كتاب مفتوح

حمزة : أيوه بس مليون لو غاريتمات يا كارمن وأنا كنت أدبي

إبتسمت بياس : عندك قدرة فظيعة إنك تخرج ضحكة من كل حاجة جايز ده اللي عاجبني فيك

حمزة : ده بس

كارمن : أنا نفسي نكون أصدقاء وجيتلك مخصوص حتوافق ولا حترفض

كانت تبدو فاتنة وبريئة بنفس اللحظة بريق النهر الأزرق بعيناها حزيناً

..... راكداً شعر نحوها بالشفقة وافق على الفور إبتسمت

برضا وإفترقا على لقاء .

خرجت من المزرعة سريعاً لم تود رؤيته فليس هذا بوقت رؤياك يا خالد

..... قلبي الأحمق سيتوقف عن الإرتجاف لطلتك بل ربما توقف فعلاً كانت

سعيدة ساخرة ومع الظلام كانت ليبتها مختلفة لوحتها البيضاء

تزينت بألوان البهجة القائمة سنوات وهي محتجزة خلف قضبان التمني

حائرة بين غضبها وعشقها إشارة من إصبعه كانت لترجح كفة عن الأخرى
..... حزر ؟؟ غاضبة أم عاشقة لا إجابة نعم فخلف
قضبان التمني إحتجزت نفسي ليس بيدك بل بيدي أنا يا خالد غاضبة إذن
فقد ولى زمن العشق ومنذ زمن لكن الحمقاء بداخلي هي من أسرت نفسها خلف
قضبان إبتسمت ساخرة وتمتمت ببئس : قضبان الإنتظار

أفكارها ما زالت جامحة متحفزة كل ما تحتاجه الآن هو أن يكره حمزة خالد
..... جاءتھا الطيبية على طبق من فضة حمزة عاشق صغير لن يقاوم دهائها
كثيراً ولكن ماذا بعد فُبغض خالد هو خطوتها الأولى ولكن كيف
كيف ستسفيد من هذا البغض الذي ستزرعه بمكر داخل قلب هذا الشاب العاشق كيف سيصبح
حمزة مدخلها الأخير لتدمير أحلام خالد زفرت بيأس أفكارها البائسة
مبعثرة تشعر أنها أمام شفرة من صنعها تحتاج لمن يفك أحجيتها بمهارة كريم كم
أحتاج الآن لعقلك البائس

أخرجها طرق صباحي متطلب على الباب من أحلامها وأفكارها نظرت للساعة
فوجدتها الثامنة صباحاً مَن السخيف بالباب !!!! خرجت غاضبة تداري
جسدها بروب قصير وتُملس بغضب على خصلاتها المبعثرة هجم العساكر يفتشون
المنزل بعشوائية بغضب صرخت بهم أخرجها صوت الضابط
الأجش من غفوتها الصباحية كلماته أفاقته في لحظات كانت تأثيرها
يضاهي عشرة فناجين من القهوة دفعة واحدة هرب كريم

أعدت مائدة الإفطار كعادتها ونادت عليه تطالبه بالإسراع قبل أن يبرد الشاي جاءها
صوته ناعساً بدوره حاضر ثواني

طرقات بارده على الباب شعرت بضيق غريب إجتاح قلبها زائرة تبدو
في أواسط عقدها الثالث على قدر لا بأس به من الجمال عيون غائرة
..... أنف حاد شفاة مكنتزة إبتسامة صفراء ورضيع
باكي على ذراعها تقدمت للداخل دون دعوة ثم إستدارت لها بثقة : حسن موجود

ظلت رقية تنظر نحوها في قلق بل كانت تستمع لصوت أنفاسها السريعة وكأن الهواء
يعبر أذناها محدثاً ضجيجاً لا يُحتمل خرجت الكلمات بصعوبة من حلقها الجاف :
إنتي مين

إبتسمت بانتصار وهي تتابع بنبرة قاتلة : قوليله سهام مراته .

الفصل التاسع والعشرون

المرأة هذا الكائن الرقيق المندفع الصارخ المتغير
.....

نعم فالمرأة بطبيعتها الفسيولوجية كائن متغير يمر ج
سدها بمراحل عديدة فتتبدل طبيعتها دون أن تشعر بدايتها طفلة بريئة تتأمل العالم
من خلال قطعة حلوى يتبدل جسدها دون أن تعي فتصبح خجولة متمردة ثم تعشق
جسدها وعندها تتحول لأنثى واثقة سعيدة عاشقة تتبدل مرة أخرى ينتفخ بطنها تتغير كل
لحظة مئة مرة تتلاعب الهرمونات بها تتطور عواطفها بمجون تتأرجح دون روية
..... ثم تصبح أم تتبدل لكائن آخر جديد ولكنها تتأقلم سريعاً فالأمومة إحساس
فطري لن يتبدل بتغير جسدها على عكس عواطفها التي تعود للتأرجح مرة أخرى مع كل تغيير
.....

هي ليست كائن فوضوي متقلب إقترب من الجنون هي مجرد أنثى حالة
متكاملة من الحيوية من التغيير .

التغيير الذي مر أمام رقية كقطار بطئ تجاهلته لأشهر ولكن توقف القطار ونزلت
بطلته في محطاتها لتلقي في وجهها بالقنبلة علها تعي تتأقلم أو ترفض
..... الزوجة الثانية

كانت كلمات سهام تتكرر ببطء داخل عقلها ماذا يحدث لقد سمعتها زوجته
ما داعي التكرار إستوعبت أخيراً أن سهام صامته لم تكرر جملتها إذن ماذا
هناك هل هي هرمونات الحمل تلك الحالة العاطفية الشديدة التي تسيطر عليها بجنون
ترغب في البكاء الصراخ ولكن لا تستطيع وكأنه كابوس كتم أنفاسها فلم
تعد قادرة على الحراك أو الصياح
بل تباطئت أنفاسها ماذا هناك أين إختفى العالم لم تشعر سوى بصورة
حسن التي تكبر أمام عيناها سريعاً وذراعه يلتقطها قبل أن تسقط أرضاً

بدأت تعود للواقع ببطء كانت إيناس أمامها ماذا حدث هل عادت للمشفى
مرة أخرى ربما لا فلامح السعادة غائبة عن وجه إيناس والقلق هو سيد الموقف
الآن كانت تستمع لهمهمات غاضبة حسن والمدعوة سهام
..... ماذا يحدث بدأت تفيق نظرت نحو إيناس متسائلة ثم عاد حسن
إقترب منها وبعيون ممتلئة بالهفة سألها : إنتي كويسة

بدأت تستوعب الموقف مرة أخرى المرأة القابعة بالخارج هي زوجته
أخذت نفساً عميقاً غاضباً فجر ينابيع المياة داخل عيناها حالة هستيرية من البكاء
..... لم تكن تنوي البكاء ولكن ماذا تفعل هل هي عاطفتها المشحونة أم ربما جسدها المتغير
..... قطبت جبينها كفاها تفكيراً برد الفعل ولتنتبه قليلاً للفعل المتواجد بغرفة
معيشتها الآن سهام .

بعد مدة ليست بقصيرة من الصمت القاتل على الجميع تحدثت نظرت نحوه بعين
لائمة : ليه

حسن : حبيبتي أنا حاتصرف دي واحدة متسرعة وإتصرفت من دماغها
رقية : ليه

حسن : غيرة ستات يا رقية مخها تعبان سامحيني بجد
أصبحت العبرات أكثر قوة تشوهت صورته داخل عيناها وظلت تردد : ليه
نظر لها حسن حائراً ماذا تقصد ؟؟

تابعت بنبرة متحشجة : ليه عملت فيا كده أنا عملت فيك إيه وحش حرام
عليك حرام عليك

كان حسن ينظر نحوها في ذهول بدأ يدافع عن نفسه دون إدراك : رقية مش ذنبي هي فاجئتني
أنا مكنتش أعرف إنها جاية الموقف صعب أنا عارف بس حصل غصب عني
إعتدلت في جلستها صمتت لو هلة جففت عبراتها قالت بشجن :
الموقف ده إنت اللي حطتني فيه إنت مش حد تاني

صمت لو هلة ثم قال بصوت حاد : عندك حق وأنا حاصله حالاً
إبتسمت بسخرية وتابعت : متسرع طول عمرك بس على فكرة معدتش فارقة أنا
إتكسرت خلاص يا حسن وإنت اللي كسرتني
حسن : رقية إنتي بتقولي إيه

تابعت بنبرة باكية : أنا تعبت خلاص مش قادرة بجد أنا زعلانة منك يا
حسن زعلانة منك قوي بس كنت بقاوح

كانت ملامحه غاضبة حائرة تابع بصوت أجش : رقية ممكن أعصابك
علشان البيبي مش إحنا إتفقنا نأجل الكلام في أي حاجة لبعد الولادة
رقية : ومش أنا اللي نقضت الإتفاق يا حسن
تابع بملامح غاضبة عندما تذكر فعلة سهام : صح
خرج مسرعاً قبل أن ينتهي الحديث كانت إيناس تمسك بيد رقية الباكية
..... تشعر بالنار التي تلتهم قلبها ببطء نظرت غاضبة نحو النافذة
تراقب العراك الصامت بين حسن وسهام

خرج حسن من الغرفة تحيطه هالة من الغيظ أمسك ذراعها بعنف وأخرجها
خارج المنزل عنوة نظرت له بصدمة وتابعت : هي وصلت لكده يا حسن
..... بتطردي علشان الهانم
حسن : وعلشان ده مش بيتك يا سهام
سهام : بيت جوزي يبقى بيتي
حسن : ده بيت رقية ومتفكر إيش إنك ممكن تعيشي هنا ده مكان رقية وطول عمره
حيفضل مكانها ده ماكنش إتفاقنا يا سهام متلويش دراعي لإنك إنتي اللي حتخسري
في الآخر
سهام : مش حاخسر لوحدي يا حسن
حسن : يعني إيه مش فاهم
سهام : يعني يإما تعدل زي ربنا ما قال ويبقى زي زيها في كل حاجة وتجيبي أعيش هنا وفي
فيلا زي دي يا تنسى إنك ليك ابن مني
نظر نحوها والشرار يتطاير من عينيه : بتهديني بإبني يا سهام وصلت لكده
سهام : وأبو كده
حسن : يااااااااااه ده رقية رغم كل اللي عملته معاها وجرحي ليها معملتهاش
سهام : و أنا مش رقية يا حسن أنا سهام وسهام مش حتسيب حقها تاني
..... أنا صبرت كثير على إهمالك وغيابك عني بس خلاص صبري نفذ أنا
حديك فرصة ترتب أمورك يا تبعتلي أجيلك يا تبعتلي ورقتي عندنك
تركته غاضبه دون أن تسمح له حتى بتقبيل الطفل كانت رسالتها واضحة
..... بينة كضوء الشمس .

كانت إيناس ما زالت تراقبهم من النافذة بإهتمام كلماتهم غير مسموعة ولكن ملامحهم الغاضبة

واضحة رؤي العين جاءها صوت رقية المرتعش : لسه بيتكلموا
إنتبهت لها إيناس وقالت : بيتخافوا تركت النافذة وإقتربت من رقية في محاولة
يأسه منها لتلطيف الأجواء : المهم إنتي عاملة إيه دلوقتي
رقية بأسى : المشكلة إنني مابعملش حاجة دايماً مفعول بيا مش فاعل
حاولت أكون فاعل بس ماقدرتش
إيناس : مين قالك بقره إنك مش فاعل إنتي أهم شخص في الحكاية دي
إنتي مش شايفاه كان حيتجنن عليكي إزاي ده أنا إترعبت من صوته في التليفون لما
كلمني أجيالك ده وشه كان زي ما يكون أزرق من قلقه عليكي
رقية : جميل تجميلك للموقف يا إيناس
إيناس : أنا بقول الحقيقة
رقية : وبرده الحقيقة كانت قاعدة في الليفنج بره
إيناس : وهو طردها
رقية : وهل ده معناه إنها محصلتش لأ حصلت وجرحت قوي بس أنا اللي بقاوح
إيناس : طيب إنتي حتعملي إيه
رقية بصوت متحشرج : مش عارفة أنا مخنوقة قوي ومش قادرة أتعامل معاه
..... مشاعري ناحيته متلخبطة خايفة أكرهه
إيناس : أكيد ده صعب قوي صعب الحب الشديد ده يتبدل لكره
رقية : لما شفتها كل الثوابت في كياني إتهزت حتى حبي لحسن أنا
مش فاهمة إيه اللي بيحصلي ده
إنفجرت رقية في بكاء جارف من جديد إحتضنتها إيناس في محاولة لتهدئتها وتابعت : طيب إيه
رأيك تغيري جو تعالي أقعدني عندي شوية بلاش مواجهات بينكم
دلوقتي
رقية : أنا بصراحة فكرت أروح مصر
إيناس : لأ متبعديش قوي كده خليكي عندي علشان تبصيلي كتير والبنبت تطلع شبهي
مش حتنازل
رقية : إيناس إنتي أختي اللي أمي ما خلفتهاش
إيناس : خلاص أنا حابغ بشمهندس حسن بلاش إنتي تدخلني في مناقشات العصبية
والتوتر ده مش كويس لا عليكي ولا على البيبي
رقية : مش بإيدي يا إيناس
إيناس : دلوقتي حاليه بإيدك حازلك عنهم ومحدش حيصايقك ثاني يا جميل

تركت إيناس رقية وخرجت وتوجهت نحو حسن الذي كان ما زال واقفاً بمكانه خارج المنزل بعد
رحيل سهام كانت إيناس تشعر بالغضب من أجل رقية فما تمر به فوق

الإحتمال الرجل الذي أحبته بكل كيائها هو سبب حزنها المستمر

نظر حسن لإيناس بدهشة غاضبة وتابع : يعني إيه تسبب البيت
إيناس : بشمهندس حسن هي محتاجة تغير جو ووجودها مع حضرتك كيفتح نقاشات غصب
عنكم وهي بجد تعبت ونفسيته مدمرة
حسن وقد بدا غضبه وعلت نبرة صوته : يعني إيه ده رقية مش حتسبب بيتها
والموضوع مر خلاص ومش حاوقف حياتي علشانه عقليها يا دكتورة مش تشجعيها

-
في إيه يا حسن صوتك عالي كده ليه

كانت نبرة خالد غاضبة قالها وهو يتجه نحوهم عندما سمع صوت حسن الغاضب مع إيناس
أمسك حسن برأسه وتابع : دلوقتي رقية عايزة تسبب البيت أنا بجد تعبت وزهقت
خالد : عايزة تسبب البيت ليه ؟

تابعت إيناس وهي توجه حديثها لحسن في إصرار : هي أعصابها تعبانه يا بشمهندس والغرض
سلامتها وراحتها مش أكثر ده غير إنها حتقعد عندي مش حتسافر مصر هي فعلا
أعصابها تعبانة والضغط النفسي بجد المرة دي كان عليها غير طبيعي

إستشعر خالد غضب إيناس الشديد بدورها من جملتها الأخيرة التي خرجت بطيئة حزينة لائمة
لحسن الذي كان غاضباً بدورهصمت الجميع لوهلة ثم تابع حسن بضيق : خلاص
تعمل اللي هي عايزاه بيتها موجود ومش حاسم لحد يدخله تاني ياريت تفهميها
النقطة دي عننذنكم

تركهم حسن غاضبا ونظر خالد لإيناس بعدها وتابع : ممكن أفهم إيه اللي حصل وكمان واضح
إنك عصبية قوي

صمنت إيناس لوهلة ثم تابعت : مدام رقية إتعرضت لضغط نفسي شديد جداً بجد من
أول ما إتجوز عليها وهي بتقاوم وكاتمة في نفسها علشان المركب تمشي لكن بجد اللي حصل
النهاردة كان فوق طاقتها

خالد : إيه اللي حصل

إيناس : مدام الأستاذ حسن الثانية شرفتها بزيارة

خالد بدهشة : إيه !!!! واللي جابها هنا

إيناس : معرفش بس واضح إن كان الغرض الأساسي غضب رقية ونجحت نجحت
بجدارة كمان

صمت خالد قليلاً ثم تابع : حسن لازم يرتب أموره بذكاء ويبطل عشوائيته دي

إيناس : مش فاهمة يعني يعمل إيه

أجاب بثقة : يعني يبقى راجل

إيناس : برده مش فاهمة

تابع بنفس نبرته الواثقة : هو دلوقتي متجاوز الإيتين وده واقع يا يتعامل معاه وهما يتقبلوا ده

بوضوح يا يسيب واحدة منهم وساعتها أكيد حتكون مش رقية

إيناس : ما هو أكيد مش عايز يطلقها علشان إبنه

خالد : عموماً لما يهدى أنا حاتكلم معاه وأشوفه بيفكر إزاي وإنتي كويس إنك حتاخدي بالك من

رقيةمش قلتك إنتين حوامل ربنا يعينك

قال جملته بإبتسامة في محاولة لتخفيف حدة الأجواء

تابعت بإبتسامة بدورها : انا النهاردة كنت خايفة على رقية قوي

خالد ضاحكاً : لا ما هو واضح

إيناس : مش فاهمة

خالد : أنا إنتبهت وأنا معدي لصوت حسن العالي بصراحه كنت فاكره بيزعقلك وكنت جاي

أشوطه علشانك

إرتبكت من جملته ونظرته الماكرة نحوها وتابعت : لا يا بشمهندس الموضوع ميستهلش

خالد : برده إنت إتعبتي عليه واضح إنك بتحبي رقية قوي أنا حسيت

كده من يوم ما بلغتيني خبر حملها

إيناس : هي شخصية جميلة صعب حد يعرفها وميحبهاش

نظر نحوها بعمق وتابع : عندك حق في شخصيات بتجذبك ليها من غير ما تحسي وكل ما تقربي

منها أكثر تنبهي أكثر وتحبها أكثر

كالعادة إرتبكت من عبارته عندما أدركت مغزاها هربت مسرعة متحججة بمساعدة

رقية وظل هو يراقب خطواتها المسرعة للإبتعاد عنه

المرأة هذا الكائن الرقيق المندفع الصارخ المتغير

.....

عندما تحب فإن تلك العاطفة المتأججة تجتاحها دون حساب تتوغل داخلها بخبث
فتتبدل لشخص آخر يخفق قلبها سريعاً رغباً عنها عند رؤية معشوقها بل قد
تتصاعد الدماء لوجهها فترسل برقيات معبقة برائحة عشقها نحوه دون إرادة

.....

يرى نيتشه أن المرأة تحب دون شروط تمنح نفسها جسداً وروحاً من أجله
..... تعشق إمتلاكه له أما هو فعشقه لها هو هذا الإمتلاك فالرجل بطبعه يعشق
إمتلاك المرأة ويرفض أن يكون ملكاً لها

إذن

هي المملوكة لمعشوقها إذا فقدته تغدو حائرة من دونه تغوص دون وعي
داخل ذكراه وليس من السهل عليها أن تسلم نفسها لمالك آخر بعكس الرجل الذي
يعلن إمتلاكه بفخر لأكثر من امرأة !!!!
بل يتسع قلبه لأربع حجرات .

نظرت إيناس لها بحنان بعد أن إستغرقت في النوم أخيراً ليلة طويلة من الأرق
مرت بها كلتاها وفي النهاية إرتاحت رقية وكفيها يرتبان بحنان على بطنها الصغير
وإستغرقت في النوم

لم تنل إيناس سوى قسطاً بسيطاً من الراحة كانت تراقب قرص الشمس القادم من
الشرق يعلن عن الصباح بقوة وتستمتع بقهوتها المحلاة طعم السكر طغا على نكهتها
المرّة إبتسمت بشفاة مرتجفة فهي تتبع خلطة رقية السحرية عادات
الحبيب التي تعيده ولو بصورة مؤقتة لعالمها فتُحلي مذاقه المر ولكن ليس هذا
السبب الوحيد فهي تسعى لإستدعاء ذكرى شريف التي غدت تهرب منها في الآونة الأخيرة
..... رغباً عنها تهرب منها وتنشغل بالحياة أم ربما بالأحياء .

لا يعلم ماذا أصابه فهو يراقبها ربما منذ أكثر من عشر دقائق ترتشف قهوتها بتلذذ
..... تبتسم مغمضة العينين بل تهمس شفتاها تتحرك تقذف أسرارها
في الهواء الذي إخرق خصلاتها الهادئة ربما ليستمتع بدوره بعبق البندق خاصتها .
كيف تغيب هكذا عن العالم في لحظات تغوص داخل عزلتها بهدوء
تستدعي ذكراها فتقبض وتنسبط ملامحها وكأن أحلام يقظتها عالم حقيقي يضاهي عالمها الحالي

..... ود لو إستمر حلمها للأبد فمراقبتها تكاد تكون هواية لا يمل منها ولا يكل
بل لا أليس من الأفضل أن تخرج من أحلامها الواهية وتكون بجانبه الآن
..... أليست الحياة أفضل من تلك الذكرى الأبدية التي تصر على إستدعاءها كلما إقترب
منها

خرجت من غفوتها وتهدت بعمق ثم نظرت بإبتسامة لقهوتها إستدارت
..... رأته كان يقف بموازاتها بحديقته لم يتحدث بل لم
تتبدل ملامحه ولا نظرتة التي كانت تخترقها بإصرار لا تدري ماذا أصابها
لم تهرب ظلت تقرأ عيناه هو مختلف يبدو كمجروح
ضائع خائف يتخفى بمهارة خلف دثار القوة إستدركت نفسها
بعد وهلة وإنقطع لقاء البصر بهروبها السريع هروب عشوائي ترك خلفه
قهوتها المسكوبة خطواته الواثقة إمتدت لحديقته نظر لشرفتها بإبتسامة
..... وعاد لمنزله مرة أخرى ولكن ليس خالي الوفاض بل بيده كوب القهوة خاصتها
الذي رغب بشدة في الإحتفاظ به .

المرأة هذا الكائن الرقيق المندفع الصارخ المتغير
..... الغاضب

غضب المرأة قد يكون بركان ثائر وقد يكون ثعبان قاتل دهائها أسقط سلاطين وغير
ممالك واه من الدهاء إذا إمتزج بالغضب عندها ستواجه أخطر أنواع
السموم .

يطلقون عليها الأرملة السوداء يقال أنها تتخلص من الذكر مباشرة بعد التزاوج وقد
تتركه بعد فقص البيض ليتغذى عليه الصغار هذا العنكبوت هو أكثر الأنواع سمية
على وجه الأرض وهو أنثى !!!!!!

منذ هرب كريم وعقلها دائم التفكير تتوقع زيارته بين ليلة وضحاها ثم أصبحت
تنتظرها وتأخر كريم ولكن كان هناك حمزة عادة علاقة المُلهم والفنان
من جديد لم يكن حمزة يعلم أن إلهامه من نوع آخر إلهام يصب في نهر

الغضب ولا شئ غير ذلك

نظر حمزة بإعجاب للوحات أمامه وقال بمرح : بجد أنا طلعت مفيد إنتي رسمتي حاجات كثير حلوة قوي

إبتسمت كارمن وإقتربت منه بمكر متعمدة إظهار عطرها النفاذ وتابعت : بجد كلهم عجبوك حمزة : بصي لوحة زهور التيوليب مالهاش حل وكمان المجموعة دي حلوة مع ألوان وأنواع متناسقة مش بس في الشكل في المعنى كمان كارمن : أشكر أستاذي العزيز إبتسم وتابع : اللوحة دي بقه مالهاش حل تابع بخبث دي أكيد إسمها كارمن

كانت اللوحة لإمرأة صهباء خصلاتها الحمراء منسدلة على ظهرها اللوحة هي ظهر المرأة وليس وجهها كلتا ذراعيه مرفوعين وقد تناثرت من خلال ثنايا أناملها أوراق ورود حمراء تابع حمزة : بس أنا مش واصلني معناها بالضبط كارمن : طيب قولي فهمت إيه حمزة : الورد الأحمر رمز الحب هل معنى ده إنك إتخلصتي من الحب إبتسمت بمكر : حب قديم حمزة : هو صح (يقصد خالد) كارمن : أيوة حمزة : متأكد

كارمن : جداً مش حضحك عليك كان عندي أمل لغاية فترة قريبة بس خلاص أنا يا حمزة تعبت أصعب شئ إنك تفكر في حد مش حاسس بيك ولا حتى حاسس إنه ظلمك بس على فكرة أنا خلاص مش زعلانة منه حمزة : معقول؟؟ كارمن : تعال حوريك لوحة بس لسه مخلصتهاش

كانت لوحة غريبة قبضة قاسية غاضية لرجل وأزهار مفتته داخلها بفعلها تناثرت بقاياها الحمراء والبيضاء والأرجوانية بعشوائية في أركان اللوحة نظر حمزة نحوها متسائلاً تابعت بثقة : ده خالد حمزة : قصدك إيه باللوحة دي كارمن : خالد ما أذانيش لوحدي يا حمزة خالد بيأذي كل ست بيقابلها في سكتة أذى مراته اللي قبلي وأذاني وأذى غيري إحنا مجرد ورود كان ليها لون وشكل حلو قبل ما يدمرها بعقده

صمت حمزة قليلاً وشعر بالشفقة من أجلها كانت عبراتها حقيقية نبرتها
بأنسة

تابعت دون تردد : خالد على فكرة مايقدرش يعيش من غير ست في حياته يأذيها ويدمرها
..... هو مش بيفكر فيا ولا حاسس باللي عمله معايا وعاش تجربة جديدة ضحية
جديدة

حمزة مندهشاً : بس على فكرة بشمهندس خالد معتقدش في حياته حد دلوقتي
كارمن : حمزة أنا أعرف خالد كويس وأعرف القيود والحواجز اللي بيحطها بينه وبين الموظفين
عنده طبيعي عمرك ما حتعرف حاجة عن حياته الشخصية عنده حدود
عمرك ما حتعديها معلى أصل دي عقده قديمة شوية

حمزة : طيب وإنتي عرفتي منين إن في حياته حد
كارمن : جايز لإنني أكثر واحدة فاهماه وكرمان لإنني شفتهم مع بعض وهو أكد ده بكل برود
حمزة متسائلاً بفضول : شوفتيهم مع بعض
كارمن : اه وفي المزرعة كمان
حمزة بتردد : في المزرعة ؟ مين دي !!!
أجابت بثقة وبالزرقة الثائرة بعيناها وبنبرة هادئة قاتلة : الدكتورة الجديدة إيناس .

نعم هي المرأة هذا الكائن الرقيق المندفع الصارخ
المتغير العاشق الغاضب الحائر
المرأة

الفصل الثلاثون

إيناس الكلمة إخرقت أذناه كشهاب صارخ إيناس
الرقيقة التي خطفت قلبه دون روية هي هي تبدو كوردة ندية تحتفظ
بإبتسامتها من أجل حبيبها الراحل إيناس وخالد كيف ومتى !!!!

نظر نحوها وقد إتسعت حدقة عيناه وتمكن منها بريق غاضب : إنتي بتقولي إيه
كارمن بخبت : يا خبر أنا آسفه يا حمزة سامحني كنت وعدتك مش حنتكلم عن خالد
تاني والطاقة السلبية بسبب سيرته خلاص إعتبرني ما قولتش حاجة

إستدارت وتوجهت ببصرها عنه ثم إبتسمت بمكر

ظلت ملامحه غاضبة كما هيتابع وكأنها لم تقل شيئاً : بتقولي شوفتيهم
شوفتيهم فين يعني

تابعت دون أن تنظر نحوه : بليز يا حمزة أنا مش عايزة أتكلم في الموضوع ثاني
إقترب منها ووقف في مواجهتها وتابع : ردي عليا يا كارمن ووضحي كلامك
كارمن : كلام إيه

حمزة : كلامك عن إيناس وخالد

تصنعت البلاهة وتابعت : وإنت ليه مهتم كده

حمزة : كلامك خطر يا كارمن يعني إيه شفتيهم مع بعض

كارمن : هو أنا قلتلك مثلا إني شفتهم في وضع كده ولا كده أنا قصدي شفتهم في
العربية وكان في بينهم نظرات وكده يعني

حمزة وقد بدأ يفقد أعصابه : يعني إيه كده يعني

كارمن : بص يا حمزة أنا اللي فاكراه إنه قالي إنها عاجباه وخالد لما بتعجبه واحدة مش حيبقي
حب تلامذة

حمزة : يعني إيه يعني عايز يتجوزها ؟

كارمن : والله يتجوزها أو لأ ده شئ يخصهم بقه

شد قبضته بغضب حتى بدت بيضاء ثم تابع : خدي بالك من كلامك يا كارمن حتى

لو بتكرهي خالد متدخلش إيناس في الموضوع لأنها إنسانة محترمة وميصحش كده

كارمن : حمزة أنا معرفهاش ومعنديش مشكلة معاها ممكن تكون فعلا محترمة لكن
خالد برده خبيث مش سهل خليك واثق من ده

نظر نحوها بضيق وظل صامتاًماذا هناك يا كارمن مجرد كيدٌ بخالد من جديد ولكن
لماذا إيناس !!! لماذا ???

جلس حسن أمام رقية وظل ينظر نحوها بعين ثاقبة تفحص المكان من حوله دون

مبالاة ثم تابع بصوت أجش : هي إيناس سافرت

رقية : اه مشيت الصبح

حسن : طيب مش نرجع بيتنا إحنا كمان بقه أظن يا رقية كفاية قوي كده فات حوالي
شهرين

تتهدت رقية بضيق ولم تجبه كانت تمسك بإبرة التريكو تحيك قميصاً لصغيرها

..... كان إنتبهها مرتكزاً فقط مع كرة الصوف الصغيرة التي تبدلت بفعل عزف أناملها
المنتظم لهذا الشئ الرائع

نظرت نحو حسن وقالت في سعادة : قربت أخلصه إنا صحيح في الصيف دلوقتي
لكن ده حينفعه في برد الشتا
إبتسم حسن : حينفعه !! هي مش الدكتوراة لما كنت معاكي آخر مرة قالتك الباشا إنه
بظهره ومش عارفة تشوف
رقية : عرفت تشوف آخر مرة لما كانت إيناس معايا
تابع حسن بفرحة : خالد ؟
رقية : أيوه
حسن : طيب يا أم خالد مش تروحي مع أبو خالد علشان خالد ينام في وسط أمه وأبوه
إبتسمت بسخرية وتابعت : طيب ومحمود

تغيرت ملامح حسن في لحظة قطب جبينه وتابع : قصدك إيه
تابعت بهدوء غريب : محمود وأم محمود حيكون وضعهم إيه
نظر لها بدهشة وتابع : وضعهم ده مش بتاعك مالكيش علاقة بيه يا رقية وبالنسبة
لسهام قاتلك خلاص مش حتشوفيه تاني عايزاني أعمل إيه أكثر من كده
حرام بقه الضغط ده أعمل إيه بجد علشان أرضيكي
إبتسمت بأسى وتابعت : فعلا إنت جيت على نفسك كتير قوي يا بشمهندس
حسن : دي سخرية
رقية : لأ دي حقيقة يا حسن هو ده حسن إبن المدلل أنا علشان مخلفتش
خليتك إبنني وكنت إبنني الوحيد فدلعتك قوي طلبك بيتنفذ قبل ما تفكر فيه
راحتك طول عمرها قبل راحتني عارف يا حسن إنت ليه مش مرتاح مع سهام
..... علشان هي بتفكر في سهام مش في حسن
حسن : لا يا رقية عارفة ليه علشان هي مش الأساس ولا عمري حبيبتها
ولا عمرها حتوازي مكانتك عندي
رقية : بس هي مراتك زيها زيي يا حسن دي الحقيقة اللي بكذبها من ساعة
ماتجوزتها ولما إتجسدت قدامي لقيتني مش قادرة مش قادرة أستحمل بجد
حسن : رقية إنتي عايزاني أطلقها
نظرت له ساخرة وتابعت : لا يا حسن إنت اللي عايز تطلقها وتريح دماغك من
الوش بس عايزني أنا اللي آخذ القرار
حسن : بس هي فعلا طلبت الطلاق خيرتني بين إنها تعيش معايا زيها زيك أو تطلق
رقية : وإنت قتلها خليها بعد ولادة رقية
حسن ساخراً : إنتي كنتي معانا بقه
رقية : لا هو مش حينفع إنا الثلاثة نكون مع بعض خالص يا حسن
حسن : يعني إيه
رقية : مش قادرة أكون زوجة أولى يا حسن الدور ده مش بتاعي مش عارفة أمثله

كويس لكن هي معندهاش مشكلة فيه وموافقة
حسن : يعني ايه

حاولت بقدر الإمكان أن تبدو قوية أن تمنع العبرات ولكن دون جدوى
تابعت بصوت يجاهد ليصطنع الثبات : يعني طلقني
صمت لوهلة بادت ملامحه باردة ساخرة تابع : رقية أنا طلقت سهام
إمبارح .

كانت ثريا تتابع إيناس بسعادة وهي تجلس بجانب أخيها الأصغر في محاولة لمواكبة العصر
الإلكتروني من خلال لعبة البلاي ستيشن خاصته ويبدو أنها فشلت بشكل ذريع
تعالت ضحكاتهم في المكان إبتسمت ثريا وعندها أيقنت كم إقتقدت ضحكة وردتها
الصغيرة نبهت عبد الرحمن الذي كان منشغلاً بجريدته وقالت : شايف إيناس رجعت
نورت تاني إزاي يا عبده
عبد الرحمن : الحمد لله يا ثريا مرحلة وعدت
ثرى : نفسي بقه تكمل على خير
عبد الرحمن : قصدك ايه
ثرى : ترجع هنا في وسطينا وتسبب شغلها البعيد ده
عبد الرحمن : بس برده شغلها ده هو سبب تحسنها المكان هناك فرق والشغل والبعد عن الروتين
..... دكتور علي كان كلامه صح
ثرى : بس مش حتفضل هناك طول العمر دي شابة صغيرة وأرملة يا عبد الرحمن
كده كفاية قوي وكم ان في سبب تاني
نظر لها عبد الرحمن بتفحص : سبب ايه
ثرى : فاكر دكتور سامح
عبد الرحمن : مين ده ؟
ثرى : ابن رجاء صاحبتي كان شافها زمان وعجبته بس وقتها كانت مخطوبة لشريف الله يرحمه
عبد الرحمن : وبعدين
ثرى : جدد طلبه دلوقتي وأنا شايفه إنه مناسب جدا بصراحه
عبد الرحمن : برده مستعجلة يا ثريا
ثرى : أنا مستخسراه ده شاب كويس
صمت عبد الرحمن قليلاً ثم تابع : أنا نفسي أطمئن عليها زيك بس مش وقته يا رقية
..... مش معنى إنها بتضحك وبتمارس حياتها بشكل طبيعي إنها حتتجوز تاني وبسرعة
كده شريف جوا إيناس يا رقية مانسيتهاوش

رقية : ومش حتنساه طول ماهي وحيدة كده يا عبد الرحمن لكن جوزها هو اللي حيقدر ينسيها
عبد الرحمن : المهم إنها تقبل أصلاً بلفظ زوج على حد غير شريف ثريا أنا بحذرك
إذا فتحتي معاها الموضوع حتعاندا أكثر أنا عارف بنتي
رقية : طيب وبعدين حتفضل كده لغاية إمتي
عبد الرحمن : مش عارف بس الراجل اللي ممكن يحل مكان شريف عند إيناس
مستحيل حيجي بالطريقة دي صعب
رقية : إنت بتعقدها ليه مش جايز إذا شافته تتراحله والله الولد كويس جدا ومحترم قوي
عبد الرحمن : أيوه يا ثريا بس
ثريا : من غير بس أنا حاجس نبضها بس من بعيد لبعيد متخافش
عبد الرحمن : طيب أجلي شهر ولا اتنين مش دلوقتي
ثريا عن غير إقتناع : حاضر يا أخويا
عبد الرحمن : انا حاقوم اريح شوية صحيني كمان ساعة
إبتسمت ثريا لزوجها ثم قالت محدثة نفسها بعد رحيله : شهرين إيه يا عبد الرحمن وهو العريس
حيستنانا شهرين خير البر عاجله ربنا يهديكي يا إيناس .

نظر مصطفى لإيناس بيأس وتابع : أنا خلاص حاتشل
إيناس وهي مازالت تحرك المقبض بيدها بتركيز : ليه بس
مصطفى : يا أمي إنتي بتلعبي بميسي عارفة ميسي
إيناس : مين ميسي
مصطفى : ده واحد لو شاف اللي إنتي عاملاه فيه ده ممكن يجيله كساح بعيد عنك
ده إنتي خلتيه جاب جون في نفسه
إيناس : خد يا مصطفى البتاع الهايف بتاعك ده تضيع غير طبيعي للوقت
مصطفى : ده علشان غلبتك 15
- صفر
إيناس : قوم يا مصطفى
مصطفى : لا إنتي قومي وإعمليلي نسكافيه
إيناس : تصدق أنا كمان عايزة أشرب نسكافيه
مصطفى : يبقى إثنين نسكافيه وهاتي أي حاجة حلوة من المطبخ

إبتسمت إيناس لأخيها الصغير ودخلت إلى المطبخ لإعداد النسكافيه عندها لحقت
بها أمها فقالت لها إيناس على الفور : ماما أعملك نسكافيه
ثريا : لا يا حبيبتي صمتت ثريا قليلاً ثم تابعت بعد أن وانتهت فكرة : إيناس بلاش

قهوة كثير غلط يا حبيبتي
إيناس : دي ممكن مرة بس أو إثنين في اليوم
ثرىا : برده كثير إنتي عارفة طنط رجاء صاحبتى الدكتور قالها غلط قوي
وبتعلّي الضغط

إيناس : مش فاكراها بس تلاقيها هي عندها الضغط
ثرىا : اه من حوالي سنتين جالها إبنها بقه دكتور ومتابعها علطول فاكراه
إيناس : ماما أنا مش فاكراها أكيد مش حافتكر إبنها
ثرىا : من سنتين يا إيناس كنا حضرنا فرح بنتها وهو جه سلم علينا مش فاكراه يا
إيناس ده كان عايز يخطبك بس وقتها كنتي مخطوبة لشريف
بدا عليها الضيق وتابعت وهي تعد قهوتها : اااه إفتكرت
قالت ثرىا بعدها بتردد : هو بيجدد طلبه على فكرة

إيناس : يعني إيه
ثرىا : هو عايز يتقدملك
تركت إيناس ما بيدها وظلت قاطبة جبينها لوهلة ثم تابعت : وإيه اللي جد مش إتقدم قبل كده
وقلته مخطوبة وإتجوزت على فكرة
ثرىا بدهشة : أيوة يا إيناس بس
إيناس : بس شريف مات صح كملي
ثرىا : وهي مش دي الحقيقة يا إيناس
أمسكت قهوة النسكافية بيد مرتعشة وناولتها لأمها ثم تابعت : إدي شريف النسكافية ده
..... قصدي مصطفى أنا مش حاشرب أنا عايزة أنام
تركت إيناس أمها وتوجهت لغرفتها ولم تخرج منها حتى حان موعد نومهم

عندما نخلد للنوم يتجسد خيالانا كصور مرئية تمر أمام أعيننا نتأرجح بين الأمنيات
والأوهام يُقال أنها الأحلام في لحظتها تبدو حقيقية رغبات لا
شعورية تتجسد كالواقع أمامنا نبئسم ونضحك ونصرخ ونخاف قد ننسى
وقد نتذكر ولكن من المؤكد أننا سنظل نحلم
حتى ولو رغماً عنا .

لا تدري متى خلدت للنوم بل ربما متى إنتقلت من أحلام يقظتها لأحلام نومها
شريف حلم يقظتها الدائم كانت تضحك كلما تذكرت بسمته وتبكي كلما
أيقنت فقدانه نامت وهي لا توقن أباكية أم باسمه كان المكان مظلماً

ولكن شعرت به لم تصدق أنه بجانبها إبتسم لها لأنما تعلمين
أني أفضل الجانب الآخر من الفراش كانت تنظر نحوه بذهول بسعادة
..... شريف هل حقاً عدت من أجلي لا تصدق وكيف تصدق
..... يدها المترجفة تحركت بإتجاهه لم تصدق نفسها عندما أمسك بيدها وقبل باطن كفها
كما إعتاد !!!!

شريف قالتها بصوت مبوح إنت رجعت شريف
إبتسم لها لم يتحدث ولكنه ملس على خصلاتها بحنان
تابعت وهي تجاهد لإخراج صوتها : وحشتني قوي أنا أسفة أسفة

ظل ينظر نحوها بحنان ولكنه نهض وترك الفراش نهضت بدورها تحركت خلفه : رايح
فين متسيبينيش شريف
إختفى فجأة كما ظهر فجأة كانت وحيدة بظلام حالك : شريف شريف

كانت تشعر بالخوف دقات قلبها تتقاذف بجنون فجأة شعرت بقبضته على أحد
كتفها تنهدت براحة وإستدارت له : شريف

ولكن فجأة توقف كل شئ وكأن قلبها توقف بدوره لم يكن شريف كان خالد .

شهقت بفرع نظرت حولها فوجدت الغرفة مظلمة نور خافت من النافذة
كسر حدة الظلام نظرت للساعة كانت الثالثة صباحاً وضعت يدها على
صدرها في محاولة لتنظيم أنفاسها المضطربة ولكن دون جدوى فقد تذكرت حلمها
بوضوح

كان خالد يقف مع بعض الساسة عندما لمح دخولها السريع للإسطبل كانت ترتدي
نظارة سوداء على غير العادة وشعرها معقوص إلى الوراء ماذا بها تبدو
حزينة أين أختفى شعاع العسل تابع عمله بنصف عقل ثم دخل يبحث عنها
..... كانت بجانب سهيله إقترب منها وقال لها بصوت هادئ :

صباح الخير

إيناس : صباح النور

كانت إجابتها مقتضبة لم تنظر نحوه تابع بإصرار : إزيك عاملة إيه

إيناس : الحمد لله

خالد : شكلك متضايق في حاجة

إيناس : لا

خالد : لأ فيشكلك مش تمام إيه اللي حصل
إيناس بجدية : سيكون إيه اللي حصل يا بشمهندس مفيش حاجة
إقترب منها أكثر وهو يتابع : إنتي متأكده

تراجعت للوراء بغضبرمقته بنظرة نارية وكأن لهيب من النار قد نشب داخل عيناها
.....تابعت بنبرة حادة : حضرتك ليك إن الشغل تمام لا أكثر ولا أقل
عنئذناك

تركته مسرعة وظل هو بمكانه غاضباًحائراً
أم ربما راضياً

عندما عادت للعيادة شعرت أن الصداع قد تمكن منها حتى النخاع أخذت بعض
المسكنات دون جدوىكانت ليئتها السابقة سيئة بمعنى الكلمة خاصة فيما يختص
بالأحلامإقتحامه لعقلها الباطن أربكها شتتها وما أغضبها أكثر قلبها
الأحمق الذي تقافزت دقائقه لمجرد إقترابه منها هذا الصباحأتلوم أمها لأنها جاءت
برجل تود إدخاله لعالمها من جديدأم تلوم نفسها لأنها فعلت ذلك بالفعل ودون وعي
..... زفرت بغضب كان نظرها مشوشاً لمحت خيال أحدهم بجانب
الباب دقائق قلبها عادت للقفز شعرت بالغضب ثورة جامحة من
الضيق إنتابتها ثورة لم تهدأ على الرغم من أن القادم كان آخرإستقبلته
بإقتضاب : أهلاً يا بشمهندس حمزة .

على غير عادته بدا واجماً ولكنها لم تلاحظ كما لم تلاحظ أيضاً بسمته الغائبة ولا نبرته
القلقة كانت بعالم آخر وكأن بقايا حلم الأمس تتجسد في واقعها لتمقت نفسها وتمقت
أي رجل يحاول الإقتراب منها كان صوته جاداً على غير العادة : إزيك يا دكتورة
إيناس : تمام الحمد لله
حمزة : وأخبار الشغل إيه مبسوطه
ردت بضيق : أيوه
صمت قليلاً ثم تابع : على فكرة دكتور إبراهيم حسيب الشغل وقلت أقولك لو حابة تروحي مكانه
يعني

ردت بدهشة : دكتور إبراهيم مين ؟

حمزة : الطبيب البيطري اللي مسؤول عن مزرعة المواشي

إيناس : اااااااااه بس هو التنقلات دي بمزاجي لوحدي يعني

تابع بتحفز : قصدك إن خالد ممكن يرفض
إيناس : معرفش أنا خبرتي هنا دلوقتي يعني التنقل ده ملوش معنى
إبتسم بإدعاء : صح عندك حق وبعدين حد يسيب الخيل ويشتغل مع المواشي مش منطقي
إيناس : عموماً متشكرة لإقتراحك
حمزة : أنا بس علشان عارف إن المكان هنا هادي بزيادة يعني هناك إحنا مجتمع أوسع
إيناس : اه خدت بالي بس أنا بحب الهدوء
حمزة : واضح طيب أستنذن أنا

شعرت أنه تتعامل معه بسخافة دون داعي إبتسمت بلطف وهي تودعه إبتسامة
شجعتة على العودة مرة أخرى بعد أن تخطى الباب نظرت له بدهشة : في حاجة يا
بشمهندس

نظر نحوها بتردد ثم تابع بجدية : إيناس أنا بحب أكون دوغري وواضح
..... ما بعرفش أخبي دي مشكلة عندي
تابعت بقلق : خير في إيه
حمزة : إيناس أنا معجب بيكي وعايز أتقدملك

ظلت جامدة في مكانها تحرق في الفراغ وجملته تخترق مسامعها تتجوزيني

الفصل الحادي والثلاثون

هل الرجل كائن أناني بطبعه يهتم فقط برغباته دون مراعاة لمشاعر الآخرين
خاصة الأنثى أما أن المرأة ذاتها مجرد رغبة للرجل قد تكون دائمة أوقد تكون
عابرة ولهذا قيل أن الحب هو تاريخ المرأة وليس إلا حادثاً عابراً في حياة الرجل
ربما ولكن من المؤكد أن عقل الرجل هو من يتحكم بقلبه بعكس المرأة التي يعتبر قلبها هو
محركها الأساسي

ولكن تبعاً للمقولة التي تقول أن التعميم النمطي حيلة يتبعها العقل البشري ليميز العالم من حوله
وأنه يتجاهل الفروق الفردية بين البشر فالرجال أنواع والنساء أيضاً

فروميو ليس كعطيل وهاملت ليس بأوديب ولن تُخضع كل دليلة شمشون

خالد ليس كحمزة وبالتأكيد حسن يختلف عن كلاهما ولكن مهلاً هم في النهاية رجال و من نفس الكوكب

و كل رجل يعلم أن مفتاح معشوقته هي كلمة واحدة الحب

ولهذا توجه إليها و عبارة نيتشه تتردد بعقله المرأة لغز مفتاحه كلمة واحدة وهي الحب نعم ربما يكون نيتشه على حق هكذا حدث نفسه ولكن الكلمة ستفقد بريقها وسيتحطم المفتاح وتتبعثر أجزاءه إذ لم يكن هو الشخص المطلوب بل ربما تصبح الكلمة سكين جارح وليس مجرد مفتاح إذا كان هناك آخر

ظلت صامته لدقائق بدت له ساعات

بعيناها عبرات مكتومة وبوجهها غضب صامت قرر أن يقطع الصمت قال

دون روية : إيناس أنا حاسبيك تفكري براحتك

إنتبهت له أخيراً فجأة بدأت في لملمة أشياءها وجمع بعض الأوراق الغير ذات أهمية ثم

قالت بصوت مرتجف : أنا لازم أمشي ورايا شغل عنئذناك

إستوقفها وتابع : براحتك وأنا منتظر الرد

صمنت لوهلة ثم نظرت نحوه بثقة : مفيش داعي للإنتظار يا بشمهندس

حمزة : بمعنى ؟

إيناس : أنا أسفة أنا مش بفكر في الموضوع ده

بدا عليه الضيق لوهلة وتابع : ده رفض لشخصي ؟

نظرت نحوه بضيق ثم تابعت : عايز تعرف سبب الرفض

حمزة بتحدي : يا ريت

إيناس : علشان أنا مرتبطة يا بشمهندس

بدت صدمة قوية على ملامحه حتى أنه شعر أنه يستطيع تحسس إحمرار وجهه تابع

بدهشة ممزوجة بالغضب : مرتبطة !!!!

هي بإصرار : أيوة مرتبطة هو حضرتك مش واخذ بالك ولا إيه

قالتها وهي ترفع يدها اليسرى في الهواء مشيرة للحلقة الذهبية بإصبعها

نظر نحوها بصدمة ثم تابع : أيوة بس

قاطعته بحده : بس شريف مات صح والله أنا عارفة إنه مات مش محتاجة حضرتك

تفكرني ولا ماما تفكرني لأنني بفكر نفسي بده بفكر نفسي كويس قوي على فكرة

كانت جملتها الأخيرة حزينة باكية شعر بالشفقة نحوها وشعر بالغضب
من كارمن وإفترائها التي كانت السبب فيما يحدث الآن إيناس مجرد زهرة بيضاء
نقية بل لا إيناس هي فيوليت برقتها وخجلها عيناها الحزينة
..... نبرتها المرتجة طلعتها الهادئة نعم كانت إيناس هي فيوليت
ولكن لم يكن هو ملك الثلج .

قبل أن يتابع وجدها تتحرك مسرعة إتجاه الباب قالت دون أن تنظر نحوه : عندئذ
ورايا شغل

وهكذا رحلت مسرعة وتركته وحيداً إبتسم بسخرية على الرغم من
رفضها الجارح ما زالت بقلبه بل ربما تمكنت منه أكثر .

خرج حمزة من العيادة بعدها بدقائق ليجد خالد في مواجهته كان خالد قد ترجل لتوه
من سيارته عندما لاحظ خروج حمزة من العيادة إقترب منه بدهشة وهو ينظر نحوه بإرتياب
قائلاً : بشمهندس حمزة كنت عايز حاجة ؟

ظل حمزة ينظر نحوه لوهلة كان يبدو عليه الغضب الغيظ يبدو
أن كارمن لم تخطئ في الجزء الخاص بخالد بدت ملامح الضيق على حمزة بدوره ثم
تابع بإبتسامة صفراء : لا أبدأ يا بشمهندس
تابع خالد بنبرة تهكمية : يعني بتدخل المكاتب والعيادات كده تسلية ولا إيه
أجابه حمزة بنبرة حاده : أنا كنت جاي أسأل الدكتورة إيناس على حاجة
خالد : على إيه

حمزة : إستشارة طبية لصديق

خالد : وهي فين الدكتورة جوه

حمزة : لأ عندئذ

تخطاه حمزة ولكن خالد قال بنبرة جادة : إستنى

إستدار حمزة كان كلاهما يقف بمواجهة الآخر بتحدي لاحظ خالد ان
نظرات الغضب مشتتة بعيني حمزة الذي لم يحادثه بتلك الطريقة قبل ذلك تابع

نظرت نحوه بضيق وظلت صامته تابع بنفس النبرة الغاضبة : عندك حاجة شغلاكي يا دكتورة
مخلياكي مش مركزة في الشغل
همت لتجيب ولكنه قاطعها متابعاً : حتقوليلي ده شئ يخصك لوحداك أقولك جميل أنا
مش عايز أعرف بس المهم عندي إن ده مياثرش على شغلي وكلامي ده مش حكره تاني
..... إتفضلي

تركته غاضبة ساخرةوها قد عاد خالد بغضبه وزمجرته ثورته
..... بأسه هو رعد آخر ولكنها ليست على إستعداد لترويضه .

كائن أحادي التفكير دوماً يكون الرجل هو المقصود بتلك العبارة وأحادي التفكير
تعني أنه يستخدم شق المخ الأيسر في التفكير وهذا الشق هو المنطق العقل ولا
ينتقل الرجل بسهولة للشق الأيمن حيث تركز العواطف ويتمحور الخيال بعكس المرأة التي
تستخدم كلا الشقين الأيمن والأيسر وتنتقل بينهما بكل سهولة ويسر

ألقى بقنبلته في وجهها وخرج لم ينتظر رد فعلها لم ينتظر إجابة أم
ربما لم يريد زفر بغضب وتذكر مقابلته الفاتنة مع سهام التي إنتهت بيمين الطلاق
الغاضب الذي قذفه في وجهها أين الخطأ هل أخطأ عندما أخذ قرار زواجه
منفرداً دون علم رقية أم أنه أخطأ في الإختيار ولم تكن سهام هي الزوجة التي تصلح أن تكون
أماً لإبنه ااه ااه ااه محمود لقد فكر بالكل سواه مع أنه هو الرغبة الأساسية التي
حركته من البداية رغبة فترت ربما عندما جاءته من خلال رقية حبيبة عمره وبطلة
روايته منذ خمسة عشر عاماً أرادت رقية التضحية بنفسها لأنها هي من ترفض
الزيجة ولكن هو يعلم أنه لا يستطيع التضحية بها بل لا يتصور أن تكون رقية
ليست من حقه نعم كان يجب أن تكون سهام بعد أن أصبح الاحتفاظ بكلاهما أمراً
مستحيلاً خاصة مع إصرار سهام على المكوث بفيلا مثل رقية !!! بل أنها إستفسرت عن ممتلكاته
وبدأت تتحدث عن حق كلاهما الشرعي هي وولدها عندها أيقن أنها تكتب
دون وعي فصل النهاية لا يراها ضحية الضحية الوحيدة هنا هو محمود

.....
معركته الفاصلة هو محمود أم ربما معركته المستمرة .

نظرت رقية لإيناس بقلق وبادرتها بمجرد دخولها للمنزل : إيناس مالك شكلك مش
تمام ومن إمبراح على فكرة
إبتسمت لها إيناس بمكر وتابعت : إنتي كمان شكلك مش تمام ومن إمبراح برده
إبتسمت رقية ساخرة : بدأت أعود يلا قولي إيه اللي مضايقتك
إيناس : بجد مفيش حاجة مهمة
تابعت رقية وهي تنظر نحوها بتفحص : يعني حمزة ماضيقيش
نظرت إيناس نحوها بلوم : كنتي عارفة ؟
رقية : لا يا حبيبتني هو اللي لسه متصل وقالي بس انا إديتهومله يا خبر بيحبك
وكمان عايز يتجوزك إيه قلة الأدب دي
إيناس بدهشة : إنتي بتهظري يا رقية
رقية : لا أنا بترياً يا روعي وشوفي بقه أنا واحدة حامل وحتسمعي مني غصب عنك و حطع
الهرمونات عليكي
إبتسمت إيناس بأسى وتهاتوت على الأريكة وتابعت : حتقولي إيه بس
رقية : حقول إنه عادي إن حمزة يطلبك للجواز وإن غيره يطلبك للجواز لإنك ممكن
تتجوزي راجل غير شريف يا إيناس
نظرت نحوها إيناس بتأثر وترقرقت العبرات بعيناها ولكن رقية تابعت بإصرار : فوقي بقه
..... حتفضلي عايشة لوحديك طيب دلوقتي إنتي صغيرة والدنيا فاتحالك دراعتها لكن كمان
عشر سنين حتعملي إيه مامتك وباباكي مسيرهم حيخرجوا من حياتك ومن الدنيا كلها
..... إخوانك حتشوفهم في المناسبات ساعتها حتعملي إيه حتفضلي عايشة
مع شبح شريف الوحدة صعبة يا إيناس أنا حاولت أعملها وفشلت مقدرتش
إيناس : رقية أنا مش قادرة أتصور إن واحد ممكن ياخذ مكان شريف مش قادرة
أتخيل
رقية : إيناس إنتي مش قادرة تتخيلي إن حمزة ممكن ياخذ مكان شريف لكن في واحد تاني

.....
أرتبكت إيناس وكادت أن تنطق سريعاً بالنفي ولكن رقية تابعت على الفور : جايز لسه
متعرفيهوش لكن وقت ما تعرفيه إوعي تسببيه في واحد قدرك إنك تعجزي معاه
ويشوف شعرك البنديقي ده وهو بيبيض متخافيش يا إيناس لما مشاعرك تتحرك إوعي

يطاردها تارة بالرقعة وتارة بالحدة أوقاتاً بإختياره وأوقاتاً أخرى رغماً عنه
وهي بدورها للحظات تستجيب وللحظات أخرى تهرب نحو ذكراها أيهما يفضل
إستجابتها أم هروبها أم ربما كلاهما وماذا عن حمزة هل إستجابت له أيضاً!!!! ربما فهو لن
يبادرها بالزيارة دون ترحاب هل تاقت الأنثى بداخلها للرجل من جديد
جفائك نحوي يا إيناس هل بسبب ذكرى شريف أم بسبب رجل آخر حمزة .

نظرت إيناس نحو رقبة التي بدأ النوم يجافي عيونها وقالت : قومي نامي يا روكا وإرتاحي
رقبة : أديني سهرانه معاكي يا أنوس بنتسلى سوا
إيناس : أوقات بحس إنك زهفتي مني
رقبة : بقه كده
تابعت إيناس بمكر : أخبار بشمهندس حسن إيه
رقبة : كويس هو متفهم وقالي خلاص بعد ما تولدي بالسلامة أنا واثق إنك حترجي بيتك
..... تعرفي يا إيناس أوقات بحس إنه صابر عليا ومقدر مشاعري وأوقات بحس إنه من
جواه عايز يقولي كفاية قوي كده أنا عملت اللي عليا بزيادة

إبتسمت لها إيناس قطع حديثهما جرس الهاتف كانت نيرمين ردت
إيناس بدهشة : ألو إزيك يا نيرمين
نيرمين : معلش يا إيناس بكلمك في وقت متأخر بس غصب عني
إيناس : ولا متأخر ولا حاجة الساعة لسه 11 مالك بس يا حبيبتي صوتك ماله
نيرمين بتوتر : أصل عمر تعبان شوية والدكتور كان كتبله حقن ورجع التعب زاد عليه تاني وأنا
أسفة أنا بس عرفت من حمزة إنك بتعرفي تدي حقن وكننت بستئذذك أجيبه تديله الحقنه علشان هو
رجع بقه سخن قوي ومش عايزة أخرج بيه بره المزرعة

كانت نيرمين قلقة على صغيرها نبرتها مرتجفة عباراتها غير منتظمة
..... تابعت إيناس بنبرة حانية في محاولة لتهدئتها : نيرمين حبيبتي إهدي حبيقي كويس إن
شاء الله ماتنزليش بيه من البيت أنا حاجيلك
نيرمين : لا يا حبيبتي يا خبر أبيض الوقت متأخر
إيناس : ومتأخر برده على عمر مينفعش تنزليه تعبان كده خلاص أنا حاجي حالا
نيرمين : خلاص حابعتك يوسف بالعربية
إيناس : مفيش داعي أنا حاتصرف

نيرمين : يا خبر ده كفاية نزولك مخصوص حالا يوسف حيكون عندك
أغلقت إيناس الهاتف ورقية بملامح قلقة : في إيه
إيناس : مفيش واضح إن عمر تعبان وسخن قوي ومحتاج حقنة وأنا حاروح أديها له
رقية : يا خبر يا حبيبي يا عمر إستني حاجي معاكي
إيناس : تيجي فين أبوس إيدك الدكتور منبهه على الحركة إنتي في الثامن دلوقتي وواحدة مثبت
إنتي ناسية ولا إيه
صمنت رقية وتذكرت بالفعل تحذير الطبيبة لها وخوفها من أن تفاجئها ولادة مبكرة تابعت إيناس
: مضطرة أروح لوحدي بس ده واجب ويوسف جوزها حيوصلني
رقية : خلاص يا حبيبي وطمني
إيناس : متقلقيش يا روكا بس إنتي أدخلي ريحي على السرير وأنا لما ارجع حطمنك
أذعنت رقية لرغبة إيناس وتمددت على الفراش في إنتظارها ودون أن تشعر غلبها النوم .

نظرت إيناس لعمر بتذمر كالأطفال وتابعت بإبتسامة : إوعى تكرهني وأبقى أنا الدكتور الوحش
اللي بيخوفوك بيه علشان الحقنه
لم يبكي عمر وحملته نيرمين على الفور وهي تقول : متشكرة قوي يا إيناس
إيناس : على إيه بس المهم عمر يبقى كويس وأي حاجة أنا تحت أمركم أستئذن أنا
بقه
نيرمين : يا خبر تروحي فين معملناش واجب الضيافة ولا أقولك باتي معايا ويوسف يروح يبات
مع حمزة
إيناس : يا خبر إنتي بتقولي إيه بس واجب إيه إحنا إخوات معلى لازم امشي علشان
ورايا شغل الصبح بدري
نيرمين : مع السلامة يا حبيبي اه نسيت بصي ده دواء حموضة كويس قوي
كنت قلت لرقية عليه أنا إشتريته من يومين معلى بعد إذلك تديه ليها
إيناس : طبعا
تتحنح يوسف وقال : إتفضلي يا دكتورة علشان أوصل حضرتك
إيناس : انا أسفة تعبتك يا بشمهندس
نيرمين : تعبتيه إيه بس إحنا اللي تعبناكي
إيناس : لا خالص أهم حاجة صحة عمر

خرجت إيناس ويوسف وقبل أن تتوجه للسيارة لمح يوسف حمزة الذي تقدم نحوهم على الفور :
ها عمر أخذ الحقنة

يوسف : الحمد لله الفضل للدكتورة

حمزة : الحمد لله

نظر حمزة نحوها بإبتسامة : إزيك يا دكتورة إيناس

ردت بإبتسامة متحفظة : الحمد لله إزيك إنت يا بشمهندس

نظر حمزة ليوسف ثم تابع : طيب خليك إنت جنب مراتك وإبنك وأنا حاوصل دكتورة إيناس

يوسف : يا خبر لا أنا حاوصل الدكتورة ده كفاية نزولها مخصوص

حمزة بإصرار : منا وإنت واحد يا حبيبي خليك مع نيرمين إنت عارف هي بتتلخم من أقل حاجة

نظر يوسف نحو إيناس وتابع : حضرتك عندك مانع

إرتبكت إيناس للحظة ثم تابعت : لا عادي مفيش

قاطعها حمزة موجهاً حديثه ليوسف : شفت عادي اهو إتفضلي يا دكتور

توجهت إيناس نحو السيارة بتردد حتى أنها فكرت أن تستخدم المقعد الخلفي ولكن حمزة كان

الأسرع ففتح لها الباب الأمامي بإبتسامة بريئة فجلست ولم ترد إحراجه

ظلت صامته طوال الطريق نظر حمزة لزجاجة الدواء الصغيرة بيدها وقال : ده دوا

؟؟

إيناس : اه بتاع رقية علشان الحموضة

حمزة بإبتسامة ساخرة : اااااااااااااا دي بقت زمل يعني

إيناس : إنت بتجيلك حموضه

حمزة : تقدري تقولي بقيت أنا اللي أجيلها

إبتسمت وتابعت : إنت بس خد بالك من أكلك وكل زبادي وكده

حمزة : عادي إتعودت طيب بصي حطيه في التابلوه

إيناس : معلش لحسن انساه

حمزة : لأ متقلقيش أنا حافرك

وضعت إيناس الدواء وظلت تراقب الطريق بصمت قطعه حمزة مرة أخرى : أرجو إنك لسه

متكونيش زعلانه مني

إيناس : لا أبدا أنا

حمزة : أنا اللي بوعدك إني مش حافتك معاكي أي مواضيع تضايقتك تاني

إيناس : متشكرة يا بشمهندس

حمزة : وأي حاجة حقولها حتكون شئ يبسطك ويضحكك كمان

إبتسمت بيأس تابع بمرح : مش مصدقاني طيب خدي عندك
مرة مهندس زراعي ودكتورة جميلة كده راكبين زوبة وبطيئة جداً فالمهندس قالها إيه تيجي نلعب
لعبة ذكاء تسلي الوقتالدكتورة بقه كانت مخنوقه من صاحبك فضلت تراقب الطريق
و عملت نفسها نايمة بس مين هو كان لوح شوية

إبتسمت إيناس رغماً عنها فتابع حمزة بإبتسامه : يعني لوح قوي المهم قالها اللعبة كل واحد
حيسأل الثاني سؤال واللي ميعرفش يدفع 10 جنيهه هي موافقتش صاحبك قعد يفكر وقالها خلاص
لو إنتي معرفتيش الإجابة تدفعي عشرة جنيهه ولو أنا معرفتش أدفع 100 جنيههساعتها
هي وافقت بدعوا اللعبة سألها هو إيه المسافة بين الشمس والقمر ضحكت وإديته 10
جنيهه وبعدين جه دورها قالت له إيه هو الشئ اللي بيطلع الجبل على ثلاثة وينزل على أربعة
..... صاحبك اللوح ده بقه قعد يفكر يفكر وعصر دماغه معرفش الإجابة راح مطلع 100
جنيهه ومديها ليها المهم هي بكل بساطة حطت الفلوس في شنطتها ورجعت تراقب الطريق
وتجاهلته من تاني صاحبك إتغاض وقالها بتحدي طيب قولي إنتي إجابة السؤال
كانت إيناس منتبهة لأحدثه سألته عندها : وبعدين قالت له إيه

حمزة : مفيش إديته 10 جنيهه

ضحكت إيناس بشدة على فكاهته وضحك هو بدوره وعندها كانا قد وصلا للمنزل

قال حمزة : شوقتي مش قلتك مش حقولك حاجة تضايقك تاني

إيناس : هي نكتة ظريفة قوي وكمان فيها ذكاء

حمزة : تفكرتي إيه العبرة منها

إيناس : ممكن إن الواحد ماييقاش مندفع يفكر كويس قبل تصرفه

حمزة : صح ومييقاش لوح كمان

إيناس : ميرسي على التوصيلة

حمزة : أنا اللي بشكرك على ذوقك بجد ومش معايا بس مع نيرمين ويوسف كلنا

إيناس : لا شكر على واجب عندنك

خرجت من السيارة وتوجهت للمنزل وإستدار هو لطريق العودة ولم يلمح خالد الذي كان يقف
بأحد الأركان يراقبهم بغضب .

كان خالد قد انهى لتوه بعض الأعمال بمكتبه عندما نظر للساعة فوجدها قد قاربت على الثانية
عشر مساءً أغلق المكتب وخرج متوجهاً لمنزله في الظلام ولكن قبل أن يصل لمح

صوت سيارة قادمة وعندها رآها معه كانت تضحك وتحدث وتبتسم وهو ينظر نحوها
بشغف ظل يراقبهم من بعيد فيبدو أنها لحظة رومانسية خاصة جداً

ترجلت إيناس من السيارة وتوجهت للفيلا قبل أن تقترب من الباب شعرت بخطوات
مسرعة ورائها إستدارت بفرع ولكن زفرت بإرتياح عندما وجدت أنه خالد
عندها قالت : خضتني يا بشمهندس
خالد : حمد الله على السلامة
نظرت نحوه بدهشة وتابعت : الله يسلمك عندئذك
خالد : إستني عايزين نتكلم شوية
إيناس : دلوقتي !!!!

لاحظت إقترابه منها بمكر فتراجعت بخوف حتى إصطدمت بالسور ثم قالت بصوت مرتبك : في
إيه ؟ حضرتك عايز حاجة
كان ينظر نحوها بطريقة غريبة لم تعادها منه قبل ذلك تابع بإبتسامة ساخرة وبنبرة بطيئة للغاية
: عايز اتكلم معاكي
نظرت نحوه بغضب ثم تابعت : الوقت متأخر حضرتك تتكلم معايا في العيادة بكرة
عندئذك

همت للمغادرة ولكنه إستوقفها وجذبها بقوة من ذراعها فأعادها لمكانها مرة أخرى
نظرت نحوه بصدمة وتابعت بصوت زاعق : إنت إتجننت إنتي إزاي تمسك دراعي
كده

تابع بدوره وهو ما زال يرمقها بنفس النظرة : إيه يا دكتورة مانتي راجعة متأخر ومبسوطة
وضحكك واصله لآخر الدنيا العصبية والشخط من نصيبي أنا
كانت كلماته قاسية مخيفة تابعت بقلق : إنت بتقول إيه عديني لوسمحت
خالد : أنا بقول نتكلم بصراحة أحسن وأفضل لينا كلنا
إيناس بحيرة : صراحة إيه !!!!

إبتسم بمكر وتابع : يعني لو إنت إشتقتي لوجود راجل في حياتك أنا بقول تختاري راجل بجد

شعرت أن دلواً من الماء البارد قد سقط على رأسها ورغم ذلك فالحمرة تمكنت من وجهها معبرة
عن غضبها الجامح شعرت بالغضب والفرع من ملامحه من نظرتة
..... كانت تحمل معاني مختلطة من الغضب الغيظ البأس

الرغبة بعد ذلك تصلب جسدها من المفاجئة قبضته التي جذبت خصرها بقوة
..... قُبَلتْه التي منعت عنها الهواء للحظات إستدركت أخيراً ما يحدث
دفعته بعيداً عنها كانت تنظر نحوه بألم والعبرات المتحجرة تالأأت بعيناها
فبدت كنهر من العسل الحزين

هربت هربت قبل أن تنفجر في البكاء حتى قبل أن تحقق رغبتها في صفعه
..... أما هو فظل جامداً مكانه فبداخلة الآن بركان نائر من المشاعر المتخبطة
..... ولم تساعد تلك القبلة على إخماده بل زادت من ثورته.....

وفي الظلام كان هناك آخر شاء القدر أن يعود من أجل أن يعطيها زجاجة الدواء
..... لم يثنيه الوقت المتأخر عن العودة هو يود رؤيتها مرة أخرى ولو للحظات
ولكن لم يكن يتوقع أن يراها بين ذراعي خالد مستسلمة لقلبه ترك المكان ناقماً
..... ساخطاً قبل نهاية مشهد العشق الجامح بينهما فكفاه ما رآه حتى
الآن.....كفاه .

الفصل الثاني والثلاثون

كيف يراها الرجل
كيف يريد لها هل يتمناها أفروديت رمز الأنوثة أم يقدرها كإيزيس رمز الأمومة
..... أم ربما هو عاشق لشهرزاد رمز الدهاء لا بل كوني جوليت رمز الحب أم
يفتخر بها كمریم رمز الطهارة
عفواً أريدهن جميعاً فأنا رجل

الرجل بطبيعته عاشق للتملك يود أن تكون الأنثى ملكه بماضيها وحاضرها ومستقبلها أيضاً حتى
وإن تركها !!!!!!!

وترك شريف ايناس رغباً عنه لأوقات ود لو أن يتبخر شريف من الماضي فيمتلك
هو بدوره الماضي والحاضر والمستقبل ولكن هل يضمن المستقبل !!!!

فها هي تتحرك كالعمياء خلف رغبته من قبل أن يمر الحاضر فماذا عن المستقبل
..... نعم إستجابتي لك رغباً عنها في النهاية بل ربما إستجابتي له أيضاً
.....سعدت بإهتمامك وبادلتك مشاعر الصمتضحكت لمزاحه وربما كان
هناك ما هو أكثر بين كلاهما و لا تعلمه أنت إستحقت ما نالت بالتأكيد
.....القبلة كانت عقابها ولذته نعم هي نالت ما أرادتولكن هل
حقاً أرادت القبلة ولكنها لم تستجب لها بل رفضتها بكل ما أوتيت من قوةنعم فالقبلة لم
تكن هي إستجابتها لا بل كانت ناقوس الخطر الذي نبهها لما هي مقدمه عليه ماذا
تراها فاعلة؟؟؟

هل ستعود لما كانت عليه كما عشقها وفاء إيزيس وطهارة مريم وتضحية جوليت
التي لم تكن من أجله ليتها كانت من أجله من أجله هو فقط نعم فالرجل
بطبيعته عاشق للتملك وخاصةً هو .

زفر بغضب ثم جلس على الأرض بيأس و تخللت أنامله القوية خصلات شعره الداكن ثم
إعتصرت جمجمته بقسوة نظر خلفه ليراقب نافذتها المظلمة ماذا به
يراقب النافذة كالأحمق كمراهق ساذج ينتظر طلة معشوقته عن
قصد منه أراد عقابها إمتلاكها وعن غير قصد منها تملكته بلحظات
مميزة من الكمال فمعها ودون أن يعي شعوره لحظتها شعر بالكمال السعاده وكأن
العالم كان يجب أن يتوقف عند تلك اللحظة إعتصر رأسه مرة أخرى بقوة وكأنه
يود التخلص من أفكاره وتوجه لمنزله أملاً في إراحة عقله بالنوم ولكن دون جدوى

خطواتها مرتجفة الصورة في عيناها مشوشة لا بل مشوهة ربما بسبب
نهر العبرات الذي إجتاح عيناها دون هوادة أم ربما هو نعم هو من
إجتاح عالمها دون رحمة لا بل دون دعوة نعم دون دعوة
..... إرتسمت على شفتها إبتسامة بائسة ألم تكن نظرتها دعوة
..... إبتسامتها دعوة من تخدع !!!! هو أم هي أم شريف

شريف !!!!

أمسكت ذكراه بقبضتها المرتعشة جففت دموعها بقميصه ثم دفنت وجهها بين
ثناياه وكأنها تسعى للإختباء داخله أو ربما اللجوء إليه نظرت
بأهداب مرتجفة للنافذة وهربت عبرة أخرى سريعة قاتلة كقبلته التي قتلت وفائها
..... إخلاصها وشوهدت ملامح ذكراها

لم تكن تلك القبلة مجرد شهوة عابرة منه نعم لم تكن رغبة عابثة لا
تلك القبلة هي صك الملكية الذي إستقبلته شفاتها دون هوادة أخبرها بقسوة قبل
ذلك أنها ستكون لرجل آخر غير شريف والليلة أعلمها أنه سيكون هذا الرجل بكل غرور بكل
قسوة بكل تجبر كان هو هذا الرجل وكانت هي الطائعة المُسيِّرة خلف خطيئتها
..... لينتهي بها الأمر بين ذراعيه ربما لتصحو من أحلامها المتخبطة وتعي
جيداً معنى مرور رجل بعالمها من جديد أم ربما معنى وجود خالد بعالمها
وماذا يريد

مسحت دموعها بظهر كفيها بغضب وبنظرة من التحدي بدأت في تجهيز حقيبتها
..... لا يوجد الآن لديها خيار سوى الهروب .

وتهاوت أسوار العالم من حولي
إرتجف لساني وتجمد قلبي
ورأيت نجوم تسبح
وسمعت طيور تصدح
وكلاب تنبح
وتراءت في أفقي أفكار سوداء
وهواجس حمقاء
وتلمست بيدي عبث الأهواء
أشياء تمحو أشياء
ومشاعر تبدو كالداء
والغضب الجارف في عقلي
يصرخ أحرق
أنت مجرد عاشق دون رجاء

إنطلق مغمض العينين لا بل بعيون مفتوحة ملئ البصر في محاولة يائسة للبحث عن صورة جديدة لتمحو أثر تلك الصورة القابعة في خياله مازالت صورتها معه وهي مستلثة لقبلته الدافئة ثابتة في عقله متمكنة منه حتى النخاع ضرب يده بغيظ على المقود وإنطلق بالسيارة مبتعداً عن المزرعة عن خالد عنها ظهرت صورة كارمن بإبتسمتها الماكرة أمام عينيه صورة أخرى جديدة ربما أكثر صدقاً أقرب إلى الحقيقة نعم كارمن هي من تعلم الحقيقة بل ربما هي من تفهم نعم تفهم كل شئ وهو مجرد أحقق
!!!*****نظرت بضيق لساعاتها فوجدتها الثامنة صباحاً
..... كان جرس الباب يدق بإلحاح هل عاد البوليس مرة أخرى للبحث عن كريم كريم الذي إختفى وتركها حائرة حمزة أيضاً ذهب ولم يعد زمت شفيتها وقامت متكاسلة إبتسمت بدهشة عندما رأته كان مظهره رثاً عيونه مجهدة زائغة إبتسم لها بأسى ثم قال :
عندك وافل ؟

عادت بعد أن بدلت ملابسها ثم نظرت للطعام أمامه وتابعت : إنت طلبت الوافل علشان تتفرج عليه ؟

لم يجيبها ظل يراقب طعامه بشرود جلست بجانبه وتابعت وهي تنظر نحوه بتمعن : مالك يا حمزة أجابها بعد وهلة : إنتي صح نظرت نحوه بدهشة : إيه ؟ حمزة : إنتي اللي فاهمة يا كارمن ومحتاج أفهم منك كارمن : تفهم إيه ؟

بدت عيناه لامعه جاحظة ثم تابع بنبرة بائسة : العلاقة بين خالد و إيناس حدودها إيه كارمن : في إيه شكلك مش طبيعي حصل إيه ؟ حمزة : أنا جاي أسمع مش أتكلم إبتسمت بمكر وصممت لوهلة حتى تنظم أفكارها ثم تابعت : أنا معرفش حدودها إيه بس اللي أعرفه إن خالد يقدر كويس يخلي اللي قدامه ينفذله كل اللي هو عايزه سواء كان صح أو غلط

شد على قبضته بغيظ ثم تابع : للدرجة دي ولا إنتم ما بتحوش غير القسوة كارمن : إحنا مين ؟

قال ساخراً : الستات

ضحكت بدهاء وتابعت : حمزة إنت محتاج تخرج من المود وبعدين نتكلم حمزة : كارمن أنا شكلي حعيش في المود

وضعت إصبعها على فمه ليصمت ثم تابعت : مش مع كارمن جذبته من ذراعه
ليتبعها وهي تقول : تعال
حمزة : اجي فين بس
كارمن : حنخبط
حمزة : نشخبط !!!

كارمن : اه بس شخبطة كبيرة شوية تعال مش حتتدم قالتها
وهي تضحك بصدق نعم في تلك اللحظة كانت تبتسم له بصدق لا تعلم ماذا
أصابها ولكنها شعرت بالحزن من أجله شعرت أنه هي منذ أعوام
عندما تذوقت جرح خالد بأسه هجره يال العبت أقت قبله
بوجهه منذ أيام وعاد إليها مع شظاياها المتجسدة صدق إدعائها هناك شيئاً
ما بين خالد و الطيبة الحمقاء عفواً حمزة حان وقت الثأر .

كان يراقبها بدهشة وهي تحضر الألوان والفرش
خاصتها بسطت لوح أبيض ضخم على الأرض وشغلت موسيقى
صاخبة تخلصت من حذائها ورفعت شعرها ثم ثبتته بأحد الأقلام دون إكتراث
وشرعت في نثر ألوانها بعشوائية على اللوح قال لها حائراً : بتعملي ايه
جذبته وأعطته فرشاه ثم خلعت قبعته ووضعته فوق رأسها وتابعت : بخرج من المود
بدأت ترقص بدلال على أنغام موسيقاها الصاخبة ثم تابعت : يلا يا حمزة
حمزة : يلا ايه بس
كارمن : طلع العفريت الهدوء والبساطة دي وراها عفريت مجنون وأنا اللي
حضره

لا يعلم كم مر من الوقت ولكنه رقص معها بجنون نثر ألوان غضبه على اللوح
الأبيض مثلها تماماً فكلاهما ملعون بغضب العاشق
أطال النظر نحوها هي حقاً جميلة ساحرة إبتسم بسخرية أليست أجمل من
إيناس أفضل أصدق نعم أصدق ليست مثلها تتخفى خلف دثار الوفاء تخدع
الجميع دون ندم ولكن تلك الكاذبة هي من ملكت قلبه وجرحته دون أن تدري
بسكين حاد .
إبتسمت له كارمن بدهاء بدورها عندما لاحظت مراقبته لها حمزة شاب وسيم ربما
يفوق خالد وسامة يصغرها بعدة أعوام ولكن حقاً هل تستطيع الغوص
معه نحو عالم جديد بعيداً عن بحر حقد الغاضب بأمواجه الثائرة هل يستطيع
إخراجها من بئر خالد الذي دُفنت به حية منذ سنوات لاحت على شفاتها إبتسامة
ساخرة بدورها بماذا تهذي سبب وجود حمزة معها بتلك اللحظة هو خالد .
قطع أفكارها صوت حمزة وهو ينظر للوحة أمامه ويتابع بنبرة ساخرة : ياااااه هو أنا اللي جوايا

غامق قوي كده

ضحكت كارمن بشدة وتابعت : مش لوحدك على فكرة كلنا هذا الرجل حمزة : ياه للدرجة دي

كارمن : لا يا حمزة اللوحة دي غضبك مش حقيقتك الفرق كبير تنهد بعمق ثم إستلقى على الأرض وتابع : أنا تعبان قوي لازم أمشي و إلا حنام مكاني كارمن : شكلك منمتش من إمبراح هو السبب صح ؟

إبتسم بأسى عندها تابعت بثقة : هي كمان السبب إنت بتحبها يا حمزة

حمزة : كارمن أنا مخنوق خلاص لا عايز أسمع ولا أتكلم عنهم

كارمن : براحتك بس أنا واثقة إنك حد شهم وهي حتى لو غلطانة تستاهل إنك تنتقذها

حمزة : أنقذها !!! محدش بيعمل حاجة غصب عنه يا كارمن

صمنت لوهلة ثم تابعت لغو عقلها بإصرار : حمزة إنت مش حتنقذها من خالد إنت

حتنقذها من السجن

نظر نحوها والصدمة بادية على وجهه وفي ملامحه ألف تساؤل تابعت بثقة :

أبوة يا حمزة علاقتها بخالد وبالمزرعة حتكون سبب سجنها وممكن ضياع مستقبلها والحل في

إيدك إنت وبس

حمزة : إنتي بتقولي إيهكارمن : حمزة خالد ده بيزنس مان روبات حياته حاجتين

متعة ومكسب وإيناس من غير ما تفهمه بتحقله كل ده خالد بيعمل حاجة غلط في

تهجين الخيل معنديث معلومة واضحة بس اللي أعرفه إنه بيعمل تلقيح صناعي بأجنة رخيصة

وبيبيع للهواة على إنه خيل عربي بيور وبيلاعب في شهادة النسب وبيعتمد على ببطينين صغيرين

من غير خبرة يمضوا إن كل حاجة تمام

حمزة : لا لا مستحيل الكلام ده مش منطقي

كارمن : علاقة إيناس و خالد كانت مش منطقية من أيام

حمزة : طيب أنا الحل في إيدي إزاي مش فاهم

كارمن : لازم أتأكد قبل ما أبلغ وعلشان أتأكد لازم أدخل المزرعة بالليل ومعايا دكتور ثقة تبني

..... كل اللي محتاجه منك تدخلنا المزرعة بالليل علشان نتأكد وبعدها

نشوف حنعمل ايه وإلا ممكن كل الناس هناك تتأخذ بذنبه

أطرق رأسه لوهلة ثم تابع : يااااااااااااه للدرجة دي الواحد مغيب معقول

إقتربت منه وتابعت : في إيدك تصلح كل حاجة و المخطئ يتعاقب هو ده الحق

نظر نحوها بتمعن ثم تابع : ماشي يا كارمن حددي الوقت اللي يناسبك وأنا أدخلك هناك إبتسمت

بدهاء وتابعت : خلاص بس الدكتور اللي اعرفه يرجع من السفر وساعتها حنروح

بس هو يرجع

أغمضت عينها وتمنت بشدة ظهور كريم سريعاً نعم فقد حان وقت السداد يا خالد

نظرت رقية حولها في حيرة عندما إكتشفت إختفاء إيناس غرقتها المفتوحة على
مصراعيها وخزانتها الفارغة تنبئ عن رحيلها المفاجئ أمسكت هاتفها بيد
مرتعشة محاولة الإتصال بها دون جدوى فرسالة الهاتف المغلق تتكرر بإصرار
كانت الساعة قد تعدت التاسعة صباحاً إرتدت ملابسها وخرجت مسرعة لتصطدم بخالد
الذي كان خرج لتوه من منزله وملامح الأرق بادية على وجهه نظر نحوها
بدهشة عندما لمس قلقها وتابع بصوت أجش : خير يا مدام رقية في ايه
ردت رقية بإرتباك : لا لا أبداً مفيش حاجة
خالد : لأ شكلك مخضوض في ايه
رقية : أصل

قاطعها صوت هاتفها ردت مسرعة : الو..... الو..... نيرمين كلمتك
مردتيش كنتي نايمة معلىش عمر كويس إيناس
خرجت متأخر من عندك حمزة اللي وصلها
لاحظ خالد أن رقية تتحدث بقلق وبطريقة مقتضبة
تابعت رقية على الهاتف : لا يا حبيبتي مفيش حاجة أنا بس بظمن على عمر منك وعليها روحت
إمتى علشان هي خرجت من بدري وشكل الموبايل فصل شحن

أغلقت رقية الهاتف وعندها قال لها خالد بنبرة أمرة : مدام رقية في ايه وإيناس فين
رقية وهي تحاول إخفاء قلقها : مفيش يا بشمهندس هو شكل إيناس إضطرت تنزل
مصر وأنا بحاول أكلها أظمن عليها بس شكل الموبايل فصل شحن
خالد : نزلت مصر

صمت لوهلة وبدت ملامحه في حالة صدمة ثم تابع : و إنتي كنتي بتسألني نيرمين عليها
رقية : ااااااه أصل إيناس إمبراح بالليل إضطرت تنزل تدي لعمر ابن نيرمين حقنه
علشان كان سخن قوي حتى يوسف مرضيش تركب مع سواق وجه اخدها بالعربية
وحمزة وصلها في الرجوع

كانت رقية تتحدث بتلقائية دون أن تلاحظ ملامح الدهول والغضب التي إجتاحتها في لحظات أما
هو لم يبالي برقية لم يبالي بشئ سوى غضبه الجامح وسوء ظنه وما حدث ليلة أمس
..... ضرب قبضته بغضب على الحائط ثم توجه راكضاً نحو سيارته وهو يمني نفسه
بلاحقها حتماً إستقلت الباص الخاص بالمزرعة لا يوجد لديها بديلاً
..... نظر لساعته ثم إنطلق مسرعاً بسيارته لا يفكر سوى بقطع طريق الباص وإعادتها
ولو بالقوة

إنزوت وحيدة بأحد مقاعد الحافلة ظلت تراقب الصحراء وعبرات عينيها ما
زالت سيدة الموقف كانت تحاول إخفاء ملامحها تارة بأناملها الرفيعة وتارة
بخصلات شعرها فأخر ما توده الآن هو تبادل الحديث مع أي شخص حتى أنها
رحلت مسرعة قبل إستيقاظ رقية رقية تركتها دون وداع دون

ذنب أطرقت رأسها على النافذة في محاولة يائسة لتنظيم أفكارها المبعثرة دون جدوى كلما حاولت تنظيم أفكارها يقفز حادث الليلة الفائتة ليحتل عقلها مسحت شفتاها بظهر يدها بغضب عندما تذكرت ما حدث وظلت تراقب الطريق باكية

الحافلة تلتهم الطريق بتكاسل على عكس سيارته التي كانت تلتهم الطريق بنهم بجنون يده ثابتة على المقود وعيناه مرتكزة بإصرار تترقب ظهور الحافلة أخيراً لمحها زاد من سرعته وإقترب منها يطلق زاموره بإصرار لينبه السائق دون جدوى فالسائق غارق مع نجاة الصغيرة يشدو معها بصوت غليظ لا يستسيغه سواه إنت تقول وتمشي و أنا أسهر مانمنش ياللي ما بتسهرش ليلة يا حبيبي سهرني حبيبي حبك يا حبيبي باكتب على الليالي إسمك يا حبيبي

ضرب خالد يده بغضب على المقود و لم يجد بدأ من إعتراض طريق الحافلة وبالفعل زاد من سرعته حتى تخطى الحافلة بأمطار ثم أوقف سيارته بشكل أفقي ليجبر السائق على الإنتباه والوقوف غير مبالياً بخطورة فعله فكل ما كان يفكر به هي فقط هي .

إنتبهت إيناس لتوقف السيارة المفاجئ وقبل أن تعي ما يحدث رآته يصعد على متن الحافلة كانت عيناه تتفحص الوجوه بإصرار بغضبٍ تلاشى على الفور عندما لمحها ظل ينظر نحوها بعمق إرتباك غضب مشاعر متخبطة إجتاحتها جاءها صوته الأجش وهو يقول بثقة : دكتورة

إيناس محتاجينك ضروري في مزرعة الخيل نظرت له بذهول وردت بنبرة خفيضة جاهدت لإخراجها : نعم تابع بإصرار : يلا يا دكتورة مفيش وقت الفرسة بتولد ودت أن تواجهه وتصفعه على وقاحته ليلة أمس والآن أيضاً ولكن نظرات كل من في الحافلة كانت موجهة نحوهما لم تجد سبيل سوى النزول من الحافلة ظلت تراقبه بغیظ وهو يخرج حقيبتها من الحافلة ويضعها بسيارته إنتظرت حتى رحلت الحافلة ثم نظرت له بغضب وقالت : ممكن أفهم إيه اللي حضرتك عملته ده ؟ خالد : دي كانت الطريقة الوحيدة قدامي علشان ترضي تنزلي معايا زفرت بضيق ثم مدت يدها لتسحب الحقيبة أمسك الحقيبة بدوره ثم قال لها : بتعملي إيه

إيناس : لو سمحت سيب الشنطة

خالد : طيب ممكن تسمعيني

إيناس : أنا سمعت خلاص وغصب عني مش بمزاجي

أطرق رأسه خجلاً ثم تابع بعد أن ترك لها الحقيبة : أنا بجد أسف

قالت ساخرة : إنت مش ملاحظ إن إعتذارك كثير بالنسبة لشخص ما بيحبش يعتذر
نظر نحوها بعمق و تابع : وإنتي مش ملاحظة إن الإعتذارات دي ليكي إنتي وبس
إستدارت حتى تتجنب النظر نحوه ثم تابعت : خلصت ممكن تسبيني أمشي بقه
تابع بنبرة حانية : ممكن ماتمشيش

رمفته بنظرة حادة ثم همت للمغادرة ولكنه إعترض طريقها بإصرار ثم تابع : إيناس متسيبش
المزرعة

كانت ترمقه بغیظ أخيراً إنطلق مارداً الغضب الثائر بوجهه لم
تشعر بنفسها إلا وهي تصرخ بصوت متحشرج : إنت فاكرك إنني ممكن أقعد في المكان ده دقيقة
واحدة بعد اللي عملته إنت فاكركني إيه إنت إنسان وقح فاهم وقح
كانت تبكي بحرقة شعرت أن قدماها لا تقوى على حملها جلست على
حقيبتها وعندها جثا على ركبتيه في مواجهتها ثم ناولها محرمة ورقية وتابع : أنا عندي كلام
كثير قوي بس عارف إنك مش حتقبلي مني أي كلام دلوقتي فبلاش تفكري فيا
فكري في رقية سهيلة طيب بس لغاية ما يولدوا وبعدها إعملي اللي إنتي
عايزاه وأوعدك مش حضايكك بأي شكل بس مش حينفع تمشي كده
وبالطريقة دي ظلت صامته تراقب الرمال بعبرات متحجرة وهو يراقبها بقلق لماذا
يرهب رحيلها هل عشقها لا لا هو فقط يشعر بالغضب مما حدث
لا بل هو عاشق متغرس يأبى مواجهة نفسه عاشق حتى النخاع لم يطق
صبراً تابع : أخط الشنطة في العربية
كان ينتظر موافقتها بلهفة بل ربما ينتظر ما هو أكثر فقط تعود معه وبعدها سيخبرها
في اللحظة المناسبة أنه يريد لها زوجته نعم ستكون زوجته وسيعيش معها لحظات
دائمة من الكمال سيمتلك خصلات البندق بعطرها الآخاذ للأبد فمعها
هي فقط يشعر بالسعادة
أخيراً تحدثت بعد دقائق طويلة من الصمت كان صوتها هادئاً نبرتها
جادة بإئسة
إيناس : خارج معاك بس بشرط
زفر براحة ثم تابع : إيه
إيناس : مش حاتكلم معاك تاني أبداً فاهم حتى لو كلمتني مش حارد عليك
كان وقع كلماتها صادمًا صمت لوهلة ثم بدت على ثغره إبتسامة حزينة وهو يقول بدوره
بعد أن شعر بقلبه يهوى بين ضلوعه : موافق

الفصل الثالث و الثلاثون

إفهميني ..

أتمنى مخلصاً أن تفهمينير بما .. أخطأت في شرح ظنونير بما سرت إلى حبك معصوب العيونو
نسفت الجسر ما بين اتزاني و جنونيانا لا يمكن أن أعشق إلا بجنونيفاقبليني هكذا .. أو
فارفضيني ..“نزار قباني

الصمت هو سيد الموقف الآن ظلت تراقب الطريق دون أن تنبس بكلمة كما
إشترطت عليه وعلى نفسها هو أيضاً لم ينطق بحرف وبعد حوالي نصف
ساعة وصلوا إلى المزرعة نصف ساعة مرت كيوم كامل كانت تستمع
لدقات قلبها المرتجفة كلما شعرت بنظراته الموجهة نحوها تركت السيارة دون ان
تنظر نحوه وتوجهت مسرعة للفيلا أما هو فظل قابلاً مكانه يسترجع ذكرى ما حدث
.....

لم تصدق رقية نفسها عندما شاهدت إيناس تدخل من الباب إقتربت منها مسرعة وهي
تقول : إيناس إيه اللي حصل إنتي كنتي فين أنا كنت
حاتجنن من القلق

ظلت إيناس صامته لوهلة تتفحص المكان بلامح حزينة إقتربت رقية منها وربتت
على كتفها بحنان ثم تابعت : حبييتي مالك في إيه
رغم إدعائها الصمود انفجرت إيناس في البكاء على الفور كانت تبكي بحرقة لا
تعلم لها سبباً واضحاً هل تبكي بسبب قبلته أم ربما بسبب نظرتة العاشقة نحوها أم
بسبب مشاعرها التي تحركت رغماً عنها وإنطلقت هائمة خلفها في النهاية كالحمقاء
..... نعم لقد عشقته رغماً عنها عشقته رغماً عن وفائها عشقته
رغم جرحه لها رغم غروره جبروته كان يجب أن تهرب من
هذا العشق ماذا تفعل لماذا عادت لماذا؟؟

إستيقظت بعد أن نالت سويغات قليلة من النوم كانت رقية قد جهزت بعض الطعام
..... إستقبلتها رقية بإبتسامة حنون وناولتها الحساء الساخن وهي تقول : تشربي الشوربة
كلها إنتي ما أكلتيش حاجة من إمبراح الشوربة تجهز معدتك وبعدين تاكلي
نظرت إيناس للطعام وقالت : يا خير تعبتي نفسك يا رقية وطبختي
رقية بإبتسامة : وفراخ كمان يعني من الآخر أستاهل مكافئة
إبتسمت لها إيناس ثم رشفت القليل من الحساء وتابعت : بجد تسلم إيدك بس علشان

خاطري متتعبيش نفسك تاني إحنا خلاص قربنا على التاسع
نظرت رقية نحوها بإبتسامة جادة وتابعت : حصل إيه يا إيناس
إرتبكت إيناس قليلاً ثم تابعت وهي تعبت بطعامها : مفيش يا رقية متشغليش بالك
تابعت رقية بنبرة توكيدية : إيناس إيه اللي حصل خلاكي تسيبي المزرعة إنتي
إمبارح كنتي كويسة حصل إيه بالليل؟؟
تابعت إيناس تناول حسائها بإرتباك دون أن تجيب فتابعت رقية بإصرار : إيناس حصل إيه؟؟
..... هو حمزة ضايقك؟! معقول حمزة ضايقك وتسيبي المزرعة بالطريقة دي

.....
قاطعتها إيناس على الفور : رقية حمزة ما ضايقتيش بالعكس كان ذوق ومحترم معايا جداً
متظلمهوش
رقية : طيب إيه اللي حصل أنا إتخضيت لما صحيت و مالتكتيش حتى خالد
شافني قلقانه وإستغرب و

توقفت رقية عن الحديث عندما تذكرت ردة فعل خالد قلقه عصبيته
..... إنطلاقه بالسيارة مسرعاً عندما علم برحيلها وعودتها بعد ذلك كانت
إيناس تراقب ملامحها بتوتر تابعت رقية بعدها إيناس هو خالد هو اللي رجعتك ؟
لم تجب إيناس وبدأت ملامحها مضطربة تابعت رقية : إيناس خالد هو اللي ضايقك ؟
إيناس : رقية أرجوكي أنا مش عايزة اتكلم في الموضوع ده
رقية : لا يا إيناس لازم تتكلمي ولازم أعرف إيناس إنتي مش مجرد صديقة او
صاحبة إنتي أختي وأمانة عندي هنا فاهمة يعني إيه خالد عمل إيه يا إيناس خلاكي
تسيبي المزرعة ؟

صمتت إيناس لوهلة كانت تفكر هل تخبرها بما حدث حقاً هل
تستطيع إخبار أي شخص بما حدث إبتلعت ريقها في محاولة يائسة لإخراج الكلمات
من حلقها ثم تابعت : إمبارح شافني بالليل وأنا راجعه مع حمزة وفهم غلط و
قاطعتها رقية بغضب : فهم غلط !!! يعني إيه فهم غلط وهو ماله اصلاً قالك إيه ؟
عمل إيه ؟

إيناس : خلاص بقه يا رقية هو كان سخييف وأنا خلاص مش حينفع أكمل هنا هو بس
شهر وجايز أقل كمان أكون إطمنت عليك و هو شاف بديل وحامشي

شردت رقية قليلاً كانت تفكر بخالد ما الذي يثير إهتمامه أو ربما غضبه
في عودتها مع حمزة ومنذ متى وخالد يهتم بأحوال الموظفين بالمزرعة ألم
يلقبه حمزة بالبرجوازي كمثال لرأس المال الصارم الذي لا يهتم سوى بنقوده فقط هل
من الممكن أن يكون غضبه غيرة!!!!

هل خالد نظرت نحو إيناس في دهشة لتجدها شاردة بدورها إبتسمت لها

وتابعت : هو جه وراكي و إعتذرلك

أومأت إيناس رأسها بالإيجاب دون أن تنطق إبتسمت رقية بسخرية خالد
إعتذر لأنتى!!!! هرع خلفها كالمجنون ليعيدها هو عاشق إذن لا محالة
ولكن متى؟؟؟ وكيف وماذا عنها هل تحركت مشاعرها نحوه أم
أنها تعيش حالة من الإضطراب لا مثيل لها شعرت رقية بالشفقة من أجل إيناس
..... جذبت رأسها برقة نحو صدرها وملست على خصلاتها بحنان وتابعت : خلاص يا
حبيبتي حصل خير بس اي حد يضايقك ماتهربيش إنتى مش غلطانة علشان تهربي
..... هو اللي غلط أنا صحيح معرفش قالك إيه بس هو اللي غلط وهو اللي
إعتذر وإنتى اللي فى إيدك تقبلي إعتذاره أو ترفضيه
تابعت إيناس : أنا ما قبلتش إعتذاره أنا حامشي من هنا أنا بس أجلت ده
شهر لا أقل من شهر وحارج أبوة حارج .

لا تعلم هل كانت تردد الكلمات على مسامع رقية أم نفسها نعم ستعود
ستنسى خالد وستتخلص من مشاعرها الحمقاء الكاذبة نعم هي ليست مشاعر
حقيقيةة فمشاعرها كانت لشريف فقط خالد سيكون مجرد ذكرى
لا بل لن يكون ذكرى فذكرها مع شريف شريف فقط .

نظر حسن بغضب للورقة بيده وتابع بنبرة ساخطة : رافعة عليا قضية نفقة يا سهام بس أقول إيه
أنا اللي أستاهل

ضحكت بإستهزاء وتابعت : الورقة شرفتني بزيارتك اهو

حسن : زيارتي مش حتنقطع يا سهام أنا مش حاسيب إبنى ومش حاخرج من حياته

فاهمة أنا بس كنت سايبك تهدي

سهام بسخرية : لا والله فيك الخير

حسن : سهام بلاش تخلي محمود يدفع ثمن أخطائنا

سهام : الغلط غلطك إنت يا حسن

حسن : مش لوحدي إنتى إتجوزتيني وكنتي عارفة وضع رقية كنتي عارفة إني مخبي

عليها ورحتى قولتيلها وإتحاميتي فى الحمل لإنك كنتي عارفة أد إيه أنا كنت مشتاق لطفل

..... كننتي مرتبة تزيحها من سكتك ولكن يا سبحان الله بعد صبر سنين طولة تحمل رقية و

الموازين كلها إتقلبت

سهام : فعلا زال سبب جوازنا ورميتني وبعنتي رخيص قوي أنا وإبنك

حسن : خدي بالك من كلامك إنتى اللي حفرتي ورا المشاكل

سهام : وإنت راجل أناني بتفكر في نفسك وبس
حسن : وإنتي ست أنانية علشان كده معرفناش نعيش مع بعض
سهام : أنانية علشان طلبت حقي فيك !!!!!

حسن : لا أنانية علشان بتفكري في نفسك مش في إبنك زيي بالظبط
إفترجت شفتاه عن إبتسامة ساخرة ثم تابع : قطبين مغناطيس عمرهم ما حيعرفوا يقربوا من
بعض بس وقتها كنت بفكر في حاجة واحدة بس ومكنتش شايف غيرها
مسح وجهه بكفيه ثم تابع : من غير محاكم حديكي كل اللي انتي عايزاه علشان
خاطر إبنني وأتمنى إنك علشان خاطره تبعدني عن المشاكل فكري بالعقل
..... أتمنى إنك بالعقل

قال ما قال وتركها تفكر بكل ما مرت به منذ أن وافقت على تلك الزيجة الفاشلة

.....

كانت تقف أمام رعد أصبحت همساتها لهذا الجواد التائر راحتها وسلواها
رعد هو من يفهمها يقرأها جيداً معه تبكي دون خجل تضحك
دون حساب تفرغ ما في جعبتها من أسرار دون قلق هذا هو حالها منذ ما حدث

.....

نعم

عندما أصبح هروبها بداية
وعشقها خطيئة

أصبح منبع سعادتها هو سر ألمها
زهدت الكلمات وتحولت حياتها لمجرد همسات
مع الكائن الوحيد الذي لا يجرح
نعم.....همساتها لتلك الجياد
فأصبحت حياتها همساً للجياد

تمر الأيام دون نكهة كم يتمنى أن يُحليها بنكهة العسل يُعطرها برائحة
البنديق هي قريبة وبعيدة حاضرة وغائبة تمر من أمامه دون
أن تراه ما هذا العبث لم يكن هذا هو إتفاقنا الآن عليه أن
يرغمها على الحديث وعلى النظر نحوه أيضاً !!!!!!!!!!!!!

كانت في طريقها للخروج من الإسطبل وكان هو متوجهاً للداخل يسحب رعد بلطف
كعادتها لم تلتفت نحوه بل كان بصرها موجهاً للأرض تمنى لو رفعت بصرها للحظة
..... لا تنظري نحوي فقط أنظري نحو قرص الشمس الأحمر إشتقت للون
العسل بمقلتيك ولكن دون جدوى تختطه وكأنه غير موجود ولم تنظر لشيء لا هو ولا
قرص الشمس وكأنها عمياء عن طلته خرساء من أجله هو فقط

ماذا دهاه أجنون قيس أم حماقة روميو لقد إعتاد الحصول على مبتغاه وقتما يريد
..... وما نيل المطالب بالتمني ولكن تؤخذ الدنيا غلابا كما إعتاد دوماً
أسيسقط أسيراً لعشق امرأة هو بعنفوانه وقوته لا يجوز
ومرة أخرى كانت بالإسطل تلك المرة كانت مع سهيلة دخل الحجرة وبدء
حديثه بصوت أجش يصطنع القسوة خشيةً أن يُظهر ضعفه
خالد : سهيلة عاملة إيه
كعادتها لم تجبه ولم تنظر نحوه فقط أشارت له بيدها أن الفرسة بصحة جيدة زفر
بغضب ثم تابع : ناقص قد ايه تقريباً على الولادة ؟

شعرت بالضيق لإصراره على فتح محادثة ونقض عهدها معه أشارت له بأناملها مرة
أخرى برفع سبابتها وإصبعها الأوسط برقم إثنان
رد بغضب : إثنين إيه أسبوعين يعني ما تردي عليا يا دكتورة أنا مش بهظر
أنا بسألك في شغل
نظرت نحوه بحده بدت عيناها لامعة من الغضب كادت أن تفتحم إبتسامة
ماكرة ثغره على الرغم من كل شيء شعر بالسعادة لمواجهة شعاع العسل الثائر بمقلتيها
..... تابع بنفس نبرته الجادة : أعرف أنا تفاصيل الشغل إزاي دلوقتي

دون أن تنطق أخرجت من حقيبتها بعض الأوراق وناولته إياها كانت تقارير مكتوبة
جهزتها خصيصاً من أجله أعطتها له وخرجت دون أن تنتظر رده تصفح
الأوراق وتتبعها بنظراته وهو مغتاظ من تصرفها ومعجب به بنفس الوقت
..... هو عاشق رغماً عنه .

منذ أن أبرمت إتفاقها مع حمزة وهي تنتظر ظهوره إختفى الأحق
تبخر كالزئبق منذ أن هرب من محبسه ماذا ستفعل الآن الأيام تمر
ويجب عليها أن تستغل بركان حمزة الثائر قبل أن يخمد ولا تستطيع تنفيذ خطتها وحدها خاصةً

أن لا تضمن ردة فعل حمزة عندما يعلم حقيقة نواياها وسوف يعلم فقد أخبرها أنه سيرافقهم للإسطبلات ليتأكد بنفسه من إدعائها زفرت بضيق ونظرت للساعة فوجدتها قاربت على الثالثة صباحاً حاولت أن ترغم نفسها على النوم وبالفعل جافاها النوم بعد وقت ليس بقليل ولكن طرقات ملحمة على الباب أيقظتها بفرع انها الرابعة فجراً إقتربت بحذر من الباب لم تصدق نفسها أخيراً ظهر كريم .

تهاوى على الأريكة ثم قال بصوت بائس : البوليس لسه مراقب البيت خاطرت وجيت بمعجزة إقتربت منه ثم إحتضنته بحنان وتابعت : وحشتني قوي إنت كنت فين أخرج لفاقة تبغ ونفثها في الهواء ثم تابع : عند واحد معرفة وخلاص ظبطني في اللي بتمناه حخلص وحيسفرني بره البلد حتيجي معايا؟؟
كارمن : اجي حاقعد اعمل ايه
كريم : تمام يبقى حنخلص مع خالد وبعدين نخلع
نظرت نحوه بتساؤل : حتعمل ايه ???
كريم : بوم حخليها نار
كارمن : نار نار ايه
كريم : حاولع في المزرعة .

غادر كريم غادر بعد رتبا أركان خطتهما جيداً ووقع عليها الشيطان في النهاية تتذكر جملته الأخيرة بدقة أخيراً بقيتي مفيدة يا كارمن نعم مفيدة ولكن من أجل نفسها تلك المرة هو يستحق لن تأخذها به شفقة أو رحمة هل رحمها هو سالفاً لترحمه الآن بماذا تهذي أيها القلب الأحمق هو غارق في ملذاته مع الطيبية الحسنة وهي لم تعد من ضمن إهتمامته فقد نال ما أراد وقتما أراد ولكن الآن حان وقت رغباتها هي نعم رغباتها هي فقط .

في الصباح إسترجعت بعقلها الخطة مرة أخرى سيُدخلهم حمزة للمزرعة ليلاً وسيأتي كريم بصفة البيطري لحبك روايتها التي إدعتها أمام حمزة لن يستغرق الأمر أكثر من نصف ساعة سيقوم كريم بتسميم كل الجياد نفس نوعية السم التي إستخدمها المدعو مجدي مع الحصان أدهم ولكن تلك المرة من أجل الجميع بعدها سيبدأ هجوم من نوع آخر عشرات الرجال الذين إستأجرهم كريم سيهجمون كالتتار على الجزء

إبتسمت لها رقية وترقرقت العبرات بعيناها تابعت إيناس : أنا حساعدك في اللبس
وبعدين حاكم البشمنهندس تمام
أطاعت رقية إيناس وشرعت في إرتداء ملابسها وبعد حوالي نصف ساعة كانت سيارة خالد
تنطلق بهم مسرعة نحو المشفى حسن يجلس متوتراً بجانب صديقه وإيناس تمسك بيد رقية
وتجفف عرق ألمها الذي إشتد عليها مع مرور الوقت

نظرت الطبيبة لرقية بإبتسامة وتابعت : البشمنهندس قلقان قوي نزلني وش الفجر ولسه بدري
إيناس : يعني مش حتولد دلوقتي ؟
الطبيبة : قدامنا كام ساعة خرجت الطبيبة من الغرفة وكان حسن بالخارج يقف
متلهفاً : خير يا دكتورة
الطبيبة : خير يا بشمنهندس متقلقش أنا حاستنى ثلاث ساعات بس اذا الرحم مافتحش
زي ماقلتك قبل كده حاولدها قيصري
حسن : يعني هي صعب تولد طبيعي
طبيبة : كله بايد ربنا بس إنت عارف ظروف السن وكمان بكريةالقيصري
إحتمال أقرب لكن برده تاخذ فرصتها عنئذناك
ربت خالد على كتف حسن قائلاً : متقلقش حتقوم بالسلامة إن شاء الله
حسن : أنا متشكر قوي يا خالد تعبتك معايا وقلقت نومك بس فعلا مكنتش قادر أسوقخالد : إنت
بتقول إيه يا حسن إنت عشرة عمرإبتسم حسن لصديقه وظل يراقب غرفة زوجته بقلق
ويستمع لأنينها الذي زاد مع مرور الوقت
وكما توقعت الطبيبة تم إدخال رقية لغرفة العمليات لإجراء جراحته القيصرية وبقي
ثلاثتهم ينتظرون خروجها حسن يقف منزوياً بأحد الأركان بملامح من القلق وإيناس
جالسة على أحد المقاعد بوجه شارده وخالد يراقب كلاهما وإن كانت إيناس صاحبة النصيب
الأكبر من نظراته إقترب منها وجلس على المقعد بجانبها ثم قال لها بنبرة حانية :
شكلك مجهد أجييلك قهوة أو شاي
إبتسمت بحرص وحركت رأسها بالنفي دون أن تنظر نحوه لم يتحدث بعدها
أسند رأسه إلى الوراء وأغمض عينيه.

شعرت بالحرج عندما لمست من أنفاسه المنتظمة أنه غفا على المقعد المجاور لها
بدلت مكانها وجلست في المقعد المقابل رغماً عنها شرعت تتأمل ملامحه النائمة
..... بشرته الداكنة حدة عيناه التي غلبها النوم..... أنفه المستقيم
فمه القاسي للحظة شعرت أنها إفتقدت النظر نحوه إفتقدته
..... تداركت نفسها سريعاً وتحاشت النظر إليه فأخر ما توده هو أن يضبطها متلبسة بجرم
تأمله .

وصل أخيراً.....مضيئاً كالبدر يبدو كالملاك النائم قبل حسن
جهته في حنان وإبتسمت إيناس بدورها وتابعت : مبروك يا بشمهندس
حسن : الله يبارك فيكي يا دكتورة ها شبه مين
إيناس : لسه مش باين
حسن : مش باين إزاي ده شبهي بالملي في تلك اللحظة دخل خالد للغرفة فتابع
حسن بنبرة فرحة : صح النوم تعال شوف خالد الصغير
إقترب خالد منهم ونظر معهم نحو الصغير المستلقي بأمان في فراشه ثم تابع : خالد مين ده حسن
الصغير ده إستنساخ ولا إيه
حسن : طيب ورينا شطارتك وهاتلنا نسخة ثانية منك
إبتسم خالد بمكر ثم تابع : والله نفسي
أصابها الإرتباك من نبرته تابعت على الفور : هي رقية حتخرج إمتي
حسن : الدكتورة بتقولي ربع ساعة وبالفعل بعدها بفترة جاءوا برقية التي كان وجهها شاحباً
وغائبة عن وعيها أمسك حسن بيدها في قلق فقالت الممرضة على الفور : متقلقوش
..... معلىش شوية وحتفوق من البنج
بالفعل بدأت رقية تفيق بعد دقائق كانت تهذي بكلمات غير مفهومة ظلت
إيناس بجانبها وحسن أيضاً وإنسحب خالد وإنتظرهم بالخارج . أخيراً عادت للواقع
نظرت بشوق لفراش الصغير وقبل أن تنطق أحضرته لها إيناس وهي تقول بإبتسامة : زي القمر
..... ما شاء الله .

الأمومة

تلك الغريزة الفطرية التي إختص الله عز وجل بها الأنثى منذ نعومة أظافرها تحتضن
دميتها بحنان تعتنى بها وكأنها مشروع أم صغيرة يقال أن الأمومة من
أقوى غرائز المرأة وأروعها على الإطلاق
إحساس رائع قرأت عنه تمنته تملك عالمها ولكن
ما تشعر به الآن يختلف عن كل ما مرت به عن كل ما رغبته وتصورته وتركت
لخيالها العنان من أجله .
مشاعر غامضة إجتاحتها بمجرد أن إحتوته بين أحضانها سعادة وخوف وبهجة ورهبة
وسكينة وقلق ودقات قلب متسارعة وواقع انفصلت عنه عندما قربته من نهدها لينال رزقه الذي

قسمه له الخالق عز وجل شعرت بضعفه بإحتياجه الشديد إليها
بسكينته قُرب قلبها بعبق أنفاسه التي كانت أفضل من رائحة المسك والعنبر مجتمعين
..... حالة غامضة من المشاعر عشق من نوع آخر تتهاوى أمامه أشهر
أبيات الهوى و أقوى دواوين العشق
إبتسمت برضا وأغمضت عينها لتستمع بأول لحظات أمومتها

خرجت إيناس من الغرفة وأغلقت الباب خلفها بهدوء توجه حسن نحوها قائلاً ناموا ؟
إيناس : أيوة الإنتين
حسن : طيب كويس برده رقية محتاجة ترتاح بجد يا جماعة أنا متشكر ليكم
جداً تعبناكم معنا

خالد : مفيش تعب ولا حاجة هي حتخرج إمتى ؟
حسن : علشان قيصري حتقعد في المستشفى ثلاث أيام
إنتبهت إيناس وتابعت : كده حتحتاج هدوم زيادة ليها ولليبي
حسن : أنا دلوقتي حاروح أجبلها كل اللي هي محتاجاه
خالد : تروح فين خليك جنب مراتك وإبنك أنا حاخذ إيناس أرجعها المزرعة وهي
حتجهز الحاجة وحابعتهاك
حسن : مش عايزين نتعب الدكتورة أكثر من كده
إيناس : يا بشمهندس تعب ايه بس كمان رقية حاجتها وحاجة البيبي عندي
خالد : خلاص يبقى حنمشي إحنا دلوقتي عايز حاجة تانية
حسن : سلامتك يا حبيبي

خالد : تمام يلا دكتور توجه بعبارته نحوها وظل منتظرها فأومأت رأسها
بالإيجاب وغادرت معه عائدة للمزرعة
وكعادتهما كانت لحظات الصمت هي زاد الطريق صمت قطعه هو بصوت هادئ
قائلاً : جهزي الحاجة وأنا حابعتهم السواق بيها على المستشفى قبل ما تعترضني
الساعة داخلة على تسعة وإنتي منمتيش من إمبراح رجوعك مجهود على الفاضي
كان إقتراحه هو الأكثر منطقية خاصةً أنها بالفعل متعبة وتحتاج للنوم وغالباً سينال حسن قسطاً
من الراحة بدوره أومأت رأسها بالموافقة وظلت تراقب الطريق حتى وصلا وبعد أن
جهزت حقيبة الملابس وأخذها السائق تهافت على الفراش وغطت في نوم عميق بعد لحظات
.....

***** نظرت كارمن نحو كريم بحدة وقالت وهي تراقب
ساعتها : زمانه على وصول زي ما إتفقنا يا كريم خد بالك من كلامك معاه
مش عايزاه يشك في حاجة
كريم : خلاص فاهم بس هو الواد ده آخره ايه

كارمن : يعني ايه مش فاهمة
كريم : هناك يا ماما حيعمل ايه لما يشوفني بحط السم
كارمن : وهو حيعرف منين انه سم نبقى نقوله اي حاجة علاج تحليل إنت
بتعمله

كريم : مش حيصدق طبعاً عموما الواد ده أهميته إنه يدخلنا بس أوصل وساعتها
مفيش قوة على الأرض حتوقفني عن اللي في دماغي
نظرت نحوه بقلق لا تعلم لماذا شعرت بإنقباض شديد قررت تجاهل قلبها
الأحمق وتابعت : هو حيدخلنا بدري علشان محدش يشك وحنستنى عنده في البيت
كريم : كده أحسن فعلاً هو قالك جاي إمتى إتأخر
إبتسمت بأسى : هانت يا كريم هانت

هل حقاً الغاية تبرر الوسيلة وما هي غايته إنقاذها كما يدعي أم فقط هو يكرهه
..... نعم يكرهه ويتمناه عاصياً مخطئاً مجرماً يستحق العقاب
..... عبث كلما هداً قليلاً تقفز صورة القبلة الآثمة لخياله فتؤجج البركان
بصدره من جديد

إستقرت كارمن بجانبه في السيارة كانت متأنقة بشدة ترتدي لونها
المفضل تبدو كشعلة نار متأججة حمرة شفاها طاغية زرقاة
عينها مفرطة عطرها المثير إخترق أنفاسه زاحم الهواء للوصول إلى
صدره إنتابه شعور خائق هرب بأنفاسه نحو الهواء الطلق وفتح نافذة
السيارة على مصراعها لتحتل النسيمات المنعشة الأجواء من جديد كان الآخر جالساً
بالخلف رمقه بنظره باردة وإبتسامة صفراء وبدأت كارمن التعارف و
أنهته بإقتضاب دكتور وائل المهندس حمزة

فتحت عينها وتجولت ببصرها في أنحاء الغرفة في محاولة لإستعادة ذكرى ما حدث
إبتسمت بياس عندما إكتشفت أن الساعة قد تعدت الساعة مساءً لقد غطت في سباتٍ
عميق وطويل يا إلهي عشر ساعات!!!!!! زمت شفيتها ستظل إذن
مستيقظة حتى الصباح نهضت من الفراش ثم هاتفت رقية بالمشفى للإطمئنان

عليها وبعدها قررت الإستمتاع بحمام دافئ ووجبة شهية كانت تعد قهوتها الساخنة
عندما لمحت القمر المكتمل تود حقاً أن تخرج للحديقة ولكن خالد .
خشيت أن تلتقي به مصادفة نظرت للساعة فوجدتها قد تعدت الحادية عشر مساءً
ربما نام مبكراً نعم بالتأكيد نام فهو لم يغفو بحماقة مثلها ومارس بعض
العمل لقد سمعته وهو يحدث أحدهم بالهاتف عندما كانا في طريق العودة
كان يخطط لبعض الأعمال حسناً ربما يحتضن فراشه الآن بل من المؤكد
خرجت بهدوء ونظرها يسبقها نحو حديقته تنهدت براحة عندما إلتصت
الهدوء والأضواء الخافتة لقد صدق حدسها تلك المرة ليلة تبدو مميزة
قمرٌ مكتمل مثل تلك الليلة التي هاجمه فيها الأشقياء وكادوا أن يفتكوا به
شعرت بإنقباض قلق أفسد عليها أمسياتها . خاصة أن عيناها كانت
تراقب حديقته بترقب خوفاً من أن يباغتها بحضوره كما جرت العادة تذكرت أول
مرة رأته إبتسمت ساخرة عندما أيقنت أنها ترتدي نفس الثوب الذي كانت ترتديه
ليلتها تذكرت أيضاً ليلة أخرى عندما غاصت دون وعي ببحر نظراته
وبادلته قول البصر لدقائق ذكرى إرتباكها وهروبها بتلك الليلة تزامنت مع رؤيتها
لكوب قهوتها المفقود على طاولة حديقته إرتجفت شفتاها عندما ميزت كوبها المفضل
وأيقنت أنه إحتفظ به بدت ملامحها منقبضة عيناها مغمضة
لماذا تفعل بي ذلك هذا يفوق إحتمالي يفوق إحتمالي

نظر حمزة نحو كريم بريية وبدأ الحديث قائلاً : إنت تعرف كارمن من زمان
إبتسم كريم ببرود ثم وضع لفافة التبغ بفمه دون إكتراث وظل يبحث بيأس بين جيوبه عن قداحته
فوجئ بيد حمزة أمام فمه وبها ثقاب مشتعل أشعل لفافته ونفث دخانها
بإبتسامة ماكرة ثم تابع : إنت بتدخن
حمزة : مبطل بقالي سنتين بس إتعودت يبقى معايا كبريت
كريم : ده من حظي
حمزة : مقولتليش تعرف كارمن منين
- وائل يبقى جاري في العمارة
قالتها كارمن بنبرة صارمة وهي تتوجه نحوهم بعد تركها لهم لدقائق لتجلس منفردة بالشرفة
إبتسمت بإقتضاب وتابعت : ومشكور قرر يساعدي
صمت حمزة قليلاً ثم باغت كريم بتساؤل آخر : وتفنكر يا دكتور ليه خالد ممكن يعمل كده
..... يغش ويزور في السلالة !!!! شئ غريب تابع كريم بثقة : الفلوس هو في
سبب غيرها

حمزة : بس خالد ابن ناس ومش فقير
كريم : كلنا ولاد ناس وبعدين عادي أغلب الحرامية أغنياء
لم تكن كارمن مطمئنة للحوار قاطعتهم بثقة مصطنعة : حمزة الساعة عدت 12 دلوقتي
نتحرك

حمزة : لا حنستنى ساعتين كمان أضمن
كريم : إيه كارمن إنتي نسييتي ولا إيه إتفاقنا مع البشمةهندس على الساعة 3 الفجر وأنا شايف إن
الوقت ده مناسب جداً
كان كريم يتحدث ويوجه لها نظرة ذات مغزى إستدركت معناها عندما تذكرت الجزء الثاني من
الخطة ورجال كريم الذي رتب معهم موعد الهجوم ليكون في الثالثة والنصف صباحاً
التوقيت مهم للغاية قرأتها في عيونه دون أن يتحدث تابعت بنبرة مأكرة : عندك حق يا
وائل أنا مش عايزة حد يعرف إنك ساعدتني يا حمزة ومش حاستحمل إن خالد يإذيك
غضب حمزة من جملتها الأخيرة وتابع : أنا مش خايف من خالد يا كارمن الحكاية
كلها إن كلامك خطير ولازم أتأكد منه ودي الطريقة الوحيدة للأسف عموماً 2 أو 3
مش فارقة وقت ما تعوزوا حنتحرك
تركهم وتوجه للشرفة كان يشعر من داخله أنه يرتكب خطأ جسيم خيانه
لطالما كره الميكافيلية بكل أشكالها و صورها ولكن ماذا لو كانت محقة ألم تكن محقة
من قبل وكان هو الأحمق كان عليه أن يتأكد كان بحاجة لصورة
مكتملة وهذا هو السبيل الوحيد . *****

ظلمة الليل قاربت على الإنقشاع مثل ظلمة عقله إنطلقت السيارة بثلاثتهم
نحو الإسطبلات نحو الحقيقة نحو النهاية كما يرسمها عقل كل منهم
..... كل على هواه
ترجل حمزة من السيارة ليجد كريم قد سبقهم وتوجه مسرعاً بحماس نحو مدخل الإسطبلات
..... كانوا ثلاثة دخل كريم أولهم وخلفه كارمن وحمزة
كارمن : الدنيا ضلمة قوي
حمزة : النور من هنا
أشعل حمزة الأضواء
كريم : أيوه كده الله ينور يا بشمةهندس حمزة : الخيل شكلها عادي كلهم شبه
بعض ولا إنت شايف إيه !!!!

لم يعره كريم إنتباهاً وتوجه بعزم نحو أحواض المياه وبدأ بإفراغ مادة بيضاء بداخل الأحواض
ثم بدأ يحث بعض الخيل على الخروج للشرب ويملاً السطول أمام البعض الآخر ما
يفعله لجم حمزة لدقائق ثم إستدرك نفسه وتابع بصوت زاعق : إنت بتعمل إيه ؟

يعلم جيداً عن خوف الحيوان من النار . تسمر كريم مكانه وهو يراقب شعلة اللهب التي كانت تتحول بفعل العلف والأخشاب بالإسطنبول لحريق هائل فزعت منه الخيل وهمت بالهروب غير عابئة بماءٍ ولا طعام غيظ وغل شديد إجتاحه وجه سلاحه بغضب نحو حمزة ولكن في خضم الفوضى وعشوائية الجياد إستطاع حمزة أن يقذف بنفسه خارج الإسطنبول دون أن تصيبه رصاصة كريم

كارمن أيضاً أصيبت بحالة من الذهول وعندما إستدركت ما يحدث وحاولت الهروب إصطدم رأسها وفقدت الوعي وإنشغل كريم بسحب جسدها من جحيم النيران وثورة القطيع الهائج وفي النهاية إستطاع حمزة تحرير باقي الجياد من باقي الإسطبلات ودفعهم للهروب قبل أن يصل إليهم كريم وساعدته النيران التي إلتهمت الإسطنبول الأول فأطلقت الحيوانات سيقانها للريح فزعاً من اللهيبة ومثلها إنطلق بدوره مسرعاً بسيارته نحو الجزء الآخر من المزرعة لتنبيه الجميع..... يد تحرك المقود بإرتباك ويد تهاتف الشرطة نظر كريم حوله في غضب فلم يجد غير عفر حوافر الخيل الجامحة صرخ بغيظ وأقسم بقتله سيزهق روحه حتماً

كانت إيناس تعلم أنها لن تستطيع النوم حتى الصباح جلست أمام التلفاز رغبةً في تشتيت أفكارها ولكن دون جدوى ما زالت متخبطة بشأن مشاعرها ومشاعره أيضاً الساعة تعدت الثالثة فجراً قررت إرغام نفسها على النوم ولكن صوت غريب أزعجها ما هذا !!!

يبدو كسهيل لا بل ركض وكأنه قطيع هائج على وشك إقتحام المكان خرجت مسرعة دون تفكير وأهالها ما رأت قطيع ثائر من الجياد يركض بذعر قبل أن توقن أنهم يتقدمون نحوها جذبها خالد بعيداً عن طريق الحيوانات الراكضة ليسقط كلاهما وأحاطها هو بجسده بغرض حمايتها إختفى الصوت وإبتعد هو عنها ولكنه سألها بقلق : إنتي كويسه نظرت حولها في ذهول وخرج صوتها مرتعشاً : هو إيه اللي حصل ضرب الأرض بكفه هو لا يعلم ماذا حدث لا يعلم شئ لقد سمع الصوت بدوره مثلها وخرج مذعوراً ليجدها تقف بطريق الجياد الجامحة دفعها ودفع نفسه بعيداً عن القطيع قبل أن يُدهس كلاهما صراخها قطع أفكاره أشارت بذعر نحو وهج بعيد وهي تقول : حريق

لا يدري ماذا أصابه كان صامتاً كالصنم إستدرك نفسه عندما سمعها تقول
بذعر : سهيلة سهيلة مش حتقدر تجري رعد
قبل أن تكمل جملتها هرع كلاهما للسيارة وإنطلق خالد بسرعة البرق نحو الإسطبلات

نظر كريم لكارمن الفاقدة للوعي بغیظ وبدأ يحرك وجهها بغرض إفاقتها قائلاً : كارمن
فوقي فوقي بقه يا ريتني ما سمعت كلامك الغبي بتاعك بوظ الدنيا أخرج
هاتفه بغیظ وتحدث لأحدهم :إنتم فين 5 دقائق!!!!!! إنجز مفیش وقت
..... عايزها نار

زفر بغضب وعاد يحركها بعنف أقوى ولكن لفت إنتباهه ضوء سيارة قادمة سحبها
وإنزوى بعيداً ليرقب القادم عندها عادت إبتسامته إنه خالد .
كانت إيناس تضع يدها على صدرها لتهدئ من دقات قلبها المضطربة مضطربة
كأنفاسه أنفاسه اللاهثة كلغو عقله عقله الذي كاد يفقده كما إختفت الدماء
من عروقه المتصلبة إرتخت قبضته المتشبثة بالمقود عندما وصلا هتفت
إيناس : الإسطبل اللي فيه سهيلة ورعد سليم هرعت للداخل وهو خلفها ولكن بعد أن
رمق الإسطبل الآخر أو ربما بقاياها بغیظ

دخلت إيناس لتجد الفرسة المسكينة منزوية بأحد الأركان كان جلياً أنها لم تقوى على
الركض والأسوء رعد الحصان المسكين كان يتحرك بفرع بذعر يتخبط
بكل شئ إقترب خالد سريعاً من رعد وشد لجامه وهمس بأذنه لتهدئته على الرغم من
إضطرابه الشديد ثم سحبه للخارج وسحبت هي سهيلة بدورها وقبل أن يفكر أحدهم بالخطوة
التالية وجدوه بانتظارهم وعلى ثغره إبتسامة بانسة
بدت أعين خالد لامعة من الغیظ عندما رآه قال بحنق : كريم

رد كريم بنبرة باردة : حيكون مين غيري
خالد وقد بدا غیظه جلياً : اه يا كلب يا

خطا خالد نحوه للكمه ولكن إستوقفه كريم بعد أن أشهر سلاحه بوجهه قائلاً : عندك
خالد : بتتحامى في مسدس يا ابن مختار

كريم : متستفزنيش أنا مش عايز أموتك أنا عايز أشوف الحسرة في عينك
بعد ما أضيع منك كل حاجة رغماً عنه بدت عيناه خائفة قلقة
تابع كريم بنبرة المنتصر : دلوقتي الرجالة بتوعي حيخلصوا النار حتاكل كل حاجه
..... محصولك أرضك وكمان الخيل بتاعتك اللي طلعت تجري

تمكن الغیظ من خالد ولم يبالي بسلاح كريم تقدم نحوه بغضب وهو يسبه ولكن كريم أطلق
رصاصة بجانب قدميه لإفزاعه وتابع : عندك المرة الجاية حتكون في قلب الحصان
بتاعك

قال جملته ببأس وتوجه ببصره نحو رعد الذي تملك منه الذعر من صوت الرصاص

محطمة الأعصاب منهارة قنبلة على وشك الانفجار يبدو أنها
النهاية نظر نحو إيناس التي كانت تراقبه بعيون متحجرة العبرات ثم
أغمض عيناه ليكون شعاع العسل النقي آخر ما إلتقاه بصره وإنطلقت الشظية لم
يشعر بألم أهذا هو الموت لا بل ثقل جسد يتهاوى بين ذراعيه
..... عطر البندق إخترق أنفاسه لا!!!!!!!!!!!!!!!!!!!!!! أبصرها في هلع
وهي تسقط على صدره مخرجة دمائها
صاحبة جدائل البندق

الفصل الخامس و الثلاثون

الأسطورة تقول أن وردة الحب الحمراء هي في الأصل وردة بيضاء تتحدث
الأسطورة عن طائر صغير ضحي بحياته من أجل معنى العشق لون
بدماءه الوردية البيضاء من أجل من يحب لتصبح في النهاية وردة حمراء
رمزاً للعشق للشغف للتضحية بذكرى!!!!!!
ستفقد مرة أخرى ستمر بذلك من جديد ذكرى أخرى هل حقاً
سيرحل خالد عن عالمها لا لن تحتل الموت أفضل
..... أرحم ودون ترتيب دون تردد ركضت نحوه في
اللحظة المناسبة تلقته بدلاً عنه ربما لا تدري فقد بدا العلم
مشوشاً بعد ذلك ولكنها كانت تشعر بأنفاسه الحارة تلفح وجهها بذراعيه اللذان احاطا
جسدها بشغف بحشرة صوته وهو يصرخ بإسمها وبعدها لم تشعر بشئ
.....

هو لم يشعر بألم أهذا هو الموت لا بل ثقل جسد يتهاوى بين
ذراعيه عطر البندق إخترق أنفاسه لا!!!!!!!!!!!!!!!!!!!!!!
أبصرها في هلع وهي تسقط على صدره مخرجة دمائها
صاحبة جدائل البندق
إيناس

خرجت نبرته هامسة خائفة متشككة شك أتبعه يقين صارخ :
إيناس!!!!!!!!!!!!!!
أبصر الوضع حوله في ذهول كارمن مغمضة العينين مرتجفة
..... فوهة سلاحها الآثم ما زالت مسلطة نحوهما هي دماعة بين ذراعيه

كانت كلمات حمزة صادمة بالنسبة ليوسف الذي إستيقظ على مكالمته المزعجة كلماته
المبعثرة عباراته الغامضة يتحدث عن حريق سُم
..... خديعة هجوم وشيك
تابع يوسف : ممكن تهدي أنا مش فاهم منك حاجة
عبارته التالية كانت صارخة جامحة سمعتها نرمين بوضوح وهي بجوار
زوجها فاحتضت وليدها في جزع

حمزة : مش مهم تفهم بقولك في ناس حتهجم على المزرعة حالا
بلطجية حيرقوا كل حابه جمع كل الرجالة مهندسين
وعمال مفيش وقت
أغلق حمزة الهاتف وضغط بعزم على الوقود ليلتهم الطريق بسرعة جنونية قبض على
المقود بغيظ إفتعلت حريق وسأمنع الآخر نعم سأمنعه
سندافع عن حلمنا لآخر نفس المزرعة ليست حلم خالد فقط بل هي
واقعنا جميعاً ولن يسرقه الحقد من جوانب دنيانا وصل حمزة وكان الجو
يبدو هادئاً!!!!!! لمح يوسف ومعه جمع ليس بقليل وقبل أن يقترب منهم
أهالهم جميعاً صوت إصطدام قوي وقبل أن يعوا ما يحدث أبصروا إقتحام تتاري
دراجات نارية سيارات جامحة إقتحمت البوابة وعندها بدأت المعركة
أبيض وأسود هجوم ودفاع حق وباطل صون الأرض
وبطش المال صفوة وغوغاء بالطبع كان للغوغاء الكلمة العليا فهم
مدربين على الفوضى هي حرفتهم مصدر رزقهم لم يصدق حمزة نفسه
عندما لمح شعلة اللهب وهي تقتحم أول حقل المحصول مجهود شهور
سيتناثر أمامهم في ثوان معدودة وبعدها ستلتهم النيران كدّ السنوات مشاعر
حمزة لم تكن خاصة بل كانت عامة تأججت لدى يوسف وإشتعلت داخل حسام وتمكنت
من محمد مشاعر من الغضب إجتاحت الجميع فوطنهم الصغير سيتلاشى
في دقائق عنها فقط أصبح الغضب الجامح هو صاحب اليد العليا وتبدلت
الأدوار وإرتبك الأشقياء تفرقوا تبعثروا دون خطة
..... وإنخدمت النيران قبل ان تلتهم باقي وطنهم تكاتفوا جميعاً على قلب
رجل واحد كان يصرخ بهم بكل عزيمة رجلٌ كان صاحب النصيب الأكبر من
الشجاعة الجسارة الجراح حمزة سقط في
النهاية وسط فوضى فرار الغوغاء ووصول الشرطة وصراخ يوسف حمزة
حمزة إساءة الف .

قابعٌ بمكانه وحيداً بين جدران بأئسة ورائحةٌ خانقة لا يعلم كم مر

من الوقت وكأنها بالداخل منذ دهر صورتها تتراقص بخياله طوال
الوقت رآها وهي نائمة بسلام بفتانها الأزرق بالحديقة كانت تلك المرة
أول لقاء له مع عطر البندق قطب جبينه عندما تذكر أنها ترتدي نفس الثوب
لااااااااااا لن يكون آخر لقاء إعتصر جبهته بعنف ليطرد هذا
الهاجس المخيف ذكرى أخرى أجمل عندما أنقذها من
بطش رعد الثائر تذكر ثورته بكاءها أهدابها المبللة التي أيقظت
قلبه من سبات الجفاء والقسوة بل تذكر أول لمسة يدٍ إختلسها منها بفضل رعد
..... تذكر رجفة جسده التي تجاهلها عقله البائس تذكر صورتها وهي
معصوبة العينان أمام رعد بكاءها شفيتها القرمزيتين اللتان تلقنا هجومه
الباغ رغبته الجامحة في عقابها إمتلاكها عشقها
العشق الذي إنتظره ليلومها لتنفجر هواجسه الحمقاء بعد ذلك وتفرغ مكنون الشك
والحماسة والرغبة
نعم منذ أول لقاء وهو ينتظر ضعفها رغبته الملفوفة بعناية بأوراق
العشق المحذور
أرادها رمزاً للوفاء ورغبتها بين ذراعيه كان عشقه منقوصاً أحماً
..... مضطرباً الآن فقط إكتمل على يديها الآن فقط يعلم معنى
العشق الحقيقي هي من علمته معنى العشق هي وليس سواها
ملكة عطر البندق إيناس .
إيناس صدى إسمها يتردد داخل عقله بتتابع تتابع قطعه صوت دسوقي
الغليظ يا بشمهندس
رمقه خالد بنظرة غامضة وكأنه يتذكره فقد نسي وجوده كما نسي بشأن
المزرعة كارمن الهجوم
تابع دسوقي بإرتباك : يا بشمهندس الرجالة كلموني من المزرعة يقولوا
بلطجية هجموا عليها وكانوا عايزين يولعوا في كل حاجة بس ملحقوش يا باشا
..... اه والله البوليس جه
خالد : بوليس !!!!!!!
دسوقي : اه البوليس وقبض عليهم بس مش كلهم
خالد : مين بلغ البوليس
دسوقي : بيقولوا المهندس حمزة بيقولوا كمان إنه إتصاب والإسعاف جايباه على هنا
دلوقتي
خالد : حمزة
كانت ملامحه ما زالت غائبة ضائعة بين الواقع والخيال تابع دسوقي :
خالد بيه حنعمل ايه في الست اللي هناك الرجالة محتارين وهي متسمرة مكانها
من ساعتها متحركتش

كارمن عاد للواقع نظر لدسوقي بحدة وتابع بحق : إخفيها
إوعي تسلمها للبوليس كلم حسن خليه يتصرف معاها لغاية ما أفوق لها
دسوقي : أمرك

أغمض عينيه عقله مضطرب غارق في الفوضى رغبات
مختلطة بين عشق وإنتقام وشفقة وبغضاء ووعيد لا
..... هي رغبة واحدة فقط تمتلكه الآن نجاتها .

النجاة التي بدت أملاً بعيداً عندما لمح وجه الطبيب الشاحب خانته قوة قدماء
لم يستطيع النهوض نظر نحوه الطبيب برأفة وقال دون مقدمات : الرصاصة كانت
قريبة من القلب إحنا خرجناها لكن حالتها لسه مش مستقرة إديها هي في
العناية المركزة دلوقتي

نهض خالد وتابع بنبرة مرتجفة : هي عايشة إيناس عايشة صح ؟
الطبيب : الساعات الجاية بس يمروا بسلام إديها
رد خالد بنبرة صارمة : أنا عايز أشوفها

الطبيب : مينفعش ممنوع
خالد : أرجوك رق الطبيب لحالة تابع قائلاً : عادة
المرضة : أيوة يا دكتور

الطبيب : دخلي الأستاذ هما 10 دقائق

خالد : متشكر وتبع خالد الممرضة بقلب مرتجف خائف سعيد
مواقف عديدة نشعر أننا مررنا بها من قبل لكن بالنسبة لها لم يكن مجرد شعور
الأسرة البيضاء صافرة قياس نبضات القلب قلبها أم قلبه
..... رؤيا شريف يبتسم لها من بعيد يلوح لها مودعاً

وهي تبحث بعيون زائغة عنه تخشى رحيله مع شريف شعرت بقبضته
تحيط بأناملها خالد أين أنت أفنتها قبضته لا
..... لا ترحل كانت تناديه بيأس خالد معشوقته تبدو جميلة رغم
شحوبها رغم الأسلاك الملتصقة بجسدها الضعيف جلس بجانب فراشها

..... إحتضن يدها الصغيرة بكفه القوي هرب صوته وضاعت كلماته ومرت
الدقائق مسرعة كالبرق جاء صوت الممرضة الرقيق : يا أستاذ

رد بعفوية : إيناس !!!!

إبتسمت الفتاة بأسى : ربنا يقومها بالسلامة

خالد : أرجوكي 5 دقائق كمان

رقت الفتاة لحالة تركته نظر خالد نحوها بتمعن خصلات البنديق
مختفية تحت غطاء بلاستيكي قبيح عيناها مغمضة شفيتها القرمزيتين

طالهما الشحوب تابع بصوت ضعيف بكلمة واحدة لم يقل غيرها : بحبك
عادت الممرضة نظرت نحوه بتأثر ووضعت شيئاً صغيراً بين يديه
نظر لها قائلاً : إيه ده
ردت بإبتسامة : ده مصحف وقال ربكم إدعوني أستجيب لكم إديها
..... ألا بذكر الله تطمئن القلوب .

ألا بذكر الله تطمئن القلوب إخرقته جملة كسهم نافذ تذكر إيناس
..... تذكر ليلة قمر مكتمل عندما تمت مهاجمته كانت شفيتها ترتجف
لا بل كانت تتمم بكلمات غير مسموعة سألتها ليلتها : إنتي بتقولي إيه
وأجابته بدهشة و بصوت مرتجف : إيه
أعاد سؤاله : بتقولي إيه
ردت ببساطة : بقول أسترها يا رب

رفع المصحف بإرتعاش قرأ بصوت مرتعش بسم الله الرحمن الرحيم
" وذا النون إذ ذهب مغاضباً فظن ان لن نقدر عليه فنادى في الظلمات أن لا اله الا انت سبحانك
إني كنت من الظالمين فاستجبنا له ونجيناه من الغم وكذلك نجى المؤمنين " ظل يردد
..... لا إله الا أنت سبحانك إني كنت من الظالمين كان قلبه ينطقها قبل لسانه
..... يا رب ذكر الرحمن الذي غاب عن قلبه لسنوات عجا ف سنوات
لم تحمل سوى الغضب الإنتقام الكيد ظل يقرأ ويقرأ
..... دون توقف يدعو برجاء يراقب غرفتها بأمل غفا
رغمًا عنه أيقظته عادة الممرضة الشابة بحنان يا أستاذ يا
أستاذ

فتح عيناه نظر نحوها في ترقب إبتسمت لتبدد قلقه وبنبرة هادئة زفت بئسراها
: المدام خرجت من العناية .

***** كانت جالسة على أرضية الغرفة زرقة عينها
باهته تبدو كمياه راكدة بلا حياة كانت غائبة عن الواقع تسبح بعالم آخر
إفتراضي عالم جميل إرتوت فيه من حنان أمها المفقود بل غفت في
أحضان أبيها في طفولتها الغائبة وإرتشفت جرعات العشق دون رياء
..... عالم تلمست به حقيقة العشق وليس زيفه نظر نحوها حسن بصدمة وتابع
: قول تاني يا دسوقي كده أنا مش فاهم

دسوقي : ومين فاهم يا بشمهندس إحنا صحينا مفزوعين على صوت الرصاص
وبعدها لقينها ماسكة السلاح والدكتورة غرقانة في دمها وجريت بيها أنا وبشمهندس خالد على
المستشفى إقترب حسن منها في حرص نظرت نحوه في فزع وعندما تعرفت عليه
..... عندما تداركت الواقع مرة أخرى ظلت تصرخ بذعر حتى غابت عن

الوعي هتف حسن بدسوقي : دي لازم تروح مستشفى حالا لازم .

دلف لغرفتها بحرص كانت ما زالت فاقدة للوعي نظر للطبيب بحيرة
..... تابع الطبيب : متقلقش إحنا عدينا مرحلة الخطر ومنتظرينها تفوق تركه
الطبيب معها جلس بجانب فراشها إحتضن أناملها برفق ثم طبع عليهم
قبلة دافئة تبعها بهمس رقيق من ثغره الباسم حبيبتى.....
عاد مرة أخرى لتلاوة آيات الرحمن همهمات خُشوعه كانت تشدو بجانبها
اه من تلك البندقية عبثت بقسوة عالمه فتأرجح بمجون أصبح شاعراً
وأمسى ناسكاً

الفصل السادس والثلاثون

نظر عبد الرحمن لزوجته بضيق ثم تابع : يا ثريا إهدي شوية ردت ثريا
بحدة : أهدى !!!!!!! بقولك البنت تليفونها ما بيردش من الصبح ولا حتى مدام رقية
..... أنا قلبي مش مطمئن قلبي مش مطمئن يا عبد الرحمن
عبد الرحمن : أستغفر الله العظيم يا رب ثريا : بقولك ايه إنت مش معاك نمره دكتور
علي

عبد الرحمن بدهشة : أيوة معايا

تابعت ثريا بلهفة : خلاص كلمه أكيد معاه نمره جوز أخته مش هو المسؤول هناك

عبد الرحمن : أيوة صحيح المهندس حسن

أحضر عبد الرحمن جواله وبدأ يبحث عن رقم الطبيب حتى

وجده كانت نبرته قلقة ألو دكتور علي أنا عبد

الرحمن والد الدكتورة إيناس الله يخليك أنا بس كنت باستئذنيك

في نمره المهندس حسن أيوة المهندس حسن أصل إيناس مش بترد

شكل الموبايل فيه مشكلة أيوة صحيح اه تلاقيا اتشغلت

معاها بقه الرقم أيوة انا مع حضرتك 010 متشكر

..... أشكرك يا دكتور

ثرىا : إيه قالك إيه ؟

عبد الرحمن : بيقول مدام رقية ولدت إمبراح وبيرجح إن إيناس إتشغلت معاها
ثرىا : ماهي إيناس كلمتني إمبراح بالليل يا عبد الرحمن من المزرعة وكانت رجعت والست
ولدت خلاص عبد الرحمن : جايز راحت ليها تاني النهارده
ثرىا : كلم جوزها مش أخذت الرقم كلمه
عبد الرحمن : حاضر حالا حاكلمه

كان القلق قد إستبد بعبد الرحمن بدوره نظر لهاتفه بضيق ثم خلع نظارته وفرك عيناه
ونادي بصوت زاعق على ولده قائلاً : يا مصطفى مصطفى
مصطفى : أيوة يا بابا
عبد الرحمن : خد يابني أطلبلي الرقم ده مش شايف الأرقام
مصطفى : حاضر معاك جرس

كان حسن قد أنهى لتوه إجراءات دخول كارمن للمشفى نظر له الطبيب المعالج
بتفحص ثم قال : حضرتك تقرب ليها
حسن : الحقيقة لأ هي قريبة لصديق عزيز عليا وأنا وعدته أهتم بحالتها
الطبيب : عموما هي في حالة إنهيار عصبي شديد إحنا إديناها مهدئات
بس محتاج أفهم من حضرتك حصل إيه
حسن : هو الحقيقة المعلومات اللي عندي بسيطة جداً بس هو أخوها توفى إمبراح وتقريباً في
حادث الطبيب : عموما هي نائمة دلوقتي وإحنا حنخليها تحت الملاحظة لأنها بتمثل خطورة على
نفسها

زفر حسن بضيق ماذا يحدث تذكر رقية ووجهها القلق عندما تركها
مسرعاً في الصباح الباكر دون أن يبدي الأسباب إيناس الراقدة بالمشفى بين الحياة
والموت خالد يجب أن يمر بالمشفى للإطمئنان على خالد وإيناس ثم
يعود لرقية قطع صوت الهاتف أفكاره رقماً غريباً ربما يكون
أحد العمال من المزرعة أم ربما رقية تهاتفه من المشفى رد بحرص : الو
عبد الرحمن : الو بشمهندس حسن
حسن : أيوه

عبد الرحمن : معاك عبد الرحمن والد الدكتورة إيناس
صمت حسن لوهلة من المفاجأة ثم تابع بتلجلج : أيوه اهلا وسهلا
عبد الرحمن : الحقيقة أنا آسف على الإزعاج بس إيناس مش بترد على تليفونها
ووالدتها قلقانه عليها

حسن : لا يا فندم مفيش إزعاج ولا حاجة
عبد الرحمن : طيب هي إيناس في المزرعة قريبة من حضرتك
حسن : المزرعة

عبد الرحمن : بشمهندس صوتك مش مريحني أرجوك قللي في ايه حسن
: م..... مفيش هي بس مش قدامي دلوقتيعبد الرحمن وقد أقلقته نبرة حسن بشدة : بنتي
فين يا بشمهندس في حاجة حصلت صوتك مش طبيعي أرجوك متكديش
عليا

حسن بيأس : الحقيقة أنا آسف هي الدكتورة في المستشفى

لحظة قاتلة من الصمت مرت على الجميع تابع بعدها عبد الرحمن في
جزع : مستشفى !!! مستشفى إيه ليهحسن : أرجوك إهدى أنا
رايح على هناك دلوقتي
عبد الرحمن : إديني العنوان أنا لازم أروح هناك بنتي جرتها إيه يا
بشمهندس

حسن : أستاذ عبد الرحمن إهدى علشان خاطري.

عبد الرحمن بإصرار : العنوان
حسن وقد شعر بالشفقة من أجل الرجل : حضرتك مليوني عنوانك أنا حاعدي عليك
وأوصلك لهنالك

أغلق عبد الرحمن الهاتف وقد تمكن الوجوم من ملامحه كانت ثريا تصرخ بغضب :
بنتي جرتها إيه يا عبد الرحمن بنتي فين
عبد الرحمن : مش عارف يارب اللهم إني لا أسئلك رد القضاء ولكني
أسئلك اللطف فيه يا رب .

يمر الوقت وهي غافية أمامه يراقبها بعيون قلقة أناملها الرفيعة ترقد
برفق داخل راحة يده ينتظر إفاقتها بلهفة كان بعالم آخر

فقط هو وهي وعطرها البندقي لم تكن وحدها الغائبة عن الوعي هو مثلها
تماماً غارق في أحلام يقظة هي بطلتها دون منازع لم ينتبه للخطوات
الراكضة نحو الغرفة فوجئ بهم داخل الغرفة حسن ورجل وإمرأة وشاب
..... نظر نحوهم في دهشة بادلوه بها إستدرك أناملها النائمة بقبضته
..... تركها على الفور وهو يرمقهم بحدة حدة قطعها صوت رقية الباكي
وهي تقترب من إبنتها في هلع : إيناس إيناس .

بخطوات مرتجفة وقلوبٌ مرتعدة كانوا يهرولون نحو غرفتها رحلة الذهاب للمشفى
كانت تعذيب بحد ذاتها فعبارات حسن غامضة مبهمة تارة يتحدث عن
هجوم وتارة عن حريق وكلاهما سبب لمجهول أصابها مجهول أصبح واقع مخيف
عندما خرجت الكلمات من فم أحد الممرضات حادث إطلاق النار !!!!!!

وصلوا ليجدوها ممددة على الفراش غائبة عن الوعي وبجانبها رجلٌ حاد الملامح
..... رث الهيئة فقميصه به آثار دماء !! ويبدو عليه الأرق والتعب الشديد
..... لون عيناه إقترب من الحمرة هرعت ثريا للداخل نحو إبنتها ووقف عد
الرحمن متسماً يراقبها في حسرة وظل مصطفى يرمق الغريب بنظرة غاضبة خاصةً عندما
لمح سقوط يدها الصغيرة من سجن قبضته
قالت ثريا في هلع : إيناس إيناس ردي عليا نظرت لخالد وحسن
بغضب وتابعت : بنتي مالها ردوا عليا إيه اللي حصل
نظر خالد نحوها بخجل نعم فإيناس ممددة في الفراش بسببه قال بصوت
أجش : متقلقيش يا فندم الدكتور طمني على حالتها وإحنا في إنتظار إنها تفوق من
البنج

رقية : بنج !!!! نظر مصطفى نحو خالد بحدة وقال بدوره : وهو حضرتك مين نظر له خالد
وقبل أن يجيب كان حسن قد نطق بدوره : ده
ولكن قبل أن يكمل إنتبهوا جميعاً لثريا وهي تهتف بلهفة : إيناس بتقولي إيه ؟؟
نظرت ثريا نحوهم وتابعت : اتكلمت بتقول حاجة أنا سمعتها قفز مصطفى بجانب أمه
وهرع عبد الرحمن نحوهما وخالد يراقبها بلهفة همهمات متقطعة دون معنى
الجميع منصت والقلوب متحفزة خاصة قلبه لا لن يحتمل الوقوف هكذا
..... ستفضحه ملامحه أراد الهروب إستوقفته همساتها حروف
إسمه التي خرجت برقة من بين شفثتها خالد .

خالد نعم خالد إخترقت أذناه سمعها وليس وحده بل كل
من في الغرفة تسمر مكانه ظل ينظر نحوها بقلب مرتجف سعيد
مشتاق

كررتها مرة أخرى إنها تناديه تبحث عنه خالد شعر
بالعجز يود إجابتها بل يود ضمها إلى صدره إختطافها معلناً
إستبداد العشق ولكن لا يستطيع إرتجفت أهدابها قبل أن تُبصر الضوء
..... إرتعدت شفتاها بدت باكية من أجله كانت لحظة
فارقة أخذ نفساً عميقاً خُيل إليه أنه إستهلك كل الهواء بالغرفة ثم
إتجه نحوها غير عابئاً بأحد إقترب منها إحتضن أناملها بكفيه ثم همس
بصوت رقيق : أنا هنا جنبك

تبدل بكاء شفتيها لبسمة وعادت من جديد لسبات هادئ كانت لحظة من
الجنون لحظته الخاصة من الجنون التي إنتهت عندما لمحهم جميعاً ينظرون نحوه
بصدمة وبثغور مفتوحة !!!!!

عندها غادر رحل مسرعاً بحجة إحضار الطبيب رحل قبل أن
يقفز قلبه وتعلن دقاته بقوة عن طبول الفرح

رقمه حسن بنظرة تحمل الحيرة عندما عاد بالطبيب وغادر بوعد مطمئن أنها ستفيق بشكل كامل
بعد نصف ساعة .

ترك خالد الغرفة هروباً من نظرات والديها وأخيها و حسن خلفه وهو يقول : خالد
..... إستنى رايح فين خالد : حاستنى هنا

حسن : أنا عايز أفهم إيه اللي حصل جوه ده

خالد بغيظ : وانا عايز أفهم إزاي تجيب الناس وتخضهم كده قبل ما نطمن عليها

حسن : غصب عني أبوها فاجئني وإتصل بيا كانوا قلقانين عليها وصعب عليا ماقدرتش أخبي

تتهد خالد ثم فرك جبهته بكفيه وتابع : خلاص اللي حصل حصل

حسن : ما هو اللي حصل يا خالد كارمن هي اللي ضربتها بالرصاص خالد : مش

وقته يا حسن مش وقته

حسن : لأ وقته يا خالد إنتي ناسي إن البوليس حيحقق وحيستجوبها لما تفوق

خالد : يا سيدي تفوق بس الأول كمان لازم أعرف هي وكريم الزفت دخلوا المزرعة إزاي

حسن : صحيح البوليس أخذ جثته وحيحولوها على الطب الشرعي خالد : وهي عملت معاها إيه

حسن : نقلتها المستشفى

خالد : إيه مستشفى !!

حسن : أيوه مستشفى يا خالد دي كانت في حالة غير طبيعية ممكن تعمل في نفسها حاجة وتجيب لنا مصيبة خالد : وبعدين

حسن : مفيش هي محجوزة هناك حالة إنهيار عصبي شديد

خالد : كانوا عايزين يدمروني ولاد ال

حسن : خلاص يا خالد هما خدوا جزائهم

صمت خالد قليلاً وهو يحاول إستدراك ما يحدث ثم تابع : دول كانوا مخططين هي وكريم عند الخيل وشوية بلطجية عند المزرعة الثانية ده إتفاق يا حسن وبمواعيد

حسن : مش فاهم

خالد : هات موبايلك

حسن وهو يناوله الهاتف : حتعمل إيه ؟

خالد : حاكم الحرس الزفت دخلوا إمتي ومنين ؟*****

نظر يوسف لصديقه بإبتسامة وتابع : حمد الله على السلامة

حمزة بصوت مجهد : الله يسلمك

يوسف بمزح : يعني عامل فيها سبع رجالة في بعض ويلا يا وحوش وجات اللحظة اللي إنتم مستنينها وفي الآخر تتكوم كده

إبتسم حمزة بإقتضاب وتابع : قبضوا عليهم

يوسف : مش كلهم

حمزة بتردد : متعرفش حصل إيه في مزرعة الخيل

يوسف : سمعت إنه كان في حريقة برده وواحد مات

حمزة بجزع : مين مات

يوسف : معرفش واحد حاول يتهجم على خالد ومات تحت رجلين الخيل

شرد حمزة وهمهم بذهول : كريم تابع يوسف بتردد : كمان حاجة تانية حصلت

حمزة : إيه حصل إيه تاني

يوسف : إيناس إيناس هنا في المستشفى

حمزة : إيه !!!! إنت بتقول إيه إيناس هنا إيه ليه يا يوسف

يوسف : إيناس خدت رصاصة يا حمزة محدش عارف إزاي بس ده اللي حصل شعر

حمزة وكأن ثقلاً شديداً قد هوى على رأسه تابع بنبرة مرتعشة : رصاص

يوسف : أيوة حمزة : أنا لازم أقوم لازم أمشي من هنا

يوسف : إستنى حتروح فين بس

حمزة : للبوليس حاروح للبوليس يا يوسف علشان اللي غلط يتعاقب

..... يوسف : حمزة إنت تعرف إيه يا حمزة عرفت منين إن

يحصل هجوم

حمزة : ماهو علشان كده حاروح للبوليس علشان أقولهم على أعرفه

- طيب مش قبل ما تقول للبوليس تقولي أنا الأول

نظر حمزة ويوسف لصاحب الصوت في رهبة وخالد يقف بباب الغرفة يرمق حمزة

بغیظ .

دخل خالد للغرفة ثم جلس بغيرور على أحد المقاعد وتابع بنبرة حادة : إتفضل أنا

سامعك

حمزة : يوسف ممكن تسيبنا لوحدنا بعد إذنك

تركهم يوسف وأغلق الباب خلفه وأفكاره حائرة قلقة بشأن صديقه نظر حمزة

بهدهوء لخالد وتابع : أنا حكيالك على كل حاجة ومن البداية

خرج من غرفة حمزة غاضباً مُغتاظاً ولكن من مَن؟؟؟ حمزة أم نفسه

..... من السبب عشق حمزة الأحمق أم خبث كارمن أم

غروره قبلته التي أخذها عنوه فشوهت صورتها أمام حمزة وعشقه الفردي أم قسوته

مع كارمن التي أخرجت وحش المرأة الكاسر من داخلها تصور أنه سيحطم وجه

حمزة بقبضته ولكن هل سيحاسبه وحده عن خطأ إرتكبه جميعاً تركه وخرج بعد

أن قال جملة واحدة قالها ببأس بحدة دي آخر مرة حاسمك

بتتكلم فيها عن إيناس لأنها بعد كده حتكون مراتي حتكون مدام خالد

رضوان وبس .

توجه لغرفتها أراد رؤيتها كلما غضب أراد رؤيتها كلما

فرح أراد رؤيتها إقترب من غرفتها بحرص كانوا ما زالوا حولها

يحيطون بها بإصرار بدأ يضيق بهم ولكن

هي بدأت تعود نعم تفتح عيناها ببطء تبحث عن ملامحه

بوجوههم أين هو لقد سمعته نعم كان يخاطبها بأحلامها هل
..... فزعت
وقبل أن تتدرك الواقع حولها رأته كان يقف بجوار الباب ينظر
نحوها بعمق كما إعتادت وعادت لها الإبتسامة وإنتفض قلبها
..... وفضحتها عيناها رغماً عنها هو حي خالد حي .

يتسائل قلبي عن رؤياك وغياب عقلي أوحى لي بفقدك
وهواجس نفسي تهذي أشباح الماضي تغدو تذهب
وأنا أبحث عنك لا عن ذكراك

الفصل السابع والثلاثون

فضحتها عيناها رغماً عنها
إنه حديث العيون لغة الصدق همس البصر ود لو توقف العالم
لدقائق بل ربما لساعات ليرتوي من نهر العسل بعيناها حتى الثمالة .

إنتبهت إيناس لصوت أخيها : إيناس إيناس سرحتي في إيه

قبل أن تجيب تتحنج خالد ودخل الغرفة إبتسم وحياهم ثم نظر نحوها وقال بنبرة هادئة :
حمد الله على السلامة

لا تعلم ماذا أصابها خرج صوتها خافتاً وطغت حمرة الخجل على كل شئ حتى نبرتها وهي تردد
: الله يسلمك

رمقهما عبد الرحمن بنظرة فاحصة وتابع بصوت أجش : إفضل يا بشمهندس خالد : متشكر يا
فندم

عبد الرحمن : إنا اللي بنشكرك على تعبك مع إيناس أنا عرفت إنك إنت اللي جبتها
هنا

خالد : العفو حضرتك بتشكرني على إيه اللي عملته ده هو اللي كان لازم يحصل
عبد الرحمن : طيب واللي حصل

خالد : مش فاهم
عبد الرحمن : مين اللي ضرب بنتي بالرصاص

قبل أن يجيب خالد سمعها ترد بنبرة واثقة : بابا دي كانت رصاصه طايشة

إستدار نحوها بدهشة تلاقت أبصارهما مرة أخرى قرأ بعيناها إصرار
..... تابعت مرة أخرى : البشمهندس ميعرفش مين ضرب نار ولا أنا

كانت الحيرة قد تملكت من ملامح الأب والرضى بنجاة إبتها كان هو سمة ثريا أما مصطفى فقد
ظل يرمق خالد بنظرات الريبة
قال خالد وهو ينظر نحوها هي دون الجميع : أنا حابغ الدكتور إنك فوقتي عندنكم
.....

خرج عقله مشتتحائر كيف تفكرين أيتها البندقية
..... ماذا يدور بخلدك البريء الغفران !!!

عاد مع الطبيب كان رجلاً يبدو في عقده الرابع من العمر بشوش الوجه
..... له صوت جهوريإبتسم وهو ينظر إليها وتابع : حمد الله على السلامة
إيناس : الله يسلمك

الطبيب : خضتينا عليكى ده كفاية الأستاذ كان حيتجنن والله ربنا يخليكوا
البعض كاد قلبها أن يتوقف عندما سمعت جملة الطبيب بل خيل إليها هروب نبضها
وجفاف عروقها وأن الطبيب سيعلمها الآن ميتة لا محالة خالد بدوره بُهت للحظة
ولكن بما أنه قد تعدى تلك المرحلة منذ أن نطقت بإسمه أمام الجميع فقد ظل يراقب خجل ملامحها
بنشوة

تابع الطبيب بعدها دون أن يعي أثر قنبلته : امممم البوليس حيجي ياخذ أقوالك هنا
إنتبهت إيناس ونظرت نحوه في دهشة : بوليس
الطبيب: أيوة البوليس ده طلق ناري يا أستاذة
عبد الرحمن : بس هي مش عارفة مين ضرب نار
كانت نبرته غاضبة رافضة

تابع الطبيب : خلاص تقول ده في المحضر حتى برده في أستاذ تاني مصاب في
نفس حكاية المزرعة دي والبوليس حياخذ أقواله برده
إيناس : مين ؟

أجابها خالد بإقتضاب : حمزة الطبيب : شاب صغير الحمد لله نجي تنهد
الطبيب ثم تابع وهو يوجه حديثه لعبد الرحمن : والله يا أستاذ حوادث البلطجة زادت قوي
..... ربنا يستر على البلد

عبد الرحمن : وهو البوليس قبض على البلطجية دول
خالد : مش كلهم قالولي ان في ناس هربت
إيناس : قالولك إنت مارجعتش على المزرعة

بدأت تلاحظ مظهره الرث بقايا الدماء بقميصه أرق عيناه
..... كانت تنظر نحوه بتساؤل بترقب

تابع بثقة وهو يبادلها نظرة دافئة : وهو أنا كان ينفع أمشي
نظر مصطفى نحوهما بضيق فتابع : متشكرين لمجهود حضرتك ممكن تروح تظمن
على أشغالك دلوقتي

رمقت ثريا إبنها بلوم ثم تحدثت بعد صمت طويل موجهة حديثها للطبيب : وإيناس حترج إمتى
يا دكتور

الطبيب : أسبوعين إن شاء الله

ثريا : ليه !! مش هي بقت كويسة

الطبيب : متقلقيش بس لازم تقضي فترة النقاهة هنا أحسن عنئذنكم

خرج الطبيب وظلوا جميعاً صامتين لدقائق صمت قطعه ثريا عندما قالت لزوجها :

لازم أجيب حاجات من البيت علشان إيناس وأنا حاقعد معاها

عبد الرحمن : خلاص روعي إنتي ومصطفى وأنا حاستنى هنا معاها

حتوصل والدتك يا مصطفى

مصطفى : حاضر يا بابا

خالد : بعد إذنكم لو تنتظروا عشر دقائق حاكم السواق وأوصلكم بنفسي

عبد الرحمن : مفيش داعي لتعبك يا بشمهندس

خالد : مفيش تعب ولا حاجة ده مسافة الطريق عنئذنكم

رمقه عبد الرحمن بنظرة فاحصة ثم تابع : طيب خدني معاك حاسنلهم على حاجة
تحت

خرج عبد الرحمن وخالد سوياً وإيناس تراقبهم بنظرات قلقة لاحظتها ثريا ولكنها أثرت الصمت
.....

نظر عبد الرحمن نحو خالد وبدأ دون مقدمات : أنا محتاج أسمع تفسير يا بمشهندس
خالد : بخصوص إيه يا فندم
عبد الرحمن : بخصوص كل اللي شفته النهاردة

صمت خالد لوهلة ثم لاحت على ثغره إبتسامة هادئة ربما قصد بها إخفاء إرتبائه ثم تابع : أستاذ
عبد الرحمن جازب أنا أول مرة أشوف حضرتك وكمان الظروف مش طبيعية لكن أنا
باطلب من حضرتك إيد إيناس باتقدملها للجواز واتمنى إنكم توافقوا

بدت على ملامح الأب إبتسامه ساخرة تابع وهو ينظر له : على فكرة مش هو ده
اللي كنت عايز أسمع
خالد وبنفس نبرته الواثقة : عارف بس هو ده اللي أنا عايز أقوله .

حتكون مدام خالد رضوان
كلمات تبدو حروفها كحبال غليظة تلتف حول رقبتة بخبث لتمنع عنه الهواء أم ربما الهوى
..... ولكن هواه هو فقط فقد عشقها وحده وسيتألم وحده زفر
بغضب عندما تذكر الأخرى الصهباء التي إستغلت عشقه غضبه
حماقته صك على أسنانه من الغيظ كارمن

كان حمزة غارقاً بأفكاره لم ينتبه لدخول خالد لغرفته مرة أخرى خالد
الذي رمقه بغضب وقال بنبرة جافة دون مقدمات : البوليس على وصول حياخدوا
أقوالك مش عايزك تجيب سيرة كارمن ولا إنك دخلتها المزرعة مع كريم
حمزة بدهشة : إيه إنت بتقول إيه

خالد : أعتقد إنك سمعتني كويس

حمزة : إزاي !!!!!!! ولية ؟؟؟؟

خالد : ده شئ ما يخصكش

حمزة : لأ يخصني خالد : حمزة أنا معنديش لا وقت ولا دماغ وأعتقد
حقي إنك تسمع كلامي بعد اللي عملته

هم حمزة ليقاطعه ويتحدث ولكن خالد تابع بإصرار : إيناس الضابط عندها دلوقتي وبعدها
حيجيلك حمزة بتلعثم : إيناس فاقت

خالد بغيظ : أيوه

حمزة : مش حتقول على كارمن ؟

خالد : لأ

حمزة : ليه إنت اللي طلبت منها كده ؟
خالد : لتاني مرة شئ ما يخلصكش

دلا خالد بدلوه وترك حمزة حائراً غاضباً رافضاً

في السيارة ركب خالد بجانب السائق وفي الخلف مصطفى مغتاضاً وثرياً متفحصاً لملامحه
. هذا الغريب الذي إستحوذ على قلب إبنتها الأمر جلي لا ينتظر سؤال أو
تأكيد ولكن متى وكيف كانت سعيدة وحائرة
إبتسم لها خالد عندما لاحظ تفحصها ثم حادث مصطفى بنبرة حميمية : وإنت يا مصطفى بتدرس
ولا خلصت

مصطفى : أنا في كلية تجارة
ثريا : تعبنك معانا يا بشمهندس
خالد : تعب إيه بس يا فندم وبعدين أنا عايز أعرف البيت مش جازي أحب أعزم
نفسى بعد كده على القهوة عندكم

رمقته رقية بنظرة إعجاب فعلى الرغم من غضبها وخوفها إلا أنها أعجبت بصراحته
. تابعت : وهو مينفعش دلوقتي يعني حضرتك تتفضل تطلع معانا
خالد : لا يا فندم ملوش لزوم انا حاستناكم في العربية
ثريا : على فكرة إحنا مش بخلاء والقهوة مش متعبة في عميلها

وافق خالد ووصلت السيارة للمنزل شعر خالد بالدفء والراحة بمجرد أن دلف
للداخل هذا هو منزلك إذن أيتها البندقية يشبهك دافئ كلون
خصلاتك له عبق مميز ما بال تلك الأسرة
إبتسمت له ثريا وتابعت : قهوة حضرتك إيه
خالد : مضبوط

نظر مصطفى لأمه بغضب وهي تعد القهوة ثم تابع : كمان بتعزميه على قهوة ثريا : مالك يا
مصطفى

مصطفى : مالي بتسأليني مالي إسئليهم هما هو في إيه
ثريا : حيكون في إيه فوق كده هو أنا مش مربية بنتي وعارفاها ولا إيه
مصطفى : ماما أنا مش قصدي

ثريا : شوف يا مصطفى أنا زيك مش مرتاحة للغريب اللي نط في حياتنا فجأة ده
. كمان مش عايزاها ترجع المزرعة دي ومكنتش عايزاها تروح أصلاً بس عارف

..... نفسي إنها تعيش حياتها زي كل البنات تتجوز وتخلف نفسي
أن أطمئن عليها
مصطفى : ومعاه حطمني عليها !! ماهي إنضربت بالرصاص في مزرعته
ثرىا : خلاص حاشترط عليه ما يقدهاش في المزرعة
مصطفى : ده الموضوع بقه رسمي بقه
ثرىا : طلبها من أبوك
مصطفى : طلبها من أبوك !!! إمتى حصل الكلام ده
ثرىا : في المستشفى قبل ما نيجي هنا
مصطفى : لحق إحنا لسه شايفينه من ساعتين بالطريقة دي حيتجوزوا بكرة
ثرىا : إيه يا مصطفى غيران على أختك ولا إيه إنت مكنتش بتعمل مع شريف كده
مصطفى : شريف كان غلبان لكن ده شكله مش غلبان خالص
ثرىا : طيب تعال أقعد مع الراجل وهو بيشرب قهوته على بال ما أحضر الهدوم
وبعدين نشوف موضوع الجواز ده ونشوف أختك حتقول إيه
مصطفى : يعني حتقول إيه يا ماما هو إنتي مش كنتي معانا لما ندهت عليه وهو ولا همه
ثرىا : هو وخلاص نيته بانث واللي عمله أبوك مش حيسييه حيلومه
ويفهمه غلطه لكن هي أنا خايفة من عندها يا مصطفى والمرة دي حتعاندها
نفسها .

نظرت رقية لحسن بغضب وتابعت : إنت إزاي تخبي عليا حاجة زي دي إيناس
حسن : كان لازم أطمئن الأول قبل ما أقولك
رقية : يا حبيبيتي يا إيناس رصاص ليه
حسن : المهم إنها نجيت
رقية : أنا لازم أروحها لازم توديني عندها حالا
حسن : رقية مينفمش مالكيش خروج دلوقتي إنتي عارفة
رقية : يعني إيه حافضل هنا وأسببها كده لا يا حسن كله إلا إيناس
حسن : بلاش عند وهي مش لوحدها أهلها معاها وخالد مسبهاش
رقية : لازم أطمئن عليها حسن هي كويسة ولا بتضحك عليا
حسن : والله كويسة أكلمهاك
رقية : أيوه كلمها دلوقتي
حاضر حاكلها على تليفون والدها

إختطفت رقية الهاتف من حسن بمجرد أن إستشعرت صوت إيناس قالت وهي تحاول
منع عبراتها : إيناس حبيبيتي إنتي كويسة

إيناس : رقية يا خير قالك وقلقك ليه بس
رقية : كده يا إيناس أسيبك ليلة واحدة تخضيني عليكي كده
إيناس وقد إستشعرت نبرتها الباكية : رقية إنتي بتعيطي
رقية : ومش هرمونات إنتي غالية عندي قوي يا بت
إيناس : طيب أنا كده حعيط
رقية : حاجيلك لازم أشوفك
إيناس : متهرجيش أنا كويسة والله ولو نفسك تيجي المستشفى متخافيش أنا
هنا أسبوعين
رقية : ألف سلامة عليكي يا حبيبتي
إيناس : بوسيلي خالد
رقية : حاجيهولك أول ماخرج حنيجي سوا
إيناس : ربنا يحميه يارب
رقية : لا إله إلا الله
إيناس : محمد رسول الله

أغلقت إيناس الهاتف وتنهدت براحة رقية لقد إفتقدت صحبتها جاءها
صوت أبيها متسائلاً : مين خالد ؟
إيناس : ده ابنها
عبد الرحمن : سموه خالد
إيناس : اه
عبد الرحمن : ده على إسم البشمنهندس
إيناس : أيوه
عبد الرحمن : بيحبوه للدرجة دي
إيناس : هو وبشمنهندس حسن صحاب قوي
عبد الرحمن : شكله إنسان محترم
إيناس : هه ااه طبعاً
عبد الرحمن : لكن ليه أعداء
إيناس : أعداء !!!
عبد الرحمن : الناس اللي هجمت على المزرعة أكيد حد مسلطهم
إيناس : قصدك البلطجية
عبد الرحمن : أيوه عموماً حصل خير ربنا ستر وكفاية قوي لغاية كده
إيناس بإرتباك : كفاية إيه
عبد الرحمن : يعني إن شاء الله ترجعي معانا علي البيت بعيد عن القلق ده
أجابت إيناس بعفوية : بس هو مات

نظر عبد الرحمن نحوها بتفحص : هو مين ده اللي مات
إيناس وقد تمكن منها الإرتباك : اللي اللي سلت البلطجية
عبد الرحمن : وعرفتي مين إنه مات
إيناس : شفته الخيل كانت مذعورة وبتجري وإحنا طلعلنا على صوتها
والشخص ده مات تحت رجلين حصان خايف
عبد الرحمن : والرصاص مين ضربه
إيناس : معرفش إحنا كنا ملخومين باللي بيحصل وفجأة سمعت صوت رصاص
عبد الرحمن : خلاص يبقى لغاية ما نعرف مين ضرب الرصاص مفيش رجوع
للمزرعة

بدا عليها الضيق الآن تود العودة للمزرعة من أجل من؟؟ من أجله
..... نعم من أجله ألم تتلقى الشظية من أجله ألم تتستر على
كارمن من أجله من أجل أن تفتح دائرة إنتقامه وتُفرغها من أحقادها إنها
تريده نقياً خالٍ من هواجس الغضب سحاً إنها تريده .وهو
..... هو لا يريد سواها عاد وألقى نظرة سريعة عليها كانت
وحيدة بالغرفة

قال لها بنبرة حانية : أنا مضطر أرجع المزرعة أشوف الوضع هناك وكمان أغير هدومي
أومأت بإبتسامة رقيقة دون حديث
سألها بخبث : هو بابا فين
أجابت : راح يصلي تابع بإبتسامة ماكرة : خلاص أستنى معاكي لغاية ما يصلي
إيناس : هي ماما فين
خالد : تحت بتقيس الضغط
إيناس بلهفة : هي تعبت
خالد : متخضيش ده أخوكي حب يطمن عليها
ظلت صامتة لوهلة تابع بعدها : الظابط جه
إيناس : أيوه
خالد : برده مقلتيش على كارمن
إيناس : لأ
خالد : ليه يا إيناس
بدا عليها الإرتباك ولم تجب
تابع بصوت دافئ : علشاني

همت تنفي بلسانها ما تجزمه عيناها ولكنه إستوقفها متابعاً : زي برده ما أخذتي رصاصتها

مكاني

كان ينظر نحوها بثقة بعمق بحب قالت متلعثمة : أنا قال بثقة :
بحبك

مرة أخرى تمكنت منها حمرة الخجل تقافزت دقات قلبها وكان إشارات نبضه
الجامح مرتسمة على وجهها كادت أن تتحدث ولكن ماذا ستقول لم
يعطها فرصة إختطف أناملها برقة ليطبع عليهم قبلة دافئة سحبتهم بخجل
إبتسم لها برقة مودعاً وإحتفظت هي بإبتسامتها لنفسها بعد رحيله

وبخطوات متناقلة مترددة وبعد أن إطمئن على غاليته
معشوقته ومزرعته توجه إليها كانت تجلس منكمشة على الفراش
خصلاتها الحمراء مبعثرة كأفكاره إنتهت له كان وجهها شاحباً
..... ملامحها قلقة تبدلت نظرتها وحلت السعادة محل الخوف
..... صاحت بهجة : خالد حبيبي إنت جيت
نظر نحوها بصدمة تابعت بعد أن تبدلت ملامحها لحزن : خالد أنا مش عارفة أنا فين
فين بابا وكريم هما مش معاك
خالد : إيه !
إقتربت منه وإحتضنته بشوق ثم تابعت : حبيبي وحشتني قوي يلا نمشي من هنا
..... يلا نروح على البيت .

نعم كان حائراً بشأنها كان ينتظر كلماتها ليقرر مصيرها بين إنتقامه وشفقته ولكن
لم يتصور أن يجد في النهاية الهديان .

الفصل الثامن و الثلاثون

بلغني أيها الملك السعيد ذو الرأي الرشيد أنه كان هناك سفينة تبحر دون مقصد بدروب
الحياة زادها الخيال وونيسها الذكرى وفي ليلة فضية ليلة تربع
فيها ضوء القمر على عرش الظلام وتزينت سماء الليل بلمعة النجوم
غاصت دون وعي ببحر الهوى وبحر العشق عميق سحيق يا مولاي
..... وبعمرق هذا البحر كان يوجد جبل شامخ غاضب
ثائر أسود كستائر العتمة يطلقون عليه جبل المغناطيس كلما
مرت به سفينة تحطمت تناثرت أجزاؤها فصارت حطاماً

..... إبتلعه البحر في لحظات .

وإقتربت منه دون إرادة وتحطمت جدران عزلتها على يد عنفوانه ولكن لم يبتلع
البحر عزلتها فحسب ولم يتمكن الغرق فقط من ذكراها بل غاصت معه أحجار
المغناطيس وركع شموخ صرحه تحت قدميها

مرت ثلاثة أيام ثلاثة أيام منذ أن ألقى بتعويدته السحرية على مسامعها
..... أحبك بدّل حالها ورحل تركها سعيدة لا بل حائرة
مبعثرة كحروف كلمته داخل عقلها فتارة رافضة وتارة عاشقة وهو غائب
..... والوقت يتبختر بدلال حولها وعبارته متأججة بوجدانها متملكة لها
بإصرار رحل وهي أصبحت رافضة وغدت مشتاقة .وأحاطت بها الغربة
..... وكأن العالم فراغاً دونه لم تصدق نفسها عندما لمحت رقية بباب غرفتها
ومعها خالد الصغير كانت تبدو جميلة بل مضيئة نعم مضيئة بشعاع
الأمل ورونق الأمومة
هتفت إيناس بسعادة بالغة : رقية
رقية : أنوس حبيبي

تعانقتا بشوق وطبعت إيناس قبلة رقية على جبهة الصغير النائم إبتسمت بمكر
لصديقتها وقالت : نسخة من البشمنهندس
رقية : مخدش مني حاجة العفريت ده حتى متعب زي أبوه
إيناس : ربنا يخليكوا لبعض
رقية : إنتي عاملة إيه دلوقتي يا حبيبي
إيناس : أنا كويسة الحمد لله مش عارفة ليه الدكتور مقعدني هنا أنا زهنت
رقية : هي كانت عملية الزايدة يا إيناس دي رصاصة يا ربي أنا كل
مافتكر قلبي يقع في رجلي
إيناس : خلاص يا رقية عدت الحمد لله
رقية : حصل إيه يا إيناس حصل إيه يومها
إيناس : مانتى عارفة يا رقية الهجوم والقلق
رقية : حتخبي عليا يا أنوس أنا عارفة إنها رصاصة كارمن

نظرت نحوها إيناس بترقب وتابعت : خالد هو اللي قالكم
رقية : خالد يومها كان في حالة إنهييار وبعث دسوقي لحسن كان عايزه يحبسها
لغاية ما يفوقها وحسن عرف من دسوقي إن كارمن كان في إيدها مسدس
إيناس : يعني هي دلوقتي في المزرعة

رقية : لا جائلها حالة إنهيار عصبي وحسن نقلها على المستشفى
إيناس : ايه !

رقية : كانت قاصداكي يا إيناس

إيناس : رقية إنتي بتقولي إيه لأ خالص حتقصدني ليه

رقية : علشان تحرق قلبه كانت عارفة إنه بيحبك صح

إيناس بتلعثم : بي بيبيايه رقية إنتي بتقولي إيه

رقية : بطلي مكابرة بقة أنا نفسي عرفت من يوم ما طفشتي وجري وراكي زي

المجنون علشان يرجعك ليلة ما ضايقتك وهربتي ثاني يوم

إيناس : رقية

رقية : كارمن كانت عارفة أكيد ليه مبلغتيش عنها ليه

إيناس : مكنتش تقصدني مكنتش في حالتها الطبيعية علشان تفكر بالطريقة دي

رقية : مش فاهمة طيب الطلقة ضربتها إزاي

صممت رقية لوهلة ثم تبدلت ملامحها فنظرت نحو إيناس في صدمة وقالت : إيناس
هي كانت تقصد

ترقرقت العبرات بعيني إيناس رغماً عنها وتابعت : أيوه كانت تقصد خالد
رقية بتأثر : إيناس إنتي عملتي إيه

بنبرتها المرتجفة تابعت : ماقدرتش كان صعب أفقده من ثاني كان

صعب قوي محستش بنفسي

أمسكت رقية بأنامل صديقتها وربتت عليها : حبيبتني إنتي مجنونة إنتي
بتحبيه للدرجة دي

إنفجرت إيناس رغماً عنها في البكاء عندما سمعت عبارة رقية الأخيرة لقد أفرغت
لثوها حملها الثقيل بجعبة صديقتها

إقتربت منها رقية ورفعت ذقنها وتابعت بحنان : طيب بتعيطي ليه بس هو الحب
حاجة وحشة

إيناس : أنا أنا

رقية : إنتي حبيبتيه حبيبتيه يا أنوس ومش حتعرفي تكدي حتى على
نفسك

إيناس : لكن شريف

نظرت رقية لصديقتها بإبتسامة وتابعت : شريف أول حب بس مش الأخير يا إيناس

قلبك دق تاني لأ ده مش دق ده صرخ بأعلى صوته وقال بحبك يا خالد

..... وعلى فكرة عادي يعني مش عيب ولا حرام ولا قلة أدب

إيناس : بتهظري يا روكا

رقية : لأ ما بهظرش ولا ناسية الكلام اللي قنتهولك ليلة ما حمزة عرض عليك

الجواز فاكرة يومها كنتي مش طايقة نفسك

إيناس بشرود : حمزة

رقية وقد إبتسمت بمكر : أيوة حمزة بس أقول إيه ماهو إحنا كده كلمة

بحبك بتبقى حلوة بس من واحد بس

صمتت إيناس لوهلة بعد عبارة رقية تذكرتها بحبك قالها

بهمس بصوت دافئ وتمكنت منها حتى النخاع تمكنت من يقظتها

وسيطرت على أحلامها هي حمقاء أين هو الآن رحل دون

إكترات !!!

قطبت جبينها تابعت بضيق : الكلام ده سابق لأوانه رقية : ده هو أوانه أنا لو

منه أجيب المأذون وأكتب حالاً قبل ما ترجعي في كلامك

نظرت نحوها إيناس بقلب مرتجف : مأذون إنتي بتقولي إيه بس لا كويس

إنه ما بيفكرش زيك رقية : حنشوف هو بس يخلص موضوع الست

كارمن

إنتبهت سألتها بقلق : كارمن هو حيعمل إيه

رقية : متعرفيش

إيناس : لأ معرفش وماشفتوش من ثلاث أيام قولي يا رقية ماتوقعيش قلبي

رقية : معرفش تفاصيل بس هو حسن قالي إنه نقلها مستشفى أمراض نفسية و

عايز يسفرها برة

إيناس : أمراض نفسية هي حصلها إيه بالضبط

رقية : معرفش خالد ماقالش لحد تفاصيل حتى لحسن

شعور آخر تختبره الآن هو حريص بشأنها ربما قلق

مشغول متحفظ تبا إنها الغيرة .

ما زالت عبارات الطبيب مسيطرة على عقله كارمن تعاني من فقدان الذاكرة

الإنشقاقي ذكرى آخر ثلاثة أعوام غابت عن عقلها الطبيب يرجح أن السبب

صدمة عنيفة صدمت إصطدمت بشقاء ثلاثة أعوام بذرة الغضب التي ألقاها

بعبت في أرضها لتطرح غلاً كاد أن يودي في النهاية بحياة من تمكنت من دقائق قلبه .

زفر بضيق بالسخرية القدر الآن هو يسعى بكل ما أوتي من قوة لعلاجها

..... رتب كل شئ في أيام وتوصل بفضل أصدقائه في الولايات المتحدة لمصحة
نفسية شهيرة علاج عضوي ونفسي لإستعادة ذاكرتها أولاً والتعامل مع ألمها ثانياً
..... لا يعلم هل يفعل ذلك خوفاً عليها أم منها أم ربما كلاهما .

إبتسم حسن مرحباً بزوجه بعد أن دخلا للفيلا قائلاً : نورتي بيتك من تاني يا حبييتي
نورت يا أستاذ خالد

إبتسمت رقية لزوجها إبتسامة بسيطة وظلت تتفحص منزلها لدقائق ورغماً عنها تمكنت منها
ذكرى رحيلها لاحظ حسن تبدل ملامح زوجته تابع بصوت أجش : إيه يا
رقية مكنتيش عايزة ترجعي

رقية : لو مكنتيش عايزة أرجع ماكنش زماني واقفة هنا دلوقتي

حسن : يبقى تضحكي وتفرحي برجعتك لبيتك وتفرحيني معاكي

تتهدت رقية وتابعت بنبرة جادة : حسن إحنا لازم نتكلم

إبتسم حسن وتقدم من زوجته مقبلاً رأسها وتابع : ومستعجلة على إيه ما حنا حانتكلم

..... قدامنا العمر كله حنتكلم وحتنخاق وحنقلق وحنفرح وحنزعل وحصالحك

..... بس حنفضل مع بعض ولبعض سامعاني يا رقية
لبعض .

نظرت نحوه بتمعن ثم نظرت نحو خالد وتفحصت مملكتها مرة أخرى وإبتسمت

بسخرية فقد كان محقاً

دخلت ثريا لغرفة إبنتها مسرعة وهي تلهث قائلة : معلش يا حبييتي إتأخرت عليك

إيناس : ماما إنتي تاعبة نفسك راحة جاية

ثريا : لازم برده أطل على البيت وعلى أخوكي

إيناس : خليكي في البيت يا ماما ملوش لزمة تبهدلي نفسك معايا هنا

ثريا : لما تبقي ماما حتفهمي

إبتسمت إيناس لأمها وتابعت : حقك عليا يا ست الكل أنا مش قصدي انا بس عايزة أريحك

ثريا : محدش فيكم مريحني الصغير قالقني عليه وببسر ح وبيتأخر بره كثير

خصوصاً لما أغيب والكبير أهو معاد أجازته فات يجي من 3 شهور ومنزلش الشغل

يا ماما طيب كان نزل العيال دول وحشوني قوي

إيناس : معلش يا ماما محدش عارف ظروفه

ثريا : وإنتي ربنا يهديلك الحال وقلبي يطمئن عليك بقه

- طيب والدعوات دي أنا مليش نصيب فيها

قال عبد الرحمن جملته بإبتسامه وهو يذلف لداخل الغرفة نظرت نحوه ثريا بتساؤل
..... كنت بتكلم مين وسيبتني أطلع لوحدي
عبد الرحمن : كان معايا واحد صاحبي على التلفون
ثريا : صاحبك مين ؟

عبد الرحمن : صاحبي وخلص يعني إنتي تعرفي كل صاحبي عاملة إيه
النهاردة يا حبيبتني

قال جملته الأخيرة لصغيرته بإبتسامه قابلتها هي بإبتسامه أوسع مجيبة : الحمد لله يا بابا
عبد الرحمن : زهنتي الصبح لوحديك

إيناس : لأ خالص حتى رقية جاتلي وقعدت معايا شوية

عبد الرحمن : الست دي ذوق جداً وجوزها كمان

إيناس : اه والله طلعت من المستشفى عليا علطول قبل حتى ما تروح البيت

ثريا : وكلمتني وكلمت أبوكي تظمن علينا كمان

إيناس : والله فيها الخير

عبد الرحمن : طيب أنا حاسي بكم ورايا مشوار ضروري وراجع

ثريا : رايح فين

عبد الرحمن : حقابل واحد صاحبي

ثريا بدهشة : صاحبك مين عبد الرحمن بضيق ونبرة يقصد بها مباحة زوجته : ما قلتلك

متعرفهوش يلا عايزين حاجة من برة

لم تجب ثريا زوجها فأجابته إيناس بإبتسامه : سلامتك يا بابا

نظرت إيناس نحو أمها وتابعت : برده متضايقه

ثريا : يعني شايقة أبوكي ودلعه وقت صحاب ده وخروج

..... محدش فيكم مريحني إنتم الأربعة .

ضحكت إيناس بيأس وزمت ثريا شفيتها وظلت تتفكر في أحوالهم جميعاً .

نظر عبد الرحمن نحو خالد بإبتسامه وتابع وهو ينفذ ملابسه : الحقيقة يا بشمهندس لما كلمتني
في التلفون وقتلي ياعمي توقعت مقابلتنا حتكون في مكان هادي وإني حاشرب
لمون ولما إنت إقترحت المزرعة قلت وماله مكان حلو وجو جميل وهدوء لكن
متوقعتش اللي حصل ده خالص

إبتسم خالد بدوره وتابع بعد أن بدّل ملابسه التي كانت قد نالت نصيبها مما حدث : بجد يا عمي
أنا مش عارف أقولك إيه أنا كنت نسيت في وسط اللخبطة و الزحمة الفرسة دي

خالص يدوبك عرفت من البواب إن حضرتك وصلت لقيت الساييس بيقوللي يا

بشمهندس إلحق سهيلة حتولد

عبد الرحمن : فرسة جميلة وإسمها جميل

خالد : أنا مكنتش عايز أتعب حضرتك وقلت تنتظرني في الفيلا أفضل

عبد الرحمن : بصراحة أنا كان عندي فضول أحضر التجربة دي برده شغلکم متعب

يا أخي هي إيناس لو كانت موجودة كانت حتولد الفرسة دي

خالد : لا لا مش للدرجة دي بس كانت حتضر مع الدكتور وتساعده

عبد الرحمن : بس إنت كنت مخضوض قوي ده ولا أكن مراتك اللي بتولد

خالد : أصل الفرسة دي بقت عزيزة عليا قوي

نظر عبد الرحمن نحوه بتفحص ثم تابع : طيب أنا محتاج لمون بعد شحنة التوتر دي

خالد : لمون إيه الغدا جاهز

عبد الرحمن : غدا إيه يا إبنی هو أنا حاقد ر آكل حاجة بعد اللي شفته ده يلا هات

اللي عندك

خالد : طيب نقعد الأول إتفضل

عبد الرحمن : هه وادي قعدة يلا قول يا بشمهندس

خالد : أنا كنت عايز أعرف رد حضرتك على طلبي

عبد الرحمن : يا بنی إنت مستعجل كده ليه ده ربنا خلق الدنيا في سبع أيام

خالد : ونعم بالله أصلي مسافر وكنت حابب لو أعرف رأيك مبدئياً يعني

عبد الرحمن : مسافر !!خالد : اه ظرف طارئ أسبوع وحارجع

عبد الرحمن : لما ترجع بالسلامة لينا كلام حتى تكون إيناس خرجت من المستشفى

خالد : طيب إتفضل

عبد الرحمن : إيه ده

خالد : دي ورقة فيها كل بياناتي علشان حضرتك تسأل عني وعن عيلتي

عبد الرحمن : يا إبنی سماهم على وجوههم

خالد : والله يا فندم المفروض أنا اللي أقول الجملة دي حضرتك بتفكرني بوالدي الله

يرحمه

عبد الرحمن : الله يرحمه ومدام بفكرك بوالدك يبقى بلاش يا فندم دي قول يا عمي زي ما بدأت

كلامك

خالد : طيب ممكن يا عمي أطلب من حضرتك طلب تاني

عبد الرحمن : طلب إيه

خالد : ممكن أروح أسلم على إيناس في المستشفى قبل ما أسافر

رقمہ عبد الرحمن بنظرہ متفحصہ مرہ أخرى من تحت نظارته وتابع : هو المفروض لأ

..... بس أنا موافق بس بشرط

خالد : إتفضل

عبد الرحمن : عايز الحقيقة يا خالد الحقيقة اللي إنت وإيناس مخبينها

خالد : حقيقة إيه

عبد الرحمن : مين اللي ضرب الرصاص

صمت خالد لوهلة ثم زفر بعمق ونظر نحو عبد الرحمن بجدية وتابع : حاضر أنا

حقول لحضرتك على الحقيقة حقولك مين اللي ضرب الرصاص

كانت الساعة قد تعدت الحادية عشر صباحاً بقليل الوقت يمر ببطء كقطار متهاك
يحمل على متنه الكثير والكثير من الأفكار ذكريات الحاضر تتسلل بخبث نحو
عقلها تذكرت ضحكته عندما أغرقه رعد ببقايا طعامه إبتسمت ولكن تبدلت
إبتسامتها لضيق عندما تذكرت غيابه إنها تفتقده أفاقت من شرودها على
صوته هذا من ينقصها الآن تتخيل سماع صوته ! ما بال هذا
الرجل تخطو النساء بعالمه نحو الجنون ولكنه لم يكن جنوناً لم
يكن خيلاً كان واقعاً متجسداً على باب غرفتها هو بحدة نظراته ومكر
إبتسامته ودفء صوته .

خالد : صباح الخير

إيناس : صباح النور

دخل بخطوات ثابتة ثم قرَّب أحد المقاعد من فراشها وتابع متسائلاً أثناء جلوسه : هي
ماما فين

إيناس : كل يوم الصبح بتروح على البيت شوية تطمن على مصطفى وتشار على

الشقة وبابا بيحبها بعد الظهر

تابع بإبتسامة: وإنتي عاملة إيه دلوقتي

إيناس : الحمد لله

كانت تجيبه بإقتضاب تابع بنبرة ضاحكة : متأكده أنا متفق مع الدكتور أقل من 70

نبضة في الدقيقة مش حاستلم أنا بقولك أهو

ضحكت إيناس رغماً عنها وتابعت : إيه اللي إنت بتقوله ده

خالد : ياااااه أخيراً ضحكتي ده عملت بحث مُضني عالنكتة دي قبل ما

أجريك علشان أصلحك بيها إنتي عارفة دمي مش خفيف قوي .

أعادت بعض خصلات شعرها للوراء بإرتباك ثم تابعت : تصالحني ليه

خالد : علشان زعلانة مني

إيناس نافية بتوتر : لا أبداً مش زعلانه

هو بثقة : لأ زعلانة

تابعت رغبة في الهروب : أخبار المزرعة إيه

خالد : وحشة من غيرك

ردت مسرعة رغبة منها في التخلص من هذا الإرتباك الأحمق الذي يصيبها أمامه : يعني مفيش خسائر

خالد : الخسائر بسيطة وحنعوضها إن شاء الله

إيناس : إن شاء الله

خالد : مش عايزة تعرفي كنت فين الأيام اللي فاتت

إيناس : أكيد مشغول بمليون حاجة

خالد : يعني عندي مليون حاجة تشغلني عنك ! تبقي لسه زعلانة

نظرت نحوه بخجل دون إجابته فحروف الهجاء تهرب أمام نظراته تصبح

شفرة هي نفسها غير قادرة على فك طلاسمها إستشعر خجلها كعادته وإستقطع

لنظراته بعض اللحظات الخاصة مع حمرة وجنتيها ثم تابع بصوت هادئ : لو زعلانة أنا ممكن

أصالحك تاني

كانت نبرته ماكرة

.....

ردت مسرعة دون تفكير : لأ خلاص أنا مش زعلانة

ضحك بصوت عالٍ ثم تابع وهو يزفر براحة : ااااه معاكي بانسي همومي

نظرت نحوه بقلق : حصل إيه

خالد : كارمن

إيناس : رقية كانت عندي إمبراح بتقول دخلت مستشفى أمراض نفسية

خالد : نقلتها فيه من يومين لغاية ما تسافر وتتعالج برة

إيناس : للدرجة دي

خالد : معنديش إستعداد أجازف ممكن تكون خطر على نفسها وعلى اللي حواليتها

إيناس : هي عندها إيه

خالد : فقدان ذاكرة جزئي مش فاكرة أحداث آخر 3 سنين

إيناس : معقول

خالد : الدكتور بيقول مع العلاج حنتحسن لكن أنا قلقان من رد فعلها بعد ما تفكر ده

كمان مهم أعالجه

إيناس : عقلها حماها من الصدمة وهرب للماضي
خالد : على فكرة هي كمان فاكرة إني لسه جوزها
نظرت نحوه بدهشة وتملك منها الغضب للحظات ثم إستدركت نفسها وتابعت : هي صعبانة عليا
قال خالد بنبرة حزينة : أنا كنت برده سبب في اللي حصلها
إيناس : حتسفرها فين

خالد : فلوريدا صديق نصحني بمصحة كويسة هناك حجزتلها وحاوديتها كمان يومين
إيناس : وحتسافر معاك بسهولة

خالد : الدكتور حيديها جرة مهدئات وهي هادية أغلب الوقت بس أحياناً بتكون مركزة ومش
عارفة هي فين

إيناس : ربنا يشفيها

خالد : حاغيب أسبوع واحد بس

إيناس : براحتك برده لازم تظمن على الوضع هناك

خالد : حتوحشيني حاجي عليكي من المطار

إبتسمت ثم قالت وهي تنظر للأسفل : غالباً حكون رجعت للبيت

تابع بإبتسامة واثقة : خلاص يبقى حاجي البيت

رفعت نظرها لتجده ينظر نحوها بإصرار متابعاً : حاجي البيت يا إيناس فاهماني
..... حاجي البيت بصمتت لوهلة كانت تعلم مقصده جيداً كانت خائفة
وسعيدة حائرة ولكن راغبة بقربه تابع مرة أخرى وهو يبسط يده من أجل
مصافحتها : أشوف وشك بخير

كانت أناملها مرتجفة باردة إستقرت بأمان عندما إستشعرت دفء قبضته
..... وجدت نفسها تقول له : إبقى كلمني

نظر نحوها بعمق تبعته إبتسامة صادقة وقال : حاكلمك كل يوم حاتصل أسمع صوتك

إيناس : لا إله إلا الله

خالد : محمد رسول الله

النهاية

الجزء الأول

الفصل التاسع و الثلاثون



إختبار السيدة الجميلة

كيف نرى العالم هل نراه كما هو أم نراه كما نريد أن نراه .
الحقيقة أننا نرى العالم من خلال أنفسنا أفكارنا مشاعرنا ربما
سعادتنا أو غضبنا .

الصورة السابقة تمثل إختبار . فإذا نظرنا ملياً للصورة على اليمين ثم عدنا للصورة في المنتصف
سنراها امرأة جميلة شابة لها أنفٌ دقيق و ترتدي عقداً ربما من
الماس ولكن إذا نظرنا بدقة للصورة الأخرى على اليسار ثم عدنا مرة أخرى
للصورة في المنتصف سنجدها عجوز !! نعم عجوز تبدو في السبعين من العمر حزينة
..... لها أنفٌ ضخمة و ترتدي شالاً سميكاً

نعم نحن نرى الحياة بمنظور مختلف ويختلف بإختلاف تجاربنا ماضيها
..... أفكارنا هو اجسنا وستتبدل الصورة كلما تغيرنا نحن .

نعم الصورة ثابتة ونحن من نتحرك .

مرت عدة أيام وإستقرت كارمن بالمشفى النفسي كان يذهب لزيارتها
 يومياً مرت الأيام عليه مزحمة ممتلئة بما حدث ويحدث وسيحدث ومع
 مرور الوقت بدأ يوقن ويعي التغيير حوله إختلف كل شئ كارمن تبدو مختلفة
 ملامحها إبتسامتها عيناها وكأنها ليست كارمن
 وكأنها امرأة أخرى قابلها فقط منذ عدة أيام فلم تعد خصلاتها الحمراء
 تائرة جامحة كما إعتادها لا بل أصبحت هادئة مستكينة
 خاضعة .

زرقة عيناها تملك منها السكون والركود ربما اليأس وربما العفة
 نعم إنطفأت شعلة الرغبة بداخلها ولكن أية رغبة؟؟ رغبته أم رغبته
 فمنذ البداية كارمن لم تكن سوى رغبة رغبة الإنتقام
 رغبة الكيد ورغبة المتعة والآن أصبحت رغبة التطهير .

نعم إختلف كل شئ وأصبح يراها بمنظور مختلف مسالم هادئ
 مسامح منظور معبئ بنكهة البندق .

إيناس

عادت للمنزل عودة أخرى مرة أخرى مشفى آخر

يبدو كل شئ مختلفاً على الرغم من أنه لم يتغير شئ فالأثاث مرتب كعادته
 عبق الدفء يغمر المكان كما عهدته والدتها تمارس طقوسها الخاصة
 بالمطبخ التي تتبئ بوجبة شهية ساخنة وجبة تلذذت بطعمها أكثر من ذي قبل
 نعم كل شئ يبدو أجمل حتى الشرفة شرفة شريف
 تلك الشرفة التي إحتضنت ذكرياتها أحلامها سعادتها

.....أحزانها عشقها .

لم تتوجه نحوها بخطوات مرتجفة تلك المرة لم ترى القبح بمعالمها كما اعتادت
..... فالمرأة بالشرفة كانت تبدو جميلة متفانية سعيدة
إنها أم مستمتعة برونق الطفولة المحيط بها وكأنها تراهم لأول مرة
وكانها ترى الحياة من جديد .

حياة بشمس صبح تشرق مع رسائله الصوتية كل صباح نيرته الدافئة و عباراته
العاشقة أصبحت عادة وسعادة ورغبة وإبتسامة ودقات قلب متفانية من
أجله وكل شئ

كانت وحيدة بغرفتها عندما سمعت طرقات متتالية على الباب

رمق عبد الرحمن إبنته بنظرة باسمة وقال : صباح الخير يا أنوس

إيناس : صباح النور يا بابا

عبد الرحمن : عاملة إيه دلوقتي

إيناس : أنا كويسة يا بابا متقلقتش عليا

عبد الرحمن : طيب يا بنتي الحمد لله دماغك رايقة عايز أتكلم معاكي شوية

إبتسمت لأبيها بإرتباك وتابعت : اه طبعاً إتفضل يا بابا

إبتسم عبد الرحمن لإبنته ثم تابع بنبرة جادة : بصي يا إيناس من غير مقدمات كثير البشمهندس

خالد طلب إيدك مني

صمنت إيناس لوهلة وقد تمكنت دهشة ممزوجة بالخجل من ملامحها ثم تابعت بنبرة خافتة :

طلب إيدي إمممتي

عبد الرحمن : في المستشفى

إيناس : في المستشفى !!!

عبد الرحمن : أيوة في المستشفى تقريباً ده كان أول كلامه معايا

كانت تستمع لأبيها والدهشة مسيطرة عليها فخالد لم يُخبرها أنه بالفعل تقدم للزواج

منها وبتلك السرعة الزواج ماذا كانت تظن أنها ستقضي سنواتها القادمة

في إستقبال برقيات العاشقة حتماً سيكون هناك زواج فقد أخبرها بإصرار أنه سيأتي

للمنزل أخرجها صوت أبيها من أفكارها المتشابكة وقد تابع : بصراحة أنا في الأول

مكنتش متشجع لكن لما سألت عنه وعن عيلته لقيت سمعتهم طيبة وهو أعتقد إنه شخص ناجح
ولا إنتي إيه رأيك
إيناس : هه

عبد الرحمن : إيه رأيك في البشمهندس خالد
ردت بارتباك : هو كويس كويس
عبد الرحمن : يعني موافقة
إيناس : موافقة على إيه
رمقها أبيها بنظرة فاحصة وتابع : على الجواز
تبدلت ملامحها تمكنت منها الحيرة والحزن قالت بياس : مش عارفة

إبتسم عبد الرحمن لإبنته ثم أحاطها بذراعه ليجذبها بقربه وتابع : شوفي والدتك طبعا
مشجعة الموضوع أنا كنت متردد لكن هو وعدني بحل مشكلة كارمن وإنها مش
حتسبب إزعاج ولا خطر ليكم من تاني
نظرت له إيناس بصدمة قائلة : هو حكي لحضرتك على كارمن
عبد الرحمن : وإنتي تفتكري إني ممكن كنت أوافق من غير ما أفهم بالضبط اللي حصل ليلتها
في المزرعة

لا تدري ماذا حل بها ولكن سخونة وجهها كانت تنبئ بملامح حمراء تحمل الخجل والغضب في
أن واحد أيعقل أن يكون قد أخبر والدها بتضحيتها من أجله لاحظ عبد
الرحمن ملامحها الحائرة وقلقها البادي بقوة على وجهها كان يود أن يصمت منتظراً
تفسير ما حدث منها تلك المرة ولكنه أثر المتابعة من أجل تهدئتها فتابع : أنا بصراحة كنت
مصدوم لما حكالي على موت اللي اسمه كريم وكمان جنون كارمن المؤقت وضربها نار عليكم
عشوائي وفي الآخر إنتي اللي انصبتى زم شفتيه وتابع : طول عمرك محظوظة
كده يا بنتي

تنفست إيناس الصعداء عندما سمعت كلام أبيها اه كم تحب خالد في تلك اللحظة
..... هل هذا حقاً هو الحب أن يعلم حبيبك بما توده دون
أن تُصرح له بذلك نعم ربما علمت رقية بتضحيتها من أجله ولكنها لم تشأ أن تواجه
عائلتها بهذا الشأن فأخر ما ينقصها الآن هو تبرير هذا العشق أم ربما هذا العذاب الذي أصبحت
تريده رغماً عنها
مرة أخرى يُخرجها صوت عبد الرحمن من شرودها تابع الأب بنبرة ماكرة : ها

يا إيناس الراجل منتظر ردنا غالباً حيزورنا الأسبوع الجاي بعد ما يرجع من السفر

إيناس : هو كلم حضرتك حدد معاد يعني ؟

عبد الرحمن : تقريباً إتفقنا على كده لما شفته آخر مرة في المزرعة

إيناس : هو حضرتك رحت المزرعة ؟

عبد الرحمن : أيوه قبل ما يسافر علطول طلب يقابلني وإتقابلنا هناك لأ وكمان على

حظي أحضر يا ستي الولادة اللي كان المفروض حضرتك تحضرها

تملكت منها الدهشة مرة أخرى ما بال هذا الحوار زاهرٌ بالمفاجآت

..... هتفت متسائلة : ولادة سهيلة ولدت ؟

عبد الرحمن : مكنتيش تعرفي خالد ما قالش ليكي

نعم لم يخبرها بل تهرب من الإجابة عندما سألته عن سهيلة منذ يومان وقال أنها

بخير ولم تلد بعد أجابت أبيها مسرعة ربما لتتفي مكالمتها الهاتفية كتلميذة صغيرة :

لأ حيقولي إمتي

إبتسم عبد الرحمن لطفلته العنيدة ثم تابع : عموماً قدامك يومين وتديني رد لو رافضة

بلغيني بس طبعاً مش حينفع شغل في المزرعة بعد رفضك ولو موافقة مش شرط

تبلغيني يعني حنمشي بمبدأ السكوت علامة الرضا

قال عبد الرحمن جملته وغادر غرفتها مسرعاً قبل أن تبدي الموافقة أو الإعتراض على إقتراحه

..... إبتسم بسخرية هو يعلم ردها فمنذ أن دلف للغرفة ولمح شعاع الشمس

بداخلها وشرقتها المفتوحة على مصراعيها وقد تزينت بضحكات الصغار من الشرفة المقابلة علم

الرد إنها الحياة .

الحياة التي تمكنت في النهاية من عزلتها تسللت ببطء لعالمها الصغير حتى تمكنت

منه نعم دون أن تشعر تمكن منها هذا العشق وعندما قررت الهروب إكتشفت في

النهاية أنه تهرب نحوه لا منه

خالد هذا الغاضب الذي إقتحم ليس واقعها فقط بل أحلامها أيضاً نعم كان

خالد يخطو بثقة داخل دهاليز عقلها بهذا العالم المسمى الأحلام وكأنه قرر الإستئثار لنفسه بكل شئ الواقع والخيال

كانت الساعة قد تعدت الثانية صباحاً أيقظها رنين الهاتف كان هو

..... أجابت بقلق بالغ : خالد خير إنت كويس

خالد : متخضيش أنا عارف الوقت مش مناسب بس أصلي بكلمك قبل ماركب الطائرة

إيناس : إنت مسافر دلوقتي

خالد : اه طيارتي كمان نص ساعة

إيناس : توصل بالسلامة

خالد : الله يسلمك كان لازم أسمع صوتك قبل ما أسافر أهو يونسني في ساعات السفر المملة دي

إيناس : المسافة طويلة صح

خالد : أكثر من 10 ساعات تخيلي كل ده محبوس في الجو بصراحة أنا

بكره الطيران جداً

إيناس : ليه

خالد : تخيلي محبوس في علبة سردين بالأمر ومش قادر أخرج حاول أنا

إيناس : فعلاً بالشكل ده طبيعي تكره الطيران إنت بتحب الأماكن المفتوحة

..... زي المزرعة

خالد : طيب بدمتك المزرعة موحشتكيش

إيناس : بصراحة وحشتني ووحشني رعد ووحشتني سهيلةقال بمكر : بس رعد

وسهيلة

أجابت مسرعة : صحيح أخبار سهيلة إيه ؟ برده لسه ما ولدتش

خالد : هي مستنياكي تيجي تحضري الولادة بنفسك

إيناس : بس كده هي إتأخرت لازم دكتور يشوفها

خالد : طيب ما تتورينا يا دكتور ساعة واحدة بس علشان خاطر سهيلة

تابعت وهي تكتم ضحكتها : خلاص حاجي حتى كمان بابا عايز يجي معايا

صمت لوهلة ثم تابع بغیظ عندما إستدرك نبرتها الساخرة : بقه كدهضحكت

رغمأ عنها وقالت : طيب ليه خبيت عليا

خالد : كنت عايز أعملهالك مفاجأة كان نفسي أشوف ملامحك أول ما تشوفيهم

الإثنين

إيناس : طيب مش كنت وعدتني أسميه كده إنت رجعت في كلامك ولا إنت سايبه من

غير إسم

خالد : وهو أنا أقدر أسيب حبييتي إيناس من غير إسم لغاية دلوقتي

إرتبكت بشدة عندما نطق إسمها مقروناً بلفظ حبييتي وتملك منها الخجل حتى قبل أن تدرك معنى عبارته وظلت صامتة للحظات قطعها هو بصوته قائلاً : إيه رحتي فين

إيناس : إنت بتقول إيه

تابع بصوت هادئ : إسمها إيناس قالت بتردد : على إسمي

خالد : وهو في إيناس غيرك

إبتسمت وظلت صامتة تابع خالد : لما تشوف فيها حتعرفي ليه سميتها إيناس

إيناس : شوقنتي أشوفها

خالد : القرار بإيدك من بكرة لو حبييتي مش بس تشوف فيها لأ تفضلي جنبها علطول

أجابت بإرتباك : امممممم الطيارة معادها قرب

إبتسم وتابع : فعلاً أنا داخل دلوقت بإيناس : خلاص نقول لا اله الا الله

خالد : محمد رسول الله

رقية

منذ أن خطت خطواتها الأولى لمنزلها من جديد شعرت بالضيق لم تتصور يوماً أن

تشعر بالضيق من منزلها مملكتها الصغيرة ولكن صوت سهام الرفيع

..... نبرتها القاسية نظرتها الكائدة وكأنها مشاعر من الغضب تتجول بالمكان

..... وكأن عبق سهام إلتصق به ويأبى الرحيل

ولكن مع مرور الأيام بدأ يتلاشى تناثر أمام نسيمات الهواء التي إنطلقت تعدو بحرية

في جنبات المكان مُحاطة بضوء الشمس إنها الحياة المستقبل

إنه خالد الصغير .

وبدا المنزل مختلفاً بعيناها مرة أخرى هي ترى الآن تفاصيل صغيرة لم تُدر لها بالأ

قبل ذلك الدرجات البسيطة للسلم تراها كارثة خطر يهدد سلامة صغيرها وتلك

الطاولات الزجاجية الصغيرة التي إعتادت أن تزين بها جوانب غرفة معيشتها لم تعد تراها جميلة

بل أصبحت أداة مخيفة قد تهدد حوافها المدببة جبهة ملاكها الصغير ودون شعور

وحتى قبل أن يُكمل خالد شهره الأول إنطلقت تخطط لحملة واسعة من التغيير لتتحول

مملكتها صغيرة لبيئة آمنة فقط من أجله

نعم إختلف منظور الحياة لدى رقية أصبحت تراها من خلال صغيرها خالد ورغم القلق إلا أنها كانت تبدو أجمل من ذي قبل . حمزة

إفترض حسن النية إلى أن يثبت العكس طالما كانت تلك العبارة هي مبدأه بالحياة إبتسم بسخرية يالها من عبارة حمقاء وهو كان أكثر منها حماقة إفترض الصدق حيث ينمو الكذب ألقى ببذور الثقة بأرض الخديعة وكان الكذب حالة إعتادها الجميع سواه حتى هي طالما رآها جميلة صادقة هادئة كأحد ألعانه ولكنها ليست كذلك نعم حتى هي تلوئت بالخديعة خديعة نفسها قبل الجميع فقد عشقت خالد في النهاية .

أي الأمرين أفضل أن تتكيف مع التغيير حولك أم تتجاهله بالطبع إختار حمزة أن يتكيف مع التغيير وتلونت الحياة بعيناه من خلال منظور آخر أكثر حرصاً ربما فالقاعدة الآن تقول إفترض سوء النية إلى أن يثبت العكس

زفر بقوة قبل أن تضغط أنامله جرس الباب بقلق لم تصدق رقية نفسها عندما وجدته بباب منزلها جذبته بقوة مطعمة بحنان الأمومة من ذراعه إلى الداخل وهي تقول بنبرة لائمة : كده يا حمزة تدوخني عليك علشان أشوفك أجابها بإبتسامة مقتضبة : معلىش يا أبله ظروف

كانت عيناه حزينة صامته وكأنها تحمل أطناناً من الهموم نظرت رقية نحوه في آسى وتابعت : مالك يا حمزة فهمني يا حبيبي إيه اللي حصل إبتسم بسخرية : يعني إنتي يا أبله متعرفيش رقية : هو حد فاهم حاجة هما كلمتين بتوع الغفير بيقول شاف كارمن في عربيتك ليلتها وخالد قفل الموضوع بجنزير وقال محدش يتكلم فيه تاني ومحدث فاهم حاجة

حمزة : لالا يا أبله الكل فاهم من غير كلام باين في عينيهم بس مش قادرين يقولوها في وشي ولا حتى يسألوني منين دخلتهم ومنين دافعت عن المزرعة بحياتي بعد كده

رقية : الموضوع مش محتاج سؤال يا حمزة إنت إنضحك عليك بس نفسي أفهم إزاي حمزة : مش حينفع عمري ما حقدر أقولك إزاي زفرت رقية بيأس ثم تابعت : عموماً هي خدت جزائها

صمت لو هلة عندما تذكر هذيان كارمن طغت الإبتسامة الساخرة على ملامحه مرة أخرى لا يعلم ماذا أصابه ولكنه لم يشعر نحوها بالشفقة وكأن الجمود تمكن منه حتى النخاع نظر نحو رقية بحنان وتابع : أنا جاي أقولك أشوف وشك بخير رقية بصدمة : إيه لأ لأ يا حمزة لأ
زفر بعمق : صدقيني معدش ينفع لازم أبعد بجد مش قادر أقعد هنا أنا كمان جاتلي فرصة سفر كويسة
رقية وقد أمسكت بيده وبدت عبراتها من أجله : ليه يا حمزة خلاص بقه موضوع وعدى وكلنا حننسا ولا في سبب تاني إيناس وخالد صح

ربت حمزة على يد رقية ثم ضغط بأنامله على جبهته ليتركها بعد ذلك تتخلل خصلات شعره الأسود وإستقر باطن كفه في مواجهة رأسه مستنداً عليه مغمض العينين وتابع : مش حينفع خالد مش حيقدر يتعامل مع واحد هو عارف إنه كان بيحب مراته ولا أنا حاقدر أتعامل مع ده
ملست رقية على رأسه في حنان وهي تتابع : الزمن بيداوي يا حمزة بكرة تنساها وتقابل حبك اللي بجد
نظر نحوها بإبتسامة : مش لما يكون ليا أنا رغبة أحب من تاني
إبتسمت رقية في محاولة لتلطيف الأجواء وتابعت : هو إنت فاكّر إنه بمزاجك ولا إيه أجابها بإصرار : أيوة كله بمزاجي بعد كده وبده ده أهم حاجة
قال عبارته الأخيرة وهو يشير نحو رأسه ملمحاً لعقله
تابعت رقية وهي تنظر نحوه بعمق : إنت خوفنتي عليك يا حمزة فين حمزة بتاع زمان

إبتسم بأسى : إكتشف إنه مش فارس ومعدوش حسان أبيض إكتشف إنه مش فاعل لأ ده مفعول بيه وبس
رقية وقد تمكنت منها العبرات بقوة تلك المرة وبنبرة باكية تابعت : ومين قالك إنك فارس إنت ناسي ولا إيه
أنا مش فارس ولا فتى أحلام أنا زحمة وربكة وشغل جنان
إبتسم وبعبرات متحجرة تابع بدوره : نص بيضحك والتاني زعلان

وضعت رقية يدها على فمها قبل أن تنفجر في بكاء وداعه وجذبتة بقوة لتحتضنه بحنان ولكن تمكن منها البكاء في النهاية عبارات منهمة كالشلال بللت كتفيه

تابعت : حترجع هه حتتوه شوية وترجع صح

إبتسم لها ولكن بملامح باكية ثم طبع قبلة وداع على يديها وهرب مسرعاً دون كلمات أم
ربما دون وعود



ملاحظة (دى المهرة ايناس اللى ف الصورة)
النهاية

الجزء الثاني

الفصل الأربعون

جدائل البندق

تبدو كخيوط متوهجة بلون الغروب نائرة ومسترسلة في آن واحد عبق
البندق لم يستحوذ على جدائلها فقط تلك المرة لا هي كلها مغلفة بعبق مميز
يحمل رائحة البندق ونكهة العسل وحرارة الشمس إنها ايناس المهرة
ايناس

تخللت أنامله القوية خصلاتها الرقيقة كان يتأملها بإبتسامة وهو يحاور السائس قائلاً :
هي عاملة دلوقتي يا دسوقي
دسوقي : متقلقش يا خالد باشا دي زي الفل
خالد : طيب خلاص روح إنت شوف بقية شغلك أنا قاعد هنا شوية

غادر دسوقي وتركه يواصل تأملها لم تأخذ من لون أمها الثلجي سوى تلك البقعة الصغيرة بجبهتها وأخرى فوق فمها بدت مميزة رقيقة جميلة تستحق حقاً مسمى صاحبة جدائل البندق إيناس .
زفر براحة ثم أخرج هاتفه بإبتسامة إبتسامة تغلفت بالثقة عندما وجد رسالة نصية منها تطمئن فيها على وصوله أجرى مكالمته وبدأ حديثه قائلاً : ألو
أستاذ عبد الرحمن أنا خالد
عبد الرحمن : أهلاً أهلاً يا بشمهندس حمد الله على السلامة
خالد : الله يسلمك

عبد الرحمن : رجعت إمتي
خالد : وصلت المزرعة حوالي العصر كده
عبد الرحمن : طيب الحمد لله
خالد : أنا كنت حابب ازور حضرتك بكرة
عبد الرحمن : طبعاً يا إبنني تشرف
خالد : خلاص 8 بالليل إن شاء الله حكون عندكم
عبد الرحمن : وهو كذلك

أغلق عبد الرحمن الهاتف وإبتسم وهو ينظر لحالة في المرأة ويراقب ملامحه المختلطة بالقلق والسعادة في آن واحد

ولم تكن الملامح فقط هي المختلطة بل المشاعر أيضاً إيناس التي تمكن منها الإضطراب والتردد قبل اللقاء دقائق قلبها المتقافزة عندما سمعت صوته يحيي والدها إبتسامة أمها والكؤوس الحمراء المترافضة كموسيقى العرس
أناملها المرتجفة خنصرها الأيسر التي أصرت أمها أن تحلله من حلقة شريف اللامعة قبل مجئ خالد كانت تشعر أنها بدوامة كثيراً ما ودت الصراخ ولكن كلما إنتقت بعيناه إستكانت من جديد فعلى قدر تردها أم ربما تخطبها فهي حقاً لا تحتمل فقدانه وكأنه الجدار المتين بعالمها الذي تستند عليه خشية السقوط
فالسقوط الوحيد الذي ترضيه الآن هو السقوط في عشقه

بعد مرور ثلاثة أشهر

تزينت المزرعة من أجل الزفاف كما أرادته بندقيته المطعمة بنكهة العسل
كان بسيطاً خالياً من مظاهر الإبتذال والترف وهي كانت تبدو رائعة في ثوبها الأبيض المطرز برقة وخصلاتها المرفوعة بأناقة والأجمل تلك الخصلات البندقية الهاربة المنسدلة على جيدها العاجي كانت تبدو كلوحة فنية رائعة الجمال هربت من

متحف اللوفر وإستقرت فقط بعيناه كانت أنفاسها متسارعة نبضاتها
مرتجة دقات قلبها تعلو وتهبط مع كل لفظ يُنطق زوجتك إبنتي
..... قبلت زواجك بالرفاء والبنين تهاني ومباركة وأأملها
غارقة بين قبضته وعيناها حائرة في الزحام ولكن في لحظات تحتويها نظرتة
..... وأيضاً مرت الساعات كدقائق وإنتهى الزفاف سريعاً مبكراً
..... وجذبها برفق نحو منزلهم نحو المستقبل

إبتسم لها بعد أن دلفوا للمنزل قائلاً : إنتي مستغربة المكان
أجابت بإرتباك : لأ عادي أصلاً الفيلا شبه اللي كنت عايشة فيها
خالد : بس دي بقعة بتاعتي أنا وأجمل حاجة إنك نورتيها
إبتسمت له بخجل دون أن تضيف شيئاً تابع وهو يجذبها برفق : طيب تعالي ندخل
جوة

خطت بتوتر داخل غرفة النوم نظرت حولها لتلمس إصرار والدتها ورقية على
تزيينها بأوراق الورد والشراشف المطرزة خصيصاً من أجل الزفاف إبتسمت رغماً
عنها ثم إنتبهت لنبرته وهو يقول : دول غيروا شكل الأوضة خالص
إيناس : بس ذوقهم رقيق
خالد : طبعاً بس أنا ذوقي أحلى

كان يرمقها بمكر إبتسم لها وهو يتخلص من ربطة عنقه وسترته ثم إقترب منها ولكن
خطوته المتقدمة نحوها قابلتها هي دون وعي بخطوة إلى الورا جذبها بلين قبل أن
تبتعد أكثر وقال بنبرة دافئة : رايحة فين

أغمضت عيناها وهممت بإرتباك : لأ عادي مفيش
إبتسم بمكر ثم تابع : مين عملك شعرك
نظرت نحوه بدهشة : إيه
خالد : بقولك مين عملك شعرك
إيناس : واحدة الكوافيرة اللي جات معايا بتسأل ليه
خالد : مش عاجبني
إيناس : مش عاجبك !!!!!

إقترب منها وبحركة بسيطة حلل ربطة شعرها من قيد حليته المعدنية فتناثرت خصلاته على
كتفها تابع بإبتسامة : اللي كانت عاملاه ده جريمة في حق الطبيعة ملس
برقة على خصلات شعرها متابعاً : كده أجمل كثير

إرتبكت وطغا إحمرار وجنتيها على كل ملامحها ظل يراقب إرتباكها بشغف
..... كانت تبدو جميلة بل متناهية الحُسن تابع بثقة بعد فترة لا بأس بها من
مراقبتها

خالد : قدامنا ساعة

نظرت نحوه بدهشة : نعم !!!

خالد : ناقص ساعة على الغروب

إيناس : اه مش إنت صممت الفرح يكون بدري

خالد : ماهو إنتي لو تعرفي أد إيه عينيكي بتكون جميلة في الشمس كنتي عرفتي ليه

إبتسمت بخجل وأخضت بصرها هرباً من عيناه

تابع بنفس نبرته الواثقة : طيب يدوبك نتحرك دلوقتي

رمفته بدهشة : حنخرج !

خالد : بس حنطلع من بوابة الجنينة اللي ورا لإنهم لسه متجمعين بره ومش حينفع نخرج

قدامهم..... أنا سايب العربية هناك

أنهى عبارته ثم أمسك بيدها ليجذبها للخارج قالت له بدهشة وهي تحاول التخلص من

قبضته : خالد إحنا رايعين فين؟! طيب أغير هدومي الأول

أجابها وهو يتجه معها للخارج : لا تغيري مين أنا عايزك كده زي مانتي يلا

بقه إسمعي الكلام

إستقرت بجانبه في السيارة حائرة وإنطلق هو مسرعاً نحو وجهتهما

إبتسمت وهي تداعب المهرة إيناس وتمرر أناملها الرفيعة بين خصلاتها المسترسلة ثم قالت : لأ

بجد أنا مبسوفة قوي إننا جينا هنا كانت واحشاني قوي

خالد : عارف الفترة اللي فاتت مالحقتيش تشبعي منها

إيناس : فعلاً هما مرتين بس اللي جيت شوفتها فيهم

رمقها بغیظ : والمرتين مرة معاكي بابا ومرة معاكي مصطفى

ضحكت بشدة عندما لمست غضبه عندها إقترب منها وتابع بنبرة ماكرة : بس خلاص إحنا

لوحدنا دلوقتي

إبتعدت عنه وتابعت بتوتر : هو فين رعد

إبتسم بمكر : رعد في مكانه حيروح فين أصلاً إحنا جايين علشانه مخصوص

توجهت إيناس نحو جوادها الثائر الذي أطلق حممة هادئة على الفور بمجرد أن إقتربت منه
وبدت عليه السعادة همست برقة في أذنه وإبتسمت بعدها وكأنه حوار خاص بين
كلاهما

قال خالد بنبرة ضاحكة : امممممم كنتي بتقوليله إيه بقه

إيناس : لأ ده سر بيني وبين رعد

خالد : والله عموماً حاعرف منه

إيناس : بقه كده

قالتها وهي تنظر نحو الجواد بإبتسامة

صمت لوهلة وهو يراقبها تعنتي برقة بجواده الغاضب هي وحدها التي إستطاعت

ترويض بأسه تابع وهو يرمقها بتحدي : بس إنتي لسه ما روضتيش رعد 100%

نظرت نحوه بدهشة بالغة : نعم !!!!

تابع بثقة : لسه ناقصلك خطوة صغيرة لو عملتيها حتبقى روضتية زيي بالظبط

إيناس : وإيه هي بقه

خالد : إنك تركبي الحصان

ضحكت وهي تحرك رأسها بالنفي : لا لا أكيد إنت بتهظر

إبتسم لها ثم سحب رعد للخارج وبدأ يعد السرج من أجل إمتطاه

تابعت بجدية : خالد أنا مش حاركب الحصان

تابع هو بنبرة أكثر جدية بدوره : إنتي خايفة من إيه أنا حامسكه يعني بجد

عمرك ما فكرتي تركبي حصان

ردت بعفوية : لأ

خالد : يلا بلاش جبن أنا جهزته أهو

إيناس : لأ يا خالد وبعدين أنا حاركب إزاي بالفستان

خالد : الفستان واسع وخفيف مش حياييك يلا حطى رجلك وإطلي

الموضوع سهل خالص

إيناس : بلاش يا خالد طيب خليها مرة ثانية

خالد : إنتي مش واثقة فيا ولا خايفة من رعد

إيناس : لأ مش الفكرة

خالد : يبقى يلا يلا بقه

أذعنت لرغبته في النهاية حائرة من إصراره لم يكن إمتطاء الجواد سهلاً بالمرّة
خاصةً مع إرتدائها لثوب الزفاف بل لولا مساعدته لها ورفعها لجسدها لما إستطاعت الركوب
.....

تابعت وهي تنظر بحيرة للحزام السميك أمامها : طيب أمسك ده ولا أعمل إيه

لم تكذ تنهي عبارتها حتى شعرت بذراعيه القويتين تحيط خصرها لتمسك بحزام السرج وعندها
أيقنت أنه إمتطى الجواد بدوره خلفها هربت منها العبارات وتولت دقات قلبها
المتسارعة الزمام
قالت بصوت خافت : إنت بتعمل إيه
همس بأذنها بكلمة واحدة : حاخطفك

لم يكذ ينهي كلمته حتى إنطلق رعد يعدو بكلاهما
هي خائفة مرتبكة ولكنها سعيدة
وهو كما تمنى من قبل هي معه على فرسه التائر مستأثراً بجذائلها البندقية إبتسم
برضا فنسمات الهواء الحر تخترق صدره كما إعتاد ولكن في تلك المرّة كانت مُطعمة
بعبق البندق .

تمت بحمد الله